

18	1	21
----	---	----

3. ~~10~~ 10. ~~10~~ 10. 7. 42 1000

Blatter

1000

1000

0 8761

+

R. P. L O D O V I C I

241.68

M 722

MOLINÆ

E SOCIETATE JESU,

Primarij quondam, in Eborensi Academia
Theologiæ Professoris,

DE

JUSTITIA ET JURE,

Tomus Quintus.

DE JUSTITIA COMMU-
TATIVA CIRCA BONA HONORIS

& famæ. Itemque circa bona spiritualia.

Cum gratia & privileg. Sacr. Cæs. Majest.



BIBLIOTHECA PRIVATA

THEOLOGICA

S. POENITENTIARIÆ APOSTOLICÆ



241.68

M 722



MOGUNTIAE,

Sumpt. Hæred. JOH. GODOFREDI SCHÖNWETTERI,
Bibliopolæ Francofurtensis.

ANNO M. DC. LIX.

BJ.

1533

.59

1665

1639

JESUITICA

OVERSIZE

U.S



I N D E X.

DISPUTATIONVM, QVÆ
HOC QVINTO TOMO
continentur.

Quid sit honor & fama.

2. Vtrum homo sit dominus proprij honoris ac fama.
3. De secreto quantum attinet ad hunc quæritur de iustitia tractatum, & primò de duobus illis modis, in quibus rationem non habet secreti formaliter, aut virtute commissi, & tamen obligatio est illud non reuelandi, etiam cum onere restituendi damna, se ex reuelatione sequantur.
4. De tertio modo seu gradu secreti seruandi, in quo interuenit promissio seu pactum illud seruandi, nec tamen propriè est secretum commissum.
5. De quarto gradu secreti, quod rationem habet secreti formaliter aut virtute commissi & de secreto confessionis sacramentalis.
6. Seruare secretum, quando ad id tenemur, ad quam pertineat virtutem, & ad quod vitium attingat manifestatio tunc illius. Atque quo decalogi præcepto astringamur secretum tunc seruare.
7. Infamia quid & quotuplex, & de infamia facti.
8. Infamia iuris in quibus euentibus ipso facto seu ipso iure ante sententiam incurritur.
9. Infamia in quibus euentibus per sententiam incurritur, aut interueniente aliquo ad iudicium attingente.
10. De abolitione infamiae restitutioneque, infamis in pristinum statum.
11. Infamia à quibus excludat, in habilemque infamem reddat.
12. De iniuria iniustitie commutatiue circa bona honoris, & fama contraria: & qua sub se contineat.
13. Iudicium temerarium, hoc est, sine sufficientibus ad id indicij conceptum, cuius speciei vitij sit actus. Et quando de re graui non sit culpa lethalis, vel quod non consenserit voluntas, vel quod cū tanta consenserit de liberatione, quanta ad culpam lethalem requiritur, & multo magis idem de temeraria in re graui suspitione.
14. Ad prudentem cautelam quousque, vereri, inquirere intellectū, aut etiam exterius, expendereque, culpas aliorum liceat, absque temerario iudicio, & absque temeraria suspitione.
15. Varij gradus distinguuntur, quibus Iudex circa existimationem de delicto ex indicij & probationibus potest esse affectus ad iudicium publicum sententiamque ferendam: & quando in illis erit temeritas, quando non item. Varij etiam alij gradus distinguuntur à Theologis in priuatis hominibus ad iudicium priuatum: & quando in illis erit temeritas, & quando non erit.
16. Iudicium temerarium an culpa lethalis sit, & num etiam in suspitione & dubio temerarij lethalis culpa aliquando interueniat.
17. Vtrum dubia interpretari in meliorem partem debeamus.
18. De vitio in genere iustitie commutatiue circa bonum honoris contrario, hoc est de contumelia latissimè sumpta.
19. Vtrum contumelia latè sumpta ex suo genere sit culpa lethalis, sitque infima species, & ad quod capitale vitium reducatur.
20. Vtrum contumelia sint patienter ferenda.
21. De conuitio, improprio, irrisione, & subannatione.
22. De maledictione.
23. De vitio in genere iustitie commutatiue circa bonum fame contrariis, & de detractatione parte illi subiecta.
24. In quibus euentibus absque vitio, atque adeo licitè, nocuumque fama alterius injeratur.
25. De surrone & bilingui.
26. Vtrum vitium iustitie commutatiue circa bonum fame contrarium ex suo genere sit culpa lethalis, & num sit species infima.
27. Varij detrahendi modi, & num reuelare peccatum graue occultum alicuius, non detegendo personam, qua illud commisit, culpa sit lethalis.
28. Vtrum infamare defunctum culpa sit lethalis, & num peccent historici, qui delicta notaque defunctorum, in prosopiam illorum reducant, scribunt.
29. Vtrum reuelare delictum graue occultum alterius vni tantum, qui id non detegat, culpa sit lethalis.
30. Vtrum narrare ex auditu crimen alterius occultum culpa sit lethalis.
31. Publicum crimen aut macula, qua dicantur ad examen, num absque peccato deregi de illis possint, qui de illis sunt infamati.
32. Infamatus si quò sit de aliqua re in loco aliquo, an ea aut alia, ad infamiam eiusdem attingens, manifestari eam nescientibus licitè possint eodem loco.
33. Infamatus quando aliquis est de re aliqua in aliquo loco aut tempore, an iniuste & cum restituendi onere id detegatur in alio loco aut tempore, qui illud ignorabant.
34. Audiens ac tolerans detractum an lethalter peccet, & ad restitutionem teneatur.
35. De fama detractatione famosi libellis.
36. De apertione litterarum alienarum, & de legente memoriam peccatorum alicuius, se aut alijs diuulgante.
37. Vtrum homo contra iustitiam grauissimè lethalter peccet se ipsum illicitè infamando, quam si proximum infamaret, ad restitutionemque, sua fama teneatur, & simul quousque in tormentis obligatio sit seruare secreta aliorum, quantaque culpa sit, & cum quali restituendi onere, ad tormenta, & alia detrimenta vitanda, alij crimen imponere.
38. De pena pro iniuria contra honorem ac famam illata.
39. De pena ob famosum libellum.
40. Qua necessaria sint, ut quis alienam famam restituere teneatur.
41. Quare restituere teneatur, qui famam iniuste laesi, & quo pacto fama restituatur ob falsum crimen aut ob falsam notam alteri imposita.

INDEX DISPUTATIONVM.

42. Vtrum pro infamia, quam passus est is, cui fama restituitur retractatione criminis falsi, aut nota illi imposita, à puncto quo ita fuit infamatus, vsque ad eam restitutionem, sumpta ea infamia praeiudicium à quocunque alio damno ex illa secuto, restitutio aliqua illi debeatur.
43. Vtrum indirectè falsum crimen in iudicio alicui imponentis, se ipsum in eo iudicio defendendo, teneatur illi ad fama restitutionem.
44. De restitutione fama laesa iniuste detectione criminis veri, notae verae alicuius.
45. Vtrum fama restitutio fieri debeat heredibus eius, à quo iniuste ablata est, & transeat obligatio eam efficiendi ad heredes eius, qui iniuste eam abstulit, & quid, quo ad utrumque de damnis, quae ex ea fame abolitione secuta sunt, & quousque haec sint restituenda.
46. De restitutione fama iniuste facto aliquo laesa, & vniuersim de restitutione honoris iniuste laesi.
47. Cum quanto periculo ac detrimento teneatur famam restituere, qui illam iniuste laesi.
48. Vtrum remissio eius, cui damnum fama iniuste est illatum, liberet ab onere illud restituendi.
49. Vtrum in fama locum habeat compensatio, ita vt deobligetur quis ab onere restituendi famam, quam iniuste laesi, quia is alius aequale fama damnum huic iniuste intulit.
50. De iustitia commutativa circa bona spiritalia. Et num, qui damni in bonis spiritalium alteri est causa, ad restitutionem teneatur.
51. Num retrahens aliquem à religione ad restitutionem teneatur, vel ei quæm retraxit, vel religioni.

FINIS.



DE IUSTITIA COMMUTATIVA CIRCA BONA HONORIS ET FAMÆ ITEMQVE CIRCA BONA SPIRITUALIA, TRACTATVS QVARTVS.

TOMVS QVINTVS.



EX dictis in principio tractatus præcedentis liquet, qua ratione tractatus hic de iustitia cōmutatiua circa bona honoris & famæ quantum obtineat locum. Tractatui verò huic adieci-mus Disputationem de iustitia commutatiua circa bona spiritualia: ne ea de re peculiarem breuissimum tractatum conficeremus. Placuit autem ea de re potius in hoc quarto tractatu disputare, quā in alijs. Tum quoniam hic breuior præcedentibus erat futurus. Tum vel maximè, quoniam honor & fama plus ad spiritualia bona accedunt, quā bona reliqua, circa quæ iustitia commutatiua versatur, de quibus duobus tractatibus præcedentibus est habitus sermo.

SVMMARIVM.

1. Quid sit honor, & quomodo differat à reuerentia, quæ alteri exhibetur.
2. Honor exhibetur tum verbis tum scriptis. Quid sit sacrificium laudis. Quomodo honor verbis & quomodo factis exhibetur.
3. Honor exhibetur tum viujs, tum defunctis: præsentibus & absentibus. Exhibetur non solum ratione virtutis, sed etiam ratione alterius boni.
4. Fama est bona de aliquo existimatio quoad aliquod illius bonum.
5. Qui aliquem infamauerit circa aliqua bona, tam generis quam alia, peccat, & ad restitutionem tenetur.

QVID SIT HONOR ET FAMA?

DISPV. I.



VTab explanatione obiectorum, de quib⁹ præcipuè in hoc quarto tractatu futurus est sermo, initiū sumamus. Honor est exhibitio alicui rei alicuius velut in testimonium ac recognitionem boni seu excellentiæ illius. Non dixi: est reuerentia quæ alicui deferretur, vt multi honorè definiunt. Quoniam superiores reuerentiam non deferunt suis inferioribus, & maximè Deus suis creaturis: & tamen superiores honorare dicuntur suos inferiores, quando aliquid illis exhibent veluti in testimonium, & recognitionem boni, quod in eis est, rerumve ab illis bene gestarum: Deusque honorare dicitur suas creaturas libero arbitrio prædatis, quando honore sunt dignæ, iuxta illud Ioan. 10. Si quis mihi ministraverit, honorificabo eum: Pater meus. Cum enim reuerentia reputatio sit cū submissione eius, qui reueretur, comparatione eius, quod reueretur, quasi maius reputans, quod reueretur, illique quasi se submittere, sanè esse non potest superiorum, quæ tales sunt, comparatione sibi inferiorum: sed potius inferiorum cōparatione superiorum, rerumve ad sublimiores attinentium, quatenus ad illos attinent, & in illis reuerentiā sublimioribus deferretur. Quod si signum aliquod exterius accedat, quo exterius etiā reuerentia exhibetur,

Tom. 5.

illa dicitur reuerentia exterior ad differentiam interioris: soletq; exterior reuerentia esse signum & effectus reuerentiæ interioris. Ex definitione honoris à nobis tradita facile constat, reuerentiam omnem, et internam, (eorum præsertim comparatione quibus est cognita) esse honorè: eo quod sit exhibitio rei alicuius velut in testimonium ac recognitionem excellentiæ eius, cui deferretur: non tamen honorem omnè esse reuerentiam, sed honorem multò latius patere, quā reuerentiā: quippe cū honor, qui à Deo, & à cæteris superioribus, quin & ab alijs, sine ea reputatione cum submissione illi cui deferretur, reuerentiæ rationem non habeat, sed rationem habeat honoris à reuerentia distincti.

Honor verò interdum verbis (sub quibus scripta etiam comprehendit) interdum factis exhibetur. Quando enim aliquis boni alicuius, aut excellentiæ, quæ in eo sit, in præsentia laudatur, aut scriptis, lausque ita ei deferretur, honor profectò est, qui illi exhibetur. Vnde laudis sacrificium, quod Deo decantatur, honor est, qui Deo exhibetur, iuxta illud Psal. Sacrificium laudis honorificabit me: & illic iter, quo ostendam illi salutare Dei. Quo fit, vt latius sæpe honor sit, quando, si honorata exhibetur velut recognitioni boni, seu excellentiæ illius. Quando verò laudes solum ordinantur, vt notitia boni aut excellentiæ illius ad aliorum deueniat mētes, tunc laudes famæ aut etiam gloriæ rationem sortiuntur. Est quippe fama notitia boni alicuius. Gloria verò super famam addit, quod ea notitia sit clara (hoc est, multorum, rei que præclaræ) cum laude. Quo fit, vt si quis in præsentia laudetur, eas laudes illi exhibendo veluti in recognitionem ac testimonium boni illius, quasi illæ ea ratione sint debite, indeque eueniat, vt notitia eius boni in alios diffundatur, qui eas audiunt, & qui in alios notitiam illam ulterius diffundunt, eiusmodi laudes simul habeant rationem honoris, atque in aliorum notitiam diffusæ habeant rationem famæ & etiam gloriæ. Factis verò honor exhibetur, quando alicui statua erigitur, caput aperitur, genua flectuntur, præbetur sedile, varijsq; alijs modis, quibus velut in recognitionem boni alicuius quod in eo sit, aliquid eiusmodi fit. Et quoniā magis tratus, gradus, ac dignitates condignis soleat conferri, eorumque collatione velut ostentatio quædam fieri solet boni ac excellentiæ, quæ in eis est, honores appellari consueverunt, eorumque collatio exhibitio est honoris, si tanquam eis dignis conferatur.

Exhibetur autem honor nō solum viujs, sed etiam defunctis. Vt quando eorū corpora honorificè sepeliuntur, funebres orationes in eorum laudē habentur, monumentum illis erigitur, & alijs modis. Exhibetur etiam honor non solum præsentibus, sed etiam absentibus. Vt quando ob egregia facta alicuius absentis, hoc in loco illi erigitur statua in illius honorem, aut facta præclara illius predicari publicè decernuntur, aut quando in defuncti honorè alijs in locis funebribus pōa fit, laudesq; illius prædicantur. Exhibetur item honor alicui

A non

non solum in sua propria persona, sed etiam in rebus ipsi coniunctis, ad ipsumve attinentibus. Hac ratione honor, qui statuitur aut imagini alicuius exhibetur, in illius cedit honorem: honor itemque, qui Sanctorum reliquiis exhibetur, Sanctis, quorum reliquiae illae sunt, deferitur. Et honor, qui fit pro Rege, aut alijs Regis ministris, quales sunt, in honorem Regis cedit, sicut & contumelia illis facta in iniuriam ac contumeliam cedit Regis. Et honor, qui fit vxori aut filio, quatenus vxor aut filius alicuius est, cedit in mariti aut patris honorem: sicut & contumelia illis facta cederet in iniuriam & contumeliam mariti ac patris. Exhibetur vero honor non solum ratione boni virtutis, sed etiam cuiusvis alterius boni, vt nobilitatis ac generis, roboris, pulchritudinis, diuitiarum, scientiae, dexteritatis in bello, aut in alia arte, ratione dignitatis, aut officij, & aliorum donorum, tam naturalium, quam supernaturalium, & tam acquisitorum, quam a natura inditorum: tamen si praecipuus sit, qui ratione verae virtutis exhibetur. Haec de honore.

Quod vero ad famam attinet, licet varijs etiam alijs modis vsurpetur, prout ad aliud aut ad aliud institutum de ea est sermo, quod ad presens tamen institutum attinet, non aliud est, quam bona de aliquo existimatio, quo ad aliquod illius bonum. Quo fit, vt quamvis aliquis infamia laboret quo ad aliqua alia bona, vt quo ad castitatem aut infolentiam, poterit tamen habere bonam famam, quod fur non sit: & quamvis infamia laboret quo ad furta, poterit tamen habere bonam famam quo ad fidem catholicam, hoc est, quod haereticus non sit, nec de haeresi sit suspectus. Item licet aliquis bonam famam circa aliquid, vt circa castitatem, non habeat coram aliquibus, qui ea de re vitia illius norunt, poterit tamen habere ea de re bonam famam quo ad alios, qui ea illius vitia ignorant. Atque de fama hoc modo sumpta nobis hoc loco est sermo.

Porrò fama, vt de ea modo loquimur, esse potest de quocunque bono, ratione cuius supra diximus posse exhiberi honorem. Quo fit, vt, qui iniuste infamauerit aliquem aut aliquam, circa pulchritudinem, vires, ac magnanimitatem in praeliando, aut quoad alia bona, tam generis quam alia, siue illa acquiritur sint, siue natura indita, contra iustitiam peccet, & aliquando lethaliter, atque cum onere restituendi, quantum fuerit infamiae damnum ea via iniuste datum, vt in sequentibus dicitur.

SVMMARIVM.

1. Bona honoris media sunt inter bona corporis & bona externa.
2. Qui seipsum infamat vel interficit, peccat contra bonum reipub.
3. Homo dominus est suae famae.
4. Honor & fama, bona sunt extrinseca, non secus ac diuitiae: & ideo felicitas non est in honore, quoniam illa intrinseca est.
5. Homo non habet dominium vitae, sicut famae.
6. Si homo dominus non esset suae famae, non liceret ei se ipsum infamare: quod tamen ei est licitum, vt quando alterius famam laesam cum sui ignominia restituit.
7. Licitum est seipsum pro melius comparanda virtute vitae aeternae adipiscenda infamare, & propria scelera detegere, exemplo malorum Sanctorum. Quin Christus in Evangelio aperte docet, famam esse fugiendam & vanam gloriam.

UTRUM HOMO SIT DOMINVS

proprie honoris ac famae

DISPV. 2.



Ona honoris & famae medium locum quo ad nobilitatem ac praestantiam tenent inter bona corporis & bona externa. Dubium vero est, cum quibusnam computari quoad dominium debeant, num cum bonis corporis, hoc est, cum vita & membris, de quibus tractat praeced. Diss. ostendimus, nos non esse illorum dominos, sed Deum: an vero cum bonis externis, diuitiis, de quibus tractatu 2. est comprobatum apud nos esse illorum dominum.

Caiet. 2. 2. q. 73. artic. 2. & in summa verb. detractio, quamvis non dicatur, nos non esse dominos nostrae famae, quadam tamen ex parte id videtur innuere, dum affirmat, se ipsum infamantem peccare contra iustitiam comparatione ecclesiae ac multitudinis, seu reipub. cuius est pars, teneri illi ad restitutionem eius famae: quemadmodum D. Th. 2. 2. q. 64. a. 5. ait, eum, qui seipsum interficit, iniuriam reipub. facere; quoniam id, quod ipse est, eius est communis, cuius ipse est pars. Ad Caietani sententiam videtur accedere Ioan. Maior. in 4. dist. 15. q. 16.

Quicquid autem hi duo doctores hac de re senserint, communis tamen sententia eorum doctorum, qui ea de re disputant, affirmat, hominem dominum esse sui honoris ac famae, quae omnino est amplectenda. Eam inter alios affirmant Sotus de ratione regendi memb. 1. q. 3. & lib. 4. de iust. q. 2. a. 3. conclus. 4. & q. 6. art. 3. ad 4. dub. penult. & vltim. & lib. 5. q. 10. art. 2. Adria. de rest. q. vlt. inter eas quas de rest. fa. disputat & quodl. 11. q. 1. lit. M. Ledesma. 2. 4. q. 18. art. 2. Navar. in Mana. c. 18. n. 47. & c. inter verba in commentario Hispano a. n. 563. Eandem affirmare videtur D. Tho. 2. 2. q. 64. art. 5. ad 3. vbi ait, hominem constitutum esse dominum sui per liberum arbitrium, & ideo licite de se ipso disponere quo ad ea, quae pertinent ad hanc vitam, excepto transitu de hac vita ad aliam. Quibus verbis solum dominium corporis ac vitae censet non esse illi collatum, atque adeo neque membrorum, ex quibus corpus & vita constant. Et q. 73. art. 4. ad 1. ait, in arbitrio hominis positum esse pati detrimentum suae famae, nisi vergat in periculum aliorum: eap. de causa posse cedere iuri suo, patietur sustinendo detractones aliorum, non defendendo propriam famam, est defendere eam possit. Teneri tamen defendere famam proximi à detractio- nibus, si commodè possit: sicut tenetur subleuare alium proximi iacentem sub onere, aut aliud incommodum temporale eius vitare: quia non est in arbitrio ipsius positum, quod patiatur detrimentum famae alterius, sicut suae. Luce ergo clarius sentit D. Thom. hominem perinde esse dominum suae famae atque suarum diuitiarum.

Rationibus vero hac nostra sententia probatur. Primò, quoniam honor & fama sunt quaedam bona nostra extrinseca, non secus atque diuitiae: est enim fama opinio aliorum, quae de nobis habetur: & honor est quid exterius, quod nobis ab alijs exhibetur, vt disputatione praecedente est explanatum: qua ratione Arist. 1. Ethic. cap. 5. probat felicitatem non consistere in honore & fama: quoniam haec sunt extrinseca quaedam bona, quae facile sine nostra culpa possunt amitti: felicitas vero esse debet bonum proprium nobis intrinsecum, quod non facile, nec sine nostra culpa, nobisve non volentibus, possit amitti, atque non solum honor & fama sunt quaedam bona nostra extrinseca perinde atque diuitiae, sed et insuper habent còducens, vt eorum dominium potius sit nostrum, quam diuitiarum, quod diuitiae magna ex parte à Deo procreantur sine nobis, in primaque rerum constitutione collatae à Deo fuerunt toti generi humano, posteaque homines eas inter se diuiserunt, vt tractatu 2. explanatum

planatur in comprobatumque fuit: at verò præcipua farsia & honor, vt sunt, quæ ob virtutem & ob alia strenua à nobis gesta nobis competūt, nos ipsi industria comparauimus nobis, illis effecti digni: ergo quemadmodum diuitiarum, sic longè maiori ratione domini sumus honoris nostri ac farsie.

Secundo, si non militarent rationes, quibus tractatui procedente Dissp. 1. ostendimus, dominium vitæ nostræ non esse apud nos, sed apud Deum, sanè dicemus, Deum contulisse nobis dominium vitæ & membrorum, nō secus atque diuitiarum: sed nulla earum rationum militat in honore & fama, vt liquet illas intuenti ac percurrenti: quin potius honorem & famam nostram industria per liberum nostrum arbitrium, diuina adiutum gratia, nobis comparamus, vt proximè explicatum fuit: ergo perinde de summo domini honoris nostri & famæ, atque diuitiarum rerum externarum, quin & longè inferiori quadam ratione.

Tertio, si homo non esset dominus suæ famæ & honoris, sicut dominus nō est propriæ vitæ & membrorum, vt quæ sicut non potest auferre à se vitam, etiam pro salute innocentis, quem morti iniuste obtulit, & ex dictis tractatui procedente Dissp. 1. 9. & 10. constat, sic nec liceret sibi se ipsum infamare: sed in multis euentibus non solum illi est licitum, verum etiam ad id tenetur sub reatu lethalis culpæ, vt quando falsum testimonium de aliquo dixit, tenetur cum æquali aut paulo maiori suæ iactura se ipsum retractare, confiterique fuisse mentitum, atque ei iuramento, si opus sit, id etiam confirmare, vt patebit infra dum de restitutione famæ sermo erit: ergo homo dominus est suæ famæ & honoris.

Quarto, si homo non esset dominus suæ famæ & honoris, sicut dominus non est propriæ suæ vitæ, sequeretur, sicut nō potest vitam sibi adimere, etiam pro adipiscenda sempiterna vita, vt Dissp. 9. cit. ostensum est, ita nec pro melius comparanda virtute, ut utriusque ac melius comparanda vita æterna, possit famam & honorem abijcere aut minuere, se ipsum infamando, suamque scelera detegendo, etiam quando id facere posset sine aliorum scandalum ac iacturæ: quod tamen nullus sanæ mentis concedet, contra riumque docent exempla Sanctorum: Augustinus enim in suis confessionibus aliqua sua crimina scripta reliquit, & Anselmus suam virginitatem amissam deplorat, & de Ambrosio fertur, fœminas in cubiculum adduxisse, ne in Antistitem eligeretur. Item in Sancti atque Evangelium docent, post habere honores: Si quis, ait Christus Matth. 5. te percussit in dexteram maxillam tuam, præbe illi & alteram, famamque & honorem apud homines non querere, etiam ex operibus virtutum, utpote quæ non sibi impedimentum sunt ad virtutem sempiternamque felicitatem obtinendam: Attendite, ait Christus Matth. 5. Ne iustitiam vestram faciatis coram hominibus, &c. Te autem faciente elemosinam, nesciat sinistra tua: quid faciat dextera tua, vt sit elemosyna tua in abscondito. Et Ioan. 6. ait. Quomodo vos potestis credere, qui gloriam ab inuicem accipitis, satisque Christus exemplo docuit honores contemnere ac fugere: ergo homo dominus est sui honoris ac famæ.

Quintò, idem iudicium in re proposita est de honore & fama: nullus autem vnquam affirmauit, hominem dominum non esse honoris, nec posse illum abijcere absque cuiusque iniuria: ergo idem est censendum de fama.

Fundamentum, cui Caietanus nicitur, argumentaque alia, quæ aduersus hanc nostram communemque sententiam adduci poterant, commodius examinabuntur inferiùs, dum sermo nobis fuerit, num homo lethalius peccet se ipsum infamando, & num ad restitutionem famæ, quam seipsum infamando amittit, alicui tenetur.

Tom. 5.

SVMMARIVM.

1. Varij modi secretorum, quod attinet ad obligationem eam non manifestandi. Aliquando enim oritur obligatio manifestandi ex sola natura rei.
2. Qui prodit secretum, cum proximi famæ læsione, peccat contra iustitiam, licet nulla obligatio interuenierit de illo non prodendo, teneturque ad restitutionem.
3. Qui reuelat occultum alicuius thesaurum, & si inde furum sequitur, peccat reuelans, cogiturque damnum reparare.
4. Qui prodit consilia exercitus parti contraria, peccat non solum contra iustitiam, sed etiam ad restitutionem obligatur.
5. Non solum in reuelatione secreti peccatur contra iustitiam, sed etiam in manifestatione eius quod est publicum, si nempe illa manifestatio causa aut concausa sit damni iniusti in bonis alterius.
6. Oritur aliquando obligatio seruandi secretum ex eo quod qui id scit, iniuste venit in cognitionem eius, atque adeo peculiariter adhuc obligatur illud non manifestare. Qui iniquè literas alicuius aperuit, & ea via secretum eius didicit, arctius tenetur illud seruare, quam qui illud sine praua quoad id iniustitia cognouit.

DE SECRETO QUANTVM ATTINET AD HUNC QUARTVM DE IUSTITIA TRACTATVM. Et primò de duobus illius modis, in quibus rationem non habet secreti formaliter aut virtute commissi: tamen obligatio est illud non reuelandi, etiam cum onere restituendi damna si ex reuelatione sequantur.

DISPV. 3.



Nequam de infamia dicamus, & de iniurijs ac vitijs iustitiæ commutatiue circa bona honoris & famæ contrarijs, atque de restitutione honoris & famæ, quando iniuste sunt læsa, dicendum est de varijs modis secreti, quantum ad hunc quartum de iustitia tractatum spectat, vt melius intelligatur, quousque ex manifestatione occulti iustitiæ commutatiua circa bona honoris & famæ violeto, obligatio restituendi confurgat, aut non confurgat. Id verò ad alia etiam inferuiet, maximè ad ea, quæ tractatu sequenti dicenda sunt.

Secretorum seu occultorum alijs, varij sunt gradus seu modi, quod attinet ad obligationem eam non manifestandi alijs. Aliquando enim, in primò ve gradu, oritur obligatio seruandi secretum, nō manifestandi ve alijs, quod illis est occultum, ex sola ipsa natura rei, non interueniente expresso ne tacito pacto, vel promissione, illud non manifestandi alijs: quatenus videlicet vnusquisque ex natura ipsa rei tenetur, non solum ex caritate, sed etiam ex iustitia, nihil facere, quo proximus in bonis suis lædatur, siue ea bona honoris sint & famæ, siue corporis, siue externa & diuitiarum.

Hinc primò efficitur, vt qui secretum aliquod seu occultum alijs reuelat, ex cuius manifestatione fama aut honor proximi læditur, contra iustitiam peccet illud manifestando, est ò nullū pactum aut promissio interuenierit de illo nō manifestando, teneturque ad restitutionem damni in honore aut fama inde alteri iniuste sequuti, non minus quam fur, aut destructor iniuste rerum externarum proximi, tenetur illi ad earum restitutionem. Hac ratione, qui occulta peccata proximi nouit, ad quorum secretum seruandum, illavē non manifestan-

A 2

nifestan-

nifestando alijs nullo pacto aut promissione se astrinxerat, si illa sine sufficiente ad id causa reuelet, contra iustitiam peccat, ad restitutionemque lationis famæ illi tenetur: quoniam iniuste, ea detractione illorum peccatorum, illam læsit.

Inde etiam secundo efficitur, vt qui casu nouit thesaurum alicuius latere in aliquo loco, esto nullo se astrinxerit pacto aut promissione id alijs non reuelare, si tamen illi manifesta, atque in desequatur furtum thesauri, non solum contra iustitiam peccet, sed etiam teneatur restituere rem eodem furto ablata, tanquam concausa iniusta eius damni. Agere verò de huiusmodi secreto, de iniustitiae manifestatione huius rei alijs occultæ, non ad hunc spectant tractatum, sed ad secundum, in quo de iustitia & damno circa res externas dato sermo est habitus. Satisque est ibi vniuersim dixisse, eum, qui concausa iniusta illius est, & peccare lethaliter, si damnum tamē sit, quod ad culpam sufficiat lethalem, & teneri illud restituere in defectum illius, qui causa principalis exequutrix illius fuit, vt de hoc euentu particulari, & de alijs similibus, dictum ibi sufficienter censetur.

Inde vltierius tertio efficitur, vt qui nouit secretum alicuius exercitus aut principis, à cuius parte bellum est iustum, si ea contrarijs reuelet, non solum peccet contra iustitiam, sed etiam restituere, in defectum tamen causæ principalis, teneatur, si quæ damna inde fuerint sequuta. Et quidem si damna, quæ sequuntur, aut quæ inde nata sint sequi, fuerint vitæ, aut lationis alterius in corpore, agere de manifestatione eius secreti, & de obligatione illud seruandi, ad præcedentem attinet tractatum, in quo sermo est de iustitia & iniustitia circa bona corporis. Si verò damna sint bonorum externorum, agere de ea manifestatione, & de obligatione illud seruandi, quatenus inde nata sunt sequi damna, pertinet ad secundum tractatum. Quod si damna simul sint corporis & bonorum externorum, tunc quatenus inde nata sunt sequi damna corporis, agere de reuelatione eius secreti, & de obligatione illud seruandi, ad præcedentem spectat tractatum: quatenus verò nata inde sunt sequi damna bonorum externorum, agere ea de re attinet ad secundum tractatum: quippe cum in reuelatione talis secreti peccatum interueniat, tum contra iustitiam commutativam circa bona corporis, tum etiam contra iustitiam commutativam circa bona externa: sicut qui pugnando iniuste simul interit, aut percutit, & deprædatur bona externa, eade destruit, contra veramque iustitiam peccat.

Illud obserua, non solum in reuelatione eius, quod est secretum, posse interuenire iustitiæ cum restituendi onere, sed etiam in manifestatione eius, quod est publicum, si ea manifestatio causa aut concausa sit damni iniusti in bonis corporis aut externis alicuius alterius. Vt, verbi gratia, si vnus quærat aliquem, quem non cognoscit, ad iniuste illum interficiendum, sanè est ille, qui ita queritur, sit in publico foro, ibique à reliquis omnibus agnoscatur, qui illum manifestaret querentem eum ad illum interficiendum, cõtra iustitiam peccaret tanquam concausa eius damni, ad restitutionemque teneretur in defectum eius, qui itaqum principalis causa id damnum dedisset. Similiter si vnus interrogaret, quænam esset domus cuiusdam alterius, vt illam iniuste exureret, vtique qui illam ei ostenderet contra iustitiam peccaret, similiterque restituere teneretur damnum ab illo alio in ea datum, est id in eo loco publicum ac notissimum cæteris omnibus esset cuius esset ea domus. Quia verò quado peccatum alicuius est publicum, ille amissum iam habet in conuictu humano suam famam ea in re, sanè est aliquis id peccatum illius cuidam mani-

festet, qui illud ignorabat, non peccet contra iustitiam, quin neque contra caritatem, neque, proinde ad vllam restitutionem tenetur. Ceterum de hac re copiosior in sequentibus erit sermo.

Aliquando autem, atque in secundo gradu, oritur obligatio seruandi secretum, non mani festandive alijs, quod ipsis est occultum, non solum ex natura rei, modo in præcedente gradu explicato, & simul etiam ex eo, quod qui id scit, iniuste venit in cognitionem illius, atque ea de causa peculiarem super se induxit obligationem id alijs ratiõ manifestandi, absque vlllo pacto aut promissione, quæ se ad id astrinxerint. Quemadmodum enim, qui casu rem alienam inuenit, vna tantum ratio ne teneatur ex iustitia illam restituere, nempe ratione rei acceptæ, quæ apud se habet: qui verò furto aut aliter per iniustitiam illam accepit, teneatur duplici ratione eam restituere, nempe ratione rei acceptæ, & ratione iniustæ acceptionis, ita qui per iniuriam venit in notitiam peccati alicuius, cuius reuelatio nocua est bono proximi, teneatur ex iustitia id non manifestare, tum quia id postulat natura ipsa rei, iuxta ea, quæ circa præcedentem primum gradum obligationis non manifestandi alijs, quod ipsis est occultum, dicta sunt, in quo hic secundus gradus cum primo conuenit: tum super ex eo, quod per iniustitiam venit in cognitionem illius. Hinc fit, vt qui inique literas alterius aperuit, eaque via in notitiam alicuius secreti deuenit, arctiori vinculo teneatur illud seruare, quam si sine præuia quod ad id iniustitia in notitiam illius deuenisset. Non tamen peccat duplici peccato reuelando id secretum: sicut neque is, qui simul teneatur restituere ex parte rei acceptæ, & ex parte iniustæ acceptionis, peccat duplici peccato non restituendo, sed vno tantum. Qui tamen literas inique aperuit, & reuelauit secretum in eis contentum, quod tenebatur non reuelare, vno peccato peccauit literas iniuste aperiendo, & altero reuelando illas secretum, in cuius notitiam ea via iniusta deuenerat.

SVMMARIVM.

1. Obligatio seruandi secretum ex pacto, quod quis post agnitum quid promittit se non reuelaturum.
2. Qui pacto promittit se non manifestaturum rem aliquam, vt talis promissionis inducit super se obligationem id non reuelandi, nisi cum peccato. Nisi quando pactum iam inuitum est, postquam illa res à multis cognita est.
3. Licet iudici interroganti detegere aliquam rem, licet delinquenti promiserit pacto non reuelaturum, si videlicet ante simplicem de delincente infamia fuerit. Si autem crimen agnitum præcederet promissio de non manifestando, quando per se ipsum in futurum videret illud patri, tunc teneretur iudici manifestare, si iuridice ab eo interrogatur.
4. Quamuis pactum obligationem inducat, licet tamen virtutem alicuius reuelare: eo quod nullum afferat præiudicium: quin potius reuelatio illa cedat in honorem Dei, & proximi adificationem.

DE TERTIO MODO SEV GRADV secreti seruandi, in quo interuenit promissio seu pactum illud seruandi, nec tamen proprie est secretum commissum.

DISPVTV. 4.



Liquando, in tertio gradu, obligatio seruandi secretum provenit ex promissione aut pacto, quod quis post agnitum aliquid, promittit, se non reuelaturum. Vt vidi, aut alia ratione cognoui

gnoui, aliquem interfecisse hominem, aut commisisse aliud flagitium, vel eum fecisse aliud, aut euehisse aliquid, quod non vult sciri: si post agnitam eiusmodi rem illi promittam me illam non reuelaturum, aut pretio, vel in compensationem pro aliquo alio, pactum cum eo ineam, me non reuelaturum rem illā, scēpe ea via super me induco obligationem id non reuelandi vi talis promissionis aut pacti, siue seclusa ea promissione aut pacto fas mihi esset illud reuelare, siue non iuxta ea quæ disp. præced. circa duos priores gradus obligationis aut manifestandi aliis, & eis erat occultum, dicta sunt.

² Dixi, *scēpe ea via induci obligationem id non reuelandi vi talis promissionis aut pacti*: quoniam est magnopere in hac materia aduertendum, quod quando promissio aut pactum nō manifestandi aliquid superuenit post id iam agnitum, est id ea promissio aut pactum iuramento confirmatur, non efficiunt, vt, qui alioquin teneretur id reuelare, post eā promissionem aut pactum iuramento confirmata, nō possit aut non teneatur illud manifestare. Imō verō non secus teneretur illud manifestare, quā si ea promissio aut pactum non aduenissent, & quā si iuramento non fuissent cōfirmata. Ea quippe promissio, pactum, & iuramentum, solum habent vim efficiendi, tum vt qui alioquin tenebatur id non manifestare, arctius vi eorum ad id teneatur: tum etiam, vt qui sine peccato poterat id manifestare, & nō manifestare, vi eorum teneatur illud tacere.

³ Exemplis hæc omnia elucidemus. Nouit aliquis crimen alicuius, quod duo aut tres testes duntaxat sciūt, iudexq; quod de delinquēte sit iam infamia, aut semiplena probatio, eum, qui id nouit aut vidit, iuridicē tanquam testem interrogat, sane teneatur tunc de regere id crimen eius delinquentis, nihil impediēte, quod delinquenti ipsi, aut cuius alteri promiserit, se id nunquā manifestaturum, & quod ad id non manifestandum astrinxerit se illi iuramento. Ratio autem est, quoniam ille in eo uentum teneatur sub reatu culpæ id manifestare, seclusa ea promissione & iuramento superuenientibus notitia eius culpæ: promissio autē & iuramentum, cum nō sint vinculum iniquitatis, id est, cum non obligent ad illicitum, obligare non possunt ad contrarium aut contradictorium eius, ad quod seclusa ea promissione sub reatu culpæ teneatur, hoc est, ad illud tunc iudici, interroganti iuridicē, non manifestandum. Eadem ratione, si ante crimen agnitum præcederet promissio, aut etiam iuramentum, de illo non manifestādo, quando per se ipsum in futurum videret illud patrarī, aut per se ipsum illud agnosceret, sane teneretur tunc illud iudici manifestare, si iuridicē modo explicato de illo interrogaretur. Quoniam promissio ac iuramentum in eo euentu essent de re illicita, hoc est, de eo crimine non manifestando, quando in futurum obligatio esset illud manifestandi. Hæc sunt in exemplum, quando promissio, pactum, & iuramentum de seruando secreto, de aliquā re non manifestanda, nullam obligationem inducunt.

⁴ Exemplum autem, qñ obligationem omnino inducant, esset, quando aliquis sciret virtutem aliquam alterius, quam integrū ei esset manifestare, & non manifestare aliis: virtutes quippe regulariter licitē manifestantur, etiam si occultæ sint, & etiam si inuitus is sit, cui⁹ sunt: eo quod nullū afferat præiudiciū, sicut præiudicium famæ afferet manifestare vitia: quin potiūs manifestatio virtutum alienarum cedat in honorē Dei, & in proximorum ædificationem. Item exemplum esset, quando quis sciret vitium, quod similiter integrum ei esset illud manifestare, quia esset publicum: aut quia ipse licitē de eo, posset accusare: eo quod posset illud probare, & in præiudicium suum esset cōmissum, aut *aliqua ratione*, & cuius licitē posset prætermittere

Tom. 5.

accusationem ac manifestationem. In his enim euentibus, & in similibus aliis, si nuda promissione, pacto, aut etiam iuramento, se is, qui illa sciret, astrinxisset ea non manifestare, induceret super se obligationem ea non manifestandi: cum tamen seclusis his superadditis vinculis, nullam ad ea non manifestandum haberet obligationem. Effet autē ex eis vinculis obligatio ea non manifestandi sub culpa lethali, quotiescunq; interuenisset iuramentum. Quando verō iuramentum nō interuenisset, obligatio esset sub culpa lethali aut veniali, attenta qualitate rei, ad quam non manifestandam quis se astrinxit, & attentis cæteris aliis circumstantiis concurrentibus.

Quando autem promissio, pactum, aut iuramentum, essent de non manifestanda re occulta, quam, his vinculis seclusis, teneretur, qui illam sciret, eā non manifestare, iuxta ea quæ in duobus prioribus gradibus secreti, reive aliis occultæ, Disp. præcedente dicta sunt, tunc vincula hæc solum inducerent obligationem arctiorem eam nō manifestandi, q̃ antea esset. Verū ea obligatio distincta tunc sit specie ab illa alia, quæ erat seclusis his vinculis, & num ex illis resulset species alia peccati distincta, Disp. 6. explanabitur.

SUMMARIUM.

1. Quartus gradus secreti est, cum confurgit obligatio seruandi id expresso aut tacito pacto, quo secretum ea lege alicui reuelatur, vt illud cuiquam alteri non manifestetur, sed omnino taceat.
2. Censetur sub tacito pacto secretum non manifestandi aliquid alicui reuelari aut dici, quando ei detegitur, qui remedium potest adhibere: vt quando quadam confessario, medio aduocato, & similibus reuelantur, censetur illi id ex vi muneris sui cum eo onere accipere, ne illud detegat. Quando autem quid amico declaratur, vel alicui qui remedium adhibere potest, tutum esset, antequam detegatur, promissionem ab illo exigere cuiquam non reuelandi.
3. Præcedentia non solum locum habent, quando ipse delinquens sub secreto commissio illud alicui manifestaret, sed etiam quando quidam tertius illud idem delictum sub secreto commissio similiter alicui alteri manifestaret, aut quoduis aliud secretum de re ad alterum attinente similiter cuidam alteri sub pacto nō manifestandi, illi detegeret. Etiam habet locum id, quando is cui tale secretum commissum est, id contra fidem tertio cuidam reuelat.
4. Ratio est, quia secretum seruare est ex iure naturali, non solum quando necessitate seu vtilitate aliqua detectum commissumque est, sed etiam quando leuitate animi detectum commissumque est.
5. Quando quis via iniusta, vel secreta auscultatione, aut violentia, in notitiam alicuius delicti venit, non minore onere teneatur illud non manifestandi, quā si per secretum commissum illud agnouisset.
6. Non semper est de iure naturali seruare secretum commissum, præsertim in his euentibus, quando scilicet secretum est circa delictum, vnde periculum reip. imminet, aut alicui priuato, quando aliter impediri non potest, quam detectione secreti commissi, & cæteris similibus.
7. Manifestari etiam potest, quando is, cuius est secretum, aliter erui a peccato non potest, quā detegendo peccatum secretum illius.
8. Quando aliquis praua sponsione seruandi secretum, aut adhibito iuramento, admittitur ad interessendum alicui delicto, aut ad adiuvandum ad illud parandum, tunc teneatur non secus de regere, quā si nulla sponsio aut iuramentum præcessisset.
9. Obligatio seruandi secretum etiam confurgit ex lege diuinæ positiuæ, quæ in bonum sacramenti penitentis salutisq; animarum prohibitum est illud reuelare.

DE QVARTO GRADV SECRETI,
quod rationem habet secreti formaliter vir. u.
re commissi. Et de secreto confessio-
nis sacramentalis.

DISPVTV. 5.



Liquando in quartoque gradu, con-
furgit obligatio seruandi secretum
ex expresso aut tacito pacto, quo se-
cretum ealegealici reuelatur, vt il-
lud non manifestet cuiquam alteri,
sed omnino retineat. Atq; eiusmodi secretum pro-
priè appellatur secretum commissum, fidei videli-
cet illius, cui detegitur: estq; de iure naturali illud
seruare, vt Caiet. 2.2. q. 70. ar. 1. & communis doct-
orum sententia affirmat, exceptis nonnullis euenti-
bus, in quibus natura ipsa rei omnino efflagitat
non seruari, vt patet. Obligatio verò iuris natu-
ralis seruandi hoc secretum vi talis pacti efficit, vt
qui ea tantum via illud nouit, non solum non te-
neatur illud detegere, sed et vt ita non possit illud
reuelare, vt si id reuelet, cõtra iustitiam peccet, re-
stituereque teneatur damna omnia, quæ proximè
aut remotè ex ea manifestatione fuerint sequuta.

Exemplum quoddam adhibeam⁹ quo hæc me-
lius intelligantur: Reuelauit aliquis crimen suum
secretè alicui, qui alia via illud non scit, v.g. se in-
terfecisse talem hominem, aut flagitium aliud cõ-
mississe, idq; vel interueniente pacto expresso, ea sc.
lege id ei manifestari, vt nemini id diceret: vel inter-
ueniente pacto tacito, ne id cuiquam manifestaret.
Tunc autem censetur sub tacito pacto id non ma-
nifestandi aliquid alicui reuelari, aut dici, quando
ei detegitur, qui minus habet remedium adhiben-
di, & tanquam tali ei detegitur gratia consilij, sola-
minis, aut alterius emolumenti. Quando aut leui-
tate animi id detegeret, non animo vt audiens te-
neretur id non detegere, quia gratia consilij, sola-
minis, iuuaminis, aut alterius emolumenti id di-
ceret, sed iactans se de eo crimine, aut quauis a-
lia ratione parui pondens, quòd sciatur, neq; de se-
creto curans, tunc neque sub tacito pacto secreti
seruandi censetur id detexisse. Hinc sub tacito
pacto secretum seruandi censetur manifestari,
quæ sequentibus dicuntur: Quæ confessorius in cõ-
fessione audit, quæ aduocato tâquã talia à suo cli-
entulo dicuntur, quæ medicis, chirurgis, obstetri-
cibus, & similibus aliis manifestantur, vt iuxta
suam artem remedium adhibeat, quæ viris doctis
scire causasificentia, & circa alia, consilij gra-
tia, manifestantur, & circa quæ interrogantur ac
consuluntur. Ita Nauar. in Manu c. 25. n. 24. Hi enim
eo ipso, quòd id munus proficuntur, censentur ex
sua parte cum eo onere & tacito pacto id accipere,
ne illud detegant. Quando autem res detegeretur
propinquo, amico, viro prudenti, aut alteri, qui
consilio, solamine, vel quouis alio modo adiuuare
posset, tutum esset, vt antequam detegeretur, pro-
missio ab illo exigeretur, seruandi secretum circa
rem, quam illi vellet manifestare, vt vi fidei, quam
naturali iure seruare tenetur ratione expressæ aut
tacitæ præuix promissionis, nec teneretur nec lici-
tè ac iuste posset illud manifestare, etiam si à pote-
state publica interrogaretur, idemque manifestare
preciperetur, quæ de ea re sciret. Fortasse tñ quãdo
sine aliquo ex explicatis intelligeretur, secretò id
dici, estò promissio de secreto seruando non prius
exigeretur, obligatio esset illud nò detegendi tan-
quam virtute dictum sub secreto commissio: qui n.
attendit, attendere debet, aliquid sub secreto
ipsi dici, quia id postulat natura rei, & eis est animus
quasi habitualis dicentis, licet, qui id detegit, non
aduertat exigere prius ab illo promissionem, tene-

ri sane videtur, vel id accipere sub secreto commissio,
vel admonere dicentem, ne id sibi dicat, nisi li-
berum ipsi velit relinquere, vt id detegat. Tamen si
non sum certus, in similibus euentibus obligatio-
nem esse seruandi secretum, quando potestates pu-
blicæ iuridicè alioquin interrogant, quasi id ita
sciens non teneatur illud detegere, & quasi pactum
tacitum eo ipso ex parte sua interuenierit, fidemq;
suam tacitè dederit, se id non detesturum. Vt verò
ad rem ipsam redeamus, qñ quis suum homicidiũ
aut aliud flagitium alicui reuelauit cũ pacto præ-
uio expresso aut tacito, modò explicato, vt id nulli
manifestaret, sanè estò delinquit infamia eius de-
lictũ laboret, aut id delictum esset aduersus ipsum
sempiternè probatum, iudexq; alioquin iuridicè in-
terrogaret scientem id delictũ secretò fidei cõmissũ
num sciret quis illud commiserit, aut num sciret
talem, qui verè illud commisit, id commississe, dete-
gere id non posset, qñ alia via non sciret eum illud
commississe quàm via secreti sibi commissi, quin
potius si id detegeret, peccaret lethaliter contra ius-
titiam, restituereq; teneretur omnia damna ex ea
detractione sequuta: nisi fortè ignoratia inuincibi-
li excusatus fuisset à culpa, & per consequens ab o-
nere restituendi damna inde sequuta: quod euenire
aliquando potest. Quando ergo is, qui solum sub
secreto commissio id nouit, à iudice interrogare-
tur, num id sciret, tunc estò sub iureiurando inter-
rogaretur, respondere posset ac deberet, se id non
scire, intelligendo ita vt posset licitè illud detege-
re, in quo solo euentu ac sensu deberet iudex intel-
ligere, si iuridice intenderet interrogare: quid si in
alio euentu ac sensu intelligeret, tunc non interro-
garet iuridicè, ac proinde opus non esset ad mentè
illius respondere, sed satis esset respondere in illo
alio sensu, in quo solo deberet intelligere, si probus
esset, iuridiceque interrogare intenderet, vt fulius
hæc omnia tractatu sequenti exponuntur.

Illud hoc loco est observandum, quæ dicta sunt,
non solum habere locum, quando is ipse, qui delictum
pararat, illud sub secreto commissio modo
explicato alicui manifestaret, sed et quando qui-
dam tertius illud idem alterius delictũ sub secreto
commissio similiter alicui alteri manifestaret, aut
quoduis aliud secretum dere ad alterum attinen-
te, similiter cuidam alij sub pacto expresso aut taci-
to, quod illud non manifestaret, illi detegeret. Imò
verò id locum habet, et quòd is, cui commissum
est tale secretum, iniquè, cõtra fidemq; ab eo datam
de eo secreto non reuelando, atq; adeo contra ius-
titiam, illud cuidam tertio manifestat. Et quid idem
quando is, qui inique contra fidemq; datam, illud
manifestat cuidam tertio, sub secreto etiam com-
missio illud ei manifestaret, facile constat hunc ter-
tium non minus teneri id secretum seruare, quàm
tenebatur is, qui illud ei iniquè manifestauit: quip-
pe cum & ipse sub secreto commissio illud acceperit,
minus teneatur fidem datam de eo non reuelando
seruare ei, qui iniquè sub ea fide illud ipsi manife-
stauit, quàm ille teneretur primo, qui sub secreto
commissio illud ei antea manifestauerat. Quando
autem ille, qui sub secreto commissio illud acceperat,
iniquè, contra fidemque datam, illud manife-
stauit, non sub secreto commissio, neque astringen-
do audientem vt illud nò manifestaret, est dubiũ,
qui ita illud ab eo audiuit, astrictus sit illud nò ma-
nifestare, ita vt si sciat eũ, qui illud sibi reuelauit,
sub secreto commissio illud accepisse, neque ipse a-
lia via illud sciat, quam quaten⁹ inique ab illo fuit
deriuatum, & à iudice interrogetur (alioquin iu-
ridicè) num sciat, quis illud crimen commiserit, te-
neatur illud ei non detegere. Atque respondendum
arbitror, teneri illud non detegere: Ratio autem
est, quoniam omnis illa cognitio deriuata est pri-
ma manifestatione sub secreto commissio, cede-
retque

retq; vltior illa manifestatio, quæ fieret ab eo tertio, in illius iniuriam, qui primò id sub secreto commissio manifestauerat: etenim id nihil aliud esset, quam extensio, & ampliatio iniuriæ ac iniustitiæ ipsi factæ à primo iniquo detectore: nullus autem, etiam præcipiente iudice, efficere potest id, quod in se alteri iniuriam irrogat, continuationeq; est atq; extensio iniuriæ illius. Adde in iudicio id testimonium, cum solum esset ex auditu, nullam efficere fidem nisi deperiret à confirmatione & testimonio eius, qui id iniquè atq; iniuste detexerat: is autem teneretur delictum alterius, sub secreto sibi commissum, negare in sensu supra explicato, & excusare aut negare se id dixisse, nisi probari illi posset, similiter intelligendo suam negationem, vt posset id confiteri. Vtrum autem iudex punire possit, quæ ei iniquè detegendo secretum commissum manifestata sunt, sequenti tractatu dicitur.

Ratio autem eorum omnium, quæ dicta sunt, hæc est: Quoniam seruare secretum commissum ex se esse de iure naturali, non solum quando necessitate seu vtilitate aliqua detectum commissumque est, vt ad sumendum consilium, aut ad leuandam tristitiam, sumendamq; consolationem, vt sæpe euenire solet, sed etiam quando leuitate animi detectum commissumque est, iuri aut naturali contrarietate non potest iudicis preceptum, neque vllam aduersus illud habet vim. His accedit, in eo quòd nō manifestetur, quòd præcisè per secretum commissum scitur, nullum præiudicium rei publicæ fieri: eo quòd id non tollat manifestari, quòd simul alia via scitur, quatenus scitur alia via, delictaque perinde relinquuntur inquirenda ac punienda à republica, atq; si per secretum commissum manifestata nunquam fuissent à delinquente ipso, aut à quocunque alio: quo fit, vt cum seruatio secreti commissi de iure naturali in se sit, eiusque detectio in iniuriam eius cedat, qui secretum commisit, eiusq; qui inde detrimentum patitur, contra iustitiam is peccet, qui illud detegit, ad restitutionemq; damnorum inde secutorum teneatur.

Illud hoc loco admonuerim, cū secreto commissio esse computandum secundum gradum secreti Dist. 3. explicatum ad effectum, vt obligatio sit illud nō detegendi, etiam ad preceptum iudicis de re illa alioquin iuridicè interrogantis, nempe quādo aliquis per iniuriam atq; iniustitiam venit in notitiā delicti, aut alterius secreti alicuius, vt aperiendo literas illius, aut quia dum ille secreto reuelabat aliquid alicui, clam ipse accessit, idque audiuit, vel quia per vim & metum iniuste illata coegit aliquē reuelare crimen suum, aut quacunque alia ratione similiter iniuste secretū agnouit. Ratio autem est, quoniam cum per iniuriam illud agnouerit, sanè non cum minore onere illud non manifestandi ex natura ipsa rei cēsetur illud agnoscere, quam si per secretum commissum illud idem agnouisset: neq; enim minus onus inde in se inducit indemne illum illud seruare ex ea notitia per iniustitiam ac iniuriam ita comparatam, quam si sine iniustitia ipsi id fuisset manifestatum, ipso prius sponte, se id nunquam cuiquam alij manifestaturum: sicut fur non minore obligationem habet restituendi rem furto ablatam, seruandiq; eum indemne, à quo illam est furatus, quam si pacto ad id se astrinxisset: quo fit, vt est à iudice (iuridicè alioquin) interrogetur circa id, quod ea sola via iniusta nouit, non plus fas ipsi sit id manifestare, quam si sponte præuia se id nunquam manifestaturum, cognitionem illius accepisset.

Dixi supra, de iure naturali esse seruandū secretum commissum exceptis nonnullis euentibus, in quibus natura ipsa rei omnino effugiat non seruari. Euentus autem hi sunt, quando secretum est circa delictum, vnde periculum rei publicæ imminet, aut alicui priuato,

quod aliter impediri non potest, quā detectioe secreti commissi, vt sit contaminanda sit resq; ubi, ea, aut aliquis iniuste sit occidendus, vel furtum sit committendum, aut non velit aliquis id restituere, & restituere teneatur, neq; alia est via similia dāna reipublice aut proximi impediedi, q̄ detegendo id secretū commissum: tūc enim, si nequitia alicuius, q̄ non vult à peccato desistere, ea damna imminet, detegendum est secretum commissum, præcisè quantum sit quis vt impediatur, & non amplius. Dixi, nequitia alicuius, qui non vult à peccato desistere, ea damna imminet: quoniam quauis ex peccato præterito alicuius illa per accidens imminuant, si tamen peccator ille non teneatur iam tunc illa impedire, detegi licet non potest secretum commissum vt illa videntur. Verbi gratia. Petrus iniuste Ioannem interficit, cuius mors Paulo innocenti imputatur, eaque de causa via Pauli periclitatur, nisi detegatur non fuisse Paulum, sed Petrum, qui Ioannem interfecit. Dico, si Petrus alicui reuelauit secretū, ipsum fuisse, qui Ioannem interfecit, non esse detegendū id secretum commissum, nihil impediens, quòd à Paulo innocente vita eripatur. Ratio autem est, quoniam Petrus regulariter non teneatur se ipsum prodere, vt cum tanto suo damno vitam Pauli innocentis conseruet: eaque de causa, quia Petrus absq; peccato suo præsentem permittit Paulum innocentem mori, detegi licet non potest secretū, quod ea de re ipse alteri commisit: eo quòd in culpa non sit, non impediendo damnum, quod per accidens ex peccato suo secreto Paulo innocenti imminet. Quòd si Petrus, collocando se prius in loco tuto, consilium teneretur vitæ Pauli innocentis, detegendo se fuisse occisorem Ioannis, aut permittendo, vt is, cui id secretum commissum illud detegeret, quia ea via sine graui suo periculo posset id efficere, liberaretq; Paulum innocentem à morte, quam non conseruit: tunc, si id efficere non vellet, vt teneatur, detegendum esset id secretum, præcisè quantum esset satis, vt consuleretur Paulo innocenti: Petro tamen prius admonito, vt tempeitue se posset collocare in loco tuto. Ratio autem est, quoniam iam tunc culpa Petri actuali imminet periculum vitæ Paulo innocenti, quod periculum, supposita nequitia Petri, à qua desistere non vult, impediri alter non potest, quam detegendo secretum ea de re ab ipso commissum. Quod autem in prædictis euentibus detegendum sit secretū, quantum præcisè sit satis, vt damno communi aut proximi subueniatur, ostendimus latè cum D. Th. & cum alijs in hac 2.2. in materia de correct. fraternitatis, q. 37. art. 8. & concinit idem sanctus doctor eadem 2.2. q. 70. ar. 1. ad 2. Atq; eius rei hæc est ratio, quoniam talis reuelatio secreti, culpa ac nequitia eius, in cuius damnum aperitur, efficitur necessaria ad propulsandā iniuriam quam actu infert, cū ab ea posset desistere, atq; ad desistendū teneatur, nec desistere velit: quare cū naturalis ratio docet, licere, quin & obligationē esse, eripere ac defendere innocentē à damno, q̄ ei paratur ac infertur, etiam cū iactura nocens, quando aliter nequitia nocens eripab eo damno non potest: cōsequens profectò est, vt in euentibus explicatis detegendū sit secretū commissum, quantum sit satis, vt damni publici vel priuati euitetur ac impediatur: habetq; id verum (vt loco cit. cū D. Th. in resp. ad 2. cit. dicebam⁹) de quocunque secreto, eo excepto quod per confessionem sacramentalē scitur, estò quis iureiurādū se astrinxisset illud non detegere: eo quod in eis euentibus obligatio sit sub reatu culpe reuelare id secretum, quantum sit satis ad impedienda ea damna: iuramentumque non sit vinculum iniquitatis, ad malum ve non obliget.

Eodem modo (vt in materia de correptione fraterna ostendimus) quando is, cuius est secretum e-

rui aliter nequitia illius non potest à peccato quā detegendo peccatum secretum illius, manifestandum est, quantum satis sit ut eruatur, seruatō ordine correctionis fraternæ: quoniam præponendum est spirituale bonū illius bono famæ eiusdem; habetq; id similiter verū in omni gradu secreti, (excepto secreto confessionis sacramentalis) etiam si iuramentum confirmatum fuerit nunquam detegere id secretum: quoniam in eo euentu lege caritatis confurgit obligatio illud manifestandi, quantum satis sit ad erudum eum proximum à peccato: & iuramentum non est vinculum iniquitatis.

8 Illud vltimò circa quartum gradum secreti, de quo loquimur, est obseruandum, ad multos quotidianos euentus decidendos. Quando aliquis, præuia sponfione seruati secretum, aut simul adhibito iuramento, admittitur ad interessendum alicui delicto, aut ad adiuvandum ad illud patrandum, non secus tūc teneri detegere id delictum, quā si talis sponfio aut iuramentum non præcessissent. Verbi gratia, quando lege est taxatum frumentum ut non vendatur vltra certum pretium, consueverunt aliqui ea arte ut, ne detegatur postea, quando potestatis publicæ inquirunt de de iis, qui vltra pretium lege taxatum frumentum vendiderunt, etiam si ij ipsi, qui illud ab eis emerunt, à potestatibus publicis ea de re interrogentur. Prius quā eis frumentum vendant, ab eis accipiunt iuramentū, se nunquam id detectos, etiam si à potestatibus publicis interrogentur, aliterque nolunt frumentū eis vendere; accepto verò prius ab eis eo iuramento, frumentum illis vendunt vltra pretium lege taxatum. De eiusmodi autem hominibus, qui ita frumentum emerunt, dico nihil impediēte ea sponfione ac iuramento, teneri detegere vendentes in euentu, in quo, si talis sponfio ac iuramentū non præcessissent, tenerentur illos detegere. Ratio autem est, quoniam aliud est tradere notitiam de delicto iam commissio sola narratione illius, etiam si leuitate animi id efficiat, & etiam si vt is, qui audit, persuadeatur commissum esse, ostendantur illi indicia, quod fuerit commissum, vt si ei ostendatur ens sanguine tinctus, quo quis asserat se interfecisse alium: & aliud longè diuersum est admittere aliquem ad intuitum delicti quando patrabitur aut ad participandum in eo delictum dum fiet. Illud sanè primum est committere illi secretum ea de re, quæ illi detegitur, quando sub sponfione tacita aut expresse, quod illud non reuelabit, ei manifestatur hoc verò secundum non est committere illi secretum, sed facere illum testem ac inspectorem aut complicem eius delicti; eaq; de causâ, nihil impediēte sponfione ab eo præstita, & iuramento, se nunquam illud reuelaturum; tenetur id manifestare iudici, qui, si non interuenisset ea sponfio ac iuramentum, iuridicè interrogaret. Ratio autem est, quoniam ea sponfio adimere non potuerit reipublicæ ius, quod habebat ad inquirendum delicta, & vt sibi manifestarentur ab intuentibus illa: neq; sponfio obligat, quando est de re illicita, cōtra ius alterius: & cum eiusdem naturæ sit etiam iuramentum, quod ad illicitum similiter non obligat: consequens est, vt testis ea sponfio confirmata esset iuramento, teneatur nihilominus is manifestare id iudici, seclusa ea sponfione & iuramento, iuridicè interroganti. Hac eadem ratione, quādo multi in idem delictum conspirant, adhibita mutua sponfione ac iuramento, se nunquam id crimen nec complices manifestaturos, sanè si eorum aliquis comprehendatur, iuridicèq; de complicibus: iuxta ea quæ tractatu sequenti dicenda sunt, interrogetur, tenetur illos manifestare: quoniam ea sponfio & iuramentum asserre non possunt præiudici reipublicæ quo ad ius, quod habet inquirendi ac puniendi delicta, suntq; proinde de re illi-

cita, si eum euentum comprehendere illis intenderunt, ac proinde vim non habent ad obligandum in eo euentu.

Aliquando, in quintoq; gradu, confurgit obligatio seruandi secretum, non solum ex natura ipsa rei, quoniam ibi interuenit pactum tacitum, sponfiove tacita illud non detegendi, (quaratione hic gradus ad quartum præcedentem etiam spectat) sed etiam longe, arctius, nullumq; euentum admittens, in quo illud ratione vlla fas sit detegere, idq; ex lege diuina positiua, qua in bonum sacramenti penitentiae, salutisq; animarum, ad quam id sacramentum institutum est, prohibuit id illud reuelare. Quæ enim lege Christus sacramentum penitentiae statuit, mortalesq; obligauit ad secretam confessionem sacerdoti in eo faciendam, eadem prohibuit detestationem eorum, quæ ea via sciuntur. Cum autem eiusmodi prohibitio in bonum sit sacramenti penitentiae, contrariarq; manifestatio eorum, quæ ibi deteguntur, cederet in detrimentū eiusdem sacramenti penitentiae, sane quatenus ea manifestatio positiua illa lege diuina est prohibita, peccatum est sacrilegij contra virtutem religionis; quoniam cum id, quod in confessione sacerdoti reuelatur, ea lege & pacto tacito reueletur à penitente, vt sacerdos id non detegat, vtq; in eo secreto simul interuenit obligatio quarti gradus, quin & primi, si delictum in se sit occultum. Quæ de causâ simul peccaret contra iustitiam is sacerdos, qui auditum in confessione reuelaret, ac proinde ad restitutionem teneretur damnorum omnium, tam famæ, quā cæterorum bonorum, quæ ex ea reuelatione sequerentur. Agere tamē ex professo de hoc quinto gradu, ad explanationē sacramenti penitentiae attinet, aliquique tractatu sequenti dicetur, quantum ad eum tractatum fuerit etiam necessarium.

SVMMARIVM.

1. Seruare alicuius secretum, quando ad id tenemur, pertinet ad virtutem fidei.
2. Seruare secretum, absque vlla prauia promissione aut iuramento, sed obligatio illud seruandi confurgit solum ex natura ipsa rei, pertinet solum ad iustitiæ virtutem & non ad fidei.
3. Seruare secretum quando ad id tenemur, si solum interueniat promissio illud seruandi, spectat ad virtutem fidei, & detestio contraria pertinet ad vitium infidelitatis.
4. Seruare secretum commissum pertinet ad iustitiam & simul ad fidem, quæ iustitiæ est fundamentum: manifestatio verò illius ad iniustitiam spectat & ad infidelitatem.
5. Qui ex officio tenetur seruare secretum, contra iustitiam peccat illud reuelando: & tenetur ad restitutionem.
6. Seruare secretum confessionis pertinet ad virtutem religionis.
7. Seruare secretum rei propria pertinet ad caritatem, quæ nos ipsos diligere debemus.
8. Ad vitam æternam sufficit seruare mandata, & in præceptis decalogi nullum est præceptum de seruando secreto.
9. Christus reuelauit, peccatum Iudæ in vltima cœna.
10. Præceptum de non reuelando secreto continetur sub oratione: Non falsum testimonium dices.
11. Christus in vltima cœna non reuelauit occultum peccatum Iudæ, sed prophetico spiritu prædixit proditorem futurum.

*SERVARE SECRETUM, QUANDO
ad id tenemur, ad quam pertineat virtutem, & ad
quod vitium attineat manifestatio tunc illius. Atq;
quo decalogi præcepto astringamur secretum
tunc servare.*

DISPVT. 6.

Sotus de *detegendo secreto* memb. 1. q. 1. ait; servare alienum secretum, quando ad id tenemur in omnibus gradibus, tribus præcedentibus conclusionib⁹ explicatis, pertinere ad virtutem fidei, de qua *tractatu* 2. Disp. 262. loquuti sumus, idq; *conclusionem* 1. extendit ad primum gradum *Disp.* 3. à nobis explicatum: nam enim, eum, qui visu aut relatione tertiæ personæ novit crimen alienum, quamquam expressè non promiserit secretum, censeri tamen virtualiter promississe, propter vinculum & ius naturale; quo quisq; tenetur servare secretum proximi. Præterea arbitrat^r cum Caietano (quem nos ea de re q. 262. citatu impugnaui^m) virtutem fidei, qua tenemur factò promissà adimplere, quādo simul ex iustitia tenemur id adimplere, non esse distinctam virtutē, à iustitia, sed esse partem iustitiæ subiectam. Item licet q. 1. citatu cum Caietano distinguat fidem, qua tenemur, non ex iustitia, sed ex honestate morali factis promissà adimplere, tāquā distincta virtute à fide, qua ex iustitia contenta & promissà implere tenemur: hancque fidem, qua id implemus, quod ex iustitia tenemur, dicat cum Caietano non esse distinctam à iustitia, sed esse partem quandam subiectam illius: illam verò à aliam fidem, qua ex honestate tantum morali tenemur factis promissà implere, dicat esse partem potentialem solum iustitiæ: addit tamen conclusionem 2. eum quidem, qui promissit servare secretum sibi commissum, teneri ex iustitia illud servare, si actis, qui commissum est depositum, tenetur de iustitia illud servare, vnde innuit, si illud detegat, peccare contra iustitiam. Eum verò, qui vidit delictum alterius occultum, aut, qui illud novit ex relatione tertiæ personæ, cui non promissit illud non manifestare, aut teneri illud servare non propriè ex iustitia, sed ex honestate morali: quibus verbis innuit, si illud manifestet, peccare solum contra fidem, ut est distincta à iustitia, hoc est, quæ est pars solum potentialis iniustitiæ, obligans tantum ex honestate morali. Omnes tamen profectò affirmant, hunc peccare contra iustitiam, eaque de causâ restituere teneri famam quam iniuste lēsit, & damna omnia ulterius ex ea manifestatione sequuta. Neque id, dum de hac re est sermo, negat aut negare potest Sotus. Suppositis autem ijs, quæ *tractatu* precedente Disp. 26. citatu diximus, quibus contra Caietanum perspicuè ostendimus, virtutem fidei, qua vniuersum pacta & promissà adimplemus, etiam quando simul de iustitia illa implere tenemur, distinctam specie esse à virtute iustitiæ, atq; ex suo genere obligare ex sua parte solum sub culpa veniali, duplicemque rationem formalem vitij interuenire, vnam ex suo genere lethalem, & aliam ex suo genere venialem, quando simul interuenit obligatio ex iustitia aliquid promissum vel conuentum adimplere: illis, inquam, suppositis, quid de priori parte questionis in titulo huius Disputationis proposita sentiamus, sequentes conclusiones aperient.

Prima conclusio. Servare secretum primi ac secundi gradus, de quib⁹ Disp. 3. est dictum, & in quibus nullum pactum nullaq; promissio de illo servando interuenit, sed obligatio illud seruandi cōsurgit solum ex natura ipsa rei modo ibi explicato,

pertinet solum ad virtutem iustitiæ, & nulla ratione ad virtutē fidei: ideoq; qui illud illicite manifestat, peccat contra iustitiam circa bona famæ, si ea manifestatione fama lædatur, aut circa bona corporis, vel circa bona externa, si ea manifestatione bona corporis aut externa lædantur modis Disp. 3. explicatis: estq; id peccatum ex suo genere lethale. eo quod sit contra iustitiam: non verò peccat ille tunc contra virtutem fidei, vitio infidelitatis, atq; in vtraque parte huius nostræ conclusionis à Soto dissentimus. Conclusio verò probatur, quoniam sicut abstinere à furto, & damno in bonis externis proximo dando, vt ab exurenda sine iusta causa domo aliena, aut à destruendis sine iusta similiter causa segetibus alienis, non pertinet ad virtutem fidei, sed ad iustitiam; contrā verò furari aut destruere sine iusta causa domum, aut segetes alias non pertinet ad vitium infidelitatis, sed ad iniustitiam circa res externas: sic abstinere à detegendo crimine alieno, quando deteção fama illius inique læderetur, non spectat ad virtutem fidei, quādo nulla sponso nullumque pactum interuenit de eo crimine nō detegendo, sed spectat ad iustitiam circa bona famæ: contrā verò, id crimen inique detegere, pertinet ad iustitiam circa bona famæ, non verò ad vitij infidelitatis. Quo loco obserua, me non solum contendere, abstinere ab ea criminis iniqua deteção, non pertinere ad fidem, vt distinguitur contra iustitiam, obligatq; solum ex honestate morali, & est pars potentialis solum iustitiæ, vitiumq; contrarium non pertinere ad infidelitatem, vt distinguitur cōtra iustitiam, vt ex se, quicquid Sotus in contrarium dixerit, est notissimum: quippe cum perspicue in ea iniqua deteção cernatur iniustitia: sed etiam me contendere, in abstinendo ab ea iniqua criminis deteção non cerni fidem, quæ fundamentum est iustitiæ, & quam Sotus & Caietanus cum iustitia confundunt, affirmantes non esse distinctam virtutem à iustitia, atque cui⁹ transgressio semper habet adiunctam rationem iniustitiæ. Ratio autē huius, quod contendō, est, quoniam fides non est fundamentum iustitiæ sumptæ in tota sua latitudine, sed sumptæ solum prout cernitur in pactis & cōuentis: quis enim dicat, fidem quæ est fundamentum iustitiæ, frangi quando committitur furtum, aut quando iniuste exuruntur segetes aliene, vel quando homicidiū committitur, & deniq; quando nullum omnino pactum aut promissio interuenit, & nihilominus iustitia commutativa violatur? Certe nulla cum probabilitatis specie id affirmari potest. Cum enim in similibus euentibus nullum, neq; virtute, antecesserit dictū proprium eius, qui ita iustitiam transgreditur, cui teneatur sua facta adæquare, id dictum opere implendo, sanè in eo, quod is eo modo iniuste operetur, non cernitur fractio fidei proximo datæ, atq; adeò neq; infidelitas aduersus proximi fidei virtuti cōtraria. Quo fit, vt cū in euentib⁹, de quibus nostra conc. loquitur, neq; virtute interuenierit dictum, quo quis se proximo astringerit non manifestare ea aliena peccata, in qua iniqua illorum manifestatione non cernatur fidei fractio, neq; vt fides est fundamentū iustitiæ, neq; fidei latius sumptæ, ad solum est contra honestatem moralem, nullam adiunctam habens iniustitiæ rationem: sed solum in eis euentibus cernatur nuda iniustitia ratio, qua iniuste proximi fama læditur. Obserua autem, si ratio illa, quam Sotus reddit, cur in euentibus nostræ conclusionis virtute interueniat promissio non manifestandi ea delicta, & per consequens cur reuelatio illorum delictorū sit contra fidem, vltius esset momenti, qui scilicet, quamquam ille expressè non promiserit non manifestare id secretum, censetur tamen virtualiter id promississe, propter vinculum, & ius naturale,

quo

quo quis tenetur seruare secretum proximi: si, inquam, ea ratio vilius ad id esset momenti, sanè sequeretur, in omni iniustitia aduersus proximum commissa interuenire etiam propter eandem rationem infidelitatem fidei contrariam, atque adeo iniustitia nunquam ex Soti sententia esset distincta ab infidelitate, neq; fides, quando ad illam seruandam obligatio est iustitiæ, esset pars subiecta iustitiæ commutatiuæ, sed æquè latè pateret atque commutatiua iustitia: quod tamen probè idem Sotus & Caietanus negant.

3 Secunda conclusio. Seruare secretum tertij gradus, *Disp. 4.* explicati, quando ad id tenemur, iuxta ea quæ ibi dicta sunt, solum interuenit promissio illud seruandi, spectat ex eo capite ad virtutem fidei, & detectio contraria pertinet ad vitium infidelitatis: si verò interuenit pactum pro aliquo emolumento; pertinet simul ad iustitiam & ad virtutem fidei; quæ fundamentum est iustitiæ, vt contraria detectio simul pertinet ad iniustitiam, & ad infidelitatem fidei illi contrariam. Prior pars conclusionis probatur. Quoniam ex virtute fidei tenetur cuiusvis facti ad æquare, impleturæ suam promissionem, vt *Disp. 64. citata* explanatum fuit: quare celare secretum, vt nuda promissione si quis ad id se astrinxit, ad virtutem fidei spectat, & contraria detectio pertinet ad infidelitatem, si fidei contrariam. Hoc loco duo obserua: Vnum est, si quis per eam promissionem se astrinxit ad id non manifestandum, quod seclusa ea promissione de iustitia tenebatur non manifestare, vt si erat vitium proximi occultum; quod sine causa ad id sufficiente nefas esset manifestare, tunc simul tenebitur ex iustitia & ex virtute fidei id non manifestare: atq; in contraria illicita manifestatione simul interuenient distincta ratio infidelitatis & distincta ratio iniustitiæ, quæ similiter esset, estò ea promissio non interuenisset. Alteri verò est, cum per promissionem (vt *disp. 262. citata*, explicatum fuit) dupliciter possit quis se intendere obligare ad id, quod promittit, nempe ex iustitia, vel ex sola honestate morali, regulariterq; in re: de qua loquimur, solum se intendat homines nuda promissione obligare ex honestate morali; vtq; si nò ex iustitia se is intendit sua promissione ad id obligare; sed solum ex honestate morali, tunc transgressio ei? promissionis, id secretum manifestando, vt præcisè est contra eam promissionem; solum erit còtra virtutem fidei, & non còtra iustitiam: si autem ea promissione se intendit obligare ex iustitia, tunc transgressio illa ex eo capite & erit iniustitia, quatenus còtrauentum est obligationi ex iustitia, quæ ea promissione intendit super se inducere, req; ipsa induxit, & erit simul peccatum veniale còtra virtutem fidei, quatenus verba illius promissionis manifesto non ad æquauit, eæve non impleuit, vt *Disp. 262. citat. dictum* est. Secunda verò pars conclusionis ex eo probatur, quòd transgressio pacti & contractus iusti pertinet ad iustitiam, sicut seruare eum contractum ad iustitiam spectat, ac proinde spectat ad fidem, prout fides fundamentum est iustitiæ circa pacta & conuentia ex iustitia: *Disp. autem 262. cit.* ostendimus, in tali transgressione simul interuenire iniustitiæ peccatum ex suo genere lethale; & peccatum distinctum infidelitatis ex suo genere veniale.

4 Tertia conclusio. Seruare quartum gradum secreti, de quo disput. præcedente est dictum; & quod propriè rationem habet secreti commissi ad iustitiam pertinet, & simul ad fidem, quæ iustitiæ est fundamentum: contraria verò illius manifestatio ad iniustitiam spectat & ad infidelitatem fidei virtuti contrariam. Probatur conclusio, sicut probata est posterior pars præcedentis conclusionis. Quoniam obligatio seruandi id secretum prouenit ex pacto tacito vel expresso, quo ea lege & conditione

id secretum reuelatur ei, qui illud non manifestare tenetur, vt tenetur illud non manifestare cuiquam alij: seruare autem pactum, seu contractum illum, ad iustitiam pertinet, & ad fidelitatem, quæ illius est fundamentum circa pacta & conuentia.

5 Simili modo, qui ex officio tenetur seruare secretum, vt tabellio in aliquibus euentibus, contra iustitiam peccat reuelando id secretum, restitueretque tenetur damna inde subsequuta: non secus atque, qui ex officio tenetur defendere aliquem, eumque non defendit, tenetur restituere ei damna ex omissione culpabili eius defensionis illi subsequuta. Eodem etiam modo, qui communi lege sibi cum alijs tenetur seruare secretum, ac veluti pacto tacito aut expresso inter eos, vt inter dum canonicos tenetur circa ea, quæ in capitulo fiunt, & tenentur similes alij, contra iustitiam peccant reuelando id secretum, quod communi ea lege, ac veluti pacto, tenentur seruare.

6 De quinto gradu secreti, de quo *Disp.* præcedente habitus etiam est sermo, iam ibi est dictum, pertinere ad virtutem religionis illud seruare, vt diuina lege positiua ratione sacramenti poenitentiae, in eius sacramenti atque in animarum bonum, est iustum seruari, contrariam verò iniquam eius secreti reuelationem esse crimè grauissimum sacrilegij, religionis virtuti contrarium. Dictum præterea est, vt simul interuenit pactum tacitum id secretum non reuelandi, esse peccatum contra iustitiam illud reuelare, cum onere restituendi omnia damna, quæ inde fuerint sequuta. Est præterea peccatum, infidelitatis contra pactum tacitum, promissioneque tacitam, id secretum non reuelandi. Quòd si peccata in confessione detecta, occultata sint, ita vt iniustitia esset illa reuelare, si aliunde solum scirentur, sine pacto ac promissione expressis aut tacitis ea non manifestandi, sed solum ex natura ipsa rei, ita vt ad primum etiam gradum secreti pertineant, ex eo etiam capite iniustitia esset illa reuelare, cum restituendi onere, vt Disputatione præcedente dictum etiam est.

7 Illud est obseruandum, nos hæcenus esse locutos de secreto rei alienæ. Seruare verò secretum rei propriæ, quando ita expedit famæ nostræ ac caritatem pertinet, qua nos ipsos diligere debemus, curareque conseruationem nostram, propriæque nostræ famæ, aliorumque bonorum nostrorum, pertinet item ad constantiam ac continentiam linguæ; & contraria inordinata reuelatio rei nostræ propriæ occultæ pertinet ad vitia his virtutibus contraria, atque ad nostræ famæ prodigalitem. Quòd si reuelatio eiusdem secreti rei nostræ propriæ in scandalum etiam aliorum redundet, aut in iniuriam ac damnum nobis coniunctorum, simul ex aliorum caritate tenebimur idem secretum seruare, reuelatioque inordinata illius cum caritate, qua eos diligere tenemur, pugnat. Hæc de primo eorum, quæ in tit. huius disput. sunt posita.

8 Quod verò ad secundum attinet, vt illud explicemus, aduersus hæcenus dicta hac & tribus Disputationibus præcedentibus possumus primò argumentari. Ad vitam æternam còsequendam, vitandaq; proinde lethalia peccata, satis est seruare mandata, vt Christus *Matth. 19.* docuit: in præceptis autem decalogi nullum est præceptum de seruando secreto: ergo non est peccatum lethale contra iustitiam illud conseruare in euentibus, in quibus dictum est obligationem esse sub culpa lethali illud seruare: præsertim cum ea obligatio, si quæ sit, non sit de iure positiuo, sed de iure naturali, quæ contineri in præceptis decalogi debet.

9 Secundo, Christus in cena, vt habetur *Ioan. 13.* manifestauit peccatum Iudæ occultum, quòd eum esset traditurus: ergo reuelare peccatum occultum non est peccatum: alioquin Christus id nò fecisset.

Ad

Ad primum horum est dicendum, præceptum de seruando secreto, quatenus contraria manifestatione fama proximilædatur, reduci ad octauum decalogi præceptum & in eo contineri, ad illud scilicet: *non falsum testimonium dices*. Quemadmodum etiam ad illud sextum, *non adulteraberis*, reducit prohibitio omnium aliarum fornicationum, & in eo censetur comprehensa: & ad illud quantum, *non occides*, reducit prohibitio omnium aliarum iniuriarum corporaliū, & in eo censetur comprehensa. Quando autē iniqua manifestatione secreti læderetur vita aliena, corpusve alienum, aut læderentur bona aliena externa, iuxta ea quæ *Disp. 3. explicata* sunt, tunc prohibitio eius manifestationis secreti reduceretur ea ex parte ad quantum & septimum præceptum decalogi, in eisq; comprehenderetur pro qualitate rerum, quibus id iniustum damnum ea iniqua manifestatione inferretur. Quāuis autem seruare secretum effigiem habeat præcepti a firmatiui, vim tamen habet præcepti negatiui, videlicet, non deteges secretum alienum: sicut etiam negatiuum est octauum illud decalogi præceptum, *non falsum testimonium dices*, ad quod reducit, & in quo comprehenditur. Cū verò reuelare secretum contra bonum famæ sit, quod mediū est inter bona corporis & bona externa, consequens profectū est, vt ex suo genere id sit grauius peccatum, quā si furtum, quo bona externa proximi iniuste auferuntur aut læduntur, vt ex suo genere minus graue peccatum sit, quā homicidium, adulterium, quin & quā simplex fornicatio, quæ peccata contra bonum sunt corporis. Ex circumstantiis verò euenire potest, vt furtum aliquod grauius peccatum sit, quā detectio aliqua iniusta alicuius secreti, & vt detectio aliqua secreti sit grauius peccatum, quā fornicatio aliqua simplex, & quā adulterium aliquod, quin & quā aliquod homicidium, vt si inde spirituale aut corporum grauius aliud malum imminet.

Ad secundum verò argumentum, prætermisissis alijs solutionibus, dicendum est cum Adriano quodlibet. 11. q. 1. ad 1. & cum Soto de tege. ser. memb. 1. q. 2. ad 1. Christum Dominum non dixisse peccatum secretum, quod iam erat in Iuda, sed prophetico spiritu prædixisse peccatum conditionis actualis futuræ, quod publicum erat futurum nequitia Iudæ, sicut etiam eodem spiritu prædixit peccatum trine negationis Petri, quod erat similiter Petri fragilitate futurum. Detexisse verò illud ad finē redemptionis ac salutis generi humano, nempe vt intelligeretur, sua sponte se obtulisse morti: quandoquidē media, per quæ erat futura, & quæ poterat ipse facile declinare, præciebat. Præter illud detexisse, vt corda cæterorum discipulorum cōfirmarentur in fide, dum cernerent, rem enenisse sicut prædixerat. Adde, eam detectionem prophetico spiritu peccati ad Iuda adhuc patranda adiumento illi fuisse, tum vt doleret de iam patrato, dum decreuit illud efficere, & pactum circa illud cum principibus sacerdotum iniuit, (quod peccatum iam patratum in quo tunc erat Iudas, quodque discipulis erat occultum, Christus non detexit) tum etiam vt desisteret à peccato adhuc committendo traditionis actualis Christi, nisi sua malitia eo etiam adiutorio noluisse adiuari. Item cum peccatum illud esset aduersus Christum, in sui vite damnum, grauisimamq; iniuriam, fas Christo fuisset, etiam vt personæ priuata, illud detegere, vt impederetur ac puniretur, nedum illud prædicere. Adde etiam, cum Christus, vt Deus, Dominus esset famæ Iudæ, quin & vt homo dominus dono patris esset omnium, maxime quantum expediret ad finem redemptionis generis humani, Iuliusque omnium spiritualis, absque vlla Iudæ iniuria potuisse damnum illud famæ Iudæ inferre.

SVMMARIVM.

1. Qui famam alicuius lædit, peccat contra iustitiam commutatiuam: & etiam qui id attentare facere.
2. Fama latissime sumpta est existimatio de aliquo, maxime exterius manifestata. Rumor & fama sunt diuersa.
3. Fama, vt est personæ, est status illius dignitatis, legibus & moribus comprobatus.
4. Infamia personæ est lesio status, dignitatis, seu conditionis personæ a cuius, qua iuris humani dispositione infamis habetur ac redditur.
5. Illegitimo matrimonio natum esse infamia est facti.
6. Quando pater in testamento aliquid infamæ filio diceret, quia ibi maturo iudicio conferretur id dicere, & non iratus, contrahit filius infamiam facti. Similiter quando de aliquo apud graues viros concipitur sinistra opinio quoad mores illius, contrahit ille infamiam facti.

INFAMIA QUID, ET QVOTPLEX.
Et de infamia facti.

DISPVT. 7.



Consequenter est dicendū de ijs, quæ contraria sunt iustitiæ commutatiuæ circa bona honoris & famæ. Et primo de contrariio obiecto illius, hoc est, de infamia, quæ famæ, circa quā est iustitia versatur, est contraria. Atque quæcunque lesio iniusta famæ, hoc est, existimationis alterius circa aliquod bonum, etiam si illum infamem non reddat, sufficit vt, qui ita iniuste lædit, peccare dicatur contra iustitiam commutatiuam circa bona honoris & famæ, & vt, si id damnum famæ permaneat, teneatur illud restituere. Quin & attentare famam iniuste lædere, eisdē effectibus non sequatur, sufficit ad peccatum contra eam iustitiam commutatiuam, sicut non vt obligatio sit quicquam restituendi: quoniam obligatio restituendi famam exigit damnum permanens in eo datum. Imò verò solum iudicium temerariū merè internum, aut suspicio temeraria & iniusta merè interna, quibus interius apud ita iniuste iudicantem aut suspicantem læditur æstimatio ac fama proximi, sufficit ad peccatum lethale aut veniale contra eandem commutatiuam iustitiam: tametsi non ad obligationem restituendi: quoniam eo ipso, quod à tali iudicio ac suspicione temerarij ac iniusti cessatur, vt obligatio est cessandi, nullum remaneret damnum.

Quamuis autem quæcunque lesio iniusta famæ alterius modis explicatis, aut attentare ita eam iniuste lædere, quin & voluntarij ac iniuste exponere se periculo illam lædendi, sufficiat ad obiectum iniustitiæ, iustitiæ commutatiuæ circa bona honoris & famæ contrarij, siue infamis inde reddatur proximus eo vicio offensus siue non, & siue lesio in illius fama sequatur, siue non: opere pretium tamē est agere hoc loco de infamia, à qua quis infamatur aut infamis dicitur: tum vt intelligatur, quando illa iniuste vicio contrario iustitiæ commutatiuæ circa bona honoris & famæ inferatur, cum onere restituendi damnum contrarij famæ ea via iniuste datum: tum etiam vt intelligatur, quando detectio criminis alicuius ijs, quibus non erat cognitus, iniustitia non sit, neque inde obligatio restituendi surgat: eo quod ille ea de re infamatus iam erat, famam ve amiserat: tum denique vt intelligatur, quādo aliquis iuris dispositione infamis censetur ad multos effectus ius proprijs in locis explicandos, quorum aliquos *Disputatione 10.* subiiciemus.

2 Fama latissimè sumpta, vt sub se comprehendit bonam & malā famam, est existimatio de aliquo, maximè exterius manifestata: & quoniam fando solet fieri verbis ea manifestatio existimationis de aliquo, à fando dicta est fama, quasi fama sit, quod de aliquo dicitur quo ad existimationem, & notitiam, quæ de eo habetur. Fama, vt bonam & malam comprehendit, atque adeo vt sub se comprehendit infamiam, interdum est de facto, aut de qualitate alicuius, vt quod commissum sit tale crimen aut quod talis persona illud commiserit, aut quod bonum aliquod egerit, vel quod legitimus sit, aut illegitimus, quod descendat ex parentibus tali ac tali nota affectus, &c. Atque quo ad aliquos effectus fama hæc aliquando sumitur presè, vt à rumore distinguitur, ita vt rumor sit paucorum ea dere dictum, fama verò sit cōmune dictum in oppido vicinia, aut congregatione aliqua. Prudētis autem arbitrio est relinquendum, vt iudicetur, quando censetur commune dictum & existimatio multorum, ita vt censerī debeat plus quā rumor, transire; censerī debeat in famam. Atque quod erit satis, vt fama sit in congregatione domus aut collegij, non erit satis vt sit fama in vicinia, cuius pars est ea domus aut collegium: & quod satis erit vt sit fama in vicinia, non erit satis vt sit communis fama in ciuitate, vel oppido, quod ex multis constet vicinijs. Ad aliquos item effectus fama aliquando sumitur adhuc presius, vt distinguitur à vanis vulgi seu populi vocibus, vt fama sit communis existimatio acciditū ortum habens ex verisimilibus coniecturis: si autem ea existimatio, aut dictum, ex verisimilibus coniecturis ortum non habeat, non dicitur fama ita presè, sed id dicitur vana existimatio, aut vana vox populi ac vulgi, vt tractatu sequenti dicitur. Interdum verò fama, vt se extendit ad bonam & ad malam, est de persona aliqua quoad facta & qualitates illius: vnde dicimus homo ille est bonæ aut malæ famæ, inquirique solet qualis famæ aliquis sit.

3 Sumpta autem fama vt est personæ, & vt opponitur infamæ, quæ personam reddit ac denominat infamem, sic definitur iuxta l. cognitio, §. existimatio ff. de varijs extraord. cogn. & l. tit. 6. part. 7. accommodatè ad Azonem, Speculatorem, & alios. Et status illius dignitatis legibus & moribus comprobatur. Nominè autem dignitatis, vt ibi glossa exponit, intelligitur conditio ipsa humana in se nullo prauo more infecta (intellige, neque nota, quæ iuris humani dispositione infamem reddat) quæ dignitate super creaturas omnes mente liberò vt arbitrio minimè præditas. Dum aut status ille illi sibi manet, probatusque est legibus & moribus, quia scilicet legibus est conformis, bonisq; moribus affectus, existimatio, quæ de eo stat habetur, est fama seu bona fama, quæ de eo homine tunc habetur. Atque eiusmodi fama est omnib; numeris absoluta, integra, seu perfectæ. Quando autem status esset illegis sed non probatus moribus ac legibus, vt in eo, qui non peruenisset ad vsum rationis, aut ad eam ætatem, in qua morēs elucere possent, tunc vt in illo locum non haberet infamia quo ad mores, sic neq; bona fama illi prorsus cōtraria, qualis est, quæ proximè est definita: esset tamen bonæ famæ secundū quid, hoc est, status illegis minimè vt deprauati quo ad mores, tamen bonis moribus non ornati, saltem simpliciter. Intellige, nisi affectus esset notā aliqua, quæ dispositione iuris redderet illum infamem. Vt si esset filius eius, qui de crimine læsæ maiestatis humanæ aut diuinæ esset damnatus: tunc enim legibus, quo ad eam notam probatus non esset. Item in adultis bona fama magnam latitudinem potest habere, prout vnus plus alio moribus potest esse ornatus, minusque habere permixtum de malis moribus, aut de nota malæ, quæ infamem

aliquem iuris dispositione non efficiant: neque enim quæcunque morum malorum, aut notæ non bonæ admixtio, infamem aliquem reddit: tamen si famam ex parte denigret ac minuat.

Infamia autem personæ, famæ proximè explicatæ contraria, quæ personam infamem reddit ac denominat, cum à dispositione iuris humani pendeat, quam talem habere ac statuere velit, & nō à natura ipsæ rei, inconstans omnino est, prout ius humanum stare vult, vel illud, efficere aliquem infamem; eam verò sic possumus definire: Est læsio status dignitatis seu conditionis personæ alicuius, qua iuris humani dispositione infamis habetur ac redditur. Eiusmodi autem infamia duplex est. Quædam facti, alia iuris, vt habetur l. tit. 6. part. 7. & affirmant glossa. l. l. ff. de his qui not. inf. & glossa c. infames §. porro. verb. infamia 3. q. 7. & doctores communiter.

Inter infamias facti primo loco lex 2. tit. 6. part. 7. commemorat, genitum esse aliquem nō ex legitimo matrimonio. Duæ tamen glossæ proximè citatæ non meminerunt huius infamiam, dum facti infamiā explicant. Greg. Lopez lege illa 2. ait, eam legem sequutam esse Azonis opinionem, qui illegitimos infames esse dicit, multosque alios: idem Greg. Lopez refert tit. 13. in summa, part. 4. verb. en verguença, qui illos infames etiam appellant, aitque tales esse saltem facti infamiam, iusque præsertim canonicum infames eos reputare. Couar. etiam de pract. qq. c. 19. n. 6. ait, multos eam infamiā facti appellare. Cum autem hæc qualiscunque infamia ex iuris dispositione descendat, non video, cur non potius iuris, quā facti, infamia ea debeat appellari: nisi quia eiusmodi illegitimi non simpliciter censentur infames, neque quo ad omnia infames reputantur, à quibus excluduntur, & ad quæ inhabiles censentur, qui iuris infamia simpliciter infames sunt; sed dicuntur quodammodo infames, quia comparati cum legitimis: longe inferiores illis censentur, & ad multa iuris dispositione inhabiles sunt reddit, licet minus ij, qui illegitimi naturales sunt, quā qui sunt spurij. Vnde in hoc regno illegitimi naturales nō excluduntur ab ea patris nobilitate, quæ hida' quia nuncupatur, cum tamen spurij ab ea excluduntur, minusque spurij admittantur ad succedendum in bonis parentum, quā naturales admittantur. Denique illegitimi licet inferiores habeantur in existimatione & reputatione, quā legitimis, solum tamen censendi sunt inhabiles & exclusi ab ijs, à quib; iuris dispositione ciuili vel canonici, compertiuntur exclusi, nō verò à reliquis, à quibus excluduntur, qui simpliciter sunt infames. Hinc optimè Couar. de pract. qq. c. 12. n. 6. cum Calderino aduersus nonnullos affirmat, illegitimum, etiam spurium, non excludi ab obtinendo, & administrando officio tabellionatus: à quo tamē excluduntur verè infames: quoniam illegitimus non est simpliciter infamis, sed solum affectus nota, ob quam iure canonico & ciuili inhabilis ad multa redditur, de quorum numero non reperitur esse tabellionatus officium: quin potius cum l. generaliter §. spurios, & l. spurij ff. de decurionibus habiles pronunciantur ad decurionatus munus, quod maius est, habiles quoq; proculdubio censentur ad officium tabellionatus, quod est minus, præsertim cum nullibi reperiantur redditus inhabiles ad id munus. Neq; refert, quod §. spurios citato dicatur, si competitorum ad decurionatum habeat aliquem legitimè natum, eum tunc spurio esse præponendum: non, inquam, id refert: quoniam solum probat, illegitimos inferiores reputari legitimis, & maximè si illegitimi sunt spurij: vnde in electione ad munia publica, quæ honoris sunt, & ad quæ illegitimi incapaces non sunt, ceteris paribus, legitimi præponendi sunt natis illegitimè. Lu-

mē. Iuxta ea verò, quæ de illegitimo dicta sūt, credo, si aliquis, qui descendentibus & ascendentibus caret, heredem institueret aliquem extraneum illegitimum, vel spurium, nō posset agere frater institutoris querela inofficioli testamēti, ut ipse obtineret eam hereditatem: quoniam licet ea querela competat fratri testatoris, quando eiusmodi testator heredem instituit aliquem infamem iuris aut facti infamia, iuxta ea quæ tractatū 2. in calce Dis. 159. dicta sunt: illegitimus tamen nō censetur simpliciter infamis, nec iuris nec facti infamia, nec ab aliis rebus excluditur, quā ab iis, & à quibus iuris dispositione exclusus comperitur: non verò comperitur exclusus iuris dispositione à successione in tali hereditate.

Quando pater in testamento aliquid infame filio diceret, quia ibi maturo iudicio censeretur id dicere, & non calore iracundiæ, tunc licet is filius ea de causa non contrahat infamiam iuris, contrahit tamen infamiā facti, quia merito apud graues & probos virosea de causa minoris æstimationis haberi debet, quia prauo more fit affectus. Ita habetur l. ea quæ pater Cod. ex quib. caus. inf. irrog. & l. 2. titu. 6. par. 7. Item si iudex in iudicio (& longē maiori cum ratione de principe) aliquem reprehendendo, illi diceret, ut melius viveret, aut aduocato, procuratori, aut alteri diceret, ut caueret deinceps ab aliquo calumniosè accusando, id similiter licet iuris infamiam non irrogaret, infamē tamen illum redderet facti infamia: quia similiter apud graues & probos deinceps ea de causa haberetur minoris æstimationis. Ita habetur l. iurem. & l. interloquutio. Cod. eod. titu. l. ob hæc verba ff. de his qui not. inf. & l. 2. titu. 6. par. 7. Deniq̃ quando de aliquo apud bonos, & graues concipit sinistra opinio quoad mores illius ex dicto fide digni, aut ex aliis non leuibus, & vanis iudiciis, tunc ille eo ipso (vt ex se etiam satis liquet) contrahit infamiam facti, non tamen iuris, argumento l. honori, & quæ notantur. l. licet. ff. de obseq. à lib. & habetur l. 2. titu. 6. par. 7. atq̃ affirmant glossa c. infames. §. porro. verb. infamia, 3. qu. 7. & doctores communiter. Non tamen est satis apud viros bonos & probos concipi sinistram opinionem de crimine, etiā manifestò, quòd in conuictu humano non efficit hominem prauæ æstimationis attenta illius qualitate, & statu, vt si homo aliquis secularis insolens sit & iracundus, aut in simplices fornicationes incidat, vt immoderatè iuretur, similivæ alia crimina habeat: quoniam hæc humano more, & vt in conuictu humano æstimentur, accipiendā sunt. Lege inter alios Iul. Clar. §. lib. sent. §. vlt. qu. 14. à num. 9. Idem Iulius Clarus eodem §. vltim. qu. 21. in calce numeri primi, cum Saliceto ait, si infamatus infamia facti de malis moribus per triennium illos mutasset, & perseverasset integro triennio integræ ac bonæ famæ, censeretur purgare infamiam facti præteritam, neq̃ ei ad ea noceret, ad quæ infamia facti nocere solet. Item quando aliquis ciuilitè agendo conditione furtiuæ, aut interdicto, vnde vi, condemnatur, licet non incurrat infamiam iuris, incurrit tamen infamiam facti, quòd de crimine sit damnat⁹, ob quod si criminaliter damnaretur, infamiam incurreret: atque vniuersim in quibus criminibus excusatur quis ab infamia iuris ob qualitatem accusati & accusantis, vt si contra patrem aut patronum ageretur, incurrit nihilominus infamiam facti, ita habetur l. neque. ff. de vi & vi arm. l. cessat. ff. de acti. & oblig. l. 2. titu. 6. par. 7. & l. honori ac l. licet. ff. de obseq. à lib. Si enim opinio ea de re concepta à probis & honestis ex verisimilibus iudiciis infamem illum redderet infamia facti, vt dictum est, multo magis illum reddet infamem, quando res eadem deducta est ad iudicium, & is condemnatus est de ea, quin etiam si solum probata sit, nedumq̃ lata sit sententia, imò verò esto so-

Tom. 5.

lum verisimilia indicia eius criminis delata sint ad iudicium, cognitaq̃ sint ex delatione, estò nondum in iudicio plenè probata sint.

SVMMARIVM.

1. Mulier coniugata in adulterio deprehensa, etiam si condēnata in adulterio non sit, infamiam iuris incurrit.
2. Vidua ad secundas nuptias transiens intra annum luctus, computatum à morte prioris mariti, infamiam iuris similiter incurrit, itidem pater eius, qui illam sciens nuptias traderet: item ille qui illam ducit.
3. Vidua, quæ sine facultate Regi transibat ad secundas nuptias intra annum luctus, amittebat omnia, quæ ei obenerant ex priori marito, siue ratione matrimonij, siue testamento illius, illaque obiiebant filij.
4. Mulier, quæ intra annum luctus ad secundas nuptias transibat, per mittebatur obtinere à Principe remissionem infamiae.
5. Iure canonico vidua intra annum luctus nubens pena & infamia soluta est.
6. Easdem penas, quæ viduis intra annum luctus nubentibus sancitæ sunt, incurrit vidua, quæ intra eundem annum cum aliquo fornicatur. In Hispania vidua luxuriosè vivens siue in anno luctus, siue extra eum annū, amittit hereditibus mariti defuncti medietatem lucrorum, quæ ad ipsam ex eo matrimonio pertinerunt.
7. Easdem penas incurrit vidua, quæ suscepta tutela filiorum prioris matrimonij, præstetque iuramento se non transiuram ad secundas nuptias, nisi prius tutorem peteret filijs, ad easdem nihilominus transit.
8. Infamiam ipso facto incurrit, qui vel quæ vna sponsalia aut vna matrimonij, aut sponsalia & matrimonium cum duobus simul contrahit, non iussus ab eo, sub cuius potestate sit.
9. Infamiam etiam facto incurrit lenones & lenæ.
10. Itidem hystriones & scenci, qui se pretio locant ad scenam: sed raro id modo accidit. Olim quidem apud Romanos & Græcos licebat turpia exhibere.
11. Itidem qui operas suas locant, vt pugnent cum bestia feræ & licet de facto non pugnent, satis est se ad id locasse.
12. Qui pretio accepto in certamen cum aliquo homine descendit, vel qui pretium accipit vt aliquem interficiat, aut percutiat, ipso facto infamiam subit.
13. Item quicumque de exercitu est dimissus ignominie causa ob delictum in exercitu commissum, etiam si dux esset: qui autem alia de causa esset dimissus, infamis non esset.
14. Item miles qui conducit prædia aliena negotiationis causa.
15. Item vsurarius.
16. Item qui promissit alicui iureiurando se aliquid facturum aut impleturum, neque impleuit quando potuit, & iuramentum ad id ipsum obligabat.
17. Item qui sub homagio aliquid in Hispania promittit alicui, nec eidem adimplet, cum possit ac debeat. Homagium aliquando includit iuramentum, aliquando non.
18. Item infamiam subit Sodomitæ.
19. Item in regno Hispanie nobiles, qui in iudicio palinodiam cantabant, sed ille euentus hodie locum non habet.
20. Si quis postquam infamiam ipso facto incurrit, ad testimonium dicendum accedat, non est testimonium eius vsque quaq̃ admittendum.
21. In iure canonico ipso facto incurrit infamiam, qui in aliquod graue peccatum incidit, vt hæresim, Apostasiam, schismam, incestum, &c.

INFAMIA IVRIS IN QVIBVS EVEN-
tibus ipso facto seu ipso iure ante sententiam
incurratur.

DISPV. 8.



Infamia autem iuris in sequentibus eventibus ipso facto nulla expectata sententia incurritur. Primò, mulier coniugata, si in adulterio deprehendatur, à quocumq; fuerit in eo deprehensa, etiam si còdemnata de eo adulterio non sit, imò verò etiam si sit absoluta, infamia iuris eo ipso incurrit. Si tamen in adulterio non fuit deprehensa, estò probetur adulterium commisisse, non incurrit infamiam iuris, donec de eo adulterio sit condemnata. Facti tamen infamiam iuxta ea, quæ paulo antea dicta sunt, incurrit. Hæc omnia habentur l. palam. §. quæ in adult. nuncia gl. §. si ibi ff. de rit. nup. & l. 3. titu. 6. part. 7. consentitq; communis doctorum sententia.

Secundò, de iure civili, quæ mulier vidua intra annum luctus, computatum à morte prioris mariti, ad secundas nuptias trāsibat, infamiam incurrebat, tam ipsa, quam pater illius, (sub cuius potestate de eo iure communi & partiarum erat) si illam sciens nuptui traderet, atque etiam is, qui id scieas, cum ea contraheret per verba de presenti: nisi dū mandato patris aut avi, sub cuius potestate esset, contraheret id matrimonium: nam tunc pater aut avus, id ei præcipiens, eam infamiam contraheret, & non illius ipse aut nepos. Ita habetur l. 1. & 2. C. de secund. nup. l. deceto C. ex quibus caus. infam. (in qua lege velles lugubres remittuntur viduæ, quæ quondam ei præcipiebantur, modò ad secundas intra eum annum non transeat nuptias) l. 1. §. qui eam l. genero l. liberorum. ff. de his qui not. infam. & l. 3. titu. 3. part. 7. Atque ea infamia incurritur ipso facto nulla expectata sententia, vt notat glossa 1. §. qui eam citato, consentaneè ad textum ibi, & ad l. palam. §. quæ in adulterio. ff. de ritu nup. & ad alia iura. Incurritur verò ea infamia, etiam si secundum matrimonium esset inualidum ob impedimentum illud dirimens. Ita habetur l. quid ergo. §. cum autem factum, ff. de his qui not. infam. Elapso autem anno, inipune poterat contrahere secundas nuptias, etiam si antea ignorasset maritum suum mortuum fuisse, vt habetur l. genero §. vlt. de his qui not. infam.

De facultate verò principis mulier contrahens matrimonium intra annum luctus euadebat penam infamiae & alias penas: l. solet ff. de his qui not. infam. & l. 3. titu. 6. part. 7. & l. 3. titu. 12. part. 4. vidua etiam contrahens sponsalia per verba de futuro intra annum luctus, nullam ea sola de causa incurrebat penam. Ita habetur l. solet citata, §. vlt. Sponsa etiam per verba de futuro, si ei sponsus moriatur, celebrare potest itatim matrimonium l. vxores ff. de his qui not. infam. & l. 3. titu. 12. part. 4. Sub hac pena & sub aliis, quas subiiciemus, iure civili fuit statutum, vt mulier intra annum luctus non tranfiret ad secundas nuptias. In primis, quoniam si mulier contraheret intra annum luctus, periculum erat, ne esset dubium, an partus sequutus esset prioris mariti vel posteroris, vt habetur l. liberorum, §. 1. ff. de his qui not. infam. & l. 3. titu. 6. part. 7. Quando autem Vlpianus l. liberorum citat, §. Pomponius, approbat sententiam Pomponij asserentis, si vidua partum edat intra annum luctus, posse deinceps intra eum annum contrahere matrimonium, intellige ex eo capite: scilicet autem ex aliis, quæ causæ fuerunt motuæ eius legis: alioquin eo eam ipso, quod constaret viduam prægnantem relinqui ex priori matrimonio, contrahere posset: quoniam sciretur partum aut abortum esse prioris mariti: item ela-

pso nono mense à morte mariti contrahere posset, quoniam de partu deinceps edito non posset esse dubium, an esset ex secundo matrimonio. Deinde satis innuit eadem lege liberorum, vnametiam à causis motuius sanctionis eius legis fuisse, quoniã decebat mulierẽ id tempus transigere in luctu mariti: & ibidem dicitur, quamuis maritus dignus nõ fuisset qui lugeretur, vt h perduellio fuisset, aut se ipsum interfecisset ex conscientia sui proprij delicti, vel aliqua alia de causa, ob quam more maiorum defunctus non lugebatur, nihilominus satis esse causas alias motiuas condendæ eius legis perseuerare, vt vidua illa intra eum annum transire non posset ad secundas nuptias: vnde, estò partus intra annum editus fuisset, si tamẽ maritus dignus fuisset, qui lugeretur, indecentia, quæ erat aduersus illum, & sobolem ex ea susceptã, quod vidua illa tam citò ad secundas tranfiret nuptias, satis erat vt incurreret penas ob eum tranlitum statutas. Alia item causa traditur in authentico de restitutionibus, & ea quæ pareret, §. vnum & sequentibus cur tranlitus intra eum annum sub illis penis fuerit prohibitus, quia scilicet eo celeri tranlitu suspẽctam ea vidua se reddit, & quod non castè vixerit tempore prioris matrimonij, & quod machinata sit mortem prioris mariti: hæc verò ratio motiua eius legis perseuerat, estò duæ aliæ restarent. Lex. 3. titu. 6. part. 7. & l. 5. titu. 3. part. 6. ad hanc tertiam & primam causas prohibitionis tranlitus ad secundas nuptias intra annum luctus Baldus addit quartam aliam, quia scilicet tactus ventris viduæ illius, coitu secundi mariti, in causa esse posset abortus, si mulier illa grauida maneret ex priori matrimonio. Huius tamen causæ eius prohibitionis iura non meminerunt, & propter eam causam, si illius esset habenda ratio, prohibitus esset coitus cum propria vxore prægnante, prohiberive deberet, quod tamen est falsum. Adde, quando constaret eam viduam prægnantem non esse, quæ adeo post decimum mensem à morte mariti, prohibitus non esset tranlitus eius viduæ ea de causa ad secundas nuptias.

Præterea vidua, quæ sine facultate Regis transibat ad secundas nuptias intra annum luctus, amittebat omnia, quæ ei obuenerant ex priori marito, si ueritate matrimonio, siue testamento illius, illaque obtinebant filij, si qui erant ex eo matrimonio, aut ex alio eius mariti, alioquin ea obtinebant hæredes alij mariti illius ascendentes quidem mater & pater, & in horum defectum auus & auia, & ex collateralibus fratres & sorores eius mariti, & iuxta glossam lege 1. citanda, fratres & sorores succedebant simul cum auis, idq; æqualiter, eo quod omnes essent in æquali gradu, & qui æquales sunt in eodem gradu, omnes simul equaliter succedunt: deficientibus verò his omnibus consanguineis mariti, fiscus succedebat in eis bonis. Item nullus extraneorum poterat eam mulierem institueret hæredem, vel illi relinquere legatum, fidei commissum, vel donationem causa mortis, sed neque consanguinei ipsius poterant ea illi relinquere, neque poterat illis succedere ab intestato, nisi essent consanguinei ipsius, vsque ad tertium gradum; nam his ab intestato & ex testamento succedere poterat, & accipere poterat ab eis legatum, fidei commissum, & donationem causa mortis. Quæ autem ab aliis essent ei relicta, siue consanguinei illius essent vltra ad tertium gradum, siue extranei, in eis succedebant alij hæredes eorum, qui id ei relinquebant ex testamento, & in defectum hæredum ex testamento succedebant hæredes eiusdem ab intestato. Hæc omnia habentur l. 1. Cod. de secund. nup. in authentico de nuptiis, §. prima si quidem, & l. 3. titu. 12. part. 4. iuncta l. 5. titu. 3. part. 6.

4 Mulier autem, quæ ita illicitè intra annum luctus ad secundas transibat nuptias, permittebatur obtinere à principe remissionem infamiae & cæterarum poenarum, quas ea de causa incurrerat, absoluit quidem & absque aliqua conditione, si filium aut filios non habebat ex eo priori matrimonio: si autem illos habebat, non aliter permittebatur ei obtinere eam remissionem ac veniam, nisi ex omnibus suis bonis, quæ ipsa habebat tempore, quo posteriorem matrimonium contraxit, medietatem integram ei filio aut filiis absolute absque aliqua conditione omnino donaret, non relinquendo sibi vsum fructum eorum, sed eum in illos etiam transfereundo atque ita ut ea medietas bonorum equaliter inter eos filios divideretur, si plures vno essent, & ut si aliquis eorum ex hac vita discederet, perinde ex ea portione posset ex testamento disponere, atque de aliis suis bonis, si autem de illa non dispo-neret, nec filios haberet, succederent in illa fratres ex eodem priori matrimonio, neque aliter ea medietas bonorum ad eam matrem deveniret, quàm si omnes ex hac vita discessissent, neque aliter de illa disposuissent, aut de parte illius. *Hæc habentur l. 5. quæ mulier C. ad Turpil. & in authentico de nuptiis §. prima quidem nuptia, vers. dicimus autem infamiam.*

5 Observandum est tamen, iure canonico c. penult. c. ult. de secund. nup. sublatam esse poenam infamiae sublatamque esse cæteras alias poenas viduæ nubenti intra annum luctus, cum iuxta doctrinam Apostoli, mortuo marito, soluta maneat à lege viri, ei-que permittat nubere eo ipso cui vult tantum in Domino. Et quamvis glossa & quidam alij contenderint, adhuc vim habere leges civiles, in foro seculari, maximè quando ex secundo matrimonio dubium esse poterat, num partus primi aut secundum mariti esset, legesque partitarum vniuersim voluerint, nihil impediende dispositione illa iuris canonici vim habere in foro seculari poenas iure civili tali viduæ impositas, ut aperte statuit l. 3. titu. 12. part. 4. atque iuxta id statuta etiam sint l. 5. titu. 3. part. 6. & l. 3. titu. 6. part. 7. nihilominus communis sententia affirmat, dispositionem iuris canonici circa eam matrimonii materiam, & circa libertatem, quæ in eo celebrando esse debet, auferendo poenas ei libertati contrarias, derogare dispositionibus illis penalibus civilis iuris: quæ causa merito in hoc regno, cum antea in foro seculari statetur legibus illis partitarum relatis, sancita est lex, quinta titulo primo lib. 5. ordinati. quæ est lex 3. titu. 1. lib. 5. noua collect. & sic habet: Mandamus que las mugeres biudas puedan libremente casar en el año que los maridos murieren con quien quisieren, sin alguna pena y sin alguna infamia ella ni con quien ella casare, no obstante qualesquier leyes, que en contrario sean bechasy ordenadas: las quales annulamos y renuocamos, y mandamos à los nuestros iueces y alcaldes de la nuestra casa y corte y chancilleria, y de todas las ciudades y villas y lugares de nuestros reynos y señorios, que no atiendan de proceer ni procedan por la dicha causa y razón contra las dichas biudas, ni contra aquellos que con ellas se casaren, so pena de dos mil maravedis para la nuestra camara, y los que lo contrario hicieren, se an emplacados que parezcan ante nos en la nuestra corte. Idei statutum est lib. 4. Lustrarum ordinationum titu. 11. Hæc autem omnia adiungit dictis tractatu 2. Disputationis. 154. §. de iurecivili.

9 Tertiò, poenam infamiae, & cæteras poenas, quæ commemoratæ sunt statutas esse iure civili viduis, quæ intra annum luctus transibant ad secundas nuptias, incurrunt viduæ, quæ intra eum annum luctus cum aliquo fornicantur. Ita habetur in authentica eiusdem Codic. de secund. nup. & copiosius in authentico de restitutionib. & ea quæ ponit §. vltim. iuncto authentico de nupt. §. & vers. citatis ac glossa ibi verb. interpositionem, & habetur lege tertia titulo duo-

decimo parte quarta, & lege tertia titu. 6. part. 7. Atque cum hæ poenæ sublatæ non compertiantur iure canonico aut civili ab eiusmodi vidua, quæ intra id tempus fornicatur, ad huc vim habent, illasque incurrat, ut cum multis, quos citauimus, tractatu precedente Disputat. 90. §. virum autem adultera in hoc regno, & c. dictum à nobis est. Longè autem diuerse est illa alia poena, quam etiam vidua in hoc regno incurrat, si luxuriose viuatur, siue in anno luctus, siue extra eum annum, ut scilicet amittat hæredibus mariti defuncti medietatem lucrorum, quæ ad ipsam ex eo matrimonio pertinebant, de qua poena dictum est Disputat. 90. citata §. citato. & tractatu 2. in calce Disputat. 434. ad quam incurrandam non satis est vna aut altera fornicatio eius viduæ, sed tot requiruntur prudentis arbitrio, ut censeatur iam luxuriose viuere, ut locis citatis explanatum est. Atque hoc adiungit iis, quæ illis in locis dicta sunt.

7 Quartò infamiam & cæteras poenas, quæ dictum est iure civili statutas esse viduæ, quæ intra annum luctus transibat ad secundas nuptias, incurrat similiter vidua, quæ suscepta tutela filiorum prioris matrimonii, præstitoque iuramento se non transiratur ad secundas nuptias, nisi prius tutorem peteret filijs, & rationem redderet, ac solueret, quæ ad illos attingebant, contra id iuramentum ad secundas transibat nuptias. Ita habetur authentica eiusdem Codic. de secundis nuptiis, & copiosius in authentico de nuptiis, §. si autem tutelam. Cum autem postea in authentico vi sine prohib. matr. §. propterea igitur, sancitum fuit, ut eiusmodi viduæ iuramentum non præstent, sed solum promittant se illa omnia præstituras, antequam ad secundas nuptias transeant, dubium est, an hodie eam poenam incurrant. Glossa item authentica eiusdem citata opinionem in partem vtramque refert, & in partem negantem, quam secundo loco refert, videtur propendere. Atque si stemus in solo iure communi, fortasse probabilior est pars affirmans, quòd scilicet, eas poenas incurrat, si illa, quæ sine iure iurando hodie promittit, non adimpleat, idque propter illa verba §. propterea igitur, citati. Insistendum verò non præberi, sed sufficere abrenunciationem solum Velleiani, & aliorum omnium & de secundis nuptiis, nullo iure iurando de hoc dando. Mox tamen ut secundas contraxerit nuptias, repente expelli à tutela, & ea agi, quæ seam iurasse contigisset, perferret, semel iudicio mentita, & praprensens propria confessioni, & de positioni secundas concupiscens. Ecce dicit, & ea agi. (hoc est, exequutioni mandari aduersus illam) quæsi eam iurasse contigisset, perferret. Atque hanc sententiam amplectitur glossa in authentico de nuptiis, verb. interpositionem, supra citata, quæ absolute affirmat, viduam, quæ illis non seruatis ad secundas nuptias transit, incurrere omnes eas poenas. Cæterum in his regnis vsu videtur recepta pars, quæ negat, quæ scilicet, non incurrere eas poenas, sed solum amittere tutelam, cui consuetudini consentit libro quinto, titulo decimo sexto, part. sexta, quæ de ea muliere agens, solum statuit amittere illam tutelam, neque villam de eiusmodi pœnis mentionem fecit, eaque de causa nos de sola ea poena amissionis tutelæ mentionem fecimus tractatu 2. Disputatione 220. §. quando impuberi. huic item opinioni vsu in his regnis receptæ, consonatque legi illi quinta citata, adhærentes, quæ ut est benignior, ita potius est complectenda. Atque hæc iniunge patragrapho quando impuberi citato.

Quintò infamiam ipso facto incurrat, qui vel quæ bina sponsalia, aut bina matrimonia, aut sponsalia, & matrimoniū, cum duobus simul contrahit, non iustus ab eo, sub cuius potestate situm sit ita infans id fecisset, non ipse, sed qui id iussit, & qui habens

habens aliquem, vel aliquam, sub sua potestate, nomine illius eidem facit, vel fit ab eo, qui sub potestate ipsius est, id ipso præcipiente, vel sciente ac permittente, infamiam poenam incurrit: secus autem si id ignorasset, estd postquam id sciuisset, ratum id haberet esse factum: nam in eo euentu rati habitio non retrahitur, vt æquiparetur mandato, aut promissioni, ad effectum incurrendi eam infamiam poenam: quare solus qui celebrasset ea bina sponsalia, aut matrimonia, vel matrimonium & sponsalia, incurreret tunc eam infamiam poenam. Dicitur autem quis simul celebrare cum duobus bina sponsalia, & matrimonium, & sponsalia, quando nondum dissoluto vno eorum cum vno celebrato, celebrat aliud cum alio, estd non in eodem puncto temporis ea cum diuersis celebret, sed in decursu temporis variis temporibus. Item incurritur ea infamiam poena, estd prohibita aut inualida sint ea matrimonia aut sponsalia, vt quia erat impedimentum ea inualida reddens, aut eorum aliquod. *Hac omnia habentur l. 1. in fine, & l. quid ergo in princ. & tribus § §. sequentibus. ff. de his qui not. infam.* Porro quodd dicitur, eum qui in potestate habetita contrahentem simul cum duobus incurrere poenam infamiam in euentibus explicatis, locum habere potest in hoc & in Lusitaniam regno, in quibus celebrantes matrimonium eo ipso egrediantur patriam potestatem. Et maxime in hoc regno, in quo per matrimonium non fit egressio à patria potestate, nisi accedat velatio coniugatorum. Vnde si celebrantur bina sponsalia patre præcipiente, aut permittente, aut id efficiente nomine filie aut filij, aut si prius celebrantur eo modo sponsalia & poitea matrimonium, aut in hoc regno post celebratum matrimonium eo modo, necdum sequuta velatione sequantur alia sponsalia similiter celebrata, vel matrimonium, pater eam infamiam poenam incurrit.

9 Sexto infamiam poenam incurrunt ipso facto lenones & lenæ, vt tractatu præcedente in calce Disputat. 97. explanatum fuit. Exceptis, qui in crimen incidunt legis Iulie de adulterij modis eadem Disputat. 97. explicatis, vt in eodem calce eiusdem disputationis dicimus: hi enim solum incurrunt poenam infamiam post latam sententiam, vt ibidem explicatum est. Quot autem sint genera lenonum & lenarum, & quas penas alias incurrant, eadem disputatione fuisse dictum fuit: eaque de causa quo ad hæc non plura hoc loco dico.

10 Septimo infamiam ipso facto incurrunt histriones ac scenici, qui se pretio loco ad scenica spectaculumq; sui corporis exhibendum, non tamen est satis vt eam infamiam incurrant, si se ad id locent, nisi id, ad quod se ita locant, efficiant. Ita habetur l. 1. & l. 2. §. ait prator, iunctis duabus legibus sequentibus. ff. de his qui not. infam. & l. 4. tit. 6. part. 7. Hodie verò nō video apud nos, qui hanc infamiam incurrant, nisi forte isti qui *farfas*, quas Hispani vocamus, apud nos ab aliquot annis pretio repræsentant, in quibus obscena bonosq; corruptentia mores repræsentant. Etenim tempore Romanorum ac Græcorum, dum idola deorumq; multitudo colebatur, turpia & obscena in suorum deorum honorem per vias & in theatris celebrabantur, quæ dii illi à suis cultoribus exigebant, vt Augustinus 2. de ciuit. Dei per multa capita testatur, eaq; ratione frequens inter eos erat vltus eiusmodi comediarum, tragædiarum, ac ludorum, ad quæ scenici se conducebant. Et cum scenici eiusmodi in pretio apud Græcos haberentur, honoribusq; afficerentur, tanquam qui ea exhiberent, quæ diis suis placerent, & quibus colerentur, vt Augustinus 2. lib. citato cap. vndecimo ait: à Romanis tamen ob turpia & indigna,

quæ efficiebant, infamiam nota afficiebantur, vt ex iuribus citatis constat. Vnde Augustinus ibidem, præteritur cap. 13. eos rearguit, quod eos deos colerent, qui ea sibi exhiberi vellent in cultum, ob quæ, qui illa exercent, ab ipsis afficiantur nota infamiam; vnde intelligere debent, daemonia eos esse, & non deos. Cum enim Augustinus, cum Scipione ex lib. de repub. Ciceronis agens, obieciisset, Romanos ferre circa deos suos, quæ circa homines non ferunt, capite 13. fit ait, *Sed responderet* (Scipio scilicet) *mihi fortasse, si viveret: Quomodo nos ista impunita esse nollemus, quæ ipsi dii sacra esse voluerunt, cum ludos scenicos, vbi talia celebrantur, dictitantur, actitantur, & Romanis moribus inuenerunt, & suis honoribus dicari exhiberique iusserunt? Cur ergo non hinc magis ipsi intellecti sunt non esse dii veri, nec omnino digni, quibus diuini honores deferret illa respublica? Quos enim coli minime deceret, minimeque oportere, si ludos expectarent agendos conuictis Romanorum, quomodo quasi dii colendi putati sunt? quomodo non detestandi spiritus intellecti, qui cupiditate fallendi inter suos honores sua celebrari crimina poposcunt? Itemque Romanis, quamuis iam superstitione nocita premerentur, vt illos deos colerent, quos videbant sibi vultu esse scenicas turpitudines consecrari, sue tamen dignitatis memores ac pudoris, altiores talium fabularum nequaquam honorauerunt more Græcorum, sed sicut apud Ciceronem idem Scipio loquitur: cum artem ludicram senamque totam probro ducerent, genus id hominum, non modo honore ciuium reliquorum carere, sed etiam tribu moueri notatione censoria voluerunt. Præclara sane & Romanis laudibus annueranda prudentia. Sed vellem se ipsa sequeretur, & imitaretur. Ecce enim recte quisquis ciuium Romanorum esse scenicus elegerit, non solum ei nullus ad honorem habebatur locus, veram etiam censoris nota tribum tenebre proprium minime sinebatur. O animum ciuitatis laudis audum, germaneque Romanorum? Sed respondeatur mihi, qua consentiant ratione homines scenici ab omni honore pelluntur, & ludi scenici deorum honoribus admiscuntur? Illas theatricas artes diu virtus Romana non nouerat: quæ etsi ad oblectamentum voluptatis humana quærerentur, & vitio morum irreperiret humanorum, dyæas sibi exhiberi petierunt. Quomodo ergo abiecit scenicus, per quem colitur Deus? Et theatra illius turpitudinis qua fronte notatur actor, si aderatur exactor? In hac controuersia Græci Romanique concertant. Græci putant recte se honorare homines scenicos, cum colant ludorum sceniorum flagitatores deos. Romani vero hominibus scenicis nec plebeiam tribum, quanto magis senatoriam curiam, dehonestari sinunt. In hac disputatione huiusmodi ratiocinatio summam questionis absoluit. Proponunt Græci: si dii tales colendi sunt, profectò etiam tales honorandi sunt. Assumunt Romani: sed nullo modo tales homines honorandi sunt. Concludunt Christiani: nullo igitur modo dii tales colendi sunt. Hæc Augustinus ibi.*

11 Octauo infamiam ipso facto incurrunt, qui operas suas locant, vt pugnent cum bestia fera, satifque est aliquem se ad id locasse, estd non pugnet, vt ipso facto infamiam incurrat. Qui verò se locaret ad interficiendum bestiam, quæ aliis nocumentum afferret, perniciosæ esset, aut ad pugnandum cum illa, infamiam ea de causa non incurreret: quoniam id opus esset virtutis, cederetq; in commodum bonum, neque quodd pretium ea de causa fumat, dehonestat id opus. Qui item cum fera, quæ aliis non nocet, fortitudinis gratia pugnet, nullo accepto pretio, non incurreret infamiam: quoniam id non ad abiectum ac vilem animum attineret. *Hac omnia habentur leg. prima, §. item senatus consulto. & §. bestias, ff. de post. lege quarta, titulo sexto, parte tertia, & lege quarta, titulo sexto, parte septima.*

Nonò, qui pretio accepto in certamen cum aliò homine

homine descendit, infamiam quoque ipso facto incurrit: quam non dubito incurrere eum, qui pretium accipit, vt aliquem interficiat aut percutiat. Qui vero nullo accepto ad id pretio cum aliquo pugnet, infamiam non incurreret, est enim vincenti primum esset positum. Atque qui ita pugnant lucta, aut quouis alio certaminis genere, fortitudinis ostendunt ac victorie causa athlete dicuntur, vt ait glossa tituli, consentaneè ad textum ibi l. 1. C. de athletis lib. 11. Ibiq. statuitur, vt qui athlete tres coronas in certaminibus publicis obtinuerint, modò vnam earum in noua aut in veteri Roma obtineant, immunis sit à muneribus oneribusve personarum. Quod autem, qui pretio in certamen priuatum descendunt, infamiam incurrunt, habetur l. 2. §. vlt. ff. de his qui not. infam. cuius verba sunt: *Eos autem, qui questus causa in certamina descendunt: infamiam scilicet incurrere.* Quamuis autem glossa ibi exponat, cum bestia dentata, & addat, idem esse de pugilibus, hoc est, de iis, qui se locant ad certamen cum alio homine, eosque affirmet infamiam incurrere: sanè certamen propriè est cum homine: neque ibi videtur esse sermo de pugna cum fera, de qua re habitus fuerat sermo integer & copiosius l. citata ff. de postul. sed de certamine cum alio homine: vnde lege athleteas statim sequenti continud subiungitur, athleteas, qui non pretio, sed fortitudinis gratia in certamen cum alio homine descendunt, infamiam non incurrere. Atque hanc totam nostram sententiam statuit l. 4. tit. 6. part. 7. ita intelligendum paragraphum illum vltimum & legem athleteas, non verò sequendo solum additionem illam glossæ, §. illa vlt. vt ibi Greg. Lopez ait.

Decimò infamiam ipso facto incurrit, quicumque de exercitu aut ex alia militum congregatione, est dimissus ignominie causa ob delictum in exercitu commissum, etiam si dux esset, & quicumque exautoratus ea de causa esset, hoc est, militaria insignia essent ab eo detracta, vtensem è cingulo illi adimendo ignominie causa ob id delictum, aut calcaria ab illo auferendo, vel illi aliquod tale præciendū. Ita habetur l. 1. in princ. & l. 2. ff. de his qui not. infam. & l. 4. tit. 6. part. 7. Qui autem alia de causa esset dimissus de exercitu, infamis non esset, vt constat ex iuribus citatis. Qui item exautoratus esset non quidem propter crimine commissum in exercitu, sed quia nomen militie dedit, eo quod litem cum aliquo haberet, vt ea ratione suas partes meliores redderet, infamiam non incurreret, vt habetur l. qui cum, §. exautoratus ff. de re milit.

Vndecimò miles, qui conducit prædia aliena negotiationis causa, infamiam ipso facto incurrit l. vlt. q. de locato, & l. 4. tit. 9. part. 7.

Duodecimò infamiam ipso facto incurrit vsurarius l. improbum fœnus. C. ex quib. caus. infam. irrog. l. 4. tit. 6. part. 7. & l. vlt. tit. 6. lib. 8. noua collect. dictumque copiosè est tractatu 2. Disp. 33.4. in princ. Atque, vt ibi dictum est, ea pœna comprehendit omnes vsurarios, qui veras vsuras naturali iure & canonico damnatas exercent, est iure Cæsareo essent permixtæ. Placetq. nunc cum Gregorio Lopez l. 4. citata, verb. vsurarios, comprehendere etiam vsurarios occultos, est de eorum infamia non sufficienter constet, nisi post latam sententiã, qua pronunciantur commississe vsuram; neque tunc ex sententia infamiam incurrunt, sed ex delicto antea ab ipsis commissio illam iam incurrerant, licet tunc constare incipiat, illam antea incurrisse.

Decimotertiò infamiam ipso facto incurrit qui promissum alicui sub iureiurando, se aliquid facturum, aut impleturum, neque impleuit, qm potuit, & iuramentum ad id ipsum obligabat. Ita habetur l. 4. tit. 6. part. 7. iuxta l. si quis maior Codic. de transact. concinit. quoties. Codice de dignitatibus libro duodecimo, & affirmat ibi

Tom. 5.

glossa, & glossa leg. Lucius, ff. de his qui notantur infam. Neque refragatur eadem lex Lucius, quatenus definit, quando quis egit iniuriarum scriptura, in qua testes deposuerant, reum ea iniuria illum affecisse: si iudex fidem non adhibeat ei scripturæ, & absoluat reum, testes illos infamiam non incurrere. Non, inquam, refragatur definitio illa eius legis. Tum quia ille non est euentus, de quo modò agimus. Tum etiam, quoniam non eo ipso, quod illi scripturæ fides non adhibetur, quantum satis est vt condemnatur ille reus, sequitur testes illos conuictos esse falsi testimonii. In hoc autem regno in euentu, in quo dictum est, incurri eam infamiam, qui non implet id promissorum iuramentum, amittit eo ipso in pœnã bona omnia sua fisco regis. Ita habetur l. 1. tit. 6. lib. 8. ord. q. que est l. 1. tit. 17. lib. 8. noua collect.

Decimo quartò de iure huius regni, qui sub homagio (pleto menaje appellat in hoc regno) aliquid promittit alicui, nec ei adimplet, cum possit ac debeat, infamiam ipso facto incurrit. Ita habetur leg. 2. tit. 5. part. 7. eamque infamiam lex illa appellat menos valer. Quo loco obserua, homagium interdum includere iuramentum, vt multis explicat ac probat Greg. Lopez l. 2. tit. 11. part. 3. glossa vlt. quando iuramentum quidem includeret, tunc promissio sub homagio non esset euentus distinctus à decimotertiò præcedente, neque esset quid peculiare huius regni. Quando autem iuramentum non includit, tunc est peculiaris euentus de iure huius regni statutus, vt infamia in eo incurritur: & de hoc euentu aperte loquitur lex 2. citata, vbi dicitur in hoc euentu caer en menos valer segund la costumbre vsada en Hespânia. De decimo autem illo tertio euentu in quo in tota sua latitudine de communi infamia incurritur, loquitur lex 4. tit. 6. part. 7. cum eodè iure communi, vt satis perspicue constat.

Decimoquintò infamiam ipso facto statuitur incurri ob peccatum sodomie l. 4. tit. 6. part. 7. Quo in loco Greg. Lopez verb. contra natura, ait, non reperiri ita expressum de iure communi: ibidemque & l. 6. tit. 1. part. 6. glossa vlt. citat tres doctores, & inter eos Bart. & Bald. qui idem asseruerunt stando in iure communi. Ego verò non video hæc tenus commune, vnde id colligatur. In hoc autem regno l. 1. tit. 2. lib. 8. noua collect. statuitur, vt est aliquis damnatur ac puniatur ob id crimen, descendentes tamen eius nullam ea de causa incurrant infamiam.

Decimo sextò infamiam incurrerant ipso facto de iure huius regni illi nobiles, quos hidalgos vocant, quando se desdezian en uizio o por corte, palinodiamque recantabant, vt habetur l. 2. tit. 5. part. 7. vbi Greg. Lopez verb. el hidalgo, sic addit: Idem de plebeio damnato actione iniuriarum. Duo tamen obserua. Primū est, infamiam, quam tunc incurrerant ille nobilis, esse infamiam ipso facto incurram, ac se desdezia, atque illud erat, quando erat reptatus, more tunc Hispaniarum, vt constat titulo quarto, antecedente: cum autem mos ille reptandi hodie locum non habeat, prohibitis duellis, vt hodie fuit prohibita: locum quoque hodie non habet euentus ille, in quo ea infamia ipso facto aut ipso iure à nobilibus incurreretur. Secundum est. Infamiam aliam, quam incurrit plebeius, aut etiam nobilis, damnatus actione iniuriarum, esse non ipso iure, sed post latam sententiã, de qua infamia mox erit sermo: neque, si in consequentiam, quod iniuriarum intulerit, falsum aliquod alicui imponendo, damnatus quis sit actione iniuriarum, præcipitur in pœnam, aut in satisfactionem ac restitutionem famæ offensæ, desdezarse, incurrit infamiam desdezarse, sed illam antea incurrit, quando damnatus iniuriarum fuit.

Notat bene Greg. Lopez l. 4. tit. 6. part. 7. glossa vlt. cum Baldo

B 3

Baldo

Baldo in his omnibus euentibus, in quibus infamia ipso facto incurritur, necessarium non esse sententiam declaratoriam delicti, vt incurrat, vt de usurario surpà est dictum, sed ante sententiam fuisse incurfam: si autem notorium non erat, neque facti neq; iuris notorietate, illum commississe id delictum, sic consequenter notorium faciet, incurfam ob illud antea ab eo fuisse eam infamiam.

21. Vterius etiam cum aliis, quos citat, inde optimè notat, quando infamia incurfa est ipso facto, si qui illam incurrit, ad testificandum accedat in aliqua causa, illi obiciatur eam infamiam incurrisse, tunc in eadem ipsa instantia examinandum esse, an eam infamiam habeat iam contractam, commissitq; ob quod illam iam contraxit, vt videatur, an admitti eius testimonium debeat, vel non. Quando autem infamia incurritur post latam sententiam de aliquo crimine, tunc si, qui crimen illud commisit, nondum de eo damnatus sit, accedatque ad testificandum in aliqua causa, vtq; cum nondum infamis sit, causæq; diuersæ sint illa, ad quam testificandum accedit, & ea, quæ aduersus ipsum competit circa crimen, de quo, si damnatur, infamiam incurrit, admitti debet ad testificandum, neq; in ea instantia examinari debet, an commiserit crimen ob quod post latam sententiam, qua de eo condemnatur, incurrit infamiam, sed seorsim ei examinari debet, si ea de re aduersus eum contendere quis vellet.

22. Vterius notant, tam idem Greg. Lop. ibi, Syluest. *verb. infam. n. 11.* quam alij doctores communiter, de iure canonico non solum esse aliquem infamem in prædictis euentibus, in quibus de iure cæsareo communi dictum est infamiam incurri, sed etiam quando incidit in peccatum aliquod graue, vt in hæresim, apostasiam, etiam ab ordine, & à religione, hoc est, à vita regulari, in schisma, incestu, rapinam, furtum, sacrilegium, homicidium, periurium, veneficium, impolitionem manuum violentarum in parentes, & in plerisque aliis criminibus, quæ memorantur, & ratione quorum statuitur incurri infamiam. c. infames. 6. q. 2. c. alium. & duob. seqq. 2. q. 7. c. 1. & duobus seqq. c. confinguntur. c. conspiratores. c. omnes c. clericus. & c. hi qui 3. q. 4. c. constitutus. 3. q. 5. & aliis iuribus, adeo vt communiter doctores dicant de iure canonico ob quodcumque lethale peccatum publicum, in quo quis perseueret, neque ostenderit se esse iam omnino emendatum, incurri infamiam. Et quo grauior & fædior ac diuturnior fuisset culpa, eo maior reputanda esset infamia difficultiusq; abstergetur cessatione ab illa, in bonisque perseuerando moribus: qui quo meliores essent, eo citius ac magis antecederent infamiam abstergere, quæ solum infamaret, quia ex culpa lethali. Atque in congregationibus, in quibus vitæ puritas magis viget, eo lethalia peccata maiorem efficiunt infamiam, quo magis in eis vitæ puritas disciplinaque regularis ac ecclesiastica magis vigerit. Quia enim antiquitus mores Ecclesiæ non erant adeo corrupti, vt hodie sunt, illa eo modo fuerunt sancita: hodie verò in tanta morum perditione fortè illan cum tanto rigore sunt in praxi recepta: tametsi illorum maxima habenda sit ratio ad admittendum ad honores ecclesiasticos, beneficiaque & ministeria Ecclesiastica, & vt testibus non tanta fides habeatur, quando laborant aliqua tali infamia.

SUMMARY.

1. Damnatus à iudice competente de crimine publico, sumpto crimine publico, vt à privato distinguitur, infamiam iuris incurrit: non verò damnatus à iudice incompetente.
2. Ex sententia arbitri infamia non incurritur, licet delictum

sit tale, quod si sententia à iudice ordinario esset circa illud lata, incurreretur infamia.

3. In Hispania, si quis appellasset à sententia arbitri, ob quam, si lata esset à iudice ordinario, incurreret infamiam, tunc si confirmaretur à iudice ad quem appellasset, incurreret infamiam.
4. In euentibus in quibus infamia non incurritur nisi lata sententia, id solum intelligitur de sententia, quæ in rem transi iudicatam, non verò de ea, quæ in rem iudicatam non transiit.
5. Variæ opiniones de eo, vtrum si aliquis via inquisitionis de crimine aliquo condemnatur, ob quod lata sententia infamia incurritur, infamiam tunc incurrat.
6. Calumniari est accusare aliquem de falso crimine scienter seu ex intentione: Qui de calumnia est damnatus, eo ipso quod ita damnatus est, infamiam incurrit.
7. Si iudex instigatorem accusatoris in sententia calliditatis argueret, non incurrit instigator infamiam iuris, sed pudorem potius, ac proinde solum infamiam facit.
8. Quando pater filia defunctæ aliquem accusat, quod eam interfecisset, non incurrit infamiam: scilicet quando non malitiose accusauit, sed tantum ex suspitione.
9. Iuris infamiam incurrit mulier lata sententia, quæ sciens se non esse prægnantem ex marito defuncto, fecit se muti re possessionem bonorum mariti, ratione filij: quem a defuncto marito finxit se in ventre portare.
10. Si quis damnatur, quod præuicator fuerit, tunc eo ipso incurrit infamiam.
11. Tergiuersator, hoc est, qui intentata accusatione circa aliquem de aliquo delicto, non ad penam pecuniariam ipsi applicandam, sed ad quamcumq; aliam penam, ab accusatione desistit: non interueniente criminis abolitione, incurrit infamiam: idq; scilicet in iure commune.
12. Item damnatus de furto, rapina, iniuriis, & actione doli.
13. Quicumque damnatus est de rapina bonorum, de crimine publico est damnatus.
14. Violator sepulchri, expilator hereditatis, incurrit lata sententia infamiam.
15. Quando aliquis iniuste de furto damnatus est vel de aliquo alio crimine, ob quod dicitur incurri infamiam, infamis est, si sententia non reuocetur.
16. Non solum infamiam incurrit is, qui re ipsa de aliquo crimine supra dicto damnatus est, sed etiam is, qui, pactum est, ne aliqua earum actionum accusaretur: nisi pactum ex iudicis autoritate esset factum non gratuitum, tunc enim censetur reus crimen confiteri.
17. Quando aliquis ad redimendam suam vexationem pactum non gratuitum facit, ne ipsi intentetur actio in crimine iniusto, evitat infamiam.
18. In Hispania & Lusitania non liberatur infamia, qui paciscitur ne ipsi actio intentetur. Infamiam item subit, qui iustis, aut alia pena publica delicto commertis, a publicis potestatibus est punitus non precedente sententia at precedente delicto.
19. Aut pena incurritur ipso facto nulla lata sententia, aut incurritur lata sententia condemnatoria, & etiam si tunc Iudex maiorem penam pecuniariam imponat, non evitat infamiam.
20. An deprehensus in delicto, pro quo lata sententia, aut facta transactio, pactiove non gratuito, circa illud infamia incurritur, incurrit infamiam ante latam sententiam.
21. Vt damnatus de aliquo crimine (ex quo lata sententia infamia incurritur) eam infamiam incurrat, necesse est vt damnatur propter factum proprium.
22. Qui actione pro socio damnatur, vt aliquid socio soluat ratione doli præse sumpti, vt à lata culpa distinguitur, incurrit infamiam.
23. Qui tutela actione dolo interueniente damnatur, vt aliquid minori aut successoribus illius soluat, infamiam incurrit.

24. Qui mandati actione directa damnatur, vt aliquid mandanti soluat, dolo ex parte mandatarij interueniente in eo, ratione cuius solvere mandanti id teneatur, infamiam incurrit.
25. Qui damnatur actione directa depositi, quæ ex deposito competit aduersus depositarium, si dolo interuenit, depositarius ita damnatur infamiam incurrit.
26. Ad stellionatus crimen puniendum vel criminaliter agitur, vel agitur ciuilitur circa id, in quo stellionatus crimen interuenit.

INFAMIA IN QVIBVS EVENTIBVS per sententiam incurritur, aut interueniente aliquo ad iudicium attinente.

DISP. T. 9.

Infamia autem iuris in sequentibus euentibus nō ipso facto commissio crimine incurritur, sed per sententiam latam de eo crimine.

Primus. Damnatus à iudice competente de crimine publico, sumpto crimine publico vt à priuato distinguitur, eo ipso infamiam iuris incurrit. Licet enim committens crimen publicum, vt prodicionis, falsi, homicidij, adulterij, aut aliud publicum, ipso facto infamiam iuris non incurrat, antecedente tamen sententia iudicis competentis, qua de eo crimine damnatur, infamiam iuris incurrit. Ita habetur l. i. §. qui in iudicio, ff. de his qui not. infam. & apertus l. infamem, ff. de pub. iud. & l. 5. tit. 6. part. 7. affirmatque communis doctorum sententia. Poterit tamen, qui commisit crimen publicum, ante sententiam incurere infamiam facti, quin & qui commisit priuatum, iuxta ea quæ Disp. 7. dicta sunt. Quæ autem delicta publica sunt, & quæ priuata, tractatu precedente Disp. 44. copiose fuit explicatum, vbi multa dicta sunt, quæ hoc loco onere nos leuant.

Dictum est, à iudice competente: quoniam si ab incompetente esset lata in hoc & in sequentibus euentibus, in quibus lata sententia dicemus incurri infamiam, tunc damnatus de illo crimine à iudice incompetenti infamiam non incurreret, etiam si imperator eam sententiam uulisset, vt cum Baldo, Angelo, & Paulo Castrensi affirmat Greg. Lopez. l. 5. citata glossa i.

Item ex sententia arbitri infamia non incurritur, est delictum sit tale, quod si sententia à iudice ordinario esset circa illud lata, incurreretur infamia. Ita habetur l. quid ergo, §. ex compromisso, ff. de his qui not. infam. & l. 5. tit. 6. part. 7. Et quamuis quando crimen est publicum, aut etiam priuatum, de quo criminaliter agatur, locum non habeat sententia arbitri, sitque omnino nulla, esto ex ignorantia, quod sit inualida, sit lata, vt habetur l. non distinguamus, §. Iulianus, ff. de receptis arbitri. quando autem crimen est priuatum, & agitur ciuilitur, valida est sententia arbitri, ceterum ex ea non contrahitur infamia, esto, si lata esset à iudice ordinario, ex illa contraheretur infamia in euentibus explicatis, atque id est, quod habetur §. ex compromisso citato. At verò Gregor. Lopez. l. 5. citata verb. de auerencia, cum aliis quos citat, ex sententia arbitri infamiam non incurrit, esto in compromisso fuisse expressum, quod ex ea sententia infamia incurreretur, & esto sententia esset emologata, iuxta ea quæ tractatu 2. Disp. 556. dicta sunt.

Ibidem tamen querit, num in hoc regno in quo l. 4. titulo 21. libro quarto nouæ collectionis sancitum est, vt sententia arbitri, aut arbitratoris, si lata sit de contentis in compromisso, & intra tempus in eo concessū maderet executioni, infamia incuratur

in euentu, in quo si ea sententia lata esset à iudice ordinario, ea damnatur infamiam incurreret. Atque citat Bart. pro parte affirmante, quod scilicet stante tali statuto, infamia incurritur. Et pro contraria parte, quod scilicet tunc infamia nō incurritur, citat Panormitanum, in hancip sententiam ipse propendet. Quoniam tale statutum nō tribuit iurisdictionem, sed, ad obuiandum incommodis, tribuit solum effectum executionis: neque id statutum ad alium effectum est extendendum, quam ad eum, quem concedit: maxime quando effectus est odiosus & poena, vt est infamia. Neque credo Bartolus contrarium diceret attenta lege illa huius regni, quæ nihilominus cōcedit damnato arbitro appellationem ab ea sententia, diceretque de nullitate, & nihilominus non impediri eam executionem. Et fortasse in hoc regno, si quis appellasset à sententia arbitri, ob quam, si lata esset à iudice ordinario, in remque transisset iudicatam, incurreret infamiam, tunc, si confirmaretur à iudice, ad quem appellasset, incurreret infamiam: quoniam, vt ex lege 4. citata constat, si iudex futurus esset ordinarius, ac proinde iam tunc ille damnatus esset à iudice ordinario circa id, circa quod sequuta sententia iudicis ordinarii, infamia incurritur.

In euentibus, in quibus infamia non incurritur nisi lata sententia, id solum intelligitur de sententia, quæ in rem transit iudicatam, non vero de ea, quæ in rem iudicatam non transit. Vnde, si à sententia, quæ, si transiret in rem iudicatam induceret infamiam, appellatum fuerit intra tempus ad appelladum concessū, tunc ad effectū vt incurritur ea infamia iuris perinde est ac si extincta esset ea sententia, nunquamque lata fuisset: quoniam, esto à iudice, ad quæ fuit appellatū, confirmetur, deueniatque tandem ad sententiam, quæ in rem transiret iudicatā: infamia tamen illa iuris solum incurritur vt sententia, quæ in rem transit iudicatam, & non vt antecedentis sententia, esto sequatur confirmatio illius pronuncieturque malè ab illa prima fuisse appellatum: eaq; de causa infamia illa incurritur à puncto latæ vltimæ sententia, quæ in rem transit iudicatam, nec retrorahitur vt incurritur à puncto primæ sententia: quare si is, qui ita condemnatur, testimonium adhibuisset tempore intermedio inter primam sententiam, à qua fuit appellatum, & vltimam quæ in rem transiuit iudicatam, validū esset testimonium, neque inualidaretur, quia præstitum ab infami iuris infamia: eo quod neque iuris fictione per retroractionem fuisset ille intermedio illo tempore infamis ea infamia, sequuta postea sententia, quæ in rem transiret iudicatā. Ita habetur l. furti §. i. ff. de his qui not. infam. & consentit l. i. §. vlt. ff. ad senat. consul. Turpill. & l. 6. tit. 6. part. 7. iuncto Gregorio Lopez ibi, verb. el en famamiento. Neque in re proposita locum habet illa regula, quod pendente appellatione nihil innouetur, & quod, si aliquid innouatum fuerit, sit inualidum: quoniam id intelligitur de iis, de quibus erat lis, & de quibus directe lata est sententia: infamia autem de qua loquimur consequitur sententiam, non quamcūq; sed quæ in rem transit iudicatam: quare cum nondum adfuerit talis sententia, nondum fuisse infamis, ac proinde validum est testimonium, quod illo tempore is dedit, vt potest datum à non infami tunc ea infamia, etiā iuris fictione. Infamari tñ posset & extenuari posset id testimonium ex eo, quod ille iam tunc infamis esset infamia facti, maxime accedente illa sententia, iuxta ea quæ Disp. 7. de infamia facti dicta sunt. Quando tamen lata fuit sententia, à qua potuit appellari, tunc si non appelletur ab ea intra tempus ad id à iure concessum, transeatque proinde ea sententia tempore illo elapso in rem iudicatam, retrorahitur infamia, vt censetur incurra à puncto latæ sententia, vt expressè habetur l. furti

§. 1. citato: quoniam vi sententiæ ipsius iam lata incurritur infamia, atque à puncto, quo fuit lata, dependenter tamen ex eo, quod ab ea non appelletur intra tempus ad id à iure concessum, tanquam à conditione sine qua, vt ea sententia non transiret in rem iudicatam, ita effectus infamiæ ab illo puncto censeretur sequi. Quare si in eo euentu, in quo appellatum ab ea sententia non fuit intra tempus à iure concessum, medio illo tempore ita condemnatus testimonium præstitit, transeunte eadem sententia in rem iudicatam inualidum redditur, vt potelatum à iam infami. Quæ dicta sunt de sententia, quando ab ea appellatum non fuit intra tempus ad appellandum concessum, similiter sunt intelligenda, quando fuit quidem appellatum intra id tempus, sed deserta fuit appellatio, eaque desentione sententiæ, à qua fuit appellatum, transiuit in rem iudicatam: tunc enim condemnatus ea sententia, à qua appellauit, censeretur infamis à puncto latæ sententiæ, à qua appellauit: quoniam reputatur ac si non appellasset. Ita habetur l. 6. tit. 6. part. 7. iuncto Greg. Lopez. ibi verb. *fincaria infamado pende.*

Dubium est, vtrum si aliquis via inquisitionis de crimine aliquo condemnatur, ob quod lata sententia infamia incurritur, infamiam tunc incurrat. Greg. Lopez. l. 5. citatæ glossa 2. hoc dubium mouet, & citat glossam l. 1. §. 3. præterea, ff. de suscip. tutorib. Bartolom. & alios, ad quos circa id dubium remittit, nec illud definit Iulius Clarus lib. 5. sent. §. vlt. q. 72. n. 3. idem dubium etiam mouet, relatis auctoribus in vtramque partem: atque ipse propædit, infamiam incurrit, quando esset præsens & auditus: secus autem quando aut esset absens, aut præsens non esset auditus, neque seruata essent seruanda. Dicerem, quando patefacto delicto via inquisitionis, intentata fuisset accusatio aduersus reum, aut iudice ex suo officio procedente aduersus illum, intentata similiter esset aduersus illum accusatio, illeque condemnatus esset sententia, quæ in rem transiret iudicatam, incurrit infamiam, est id ille absens esset, atque ob suam contumaciam, quod accedere non vellet ad defendendum, esset condemnatus. Si verò aduersus illum intentata non esset, sed iudex ex officio, sine accusatione ac defensione illius, illum damnaret, aut remouendo illum à tutela, aut alia ratione, tunc infamiam iuris non incurreret: id tamen adiumento esset vt incurreret infamiam facti, de qua Dissp. 7. habitus est sermo. Atque in hoc euentu, quando scilicet iudex ex officio remoueret dolosum tutorem à tutela, propterea quod constaret eum infideliter ac male illam administrare, ait glossa illa citata, fortè tutor ille infamiam non incurreret, lata sententia à iudice ex suo officio, quia illum à tutela remoueret.

Calumniari, vt habetur l. 1. in princ. ff. ad senat. consul. Turpil. est accusare aliquem de falso crimine scienter, seu ex intentione: qui enim sciens aliquem innocentem esse de aliquo crimine, aut nesciens aliquem crimen aliquod commisisse, de eo illum accusat, aut denunciat, præsumitur intendere falsò de eo crimine illum accusare, aut denunciare, eo quod ipso calumniæ crimen incurrit. Hoc posito. Secundo loco, qui de calumnia est damnatus, eo ipso, quod ita damnatus est, infamiam incurrit. Non itaque sufficit aliquem calumniæ crimine commisisse, vt hanc infamiam incurrat, sed necesse est vt de calumnia sit damnatus: per eam enim sententiam hanc infamiam incurrit. Ita habetur l. 1. in princ. & apertius l. 1. in princ. ff. de calumniar. ff. de his qui not. infam. Quando iudex solum accusatori in sententia diceret, non probasti, nec censeretur condemnare illum de calumnia: quando verò in sententia diceret, calumniatus est, tunc censeretur illum de calumnia condemnasse, vt habetur l. 1. ff. ad senat. consul. Turpil. ac proinde infamiam incurreret.

Lege ob hac verba, ff. de his qui not. infam. ait Papinianus, si instigator accusatoris, vt accusaret, iudex in sententia diceret: *callo commentio videri accusationis instigator fuisse*: non incurrit eum instigatorem infamiam iuris, sed pudore potius illius eis verbis onerari, ac proinde solum infamiam facti incurrisse, iuxta ea quæ Dissp. 7. dicta sunt. Reddit verò rationem Papinianus, dicens: *Non enim, qui exhortatur, mandatoris opera fingitur*. Ei autem legi contraria videtur lex 1. §. incidit ff. ad sen. consul. Turpil. Vbi & mandator, & instigator, atque exequutor de crimine calumniæ condemnantur. Accursius l. hac verba, verb. *irrogari*, varias responsiones adhibet. Prima, quod lege hæc verba, sermo sit de sententia interloquutoria, & sine causæ cognitione, & §. incidit, sit sermo de sententia definitiua & cum causæ cognitione, iuxta l. qui ergo, §. quantum, ff. de his qui not. infam. cuius verba sunt: *Quantum ad infamiam pertinet, multum interest, an in causa quæ agebatur, causa cognitiua quid pronuntiatum sit, (per sententiam scilicet definitiua) an quadam extrinsecus sim eloquuta, (etiam per interlocutoriam sententiam) nam his (quæ ita scilicet intrinsecus sunt eloquuta) infamia non irrogatur, iuris scilicet: poterit tamen irrogari infamia facti, iuxta dicta Dissp. 7. Secunda, quod instigator damnatus videatur calumniæ, & subinde infamiam incurrat, non quidem iuxta verba senatus consulti Turpilliani, sed iuxta mentem illius: & quod iuxta mentem senatus consulti loquatur §. incidit: Papinianus verò lege hæc verba loquatur iuxta verba senatus consulti, nec negare intendat, re vera infamiam incurrit iuxta mentem eiusdem senatus consulti. Tertia (quæ magis explicat probanda est) quod paragraphus incidit, vt in eo patet, non loquatur de quocunque instigatore, sed de eo, qui accusare incipit, ac desistit, aliumque incitauit, vt eandem accusationem intenteret: atque hic æquè cum mandante, & cum exequutore calumniæ, condemnatus de calumnia censeretur per verba illa: *callo commentio videri accusationis instigator fuisse*, & per consequens infamiam incurrat. Papinianus verò lege hæc verba, loquatur de instigatore, qui mandans non fuit, sed tantum consulens ac suadens, neque antea de eodem crimine accusare cœperat ac desistit. Atque inter hunc & mandantem discrimen constituit, quod in mandante & in exequutore verba illa sententiæ sufficiant ad incurrandam iuris infamiam: in eiusmodi verò instigatore sufficiant quidem ad incurrandam infamiam facti, non verò ad incurrandam infamiam iuris.*

Lege vltima, ff. de pub. ind. à numero damnatorum de calumnia eximitur, vt infamiam non incurrat, pater filiz defunctæ, qui accusauit aliquem, quod eam interfecisset, siue seruum generi mariti eius filiz, siue aliquem liberum: idque propter coniunctionem patris cum filia defuncta, & fortasse simul propter dolorem mortis filiz: idque intelligerem, quando non malitiosè accusauit, sed temeraria suspitione, sine vilo fundamento.

Tertiò loco iuris infamiam lata sententia incurrit mulier, quæ per calumniam ipsius in ventris possessionem est missa, hoc est, quæ sciens se non esse pregnantem ex marito defuncto, quia vel sciebat se pregnantem non esse, vel esse pregnantem ex alio, ita per calumnia fecit se mitti in possessionem bonorum mariti ratione ventris, filive quem defuncto marito finxit se in vtero portare: si enim de ea calumnia condemnatur, eo ipso lata ea sententia infamiam incurrit. Excipitur, si de iure communi sub potestate patris aut aui erat, atque ex eorum consilio id fecit: nam tunc non ipsa, sed talis pater aut damnatus de ea calumnia, infamiam eam incurrit. Quod si is pater aut auus non consulat, patiat tamen eam infamiam, aut neptem, vt ea calumnia,

calumnia, tunc & prægnans ipsa, & pater, aut auus,
si damnentur de ea calumnia, eam infamiam incur-
runt. Hæc omnia habentur, l. notatur, & quatuor
sequentibus, ff. de his qui notat. infam. iuncta glossa ibi,
l. non alia, verb. nomine.

Præuicatoris est dicitur, qui partem contrariam
adiuauit, vti stando à parte actoris, reum adiuu-
et, deregendo illi secreta causæ, aut cõsilio, vel si stan-
do à parte rei, actorem adiuu-
Ita habetur l. i. ff. de
præuicari. l. præuicadores, ff. de verb. signifi. l. athleteas, S. item
præuicator, ff. de his qui not. infam. & aliis iuribus.
Quarto ergo loco, si quis dicitur, quod præuica-
ricator extiterit, tunc eo ipso infamiam incurrit.
Ita habetur l. i. in princ. l. athleteas, S. item præuica-
tor, ff. de his qui not. infam.

Stando in iure cōmuni similiter quinto loco incurrit infamiā tergi uersator, hoc est, qui intentata accusatione circa aliquē de aliquo delicto, non ad pœnam pecuniariam ipsi applicadā, sed ad quācumque aliam pœnam, ab accusatione desistit non interueniente abolitione criminis, vel generali, vel particulari, iuxta eā quæ tractatu præcedente Dissp. 46. *conclusionē tertiā* explanata sunt: si nem de tergi uersatione damnetur, infamiā eo ipso incurrit, vt habetur l. 1. et c. *summa cert. temp.* et l. 2. *Cad. fenar. consil.* Turpill. aque *affirmat glossa l. 1. verb. quid iudicio, ff. de his qui not. infam.* Dixi stando in iure cōmuni: quoniam, vt tractatu præcedente Dissp. 46. et 47. copiosè est explanatum, neque in hoc regno, neque in Luitania, neque regulariter in aliis, puniuntur aliquis eo, quod deliquit ab accusatione intentata pacto gratuito, aut transactione, vel alia ratione, ac proinde locum non habet incurri eam infamiā.

12 Sexto loco infamiam eo ipso incurrit, qui de furto est damnatus. Septimo, qui vi bonorum seu de rapina est damnatus. Octauo, qui damnatus est iniuriarum actione. Et nonno, qui actione de dolo est damnatus. Tunc autem actio de dolo conceditur, vbi interuenit dolus presens sumptus, vt à lata culpa dilinguitur, fraude, quando nulla alia actio nec remedium ei competit, qui dolum est passus: quando enim actio alia aut remedium ei competit, quibus illi subueniatur, actio de dolo ei non competit, nec illi conceditur, vt patet, ff. de dolo per totum cum titulum. Quod autem in quatuor euentibus explicatis, lata sententia, qua aliarum actionum quis cōdemnetur, infamiam is eo ipso incurrit, habetur l. i. in prin. et l. arbitet §. vlt. ff. de his qui not. infam. l. infam. in fine, ff. de pub. iud. et l. 5. tit. 6. p. 7.

Cum autem, vt habetur l. i. ff. de pub. iud. & tracta-
ta precedente Disj. 44. dictum fuit, vis publica & pri-
uata sint crimina publica, & non priuata: atque in
rapina semper vis publica aut priuata interueniat:
sanè damnatus actione vi bonorum raptorum, de
crimine publico esse censendus damnatus, ac pro-
inde infamiam incurrit comprehensam in primo
euentu hac disputatione explicata, neca infamia
computari debuit inter infamias, quæ incurritur
turlata sententia de crimine priuato, vt fit l. infamem
citata, & aliusiuris citatis, in quibus per-
hixim cum infamia, quæ incurritur ex damna-
tione de criminibus priuatis, computantur. Hanc
difficultatem mouet glossa vlt. l. infamem citata. Et
Primò responderi, id gratia exempli esse dictum, in
exemplis quæ non requiri veritate. Secundò melius
respondet, quia aliquando reperitur rapi-
na, locumque habet actio vis bonorum raptorum,
estò vis non interuenerit re ipsa, vt quando aliquis
ingreditur domum alienam animo vim inferen-
di, si aliquis resistat, & furatur nemine ibi existen-
ti, qui resistat, iuxta legem si quis ex domo, ff. de furtis
propter eum euentum, in quo competit actio vis bo-
norum raptorum, neque crimen illud est publicum,
sed priuatum, incurriturque infamia, si raptor ille

damnetur in infamiam incursum ex sententia actionis bonorum raptorum fuisse computatam inter infamias, quæ incurruntur lata sententia circa criminâ priuatâ. De eo autem euentu fuimus nos loquuti *tractatu* 2. *Disp.* 683. §. *dubium est.*

Licet damnatus de furto infamiam incurrat, vt
iuribus citatis, & l. si furti. C. ex quibus caus. infam. irrog.
constat, it tamen res furtiua apud aliquem reperta
eius, atq; condicatur seu vendatur ex illa conditio-
ne furtiua, & sequatur sententia, non incurrit in-
famiam, vt habetur l. si furti citata. & affirmat glossa
l. i. verb. qui furti. ff. de hys, qui not. infam.

Decimò, qui damnatur actione de sepulchro violato, infamiam eo ipso lata sententia incurrit, vt habetur l. 1. ff. de sepul. viol. iuncta glossa 2. ibi.

Vndecimò, qui damnatur de expila. hæreditate, eo etiam ipso incurrit infamiam, vt habetur *l. si te expilasse, C. ex quib. caus. infam. irrog.*

Quando aliquis damnatus esset de furto, quod
verè non commississet, aut aliqua alia sententia ex
ijs, ob quas dictum est, & diceretur, incurrì infamiam,
neque tamè id crimen commississet, de quo damna-
tur, infamiam nihilominus esset, dum sententia non
reuocaretur: quoniam sententia, quæ in rem tran-
sit iudicatam, pro veritate habetur. Ita affirmant
glossa vlt. arthetas. s. vlt. ff. de his, qui not. infam. glof. in l.
non poterit, ff. de furt. glof. vlt. ff. de pub. iud. & Greg. Lo-
pez. l. s. iul. de p. v. verb. seria.

Lege. i. in princ. & l. *athletas*, §. vel. ff. de his, qui not. in- 18
fam. non solum asseritur, eum, qui actione furti, vis
bonorum raptorum, iniuriarum, aut de dolo, est
damnatus, infamiam incurrere, sed etiam eum, qui
pactus est, ne aliqua earum actionum accusaretur,
siue pactum ea de re factum esset antequam inten-
tata esset accusatio, siue post illam intentatam. At-
que ratio redditur l. *quoniam* (que proximè post pa-
ragraphum illum vltimum citatum subiungitur)
& l. *s. tit. 6. part. 7. Quoniam intelligitur confiteri crimen, et*
quis paciscitur. Imò verò habetur eo ipso pro conu-
ctio de illo, vt habent iura alia, quæ tract. *præced. Dif.*
46. in calce probationis primæ partis tertie conclusionis re-
tulimus. Id quod intelligendum in primis est, stan-
do in iure communi, atque ad effectum vt habeat
pro confesso & conuicto de eo crimine, intelli-
gendum est, quo ad delicta omnia, circa quæ *Dif.*
46 citata offensum est, illicitam nullamque esse
transactionem stando in iure communi circa ea fa-
ctam: de quorum numero non est crimen, circa
quod vel non potest intentari nisi actio ad penam
pecuniariam parti applicandam, vel concessum
parti est agere, si ita velit, ad eam solam penam,
nullaque alia imponitur reo pena in bonum com-
mune, vt esse de iure communi solet actio iniuria-
rum: tunc enim neque inualida neque illicita est
transactio, pactum ve, non gratuitum circa id deli-
ctum, quo aliquid datur aut promittitur, vt ea de
re actio non intentetur, aut vt desistatur à iam in-
tentata, vt ibidem offensum est: ac proinde ex tali
pacto circa id delictum infamia non incurretur, vt
ibidem etiam dictum est. Quare à delictis com-
memoratis, de quibus iura citata docent, non solum
condemnatos de illis incurrere infamiam, sed etiam
eos, qui circa illa paciscuntur, vt actio non in-
tentetur, aut vt ab intentata desistatur, excipien-
dum est, quando actio, circa quam fieret id pactum
esset solum pecuniaria applicanda parti, aut in po-
testate eius, qui illam adhuc intentare posset, si tum
esset intentata re actio, ex qua reus solum esset con-
demnatus, infamiam eo ipso incurrisset. Præterea
quod iura illa docent de pacto circa illa quatuor
crimina, cum limitatione proximè à nobis circa
id adhibita, intelligendum similiter est de simili
pacto

facto circa quæcunque alia crimina, ob quæ, si sequatur condemnatio, incurritur infamia, quando ea crimina sunt talia ut circa ea prohibita, nulla sit redditæ transactio: si. n. circa talia crimina fiat similiter pactum non gratuitum de actione ob illa non intentanda, aut ut desistatur à iam intentata, similiter eo ipso de iure communi incurritur infamia, sicut si, qui id crimen commisit, damnatus de illo esset, idque propter eandem rationem, vt *Disput. 46. conclusionem 3. citata* comprobatur est. Ob quæ autem crimina sequuta condemnatione incurritur infamia, in hac Disputatione explanamus: ob quæ verò eorū de iure communi prohibita sit transactio, & ob quæ permissa sit, *Disput. 45. citata* copiosè fuit traditum.

Illud verò est obseruandum, quando pactum non gratuitum iudicis autoritate esset factum, ut desisteretur ab actione intentata, tunc ex tali pacto non incurrit infamiam, reum ea pactione non gratuita circa id delictum censeri illud confiteri. Ita habetur *l. furti, §. qui iussu, ff. de his qui not. infam. & l. 5. tit. 6. part. 7. Legito Greg. Lopez. ibi verb. sin mandado del Jgador.*

17

Dubium est, vtrum si aliquis ad redimendam suam vexationem faciat pactum non gratuitum, ne aduersus ipsum intentetur actio de crimine, quoddam verè non commisit, aut ut desistatur ab ea actione, in euentibus, in quibus dictum est ex eo pacto incurri de iure communi infamiam, quia censetur confessus id crimen & de eo conuictus, vtrum, inquit, tunc euitet eam infamiam, si probet se non commississe id crimen, sed ad redimendam suam vexationem fecisse id pactum. Dicendum est, cum *gloss. vltim. l. athleteas, §. vlt. ff. de his qui not. infam.* euitaret tunc eam infamiam: id quod *Disputatione 46. conclusionem tertiam citata* latius est à nobis ostensum.

Quod dictum est, in euentibus explicatis paciscentem ne aduersus ipsum actio intentetur, aut vt ab ea desistatur, incurrere de iure communi infamiam, non secus atq; si de eo crimine esset damnatus, intelligendum est id, de pacto non gratuito pro pecunia aut pro alia re pretio æstimabili: non verò de pacto merè gratuito, vt si aliquis precibus aut interuentu alicuius, aut alia ratione, merè gratis obtineat, vt actio aduersus ipsum non intentetur, aut ut desistatur à iam intentata: tunc enim nec pro confesso id crimen habetur, nec infamiam incurrit, vt habetur expressè *l. furti, §. pactus, ff. de his qui not. infam.* latiusque dictum est *Disput. 46. conclus. 3. citata.*

18

Hæc autem, quæ de pacto dicta sunt, quoddam scilicet, qui in euentibus explicatis paciscitur, pro confesso crimen, circa quod paciscitur, habetur, & quod infamiam incurrat in euentibus, in quibus si damnatus esset de eo crimine infamiam incurreret, locum non habent hodie in hoc & in Lusitanie regnis, in quibus tractatu præcedente *Disput. 47.* ostensum est, permitti etiam transactionem pactumve non gratuitum circa crimina inter offensum, edisse, quibus incumbit prosequi illius iniuriam, & inter delinquentem, integrumque manere potestatis publicis, nihil impediente eo pacto & remissione criminis, progredi ex officio suo ad puniendam ea delicta in commune bonum: idemque dictum est esse hodie regulariter in cæteris rebus publicis.

19

Vt quædam alia circa hæctenus dicta examinemus, obseruandum est. Duodecim infamiam illam incurrere, qui ictibus, aut alia pœna publica delicto commerta, à publicis potestatibus iussuue earum est punitus, non præcedente sententia, præcedente tamen delicto, in quo ille fuit deprehensus, aut quod ille confessus est, quando id delictum erat tale, quoddam si sententia adesset, quæ de illo

damnaretur, ipso iure lata ea sententia infamiam incurreret, iuxta ea quæ dicta sunt, ob criminis tamen notorietatem aut confessionem rei maxime exigente id rei qualitate, aut ad id adiuvantibus aliis circumstantiis tunc concurrentibus, sine sententia alia iussu fuit ea pœna puniri, mandataque ea pœna fuit executioni. Ita communis doctorum sententia iuxta *l. ictus fustium ff. de his qui not. infam. & l. fustibus, C. ex quib. caus. infam. irrog.* sancitumque est *l. 5. in fine tit. 6. part. 7.* Neque refragatur *l. nullam, C. eod. tit. quæ non incurri infamiam illam definit*, qui causa indagandæ veritatis ut, illam confiteretur, iussus esset torqueri iussu ictibus: quoniam ob torturam ad indagandam veritatem infamia iuris non incurritur.

Dictum fuit: qui ictibus, aut alia pœna publica delicto commerto fuit punitus: quoniam esto delictum esset tale, vt ex illo lata sententia infamiam incurreretur, si tamen propter illud pœna grauior quam delictum commereretur, esset pro eo imponi consuetudine, imposita esset iudicis sententia, tunc eo ipso censetur quasi transactum inter iudicem & reū, vt pro illo excessu pœnæ remitteretur infamia nihil impediens sententia, quæ de eo delicto esset condemnatus, ac proinde tunc damnatus ita de eo delicto infamiam non incurreret. Vt si pœna ordinaria pro aliquo delicto, ex cuius condemnatione infamia irrogaretur, esset pecuniaria certæ bonorum partis: & iudex imposeret pro illo pœnam corporalem, censetur eo ipso remisisse ei delinquenti infamiam. Idem si pro eo delicto imponenda fuisset pœna minor corporalis, & imposeretur grauior. Si tamen imponenda fuisset pro aliquo delicto pœna pecuniaria leuior, & imposeretur grauior pecuniaria, non euitaretur infamia, vt si furtum manifestum, quoddam solum est puniendum pœna dupli, iuxta ea quæ tractatu 2. dicta sunt, puniatur pœna quadriupli, non est censenda remissa infamia, quam lata ea sententia is fur incurrit. Censetur verò, etiam in pro eo delicto remissa, si pœna pecuniaria commutaretur in corporalem, vel corporalis leuior in grauiorem corporalem. Hæc habetur *l. quid ergo, §. pœna grauior, ff. de his qui not. infam. & l. in seruorum, §. vlt. ff. de pœnis iunctis glossis vtroque.*

Vt vero varia iura conciliemus, & res hæc exactius intelligatur, sic arbitror distinguendum: Aut pœna incurritur ipso facto, nulla de crimine lata sententia, & tunc siue iudex postea pro eo delicto imponat maiorem pœnam siue minorem, non tollit infamiam ipso facto iam incurat ante latam sententiam, neque eam auferre cedit sub iudicis potestatem. Ita cum Ang. Gregor. Lopez *l. 6. tit. 6. part. 7. verb. es quit el infamamiento.* Aut pœna infamiam incurritur lata sententia condemnatoria de crimine, & tunc si iudex imponat maiorem pœnam pecuniariam, quam imponere debeat, aut pro pœna corporali imponat pœnam pecuniariam, non euitatur infamia, iuxta dicta paulo antea ex *§. pœna grauior, & l. seruorum, §. vltim. citatis.* Excipe, nisi pœnam pecuniariam imponeret loco corporalis grauioris, quia circumstantiæ minuerent delictum, in quibus id delictum non iudicaretur dignum maiori pœna, quam ex pecuniaria: nam tunc, iuxta ea, quæ mox subiiciemus, censetur remissa infamia. Quando autem iudex sine rationabili causa pro pœna pecuniaria, quam deberet imponere, male imponit pœnam corporalem, aut cum imponere deberet pœnam corporalem minorem, imponit maiorem manifestè, tunc iuris ipsius interpretatione causaretur remittere, ut infamiam ea criminis condemnatione non incurrat, commutata infamia in illo augmento pœnæ, iuxta duo illa iura cit. *l. si Postonia, C. ex quib. caus. infam. irrog. l. qui cum vna, §. ad tempus, ff. de re mil. l. ordinem, ff. ad*

municipi. & l. 6. tit. 6. part. 7. Quando autem iudex ex rationabili causa auget poenam, subdistinguedum est. Quoniam vel id fecit, quia circumstantia concurrentes augent culpam delicti, augendoque poenam, imponit eam commensurata delicto, & tunc non censetur commutare infamiam in id augmentum poenae, ac proinde ita punitus maiori ea poena non excusatur ab infamia. Vel id facit in bonum commune, ut quando ob multitudinem graffatorum, aut aliter delinquentium, augetur poena, & tunc augmentum id poenae est in commutationem pro infamia, iuxta iura citata, ac proinde ita damnatus ac punitus infamiam non incurrit, vs recte Greg. Lop. l. 6. cit. gloss. penult. ait. Si autem iudex minuatur poenam solitam pro eo delicto imponi, tunc vel illud facit sine rationabili causa, & tunc punitus ita minori poena non cuadit infamiam, siue ex ignorantia siue ex malitia id efficiat, iuxta l. diuus, ff. de iur. consent. l. 6. tit. 6. part. 7. illis verbis, *per aliquam rason d'erecha*. & habetur aperte l. ord. ff. ad municip. vel id facit ex rationabili causa. Si quidem si id faciat, quia attenta qualitate puniendi, ut quia est persona nobilis, tanto poena in eo est ea minor corporalis, aut pecuniaria loco corporalis, quantum in ignobili est poena maior, tunc infamiam incurrit: quoniam delictum ad aequalitatem atque iuxta iuris dispositionem eo modo punitur, neque est cur infamia censenda sit remissa. Si vero poenam minuat, quia circumstantia minuunt culpam, ut quia non ex dolo commissum fuit delictum, vel quia delinquens erat minor, vel quia ex aliqua alia circumstantia extenuatur adeo culpa, ut minori poena, quam ordinaria, aut quam imponi consueta, prudentis arbitrio puniri debeat id delictum, tunc damnatus ita de eo crimine & punitus ea leuiori poena infamiam non incurrit, ut habetur l. esigrauior, & leg. si possidonium, (iuxta viam leuissimam) C. ex quib. caus. infam. irrog. l. ad tempus, ff. de decurionibus, & l. tit. 6. part. 7. Obserua tamen, si leuior poena esset imposita, quia ad tempus relegeretur & priuaretur administratione aliqua, tunc intra id tempus conferretur quoad id infamiae: initio vero eo tempore, omnino huiusmodi infamia, iuxta l. si cum vno, §. ad tempus, ff. de re mil. l. ordm, ff. ad municip. & l. cisi, C. ex quibus causis infam. irrog. Quando item aliquis poena mitiori aut grauiori deportaretur, aut damnaretur in metallum, tum quia per eam poenam statim amitteret, maneret eo ipso infamis, ut cum Bal. ait Greg. Lop. l. 6. citata verb. *es quinto del infamamiento*. Quando poena minuitur ex circumstantia quod sit senex, ait Greg. Lopez. l. 6. citata verb. *per alguna rason d'erecha*, illum non manere infamem. Contrarium non dubito esse verum: quoniam senex ratione aetatis non minus sed plus delinquit: minuitur vero illi interdum poenae: quoniam aliqua poena corporalis in illo est grauior, quam maior in iuvene, iuxta ea quae tractatu precedente Disputatione 37. dicta sunt, vbi & Disputatione 38. & aliis antecedentibus explicauimus, ex quibus causis poena minui debeat.

30

Nunc quaeritur, vtrum deprehensus in delicto, pro quo lata sententia, aut facta transactio, pacto, non gratuito circa illud, infamia iuxta haecenus dicta incurritur, ut deprehensus verbi gratia in furto, incurrat infamiam ante latam sententiam. Et similiter, vtrum confessus id delictum in iudicio, incurrat eo ipso infamiam ante latam sententiam. Pars quae affirmat, statui videtur aperte l. i. in fine tit. 6. p. 7. in vtroque dubio proposito. Ductique videntur conditores eius legis ex eo, quod is, qui paciscitur circa tale crimen, infamiam incurrit eo ipso, idque propterea quod, ut habetur l. quoniam, ff. de his, qui not. infam. censetur tali pacto id crimen confiteri: ergo qui idem crimen confitetur formaliter in iudicio, multo magis illam incurret ante latam

sententiam: quo argumento Azo & quidam alij id affirmant stando in iure communi. Et idem videtur esse, quoniam reus deprehensus fuit in delicto, crimenque est notorium: quoniam ea notorietas & qui pollet confessioni eius criminis, neque indiget sententia, ut poena pro eo crimine statuta executioni mandetur. Contrarium tamen in vtroque euentu est dicendum cum Bart. Panor. & cum communi doctorum sententia. Quoniam in penis non valet hoc argumentum: iura disponunt, ut qui paciscitur crimen, pro quo lata sententia incurrit infamiam, censetur illud confessus, incurratque eam infamiam eo ipso ante latam sententiam: ergo id extendendum est ad eum, qui in iudicio est confessus suum crimen, aut ad eum, qui in eo crimine fuit deprehensus: in penis non valet argumentum ex paritate aut maiori ratione, ut poena in eo euentu statuta extendenda ad id sit, ad quod iure non reperitur extensa: odiaque restringenda sunt, & non amplianda & extendenda.

Ut damnatus de aliquo crimine (ex quo secuta sententia infamia incurritur) eam infamiam incurrat, necesse est, ut damnetur propter factum suum, & non propter factum alienum, cui succedat, aut cuius persona ipse subeat ac defendat: itemque requiritur, ut ipse item suam defendens damnetur, neque satis est, si per suum procuratorem ac defensorem ipse damnetur. Et qui in his euentibus excusari dicitur ab infamia, damnari dicitur nomine alieno, l. furti, §. si quis alieno, ff. de his qui not. infam. Unde si lite contestata cum defuncto actione furti, haeres personam defuncti repraesentans, de furto defuncti damnatur, neque haeres neque defunctus infamiam incurrit. Si item, in quibus euentibus locum habet procuratorem defendere reuna circa actionem, ex qua, si aliquo damno sequatur, incurrit infamia, si procurator damnatur, neque ipse neque defensus ab eo infamiam incurrit. Si ite curatore aut tutore defendente minorem circa talem actionem, damnatio sequatur, nec minor, nec curator aut tutor infamiam incurrit. Haec omnia habentur §. si quis alieno citato. Hinc si ob delictum mancipij intentata sit noxialis actio cum domino illius, ut ob furtum mancipij, & lite cum domino contestata, moriatur dominus relicto mancipio haerede ac libero, sequaturque condemnatio post mortem domini, non incurrit id mancipium infamiam ex ea condemnatione: quia non nomine proprio, sed nomine domini, cum quo lis fuit contestata, & cuius personam ipse tanquam haeres illius repraesentat, damnatur: cum tamen damnatur ob factum suum, atque si lis cum ipso esset coepta, aut inciperet, (ut glossa lege citanda ait) & damnatur ipse suo nomine proprio, infamiam incurrat. Ita habetur l. seruus, ff. de his qui not. infam.

Decimotertio, qui actione pro socio damnatur, ut aliquid socio soluat ratione doli praesumpti, ut à lata culpa distinguitur, infamiam incurrit. Ita habetur l. i. in prin. vers. qui pro socio, iuncta glossa ibi, ff. de his, qui not. infam. & l. 5. tit. 6. part. 7. Cum autem mortuo vno sociorum societas dissoluatur, ac proinde contractus ille ad haeredes non transeat, etiam pactum fuerit appositum ut ad haeredes transiret, nisi quando societas esset circa vestigalia, aut circa alias res publicas conductas, appositumque fuisset pactum ut ad haeredes transiret, haeresque idoneus esset, ut tractatu 2. in calce Dissput. 412. & Dissput. 414. haec omnia ostensa fuerunt: inde est consequens, ut esto haeres alius sociorum dānetur ex societate cum defuncto contracta ob dolum defuncti circa illam commissum, aut ob suum commissum post dissolutionem societatem in absolueudis, quae coepta erant tempore socij defuncti, ad quae haeres tenetur, ut locis citatis comprobatum est, vel in ratione reddenda, & diuidendis bonis societatis,

22

23

cietatis, tunc talis hæres infamiam non incurrat: quoniam vel non damnatur nomine proprio, sed defuncti, hoc est, ob factum cum dolo in societate per defunctum, & non per ipsum hæredem: vel si damnatur ob factum cum dolo ab ipso hærede, non damnatur ut focus: eo quod ipse focus tunc non esset, sed ut gestor loco defuncti, vicemque illius subiens, eorū, quæ ad extrinsecum societatis complementum necessaria sunt in quo euentu damnatus infamiam non incurrit. Atque hoc est, quod habetur a Cassiteri l. furti §. illud planè vers. non planè, ff. de his qui not. infam. In euentu autem illo, in quo societas transit ad hæredē, si postquam ad ipsum transiit, aliquid circa societatem ipse dolose commisit, actioneque pro socio eo damnatur, tunc quia ut focus id delictum circa societatem commisit, infamiam incurrit: neque de hoc raro euentu est sermo versiculo citato. Idem dic, si tacito aut expresso consensu continuetur societas inter hæredē & alios socios, iuxta ea quæ Diss. 414. cit. dicta sunt, & post ita continuatam seu de nouo tacito aut expresso consensu initam societatem aliquid dolose efficiat, actioneque pro socio condemnatur: quoniam iam ut focus verus, & non ut hæres prioris socij defuncti, condemnaretur.

23 Decimoquarto, qui tutelæ actione dolo interueniente damnatur, ut aliquid minori, aut successori illius, soluat, infamiam incurrit. Ita habetur l. 1. vers. citato, ff. de his qui not. infam. iuncta eadem glossa ibi. §. suspectus autem remotus, inst. de susp. tutorib. cuius verba sunt: *Suspectus autem remotus, si quidem ob dolum famosus est, (id est, in infamiam incurrit) si ob culpam, non aequè, & l. 5. tit. 6. part. 7.* Et quia hæres tutoris tutor non est, sed solum tenetur ad debita tutoris defuncti, & ad rationem tutelæ defuncto iniunctæ reddendam, utique siue ob dolum defuncti damnatur, siue ob suum proprium circa rationem tutelæ defuncti reddendam, restituendisque bonis minoris, infamiam non incurrit, sicut etiam de hærede socij paulo antea dictum est. Atque hoc etiam est, quod de hærede tutoris habetur a doctore l. furti, §. illud planè vers. non tamen, ff. de his qui not. infam.

Quando aliquis aliquid alicui mandauit, tunc ratione mandati à mandatario suscepti competit mandanti actio mandati directæ aduersus mandatarium: & mandatario competit aduersus mandantem actio mandati contraria, quam iura vocant, vt tract. 2. Diss. 549. §. quamuis, dictum est, ubi explanatum est, ad quæ actiones illæ se extendant. Illud item obserua, quando aliquis fidei iubet pro alio, tunc cōtractus, quo is alicui se obligat pro alio, est fidei iussio comparatione eius, qui ita pro alio se obligat, si ad petitionem eius, pro quo se obligat, id efficiat, vel eo id sciente & tacente, habet rationem mandatarij, vt pro ipso ita fidei iubeat, & is, pro quo ita fidei iubet, comparatione huius habet rationem mandantis: vnde is, pro quo hic fidei iubet, tenetur huic actione mandati contraria, vt tractatu 2. Disputat. 539. §. illud est, explanatum reliquimus.

24 His ita constitutis, decimoquinto, qui mandati actione directæ damnatur, vt aliquid mandanti soluat, dolo ex parte mandatarij interueniente in eo, ratione cuius soluere mandanti id damnatur, infamiam incurrit. Ita habetur l. 1. in prin. vers. qui pro socio, iuncta glossa ibi, & l. furti, §. mandati, ff. de his qui not. infam. ac l. 5. tit. 6. part. 7. Et quamuis ex actione mandati contraria seu indirecta, itemque tutelæ contraria seu indirecta, qua minor, aut successores illius, ad aliqua tutori ex tutela tenentur, neque etiam ex actione cōtraria seu indirecta depositi, (de qua de pactis actione mox erit sermo) qua deponens ad aliqua tenetur depositario, etiam sequuta condemnatione ex eiusmodi contrariis seu indi-

rectis actionibus, doloque interueniente, non incurrat infamia, vt habetur l. 1. citata versiculo citato. l. furti etiam citata, §. contrario iudicio. (in actione autem pro socio, cum æquales eiusdemque rationis & appellationis sint socij, non ita distinguuntur actio directæ & contraria seu indirecta) quamuis, inquam, hæc ita sint, excipitur tamen in actione mandati indirecta sequens euentus. Si enim aliquis fidei iussit pro alio, ac soluit loco eius, pro quo fidei iussit, conueniatque illum postea actione mandati indirecta, & ille condemnatur, interueniente dolo ex parte mandantis, qui ita condemnatur, infamiam incurrit ita damnatus actione illa indirecta. Ita habetur l. fieri, §. mandati, ff. de his qui not. infam. ubi hic solus euentus excipitur ab actionibus omnibus contrariis seu indirectis.

Et quoniam, vt tractatu 2. in calce Diss. 552. ostendimus, contractus mandati, re integra non expirat morte mandatarij, sed transit ad hæredem, qui tamen verus mandatarius potest mandare executioni, ac prosequi idem mandatum: inde est consequens, quod si hæres damnatur actione mandati directæ ratione eius, quod dolo ipse fecit in executione mandati, aut ratione eius quod dolo omisit in executione eius mandati, damnatur nomine proprio quo ad id, ac proinde infamiam incurrat, si cūs autem si damnatur ex eo, quod mandatarius defunctus dolo fecit aut omisit. Atque hoc est, quod habetur l. furti, §. illud planè, ff. de his qui not. infam.

Decimosexto, qui damnatur actione directæ depositi, quæ ex deposito competit aduersus depositarium, si dolo interuenit, depositarius ita damnatus infamiam incurrit. Secus si deponens actione depositi contraria seu indirecta damnatur. Ita habetur l. 1. in prin. vers. qui pro socio, iuncta Glossa ibi, & l. furti, §. contrario iudicio, ff. de his qui not. infam. & l. 5. tit. 6. p. 7. Et quoniam contractus depositi transit etiam ad hæredem depositarij, utique si hæres damnatur actione depositi ob id, quod dolo ipse facit aut omisit, postquam depositarius esse cepit, damnatur nomine proprio, ac proinde infamiam incurrit: si cūs autem si damnatur ob id, quod dolo fecit aut omisit depositarius defunctus, cui ipse in deposito succcessit. Et hoc est, quod habetur l. furti, §. illud planè, ff. de his qui not. infam.

Circa quatuor actiones directas, pro socio scilicet, tutelæ, mandati, ac depositi, de quibus dictum est, damnatum ex illis, si sol⁹ interuenit, infamiam incurrit, obserua, cum actiones ex contractu sint, & non ex delicto, esto, qui illis conuenitur, aut conueniri timet, pactum non gratuitum, nec conueniatur, aut vt ab actione cessetur, celebrat, non incurrit infamiam: sicut de iure communi eam incurrit, qui simile pactum celebrat circa eam actionem ex delicto, ex qua si damnatur aliquis, infamiam incurrit: atque ea ratione leg. 1. in princip. ff. de his qui not. infam. commemoratis actionibus ex delicto, ex quib⁹ si aliquis damnatur, infamiam incurrit, addidit, idem esse, si pactum non gratuitum ne accusetur, aut vt desistatur ab accusatione, circa illas celebrat: commemoratis verò quatuor aliis actionibus ex contractu, nihil tale adiecit. Quod autem causa eius discriminis sit, vnas actiones esse ex delicto, & alias ex contractu, subiungit l. in actionibus, ff. eod. tit. dicens: *In actionibus quæ ex contractu proficiuntur, licet famosæ sint, & damnata notentur, (infamia scilicet) at tamen pactus non notatur.* Merito, quoniam ex his causis non tam turpis est pactio, quam ex superioribus, (quæ scilicet sunt ex delicto).

Lex quid ergo, §. ult. ff. de his qui not. infam. sic habet. *Crimen stellionatus infamiam irrogat damnato, quamuis publicum non est iudicium.* Cui legi contraria videtur lex 2. ff. de crim. stellionat. quæ sic habet: *Stellionatus iudicium famosum quidam non est: sed coercionem extrinsecam ordinariam*

ordinariam habet. De eo crimine quid sit, & quibus poenis puniatur, tractatu 2. in calce Disp. 532. dictum est. Vt verò ad concordiam duo iura citata reducantur, & intelligatur quid ea de re veritas habeat, obserua. Quando interuenit stellionatus crimen, vel posse agi criminaliter ad puniendum crimen ipsum stellionatus vel ciuiler circa id, in quo stellionatus crimen interuenit. Si agatur criminaliter ad delictum ipsum stellionatus puniendum, tunc damnatus de eo crimine ac punitus infamiam ea de causa non incurrit: quoniam id crimen publicum non est, neq; de numero priuatorum, ob quæ, si quis de illis, infamia incurritur, vt constat l. *infa. ff. de pub. ind. & ex hæcenus dictis liquet. Atque de crimine stellionatus, quando criminaliter accusatur, loquitur l. 2. ff. de crimin. stellionat. quæ negat damnatum de eo crimine infamiam incurere. Quando autem interuenit crimen stellionatus, & agitur ciuiler circa id, in quo id crimen interuenit, tunc si agatur actione, de qua damnatus aliquis infamiam incurrit, iuxta ea quæ proximè dicta sunt, infamia incurritur interueniente stellionatus dolo: atque in hoc euentu loquitur *lex quid ergo, §. vltim. relato.* Si verò agatur actione, de qua damnatus aliquis, etiam si dolo interuenit, infamiam non incurrit, tunc vtique est id crimen stellionatus interuenit, qui ita fuerit damnatus, infamia non incurrit. Exemplum est, quando aliquis, cum primò haberet rem aliquam vni creditori obligatam, illam sciens & prudens alteri etiam obligauit, quæ tñ res non sufficiebat vtriq; debito inde soluendo: tunc enim si secundus creditor agat ciuiler aduersus eum debitorem, qui id crimen stellionatus commisit, contraria pignoratitia actione, vt vel statim sibi aut priori creditori soluat debitum, ita vt ipsi sit satisfactus, aut obligata sibi soli maneat ea res, soluto debito priori creditori, vel vt sibi rem aliam pro suo debito obliget, isque debitor ea contraria pignoratitia actione damnetur, vt vnum illorum trium posteriori creditori præstet, iuxta l. *tutor, §. contrarium, ff. de pignorat. act. & ea quæ Disp. 532. citata dicta sunt, sanè debitor ille ita damnatus infamiam non incurrit: quoniam ea actio non est de numero earum ciuiliu actionum, ob quas si aliquis earum aliqua damnetur, infamiam incurrit, etiam si dolus in ea re interuenit, ob quam ea ciuilis actio competit.**

De infamia, quam incurritur, non solum committentes crimen lææ maiestatis diuinæ aut humanæ, insequentes hostiliter cardinales sanctæ Romanæ Ecclesiæ, aut manus violētās in eos iniicientes, fautores & cooperatores ad ea crimina prædictis omnibus, sed etiam eorum filij aut etiam nepotes, dictum est tractatu 2. Disp. 658. & tractatu 3. Disputatione 65.

SVMMARIVM.

1. Non est in potestate principis, vel alterius, infamiam facti quoad existimationem, quam alij de te concipiunt, abolere non solum efficiendo, vt concepta non fuerit, sed etiam illam ab aliorum cordibus amouendo.
2. Remittere infamiam iuris aut facti, quoad ea, ad que impedit, Princeps qui non habet superiorem potestatem & reipublica, qua non agnoscit superiorem: & item Princeps qui alterius feudatarius est.
3. Summus Pontifex summus in temporalibus, comparatione eorum qui sibi in temporalibus sunt subditi, remittit infamiam.
4. Clericum, qui infamiam incurrit, fama restituere ad Pontificem summum spectat, non ad Principem secularem.
5. Cardinales infamiam remittere non possunt.
6. Episcopus directè non remittit, infamiam: indirectè verò

Tom. 5.

in euentu in quo dispensare potest, vt nihil impediens delicto, ob quod in causa est infamia.

7. Quando aliquis delictum commisit, ob quod infamiam incurrit, tunc princeps remittens crimen aut panam criminis, solum censetur illud remittere quo ad panam, non verò abolere infamiam.
8. Quando Princeps crimen remittit ante latam sententiam contra eum qui deliquit, tunc censetur ei omnis pena condonata, & in pristinum statum restitutus.

DE ABOLITIONE INFAMIAE RE-
stitutioneque infamiam in pristinum
statum.

DISP. IO.

Infamiam facti quo ad existimationem, quam alij de aliquo concipiunt, siue iustam causam id ita concipiendi atque existimandi de illo habeant siue non, non in potestate principis aut alicuius alterius illam abolere, non solum efficiendo vt accepta non fuerit, cum ad præteritum potentia non sit, sed etiam illam amouendo ab aliorum cordibus ac mentibus. Atque in hoc sensu (referente id Gratiano 2. qua. 3. post c. *Euphemum, §. hinc colligitur*) dixit Gelasius: *Quantum animas per penitentiam saluare possumus, infamiam tamen abolere non possumus.* In eodemque sensu l. 9. tit. 6. part. 7. simile quid dixit, illudque idem tradit Panor. m. cum te, num. 9. de sentent. & re iud. Potest tamen potestas publica per sententiam declarare, contrariam haberet veritatem, vt homines contrariam de illo habeant existimationem, aliaque media ad id poterunt adhiberi, quæ interdum effectum sortientur, & interdum illum non sortientur. Item infamia facti, siue iuste siue iniuste fuerit concepta, ad effectum, vt in futurum ad dignitates obtinendas, & ad alia non noceat, mutatione morum, ad meliorem frugem se recipiendo, iustè ac pie viuendo, tam quoad id de quo erat ea infamia, quam quo ad alia aboleri ac tolli potest, ita vt, qui antea infamis erat & habebatur, infamis deinceps non censeatur. Neque de abolitione huius infamiae est nobis præcipue hoc loco sermo. Tamen effectus est huius infamiae, quatenus illa impedit ad dignitates obtinendas, & ad similia alia, abolere ac tollere princeps possit, sicut & infamiam iuris, vt subiiciemus.

Remittere infamiam iuris, aut etiam facti quo ad ea, ad quæ impedit, non solum ad principem, qui superiorem non cognoscit, spectat, atque ad eò spectat similiter ad rempublicam, quæ non cognoscit superiorem l. 1. §. cum qui. vers. de qua autem, ff. de post. l. si qua mulier, C. ad Tertull. l. imperialem, C. de nupt. l. 6. tit. 6. part. 7. & tradit Panor. c. cum te de sent. & re iud. a num. 10. iuxta textum ibi, & doctores communiter. Et quamuis quondam id etiam spectaret non solum ad imperatorem, sed etiam ad senatum Romanum, qui leges etiam condere poterat, vt constat vers. de qua autem citato: senatus tamen principum, vt hodie habent potestatem condendi leges, sic neque hæc alia potestas solet eis à principibus concedi. Inferiores autem, siue summi Pontificis ad spiritualia, vt legati a latere ac nuncij, siue principum secularium, non habent potestatem remittendi infamiam, nisi eis à principibus summis fuerit concessum, & quantum præcisè fuerit illis concessum.

Princeps, qui feudatarius alteri est, vt Rex Neapolitanus summo Pontifici, & alij similes, si regnū aut alium principatum acceperunt ad illud omnino administrandum siue dependenter ab illo, cui sunt feudatarij, aut cum ea potestate, remittere in-

C

famiam

famiam possunt, vt ex se est notissimum. Vtrum, autem principes alij, qui superiorem recognoscunt præscribere possint potestatem remittendi infamiam. Dicendum est, eam posse præscribere tẽpore de cuius initio non exet memoria: sicut & potestatem imponendi tributa eodem tempore potest præscribere, vt tractatu 2. Disput. 666. dictum est.

3 Summus Pontifex cum eorum comparatione, qui sibi in temporalibus sunt subditi, supremus sit temporalis princeps, vt sunt alij Reges, superiorem in temporalibus non recognoscentes in sibi subditos, dubium non est, posse illis remittere infamiam, non solum quatenus illa impedimento illis est ad spiritalia ac ecclesiastica, sed etiam quatenus est illis impedimentum ad temporalia. Quo ad reliquos verò, qui sibi non sunt subditi in temporalibus, dicendum est, non posse ab illis tollere infamiam ad ea, quæ ad suam iurisdictionem spirituales non spectant: sed ad principis seculares, quorum sunt in temporalibus subditi, id attinere. Excipitur, nisi id necessarium multum esset, ad finem spirituales, neque præstò esset id efficere princeps illius in temporalibus: nam tunc posset, iuxta ea quæ tractatu 2. Disputatione 29. 171. & 172. dicta sunt de legitimatione ad temporalia: est enim vtroque eadem ratio, etque de causa hac de re non plus dico, consentit quoad hæc omnia communis doctorum sententia, quam refert ac sequitur Panor. c. cum te citato, n. 10.

4 Clericum quemcunque, qui infamiam incurrit, cum de iurisdictione sit summi Pontificis, & non principis secularis, in quacunque republica seculari ille degat, restituere famæ spectat ad summum Pontificem, non verò ad principem secularem: restitutusque à summo Pontifice, desinet simpliciter & absolute esse infamis: Si summus Pontifex ab aliquo laico, ad alterius principis secularis iurisdictionem attinente, infamiam tollat, vt sacros ordines ascendat, quod licet potest ex rationabili causa efficere, tunc ille facris ordinibus initiatus per accidens, amittet infamiam simpliciter & quo ad omnia: quoniam eo ipso, quod facris ordinibus est initiatus, ad iurisdictionem solam ecclesiasticam spectat: & qui iam ad eum altiores ac digniores statum ascendit, & à quo quoad iam sublata est infamia, integræ famæ simpliciter censetur. Ita Panoritanus vbi supra num. 11. & Syluest. verb. infamia, num. 17.

5 De collegio Cardinalium num remittere possit infamiam, quando illam remittere posset summus Pontifex, neganter est respondendum, quando Sedes Apostolica non vacat. Neque enim collegium illud iurisdictionem habet, vt illam habebat senatus Romanus tempore imperatorum, in quo perseverabant aliqua ex his, quæ vt reipublicæ liberè quo ad capita illi senatui conueniebant, antequam idem senatus ac reipublica subiicerentur imperatoribus, de quorum numero erant potestas condendi leges ac remittendi infamiam. Tempore etiam sedis vacantis remittere similiter non potest infamiam collegium Cardinalium, nisi bonum ecclesiæ in aliquo euentu efflagitaret, vt ante electionem summi Pontificis alicui infamia remitteretur: quod rarò aut nunquam eueniet. Ita Panor. vbi supra n. 12. & 13. & alij, quos citant.

6 De Episcopo est dicendum, directè remittere non posse infamiam: indirectè verò in euentu, in quo dispensare potest, vt nihil impediens delicto, ob quod incurta est infamia, vt, verbi gratia, non impediens adulterio, de quo aliquis clericus fuit damnatus, etque de causa depositus, infamiamque incurrit, ministret sanè eo ipso quo ita cum illo dispensat, remittit illi indirectè infamiam ex tali adulterio contractam. Ita Panor. vbi supra n. 15. Syluest. verb. infam. n. 16. & doctores communiter.

7 Obserua, quando aliquis delictum commisit, ob quod infamiam iuris incurrit, tunc ex eo, quod princeps diceret, remitto id crimen aut penam talis criminis, solum censeretur illud remittere quo ad penam, non verò censeretur abolere infamiam ob illud incurtam, neque item condonare bona ob illud ad fiscum delata ac confiscata, vt tract. precedente Disputatione 48. copiosè dictum est: quod intellige, nisi aliud adderet, vnde intelligeretur abolere infamiam incurtam, aut nisi ex circumstantiis concurrentibus perspicuè intelligeretur abolere etiam infamiam, restitueretq; illum in pristinum statum quo ad famam. Quod aut in remissione criminis facta à principe, si aliud non exprimitur, aut si aliunde non intelligatur fuisse mentem principis, infamiam quoque remittere, non censetur facta remissio infamiam incurtam, neque condonatio bonorum ad fiscum delatorum, habetur l. vlt. C. de generalibus abol. l. generalis, C. de sen. passis, concinit l. ad tempus, C. ex quibus causis infam. irrog. Lege alia iura, quæ Disputatione 48. citata addidimus, & alia quæ ibi dicta sunt. Neque refragatur l. cum indulgentia, C. de sen. passis. Quoniam ibi non est sermo de infamia, sed de pœna confiscationis, quæ specialiter fuerat remissa, concedendo damnato illi proprios lares. Fortasse ratio, cur in remissione pœnæ non intelligatur abolitio infamiae, est: quoniam nota infamia nõ videtur propriè pœna, quoniam pro aliquibus criminibus ea nota incurrit ipso facto sine sententia, neque dependenter à sententia: in alijs verò incurritur ex sententia condemnationis de crimine, nulla facta mentione de infamia: quia est nota, quæ ex iuris dispositione consequitur sententiam. Quando autem in remissione diceretur, remitto tibi infamiam, aut restituo te in tuam famam, vel in pristinum statum, tunc abolita censeretur infamia. Quando autem princeps diceret, restituo te in integrum, tunc etiam infamia censetur abolita, & condonantur ei bona sua, si quæ erant confiscata, vt habetur l. 1. C. de senent. passis iuncta glossa ibi l. 1. s. cum qui, ff. de postul. & alij iuribus, quæ glossa illa citat. Excipitur nisi bona ad fiscum delata sint iam alienata, neque in aliquo fisco ex illis maneat locupletior. Fructus etiam stantes in se aut in aliquo alio, apud fiscum, sunt quoque restituendi, iuxta ea quæ tractatu 2. Disputatione 575. dicta sunt. Lege quæ longè copiosius hac de re Disput. 48. citata dicta sunt.

8 Lege 2. titul. 32. part. 7. habetur: Quando princeps crimen remittit ante latam sententiam cõtra eum, qui deliquit, tunc omnem penam censi ei condonatum, restitutusque censetur in pristinum statum, in quo erat ante crimen, ac proinde remissa est illi infamia, ita vt nõ alia maneat, quàm ea, quæ in hominum existimatione remanet, quam in potestate principis non est à mentibus illorũ auferre, ac recuperare omnia sua bona, et si annotata ac sequelrata essent à fisco, vt dependenter à sententia ferenda ad fiscum attinerent. Et quidem, quod attinet ad eam iuris infamiam, quæ non incurritur nisi lata sententia nullum potest esse dubiũ: quoniam cum crimẽ ante latam sententiam remittatur, neq; progrediendum iam sit ad sententiam ferendam de crimine remisso, incurtus is delinquens iam non est infamia ob illud crimen. Quod verò attinet ad eam infamiam iuris, quæ talis erat, vt proper crimen commissum incurta iam esset independenter à sententia ferenda, idem quoq; dicendum videtur iuxta dispositionem eius legis, illam, si censi remissam & abolitam remisso à principe eo crimine ante latam sententiam de illo: quoniam per eam remissionem, qui ita deliquit restituitur ad statum ex parte principis, in quo ille erat ante delictum commissum. Additur in eadem lege secunda. Quando princeps post latam sententiam de aliquo crimine

crimine dicit, se illud remittere, aut poenam illius, non id intelligere nisi de poena corporali, ac proinde nec conferri remissam infamiam, neque illi restituenda aut relinquenda esse bona fisco adiudicata, nisi princeps exprimeret, ut redderentur ei delinquenti omnia sua bona, aut nisi diceret, se restituere illum in pristinum statum: nam tunc infamia censeretur ab eo abolita, reddendaque illi essent omnia sua bona, quæ apud fiscum manerent in se aut in aliquo alio, in quo fiscus factus esset locupletior, aut nisi aliud circa consumpta & alienata princeps dispoñeret, ut scilicet ei quoque redderentur. Tunc tamen videndum esset, an ea etiam concedi illi, maxime alienata, expediret aut liceret: & num recompensa ijs esset facienda, ad quos ea bona legitimo deuenissent titulo. Atque iuxta hæc lex illa 2. intelligere ac interpretari videtur dispositiones iuris communis præcedente paragrapho relatas. Et iuxta hæcenus dicta intelligenda ac exponenda est lex 6. tit. 6. p. 7. quod ad ea, quæ hac de re disponit.

Lege quæ tractat 2. Disp. 624. dicta sunt, quousque restitutus in pristinum statum principis gratia, in maiorum, cuius facti fuerat incapax, succedat: & quæ tractatu præcedente Disputatione 48. copiosius dicta sunt, atque hæc illis adijunge. Quoniam enim hæc scripsi, recordabar quidem me illa scripsisse, memoria tamen excidit me ea Disp. 48. citata dispuñsse, omnia tamen consonant.

SVMMARIVM.

1. Infamia infamia iuris & infamia facti excluditur ab omni dignitate obtinenda.
2. Licet spurii ad dignitates promoueamur, quando non est competitor idoneus, qui cum us de ea dignitate contendat, tamen infames infamia facti ad illas non sunt admittendi, qui olim fuerint decuriones in vrbibus, & qui regidores modo in Hispania.
3. Si infamia fit iuris aut facti notoria, inualida est electio ad dignitatem: & infamis qui ita se curat eligi peccat, & puniendus est. Quando verò quis tamen in dignitate constitutus esset, & tunc infamiam incurreret, tunc si infamia fit iuris, amittit dignitatem: si verò infamia fit facti, non ideo amittit dignitatem.
4. Quando dignitas est annexa rei rei, cuius infamia incapax non esset propter infamiam, tunc neque per infamiam iuris amitteretur illa dignitas.
5. Officia, si publica sint & aliquod auctoritatis habeant, non potest infamiam adire, nec etiam beneficium ecclesiasticum: si verò ea ad auctoritatem administrant non spectant, infamia ab eis non excluditur.

INFAMIA A QUIBVS EXCLVDAT inabilemque infamem reddat.

DISPVT. II.

INfamis, non solum infamia iuris, sed etiam infamia facti, (modo tamē hæc notabilis ac momentis sit, quo ad id de eo agitur, vt tract. 2. Disp. 620. in responsione ad 2. dictum est) excluditur ab omni dignitate obtinenda l. 2. C. de dignitatib. lib. 12. l. vnica, C. de infamib. lib. 10. l. 7. tit. 6. part. 7. reg. infamibus de reg. iur. lib. 6. cuius verba sunt: Infamibus porte non patant dignitatum. Quid autem sit dignitas tract. 2. Disp. 620. cit. copiosè fuit à nobis explanatum. Quo in loco communi doctorum sententia fuisse ostendimus, quando dignitas annexa est rei alicui, cuius infamia incapax non est, ut titulus marchionatus, ducatus, aut comitatus, vel iurisdictio, bonis maioratus, quorum infamis non est incapax, sæpe adiuncta sunt, tunc infamiam non excludere ab ea dignitate annexa: cum tamen excluderet, si per se, & non tanquam rei alteri annexæ, in illa esset

Tom. 5.

succedendum. Legas quæ ibi dicta sunt. Ex eo autem quod spurii admittantur ad decurionatus dignitatem, quando non est competitor ad illam idoneus, qui cum ipsis de ea dignitate contendat, vt habetur l. generaliter, §. spurios, ff. de decurionibus, non sequitur, infames, infamia facti admittendos esse ad dignitates quæ alij circa illas cū ipsis non contendunt. Quoniam licet aliqui computent illegitimos inter infames infamia facti, vt Disp. 7. dictum est, lōgē tñ verius est, illegitimos nō esse infames infamia facti, sed solum esse incapaces ex dispositione iuris, ad aliqua, non quidem ob suū crimen, sed quod geniti non sint ex legitimo matrimonio, culpa in ipsorum generatione interueniente ex parte patrum ipsorum: neque ego in iure video aliam infamiam facti, quam eam, quæ posita est in mala estimatione de moribus alicuius, siue illa ortum habuerit ex moribus prauis alicuius à multis cognitis, conspicientibus eos prauos mores aut indicia illorum, siue ex dicto iudicis, aut patris in testamento, siue aliunde, & siue vera sit ea estimatio siue non. Quod si incapacitas illa illegitimorum ad aliqua ex dispositione iuris infamia esset appellanda, potius dicenda esset infamia iuris ad illa, quæ infamia facti. Quo ad reliqua verò, atque iuris dispositione expressum nō est, eos esse incapaces, siue incapaces nō sunt, sed idonei reputantur, vt ad testimonium ferendum, ad minus tabellionatus, ad dignitates decurionatus, vt de dignitate decurionatus habetur, l. generaliter, §. spurios, & l. spurii de decurionibus, idemque est de reliquis, ad quæ incapaces reddit non reperiuntur iuris dispositione, vt rectè hæc omnia affirmat Couar. de pract. qq. c. 19. n. 6. Neque hanc sententiam impedit, quod merito §. spurios citato sit dispositum, si competitor idoneus adit, qui simul cum spurio dignitatem decurionatus obtinere contendat, præponendum esse legitimum spurio, vt ex parte hæc omnia Disp. 7. dicta fuerunt: quoniam id sanctum idcirco fuit, quod ceteris paribus, vt dignior anteferri legitimus spurio debeat, vt pote spurio dignior ac honorabilior. Porro decuriones, de quibus in eo titulo & C. de decurionibus. 10. est sermo, erant, qui in singulis oppidis eligebantur, vt à consilio regimini essent oppido, tanquam capita illius oppidi cum rectore ac iudice repræsentantia: quibus in hoc regno respondent illi, quos regidores vocant, & in Lusitania illi, quos vocant rerectores, qui annui dignuntur, annui etiam eligebantur in hoc regno, & eliguntur aliquibus locis illi, quos regidores vocant in præcipuis tamen locis preto dignitates illæ comparantur à Rege illas eminentibus, & successores ipsorum, illi siue in quos transferre eas voluit, modò tamen nominent successorem viginti diebus ante ipsorum mortem. In alia autem longè diuersa significatione illi decuriones in exercitu dicebantur, qui in ducem militibus præficebantur à denario illo numero decuriones nuncupati: illis verò hodie apud nostros respondent, quos cabos de esquadra in exercitu appellant.

Notant verò Panor. c. super eo de electione, & c. inter dilectos de excessib. prelat. Couar. de pract. qq. c. 19. num. 5. præsertim conclus. 5. Greg. Lopez. l. 7. tit. 6. part. 7. glossa 1. & 2. & alij quos citant. Si infamia fit iuris aut facti notoria, inualidam esse electionem ad dignitatem, beneficium, aut officium, de quibus mox erit sermo, iuxta regulam infamibus de reg. iur. lib. 6. l. 2. C. de dignit. lib. 12. l. vnica, C. de infamib. lib. 10. & c. cum in cunctis de elect. peccareque infamem, qui ita curat se eligi, aut id permitti, eaque de causa puniri, vt patet l. qui vno, §. 1. 2. & 3. ff. de re mil. & l. 2. C. si seruus vel libert. ad decur. ass. lib. 10. Quando tamen, qui eligeretur, esset indignus, neque illius indignitas esset manifesta, tunc non teneretur illum eam manifestare, vt cum Barr. & Ioan. de Platea ait Greg. Lopez.

C 2

glossa

glossa 1. citata in fine. Quando verò aliquis esset iam in dignitate, beneficio, aut officio, de quibus erit sermo, infamiamque incurrit: tunc, si infamia sit iuris, amittit dignitatem, beneficium, aut officium, iuxta *l. infam. C. de decur. libr. 10. l. 7. tit. 6. part. 7.* & alia iura citata, estque ab illis remouendus eo ipso, quòd talis infamia probata sufficenter sit. Ait verò Gregor. Lopez. *glossa 2. citata*, non amittere illa ipso facto, sed per sententiam, satique id innuit *l. 7. citata*, tamen Gregor. Lopez. addat, si infamia sit notoria, non valere, quæ in infamis exercet, ac proinde innuit cum aliis amittere illa ipso facto. Si verò infamia sit solum facti, nõ propterea is amittit dignitatem: beneficium, aut officium, vt colligitur aperte ex *c. super his de accusat.* & affirmant doctores citati. Ait bene Couar. *con. lusi. 5. citata*, cum plerisque aliis, quos citat: si infamis eligatur ad dignitatem aut officium, de quibus erit sermo, aut postquam illud obtinuit infamiam iuris incurrit, & si tolleretur, tunc acta per illum valida esse, iuxta *l. Barbatus, ff. de offic. prefid.* Quia satis ad id est, electum ad id fuisse, licet titulus fuerit inualidus, aut ex titulo ante valido obtinuisset munus in quo tolleratur, postquam illud infamia omisit ob communem errorem, vt valida sint, quæ in eo munere exercet. Inualida tamen essent, si abique titulo, etiam inualido, munus exercuisset, vt idem autor cum aliis rectè affirmat.

4 Quando dignitas esset annexa alteri rei, cuius infamis incapax non esset propter infamiam, vt titulus ducatus, marchionatus, comitatus, & iurisdic-tio, annexa sunt bonis maioratus, iuxta ea quæ in principio huius disputationis & tractatu 2. *Disputat. 620.* dicta sunt, tunc neque per infamiam iuris amitteretur ea dignitas: sicut neque ipsa bona maioratus pereandem infamiam amittuntur, nisi aliud habeat annexum, ratione cuius amittantur ad quod sanè attendisse non videtur Gregor. Lopez. *glossa 2. citata.*

5 Quod ad officia attinet, quæ dignitates nõ sunt, est distinguendum, quoniam si publica sunt, & honoris ac autoritatis aliquid habent, vt sunt officium iudicis, assessoris iudicis, postulantis, seu patrocinatoris in iudicio pro aliquo, tabellionis autoritate publica, quamuis non sint de numero eorum, quos regios, seu *del numero*, vocant, idem de illis est dicendum, quod de dignitatibus est dictum, ab illis scilicet eodem modo reici infames, quo à dignitatibus. Atque idem propter eandem rationem est dicendum de beneficiis ecclesiasticis, quæ dignitates nõ sunt: si verò officia ad honorem & autoritatem ea administrantis non pertinent, & præsertim si ad onus illa administrantium pertinent, in bonumque commune cedat eorum administratio, tunc ab eis infames non excluduntur. Item si munera publica non sunt, vt si quis iudex arbitet à partibus ipsis earum electione constituitur, tunc ab eis muneribus infames similiter non excluduntur. Et quoniam hæc in particulari suis in locis sunt à nobis explicanda, explicandumque item est suis propriis in locis à quibus aliis infames excludantur, aut minus idonei reputentur, ea de causa non plura hac de re hoc loco dico. Interim legas *legem 7. citatam*, & iura quæ Gregor. Lopez. ibi citat. Ea lex statuit, infames non excludi ab officio tutoris testamentarii, & à contrario sensu à parte docet excludi à munere tutoris legitimi ac datui. Contrarium verò refert ibi Gregorius Lopez. ex Bart. & Bald. esse scilicet eos posse etiam legitimos & datiuos tutores, quando illi, quorum constituuntur tutores, non sunt nobiles altiorisque multum nota comparatione talium tutorum.

SUMMARIUM.

1. Iniuria est duplex, latè sumpta & pressè. Iniuria latè sumpta est omne quod contrarius sit: pressè sumpta est, prout præiudicat iuri circa bona honoris & famæ precisè.
2. Quando alicui alapa iniuste impingitur vel simile quid sit, tunc duplex est sit iniuria, vna contraria iustitiae commutatiue circa bona corporis, vel externa: altera circa bona honoris & famæ, & tunc duplex actio intentari potest.
3. Iniuria seu iniustitia circa bona honoris & famæ interdum fit solo actu interno eius, qui illam re ipsa infert.

DE INIURIA IUSTITIÆ COMMUTATIUE CIRCA BONA HONORIS & FAMÆ CONTRARIA: & quæ sub se continet.

DISPUT. 12.



Explicata infamia, contraria obiecta iustitiæ commutatiue circa bona honoris & famæ, dicendum consequenter est de vitio in genere eidem iustitiæ commutatiue circa bona honoris & famæ contrario, & de partibus, quas id vitium sub se continet.

Tractatus precedente *Disput. 40.* cum Vlpiano *l. 1. ff. de iniuriis*, & aliis iuribus ibi citatis, duplicem iniuriam distinguimus. Vnam latè sumptam, prout id iniuria dicitur, quod non iure seu contra ius alicuius fit. Et hoc modo quicquid fit in præiudicium cuiuscunque iuris alicuius, siue sit circa bona illius externa, siue bona corporis aut persone illi coniuncta, siue circa bona honoris & famæ, iniuria dicitur. Atque iniuria hoc modo sumpta, idem est cum iniustitia latè sumpta, prout iustitiæ in genere contrariatur. Alio modo sumitur iniuria pressè, prout præiudicaturi, precisè circa bona honoris & famæ. Atque hoc modo sumpta, appellatur ab Vlpiano contumelia, sumptolatè vocabulo, prout contumeliat omne dicitur, quòd præiudicat honori aut famæ. Quando autem ea contumelia fit contra ius alicuius, atque adeò iniuste, est iniuria contraria iustitiæ commutatiue circa bona honoris & famæ: in eaque iniuria cernitur iniustitia commutatiue iustitiæ circa bona honoris & famæ contraria, de qua sola in hoc tractatu est nobis sermo, tanquam de propria huius tractatus. Quæ omnia *Disput. 40. citata* copiosè explanata sunt, eaque de causa summam illa hoc loco refero.

Ibidem diximus, quando cum iniuria seu iniustitia circa bona externa aut corporis, in personam circa honorem & famam, vt quando alapa iniuste impingitur, fuste ignominiosè quis percutitur, per vim & contumeliosè auferuntur ab eo bona externa, & in aliis similibus euentibus, tunc duplicem iniuriam seu iniustitiam simul interuenire, vnam contrariam iustitiæ commutatiue circa bona corporis aut circa bona externa, & alteram specie distinctam, propriamque huius tractatus, contrariamque iustitiæ commutatiue circa bona honoris & famæ: duplicemque proinde competere tunc actionem, vt Vlpianus & alij iurisperiti rectè docent, siue seorsim duæ illæ actiones intendantur, siue simul vna coniunctim cum altera, aut in consequentiam alterius, vt ibidem explanatum comprobatumque fuit. Coacti verò fuimus eo in loco (propter rationem ibi redditam multa in genere tradere de iniuria propria huic tractatui, quatenus coniuncta esse solent cum iniuria seu iniustitia circa bona corporis, vt explicaremus penas, quibus puniri debeant corporales iniuriæ, quæ infra mortem fiunt.

Vnde,

Vnde, quæ eo in loco diximus, multo nos onere in hoc tractatu leuabunt.

Iniuria seu iniustitia, iustitiæ commutatiue, circa bona honoris & famæ contraria, interdum fit solo actu interno eius, qui illam re ipsa infert, vt quando temerariè iudicat aut suspicatur malum aliquod de aliquo: eo enim ipso iniuriam re ipsa illi infert eo solo actu interno circa famam ac existimationem, quæ de illo haberi debet: aut quando immeritò illum actu interno despicit. Et quoniam forum externum de actibus internis non iudicat, neque eos punit, eo quòd noti exterius non sint, neque in eo tribunali probari possint, neque pacem & tranquillitatem publicam perturbent aut impediunt, idcirco iuriconsulti de eis nò loquuntur. Quia tamè nos forum internum & externum explicamus, de iudicio etiam temerario hoc loco tanquam in sua propria sede dicimus: est enim iniuria seu iniustitia, commutatiue iustitiæ circa bona honoris & famæ contraria sit actu externo: idque aliquando factò, vt quando alapa impingitur alicui, vel fuisse ignominiosè percutitur: & aliquando signis, vt verbis, voce, aut scripto aliquid ignominiosum aut infamans significantibus: atque quando id scripto fit, id signum libellus infamatorius nuncupatur: alia etiam signa ignominiosa ac infamantia sunt nutibus, & etiam rebus aliis infame aliquid significantibus, vt quando cornua alicui pro foribus appenduntur in signum, quòd aliquis vxore illius sit abusus. Voluntas autem seu consensus internus, aliquid tale efficiendi, etiam si ad actum externum non deueniatur, erit peccatum internum iustitiæ commutatiue circa bona honoris & famæ, eiusdè speciei cù eodè consensu, si actus externus ex illo esset sequutus: sicut consensus internus in furtum aut in homicidium peccata interna sunt furti aut homicidij, eiusdè rationis & speciei, ac si furtum aut homicidium haberent adiunctum.

Iniuriam præse, quæ ad hunc quartum tractatum spectat, diuissimus *Disput. 40. citata* in atrocem seu grauem, & in non atrocem seu leuem: & quid vtraque sit, & ex quibus capitibus expendendum sit, num iniuria atrox sit ac grauis, ibi copiosè explicabimus.

SUMMARIVM.

1. Sicut in detractiōe, qua fit verbo aut scripto, iniuste fama proximi læditur: sic actus intellectus, quibus temerariè concipimus sinistrum quid de proximo, habent se instar actuum externorum, cōparatiōe actuum voluntatis, quibus illos imperamus: & sunt contra iustitiam commutatiuam.
2. Quemadmodum peccatum non in intellectu sed in voluntate consistit ac consummatur: sic licet cogitationes peruerse in mente oriantur, & tamen voluntas deliberato consensu non acquiescit, non incurritur peccatum.
3. Quando res adhuc in intellectu peragitur, voluntate nondum præbente assensum, non est cur timeatur culpa lethalis temerarij iudicij.
4. Viri timorati raro incidunt in culpam lethalem temerarij iudicij, quia non perueniunt ad consensum, vel si repentinus aduenit consensus, non est deliberatus, ac sufficiens ad culpam lethalem.

IUDICIUM TEMERARIUM, HOC est, sine sufficientibus ad id indicij conceptum, cuius speciei vitiij sit actus. Et quando de re graui non sit culpa lethalis, vel quod non consenserit voluntas vel quod non cum tanta consenserit deliberatione, quanta ad culpam lethalem requiritur. Et multo magis idem de temeraria in re graui suspiciōe.

Tom. 5.



Rdiendum nobis est ab actu interno, in quo solo, sine ordine ad actum externum, quem imperet aut pro obiecto habeat, cernitur ratio iniustitiæ, cōmutatiue circa bona honoris & famæ contraria, nempe ad iudicio ac suspiciōe temerariis mereque internis. Quo loco obserua sicut detractiōe, quæ fit verbo aut scripto, tanquā actibus externis ad voluntate imperatis ac elicitis, iniuste læditur fama proximi, quatenus eis in causa iniuste sumus, vt alij de eis proximis sinistrā habeant opinione. id de illis concipiendò, q̃ nostra detractiōe asserim⁹: estq̃ tunc detractiō ipsa, verbo aut scripto facta, act⁹ extern⁹ eius vitiij cōtra iustitiā circa bona honoris & famæ proximi, actusq̃ voluntatis, quo detractiōnē imperamus, aut quòd detrahere, in posterū statuiamus, vel quo vellemus detrahare, si adesset aliquis, cui sinistrū quid de proximo dicerem⁹, est actus internus eiusdè vitiij, pro obiecto immediato habens actus externos detractiōis elicitos aut volitos: non secus atq̃ in furto, homicidio, & in alijs vitijs similiter distinguitur act⁹ interni & externi eius vitiij, interniq̃ actus pro obiecto immediato habent externos actus, vt 1.2. copiosè explanauimus: sic in re propolita actus intellectus, quib⁹ temerariè concipim⁹ aut suspiciamur sinistrū aliquid de proximo, habent se instar actuum externorū, cōparatiōe, actū voluntatis, quib⁹ illos imperam⁹, aut eos voluntariè non cōprim⁹: & a nobis arcemus: sunt n. illi actus intellect⁹ iniurioli proximis quo ad famam seu existimationē, quam de illis habere debemus, atq̃ adeò furt cōtra iustitiam cōmutatiuam circa bona honoris & famæ illorū, non min⁹ quam detractiō externa, qua causā iniusta, sumus, vt aliquis alius sinistrū de eisdem proximis concipiat, in quo fama seu existimatio, quā de illis habere debebat, similiter læditur. Atq̃ vt hæc melius intelligas, obserua, quemadmodū virtutis studiōsitate, & fidei, vt in hac 2.2. q. 4. a. 3. & in *Concord. q. 14. a. 12. dist. 8.* dicebamus, quo ad actus imperantes, & habitus illis actib⁹ imperantib⁹ respondētes (quo ad quos, ēt fides est virtus moralis, bonitatemq̃ moralem habet) resident in voluntate: quo ad actus verò speculadi ac statuendi q̃n & quomodo oportet, & quo ad actus credendi, assentiendi reuelatis, qui act⁹ imperati sunt, & respondent actib⁹ externis aliarū virtutū, resident in intellectu, participantq̃ hi act⁹ intellectus, vt boni moraliter sint, ab actib⁹ voluntatis, quibus imperantur: habetq̃ fidei actus vltiorem aliū actum externum ad voluntate ēt imperatum, quo exterius fidei aut verbo aut scripto cōfitemur: ita vitiū, quo temere iudicamus aut suspicamur sinistrè de proximo, habet in voluntate actū elicitem, quo actus illos malos ac iniustos intellectus imperamus, aut omisiōnē voluntariam actus voluntatis, quo illos eodè malos actus intellectus cohibeam⁹, ac abiciamus, vt tenemur, & insuper habet actum externum vltierius ad voluntate imperatum, quo iudiciū temerarij intellectus exprimimus, id ipsum verbo aut scripto exterius iudicando, q̃ intellectu cōcipimus ac iudicamus. Hic aut actus quatenus causa esse pōt, vt qui id audiuit, idem de proximo concipiant ac iudicent, ad detractiōis vitiū iam spectat, quatenus eo de fama & existimatione proximi apud audientes iniuste detrahimus: iudicio verò interno nostri intellectus solum nos ipsi de æstimatione, quā de proximo habere debebamus, detrahimus, quatenus aliter iniuste de eo cōcipimus, quā par erat ac tenebamus. Hinc existimo, iudicium temerarij eiusdè speciei esse cum vitiō detractiōis, imò verò esse partem quandam eius vitiij latè sumpti, vt comprehendit detractiōnem, qua apud alios detrahimus de existimatione proximi, & detractiōnem, qua apud

nosmetipſos detrahim⁹ de exſtimatione, quam de illo habere debebam⁹: conſentitq; B. Iacob. c. 4. ſua canonice in teſtimonio, qđ *Diſp. 16. in calce conclud. 1. reſeremus*. In vitiis itaq; & virtutib⁹ voluntatis, quo ad actus imperantes, attendendū eſt, quos act⁹ imperent atq; habeant pro immediato obiecto, num ſ. potentiariū externarū, an verò act⁹ intellectus & aliarū viriū internarū: qñ enim imperant actus potentiariū externarū, diſtinguimus in eis vitiis ac virtutibus actus internos & externos: qñ verò imperant act⁹ intellectus & aliarū viriū internarū, nō diſtinguim⁹ actus internos & externos eorū vitiarum ac virtutū, vt in virtute ſtudioſitatis, in fide, & inſidelitate, & in vicio, quo temerariē iudicam⁹, aut ſuſpicamur aliqd de proximo, ſed diſtinguim⁹ actus imperantes & imperatos eius vitiū aut virtutis: eo quod imperati (qui externis in aliis virtutibus & vitiis reſpondent) interni etiam ſunt, ſicut & actus imperantes. Hoc ita conſtituto. Quod ad temerarium iudiciū ſuſpicionemq; temerariam attingit, prę oculis mentis eſt ante omnia habendum, quod cum culpa ac peccatū, non in intellectu, ſed in voluntate, in qua formaliter eſt ratio volūtarij, cōſiſtat ad cōſummatur, quemadmodū in hac 2. 2. q. 11. a. 2 dicebamus, eſtō ſe offerant intellectui tanquam veræ cogitationes fidei catholice contrariæ cum rationib⁹ ac inductiuis mentem inclinantib⁹, eas cogitationes veras eſſe, interim tñ dum voluntas non cōſentit plenē deliberato cōſenſu ſtatuens eas ſequi, eiſve adhærere, aut plenē deliberato cōſenſu ſtatuens habere vt falſas, aut ſaltē vt dubias, & minime certas, cōtrariās fidei veritati, nō incurri peccatū hæreſis, tamen tñ interuenire poſſit culpa venialis in illis cogitationibus fidei catholice cōtrariis reprimēdis, expellendis, ac auertendis: ita in re propoſita, eſtō ſe intellectui offerat tanq; vera ſiniſtra ac temeraria (hoc eſt, ſine iudiciis ſeu rationibus ſufficientib⁹ ad id merito ſibi perſuadendū) cogitatio de proximo cum iudiciis ſeu coniecturis inclinantibus intellectum ad aſſenſum, quibus ſibi perſuadere videtur id ita habere: interim tñ dum volūtas cōſenſu plenē deliberato non cōſenſit cum intellectu, id cū illo ſtatuens ac acceptās tanquam determinatē verum: non interuenit lethalis culpa iudicii temerarij, ſed vel nulla interuenit culpa, ſi ſtatim atq; attendere debet ſiniſtrā ac temerariam eſſe eam cogitationē, eam reprimere conetur ac auertere rationibus in contrariū, atq; diſſenſu, aut diuertēdo ad aliā cogitationē: quippe cum nondū cogitatio illa hñes egrediatur tentationis, & ſine mora culpabili facta ſit competens reſiſtentia voluntatis: vel ſi aliqua interuenit culpa in negligentia voluntaria ac culpabili volūtatis in expellenda ac ſuperanda ea tentatione ac cogitatione, pximo nociuum quo ad famam illius & honorem, illa erit culpa ſoſa venialis. Hæc verò multo magis locum habent in ſuſpicionem temerariam, interim dum in ea voluntas cum intellectu conſenſu plenē deliberato non cōſentit, ſed vel ſtatim ac voluntaria eſſe incipit, illā volūtas conatur reprimere aut auertere, vel ſolū eſt negligēs in illa reprimēda ac auertēda.

Hinc primò colligo, quādiu res peragitur ſolū intellectu voluntate nondū præbente conſenſum, neq; ſtatuentē ac amplectentē illud ſimul cum intellectu, non eſt cur timeatur culpa lethalis iudicij temerarij, eſtō negligentia aliqua ſit reprimēdi ac expellēdi iudicium temerarium, quod ſe offert & eſt in intellectu, idq; quamuis materia ſit grauīs multoq; magis id locū habere in ſuſpicionem.

Colligo ſecundò, viroſ timoratoſ raro incidere in culpam lethalem iudicij temerarij, eſtō ſæpe patiantur eiufmodi ſiniſtras cogitationes. Ratio añt eſt, quoniam vel non perueniunt ad cōſenſum voluntatis, vel certē ſi repentinus aliquis adſit cōſenſus, non eſt plenē deliberat⁹ ac ſufficiens ad culpam

lethalem, eſtō res, de qua eſt ea cogitatio, grauīs ſit. Vnde hæc regula videtur ſtatuentē. Quando timorati, præſertim ſcrupuloſi, eiufmodi cogitationes ſiniſtras de proximis ſuis patiātur, & dubitant, an lethaliter peccauerint, interrogandi ſunt, an ſi tunc aduerterent, illud eſſe iudicium temerarium ac peccatum, deliberatē voluntate conſentirent. Quod ſi neganter reſponderent, cenſendum eſt, nō peccaſſe lethaliter: quoniam vel nullus adſuit voluntatis conſenſus, ſed res peracta eſt ſolū intellectu, dæmone ſuggerente & acutē eas cogitationes, non ſecutus eſt quando, Deo id permitte, excitat ſimiles blaphemiæ cogitationes aut ſiniſtras cogitationes aduerſus fidem, in quibus rariſſimē eſt cōſenſus deliberatus, vel ſcrupulis moleſtat timoratas animas, vt eas his omnibus viis ad amaritudinem perducat, pacem animæ perturbet, ſuauitatē Spiritus ſancti impediāt, & deuotionem ac progreſſum in virtutibus: vel certē, ſi aliquis repentinus adſuit conſenſus voluntatis, is non ſuit plenē deliberatus ac ſufficiens ad culpam lethalem, eſtō res, de qua eſt ea cogitatio, grauīs ſit. Facilius verò in hac materia, quā in aliis, euenire poſſet cōſenſus voluntatis non plenē deliberatus propter aſſuetudinem iudicandi intellectu de rebus oblatiſ, voluntate applicante potentiam intellectus, & concurrente ſuo imperio cum illa adiudicanda. Vnde, vt bene notat Sotus de iuſt. q. 4. art. 3. quando aliquis contemplatione aut recordatione rei alicuius qualiſ rapitur ad ſiniſtre de ea iudicandum, non eſt cur lethalem timeat culpam: eo quod deſit conſenſus plenē deliberatus, qualis in materia hæc ad culpam lethalem eſt neceſſarius. Quo loco obſerua diabolus ſolere vexare valde, inquietoſque redde, atque perducere ad amaritudinem multos timoratos ac ſcrupuloſos, offerendo illis ſiniſtras cogitationes de ſuis proximis, ſtatimque concutendo ipſorum conſcientias timore vano, quod in temerarium iudicium conſenſerint, peccauerintq; lethaliter, & quod uoceſſet illis ſit ipſos de ea re conſiteri. Cum tamen diabolus intentum ſit, pacem illorum turbare, ad amaritudinemque illos perducere, vt inquieti & amari, eiufmodique cogitationibus ac ſollicitudinibus implicati, deuotionem ac attentionem ad ſpiritualia amittant, illis non inſiſtant, & vt quando illis inſiſtunt, inſiſtipa illis reddantur, minoreque ad illa habeant applicationem. Quare curandum eſt, conſciētias illorū iuxta regulam propoſitam ſedare, eiſque perſuadere, ea in re nullam eſſe culpam lethalem, ſed id totum ſuggeſtionem eſſe diaboli, vt eos perturbet: & vt, quæ cōmemorata ſunt, aduerſus ipſos obtineat. Quando autem ſibi conſeſſarius perſuaſerit in eiufmodi ſiniſtris cogitationibus non interuenire culpam lethalem, optimum conſilium ſæpe erit præcipere eis, qui de illis conſentitur, vt eis de rebus ex illis audire, atque ſi aliud, non conſiteantur, quod abſolutione indigeat, mittere illos abſque abſolutione ad ſacram ſumendam Euchariftiam: quoniam interdum ita melius ſedantur ipſorum conſcientiæ, audacioreſque fiunt ad eiufmodi vanos timores ſuperandos, dum vident neceſſarios, auditis eiufmodi ſcrupulis, eos paruipendere, mittereque eos ad ſacram Euchariftiam abſque abſolutione ſumendam.

S V M M A R I V M.

1. Aliud eſt timere aliquid ſiniſtrum de proximo, aliud verò ſtatuerē ſiniſtrum aliquid de proximo: timere licet, ſtatuerē non licet. Varia exempla ad id probandum.
2. Timere licet ad remedium adhibendum, quod & aliquādo neceſſarium eſt: nimietas tamen eo in genere eſt vitanda.

AD PRUDENTEM CAUTELAM QUOVIS-
que vereri, inquirere intellectus, aut etiam exterius, expen-
dere, culpas aliorum liceat absque temeraria iudi-
cio, & absque temeraria suspitione.

DISPUT. 14.



Lud etiam ante mentis oculos in re hac
de iudicio & suspitione temerarius est ha-
bendum, quod D. Th. in hac 2.2. q. 60. art. 4.
ad 3. Caiet. ibi, Sotus 3. de iust. q. 4. ar. 4. ad 3. &
Dd. cōmuniter observant. Nempe aliud esse, timere
aliquid finistrum de proximo ad damna vitanda, quę
inde possent sequi, aut ad remedium vel medicinā
adhibendam, ēt culpam, si qua interuenisset, puni-
endo: aliud verō statuere ac iudicare finistrum ali-
quid de proximo. Sæpe enim quī nefas temeritasq;
esset, statuere ac iudicare aliquid tale de proximo,
eo q̄ sufficientia indicia nō essent ad id iudicandū,
fas atq; prudentia erit id timere aut (vt D. Th. ait)
id supponere ac si esset, ad damna vitanda, aut ad
medicinā vel remediū adhibendū. Imō v. fas erit
expendere, inquirere, & examinare indicia, & quā-
tū probabiliteris sit id esse aut nō esse: modō tñ ni-
hil temere statuatur ac definitur, seu iudicetur,
sed solum inquiratur & expendantur indicia, ex-
pendaturq; probabilitas, quę iuxta ea indicia est,
id esse aut nō esse, vt damna vitentur, aut vt re-
mediū, vel medicinā, debitaq; pœna adhibean-
tur. Exempla rem hanc elucidabunt.

Vides hominem, cui⁹ habitus atq; aspectus, ver-
ba, aut opera, iudiciū seu iudiciū ingerunt li-
cēt, leue, suspicandi, ne fortē sit fur: sanē tunc, quā-
uis nefas sit iudicare, illū esse furē: fas tñ atq; prudē-
tia est, timere ne fortē sit fur, eaq; de causa fas est,
cum in domo tua non recipere, aut marsupium in
loco tutiori collocare. Imō eio nullū iudiciū ac in-
ductiū videas, vnde suspicari possis, illum furem
esse, prudentia est accipere marsupium, illudq; in
secretiori ac tutiori loco reponere, ne fortē sit fur.

Item habes nīliam aut vxorem: sanē quamuis fas
non sit iudicare ac statuere finistrum aliquid de illa
aut de proximo tuo, dū nō adfunt aperta sufficiē-
tiā indicia, quę id oīno p̄sueant: fas tñ tibi est,
prohibere ac impedire colloquī illi⁹ cū aliquo, nō
solū qñ aliquid est iudiciū, licēt leue, mali alicui⁹,
sed ēt qñ nullū est tale iudiciū: prudenter timendo
ac p̄cauendo mala, quę inde possent euenire. Tā-
tus tñ esse potest excessus in vxore prohibendā & in
p̄cauendo mala, vt si nō temerariū iudiciū, zel⁹
tñ nim⁹ atq; indifferētiā, timorq; inordinatus, cū in-
iuria ac grauiamine iniusto miserā ac innocētis v-
xoris, possit faciliē interuenire. Aliud accipe exem-
plū: Est pater, aut mater familias, aut alius, cui cura
aliquorū incumbit, inuenit furtū aut aliud delictū
ab illis cōmissū: fas illi est iudiciis inquirere, quis
illud cōmiserit, indiciaq; expendendo iudicare, nō
quidē absolute hūc vel illū id cōmississe, qñ indicia
ad id nō sunt sufficientia, sed quantū probabilita-
tis verisimilitudinisq; sit, hunc vel illū id cōmississe
vt tandē rei veritas quoad heri possit, inueniatur,
damnumq; resarciatur, & malefactor puniatur in
ipsius & in aliorū bonū, ne iterum quid simile fiat,
omnesq; qui ipsius curā subsunt, in officio cōtine-
antur, Imō v. fas aliqñ erit, obicere id delictū ei de
quo verisimilitudo tñ illud cōmississe, ipsū inter-
rogando, quasi illud cōmiserit, aut illū arguendo,
quasi illud cōmiserit: id q̄ absq; mendacio fieri op-
timē pōt, nihil incertū asserendo, sed colloquendo
cū illo in modū supponentis, eū id delictū cōmississe,
vt ea via melius veritas pateat. Quo loco ob-
serua, sicut iudex, dū res est dubia, nō potest punire
eum, de quo est veri similitudo, id delictū cōmis-
sisse, p̄na ordinaria: nihilominus, si sint aliqua v-
gentia indicia pōt illum torquere, nē delictū dignū
sit vt ad torturam deueniatur, aut imponere

illi purgationē, vel pœnam arbitriariam, pro quan-
titate verisimilitudinis, & qualitate ac grauitate
delicti: ita p̄latus, pater familias, & alij, quib⁹ cu-
ra aliquorum incumbit, dum verisimilitudo est, a-
liquem sibi subditorum commississe aliquid deli-
ctū, potest illum arguere ac reprehendere, obli-
ciendo illi quantitatem verisimilitudinis, quę est,
ipsum id delictū cōmississe: quin & aliquam pœ-
nam poterit illi aliquando imponere: eaq; de causa
illi prohibere aliquid, tum in cautelam, tum etiam
interdum in pœnam arbitriariam, prout recta ratio
reiq; circumstantiē id efflagitauerint. Hoc autē in-
telligo, nō solum qñ constat aliquid esse delictū,
& nō esse certum, quis illud commiserit, sed etiam
qñ constat aliquem fecisse aliquid, quod speciem
habet mali, nec omnino constat esse delictū, sunt
tamen indicia ac verisimilitudo id esse delictū,
vt si subditus loquatur ut inueniatur cum mulie-
re, ita vt non leuia indicia sint id esse in malam par-
tem. Hoc autem dico propter causā. vbi sup̄a, qui
contrarium videtur asserere.

Alia subiciamus exempla: Es tu priuata persona
ex quo aliquid furto est acceptum. Fas tibi est, vt q̄
tuum est, recuperes, iudiciis inuestigare ac inquir-
ere, quis illud furto accepit. Et quāuis nefas ti-
bi sit, absolute iudicare ac statuere, quis id furtum
commissit, interim dum nō sufficientia indicia,
quę prudentis arbitrio id omnino p̄suadeant: fas
tamen tibi est, expendere ac iudicare, quantum
probabilitatis ac verisimilitudinis ex iudiciis sit,
hunc vel illum id furtum commississe, vt quod tu-
um est, recuperes, delictūq; ip̄i opus sit, in cōmu-
ne bonum, iustamq; tuam vindictam, puniatur.

Item habes famulum, qui curam habet emendi
tibi & familiæ necessaria, aut expendendi multam
pecuniā quantitatem: qua in re, si velit, & propriā
poterit onerare conscientiam, & tibi multum sur-
ripere. Quamuis nefas tibi sit, interim dum prudē-
tis arbitrio non sit ad id sufficientia indicia, ab-
solute iudicare, illum aliquid tibi surripere, fas
tamen tibi est, vereri ne aliquid tibi surripierit, atq;
ad id sciendum debitas moderatas adhibere cau-
telas, exigendo rationem ab illo, & si quid carius
emptum attulerit, rationem exigendo cur tanto
pretio emptū sit, atq; ab aliis interrogando aliqua,
vnde rei veritas constare possit: modō tamen adhi-
bita ea prudentia id fiat, vt famulus is coram alijs
non infametur, qui tuis interrogationibus existi-
ment illum furem esse, aut te credere, vehementer-
ve vereri illum furem esse.

Itē habes subditos, quorū mores ad te spectat
corrige, & circa illos vigilare, ne quid inordina-
tē efficiant. Fas sanē tibi est vigilare, & vereri illo-
rum facta, ne aliquid finistrum committant. Atq;
ad indicia attendere, & ex illis conicere ac iudica-
re, quantum probabilitatis ac verisimilitudinis sit
illos aliquid mali commississe, quod corrigas. Imō
priuatæ etiam personæ in bonū spirituale sui
proximi, vt malum impediatur, ipsūque ē pecca-
to eruat, dum aliquid videt, quod speciem habet
mali, aut indicia aliqua ipsi occurrunt peccati
proximi, fasci, est, ad illa attendere, ex illisque
iudicare, quantum verisimilitudinis sit ac pro-
babilitatis peccati alicuius, vt proximum cor-
rigat, aut vt malum, quod alteri inde sequitur,
impediat. Cauere tamen debet, ne aliquid teme-
re absolute, iudicet ac statuatur. Ratio autem ho-
rum omnium, est, quoniam hæc non sunt teme-
re iudicare, sed prudentem damna propria aut
proximorum timere, & hisque velle remedium
aut medicinam prudentem, viaque iusta adhibe-
re quod non solum licet, sed etiam aliquando est
expedientissimum, quin, & necessarium, vt id
fiat. Semper tamen nimietas est vitanda, & curan-
dum, ne dum bonum intenditur, maius malum

sequatur. Atq; erga subditos sic progredi ac vigilātes esse debent superiores, ad impedienda, inquirenda, præcauenda & punienda mala, ne nimia vigilantia, & nimia suspicio ac cautela, famæ subditorum immeritò derogat, eosque ad nimiam amaritudinem ac perturbationem facili adducat, occasioque nimitate sua sit, vt dum cauere ac corrigere vult mala, maiora inde mala sequantur.

S V M M A R I V M.

1. Quatuor sunt gradus ex parte intellectus in iudice comparatione sententia ferende, qui omnes sunt infra euidentem cognitionem, sub cognitione euidente id etiam comprehendendo, quod euidentis est sensu. Primus gradus est dubietas, quando intellectus iudicis est anceps, in neutram partem se inclinando: secundus suspicio, quando iam intellectus in alteram partem inclinat propter indicia & inductiua, licet valde debilitet: tertius est opinio, quando iudex propter inductiua maiora sibi iam persuadet alteram partem: nec tamen firmiter, sed adhuc dubius: quartus gradus credulitas est, quando propter indicia tam firmiter adheret, vt amplius non dubitet.
2. Quando credulitas ab opinione distinguatur.
3. Quando hi tres gradus inter se distinguantur.
4. Minora inductiua requiruntur ad non temere suspicandum, quam ad non temere opinandum.
5. Credulitas & opinio vel suspicio duplex est, temeraria & rationalis.
6. Presumptio est existimatio ex indicii, inductiuis de re, quæ neque in se est euidentis existimanti de illa, neque est illi plene probata testibus, neque reus legitimè est eam confessus.
7. Presumptio duplex, rationalis & irrationalis: item rationalis in leuem, in vehementem, & violentam diuiditur, quid sit leuis, vehemens, ac violenta prescriptio.
8. Quomodo hic differat presumptio à suspitione.
9. Presumptio rationalis latè sumpta diuiditur in presumptionem iuris & in presumptionem hominis.
10. Presumptio iuris subdiuiditur in eam, quæ dicitur presumptio iuris de iure, & in eam quæ dicitur iuris tantum.
11. Quid sit presumptio hominis.
12. Quo grauius crimen est, maioriq; pœna puniendum, eo presumptio maior esse debet, & indicia vehementiora, vt presumptio violenta censeatur.
13. Maior presumptio requiritur ad aliquem damnandum criminaliter, quam ad damnandum civiliter, id alteri adiudicando, de quo inter eos est contentio.
14. Vna presumptio enervat aliam, quæ erit in contrarium.
15. Indicia nuuant se inuicem.
16. Datur latitudo in leui presumptione, vehementi, & violenta.
17. Potest quis ex parte intellectus, concurrente consensu voluntatis in existimando de aliquo quod fama illius præiudicet se habere, vt dubitet primò de bonitate aut de aliqua bona qualitate illius, neutri parti adhuc inclinando.
18. Potest esse ita affectus, vt assentiatur alteri parti, non tamen firmiter, sed adhuc hesitans.
19. Vel potest esse affectus ita, vt sine hesitatione illa alteri parti assentiatur.

VARII GRADVS DISTINGVNTVR
quibus iudex circa existimationem de delicto ex indicii & probationibus potest esse affectus ad iudiciū publicum sententiamq; ferendam: & quando in illis erit temeritas, quando non item. Vary etiam alij gradus distinguuntur à theologis in priuatis hominibus ad iudicium priuatum: & quando in illis erit temeritas, & quando non erit.

D I S P V T. 15.

Deinde in lucem eorum, quæ dicenda sunt, varij gradus existimationis de aliqua re ob in-

dicia & inductiua, quæ ad id sunt, distinguuntur; idque in singulis esse poterit temeritas, si prudentis arbitrio indicia & inductiua ad eum existimationis gradum sufficientia non sint: & poterit nulla esse temeritas, si ad eum existimationis gradū sufficientia sint. Et quoniam distinctio graduum hac de re, quæ à iurisperitis ad iudicium publicum sententiæve publicam ferendam adhibetur, lucem afferre potest ad ea, quæ de iudicio priuato (de quo solo nobis hoc loco est sermo) dicenda sunt, ab illa ordiemur, deinde verò distinctionem theologorum subiiciemus.

Iurisperiti cum Bart. l. admonendi. ff. de iureiur. à n. 15. quatuor quasi gradus ex parte intellectus, non excludendo voluntatis imperium ac consensum, distinguunt in iudice comparatione sententiæ ferendæ: qui omnes sunt infra sententiam, hoc est, infra euidentem cognitionem sub cognitione euidente comprehendendo id etiam, quod euidentis est sensu. Quo pacto dicimus eum, qui testificatur se vidisse aliquid, esse alicuius scientia: quoniam, quod vidit, euidentis illi est per visum. Dicimus etiā, eum, qui testificatur, se audiuisse hæresim aut blasphemiam, ex ore alicuius, testificari etiam ex scientia: quoniam, quod audiuit ex ore illius, euidentis ipsi est per auditum illum id dixisse. Eum verò, qui ex ore alicuius audiuit quandam tertium aliquid mali fecisse, non dicimus testificari ex scientia malum, quod is tertius fecit, sed ex auditu: quoniam ex eo, quod id ipse audiuit, non est ipsi euidentis, illud tertium id malum fecisse. Infra scientiam ergo ita latè sumptam distinguunt iurisperiti cū Bart. quatuor gradus ex parte intellectus à iudice comparatione sententiæ ferendæ, quos appellant dubietatem, suspensionem, opinionem, & credulitatem.

Primus gradus, hoc est, dubietas, est, quando intellectus iudicis est anceps, neutram in partem se inclinando. Ad quod necessarium non est interuenire probationem aliquam. Statim enim auctor aliquid opponit, & reus illud negat, incipit iudex dubitare quousq; indicia inductiuaq; ad sint, quæ ipsum in alteram partem inclinant.

Secundus gradus, nempe, suspicio, est, quādo iam intellectus in alteram partem inclinat, propter indicia ac inductiua, admodum tamen infirmiter ac debilitet, ita vt multum dubietatis remaneat, idq; suspicio nuncupatur, estq; (vt Bar. ait.) primus probationis seu credulitatis gradus: quoniam iam propter probationem ac indicia adherere incipit iudex alteri parti, debili tamen atq; imperfecta quadam credulitate, seu potius quadam tententia ad perfectam credulitatem.

Tertius gradus, i. opinio, est, qñ iudex propter indicia atq; inductiua maiora ac vehementiora sibi iam persuadet alteram partem, non tamen admodum firmiter, sed cum admixta aliqua dubietate, vacillatione, ac formidine, ne forte contradictorium verum sit. Atq; hic gradus opinio à iurisperitis dicitur, propter illam formidinem ac dubietatem admixtam. Est aut iam secundus probationis ac credulitatis gradus. Quo loco obserua appellari et vehementē suspensionē, ita vt præcedēs gradus leuis suspicio dicatur, hic verò dicatur suspicio vehemens. Vterq; tamē gradus suam habet latitudinem. Leuis quippe suspicio esse potest maior aut minor, prout indicia ac inductiua leuiora fuerint, aut minus leuia, & probatio maior aut minor. Vehemens similiter suspicio esse potest maior aut minor, prout indicia, inductiua, ac probationes maiora vel minora fuerint infra plenam probationem, quæ ad credulitatem atq; condemnandū pœna ordinaria, aut consueta pro eo delicto imponi, sufficiat. Quo fit, vt neutra harū suspiciōnū sit satis ad condemnandum ac puniendum pœna ordinaria, aut consueta imponi pro eo delicto plenè probato. Atque ita intelligo:

telligo *absentem*, *ff. de penis*, dum in ea dicitur, suspitionibus neminem debere damnari, consentiunt: *tua nos de cohob. cler. & mul. & alia iura.*

Quartus gradus, *credulitas*, scilicet, est, quā proper indicia, inductiua, ac probationes, tam firmiter adheret iudex vni parti, ut dubietatem prius depellat, quia videlicet probatio attingit iam limites plenæ ac perfectæ probationis, iuxta id quod iura præscribunt, aut viri prudentis arbitrio. Diciturque hic gradus à iurisperitis *credulus*, estque tertius & supremus probationis, habetque latitudinem, sicut & duo præcedentes, prout probatio, intra limites plenæ atque integre probationis maior aut minor fuerit. Obserua autem, hunc gradum non distingui ab opinione latè sumpta, ut à philosophis sumitur pro assensu inevidenti, cui non repugnat ex qualitate ac natura cognitionis fuisse falsum. Fieri quippe potest, ut testes, qui iuxta iuris dispositionem ad plenam probationem sufficiunt, mentiantur, aut decepti fuerint, ac proinde fieri potest, ut iudex eorum testimonio fallatur in existimatione sua, atque in sententia iuxta eam probationem ferenda. Distinguitur verò hic gradus ab opinione pressè sumpta, ut à iurisperitis sumitur, hoc est, à vehementi præsuppositione, qua iudex ita alteram partem cōtradictionis sibi persuadet, ut iuxta indicia ac probationes, regulasque iudicandi, admixtā habeat dubitationem, seu vacillationem, ac formidinem, ne fortè contrariū aut cōtradictoriū verū sit, ob eam admixtā dubietatem ac vacillationem: vnde aliter sumitur formido in re proposita, atque in definitione opinionis tradita à philosophis: in re n. proposita sumitur, pro dubietate admixta, seu aliqua vacillatione: in definitione v. opinionis latè sumptæ, à philosophis tradita, sumitur, pro nō certitudine assensus ex natura ipsius, quatenus euident nō est, neque alia ratione est certus, cui proinde ex eo capite, quod certus ex natura sua nō ut non repugnat fuisse falsū. Distinctio credulitatis ab opinione pressè sumpta, ut à iurisperitis sumitur, habetur expressè l. 3. *si idē quog. ff. de test.* quo in loco cuidam iudici inter alia, ita retribuitur: *Hoc solum scribere posuisti, nō ad vniū probationis speciem cognitionē statim aliquid ligari debere, sed ex sententia animi tui te existimare oportere, quid aut credas, aut parū probatū tibi opineris.* Distinctio v. omnium trium graduum probationis, qui traditi sunt, colligitur ex l. 1. *in primis ff. de qq. dum dicitur*, ad quæstionē tormētī seruorū deueniendū esse, quā suspēctus est res, & aliis argumētis ita probationi admouetur, ut sola cōfessio deesse videatur, ad plenā probationem ac credulitatem. Quo in loco primus gradus traditur suspicio. Secundus, quā ultra suspensionem vehementiora argumenta, quæ accedunt proximè ad integrā ac plenā probationem. Atque hic est, qui appellatur opinio, in eodemque textu appellatur vehemens suspicio, dum subiungitur, à suspēctissimo debere incipere tormēta, ab eoque, à quo facillimè posse se verū scire iudex crediderit. Tertius v. gradus traditur quā, accedente cōfessione, ad eam integre ac plenam probationem. Circa hos gradus probationis, atque existimationis iudicis ex indicis & probationibus, duo obseruanda sunt: Primum est, minor indicia, inductiua, minoremve probationem requiri ad non temere suspicandū, quā ad nō temere opinandum, & minorā requiri ad non temere opinandum, ad non temere vehementer suspicandum, quā ad non temere credendū credulitate, quæ omnem asferat dubitationem seu vacillationem, in sensu supra explicato, quæque proinde sufficiens sit ad omnino damnandum, imponentemque penam ordinariam. Quo fit, ut minor probationi minoraque indicia ac inductiua sufficiant ad meritō ac iuste damnandum aliquem de leuiter suspēcto in fide, quā sufficiant ad meritō ac iuste damnandum aliquem de vehementer suspēcto in fide, quā ad meritō ac iuste illum damnandum de hæretico. Hæc omnia

exse & ex dictis sunt notissima, receptissimaque ab omnibus sunt.

Secundum est, tam credulitatem, quā opinionem, ac suspensionem, distingui in temerariam, & in rationabilem seu non temerariam. Quando non indicia, inductiua, seu probationes, sufficientia sunt iuris dispositioni, aut prudētis arbitrio, ad aliquid absque dubitatione credendum, aut ad aliquid opinandum, vel ad aliquid suspicandum, tunc credulitas, opinio, aut suspicio, ex eis sufficientibus ad id inductiuis ac probationibus concepta & habita, rationalis minimeque temeraria est, estque absque culpa, quoniā nulla iniuria reo fit in eo, quòd ita de eo concipiatur atque existimetur seu censeatur. Quando v. speciatim qualitate criminis & personæ, spectatisque cæteris omnibus circumstantiis concurrentibus, leuia in sufficientiaque sunt, ad id ita concipiendū, existimandū, ac credendū, tunc credulitas, opinio, aut suspicio, temeraria est, ac proinde culpabilis: quoniā iniuria fit proximo, quæ absque sufficientibus ad id indicis ac inductiuis finistrū aliquid de illo suspiceretur, opinetur, aut temota illi dubitatione omnino credatur, præsertim ad ea de causa illum damnandū.

Adhuc quod ad forum externum attinet, obseruandum consentaneū ad Panor. *quanto de præsumpt. & c. loco de probat. & ad pterosque alios*: Præsuppositionem, tenui meo iudicio, esse existimationem ex indicis, inductiuis, ac cōiecturis de re, quæ neque in se est euident existimati de illa, neque est illi plenè probata testibus omni exceptione maioribus, neque reus legitimè est eam confessus. Quando enim res est euident, aut plenè probata testibus, aut reus legitimè est eam confessus, non dicitur iudex eam præsumere: sed quando aliis indicis ac inductiuis (in eis comprehendendo testimonia non omni exceptione maiora, nec sufficientia ad plenam probationem) eam coniecit, ac existimationem de illa elicet, tunc dicitur illam præsumere. Hinc intelliges, præsuppositionem comprehendere in primis duos priores gradus probationis supra ex Bart. traditos, videlicet suspicionem leuem, suspicionem vehementem, seu opinionem. Ex tertio verò gradu, hoc est, ex credulitate, non comprehendit eam, quā iudex ex eo habet, quòd res sit euident ac notoria facti notorietate: neque eam, quā habet, quando res plenè ac integre attestacionibus probata: neque item eam, quā habet ex legitima rei confessione: comprehendit tamen quandā aliam, quæ in iure præsumptio violenta nuncupatur, quæ sufficit ad condemnandum, ut subiicimus. Atque obserua, præsumptionem interdum etiam sumi pro indicio ac inductiuo vnde aliquis præsumitur, trās lato atque extenso præsumptionis nomine ad id etiam significandum, quod præsuppositionem efficit. Vnde dicimus, aliquem in tota antea vita probum fuisse, præsuppositionem esse (hoc est, præsuppositionem efficere) nunc etiam probum esse. Dicimus etiam, aliquem reperitum fuisse solum cum sola, & nudum cum nuda in eodem lecto, esse violentam præsuppositionem fornicationis cum illa.

Præsuppositio latè supra primo diuiditur in rationabilem seu discretā minimeve temerariā, qualis est, quæ sufficientibus indicis seu cōiecturis est concepta ac elicita: & in temerariam, seu irrationabilem ac indiscretam, qualis est quæ insufficientibus ad id indicis ac cōiecturis est concepta ac elicita.

Rursus rationalis, discretā, minimeque temeraria præsuppositio diuiditur in leuem, vehementem, atque violentā (Eadē diuisio suo modo fieri et potest, de temeraria atque irrationabili præsuppositione). Ita v. leuis præsuppositio rationabilis quædam præsuppositio, attamen modica propter exiguitatem indiciorum ac cōiecturarū, quibus est rationabiliter cōcepta & elicita, quæ efficere rationabiliter non sufficiunt nisi leuem suspensionem ac præsuppositionem.

vehementem

Vehemens præsumptio (qua c. inquisitioni. de sent. excommu. probabilis etiam nūcupatur) est rationalis præsumptio, quæ infra sufficientem persuasivonem ad sententiam condemnatoriam simpliciter ferendam, peringit ad limites opinionis ac vehementis suspitionis ob magnitudinem indiciorum inductiuorumve ad id persuadendum. Vt si quis comminatus alicui fuit in rixa, aut propter odium ac inimicitiam, quam cum illo habebat: posteaque is, cui comminatio fuit facta, inuenitur mortuus, nesciturque à quo fuerit interfectus tunc enim præsumptio vehemens est, ab illo, iussive illius, qui illi fuerat cōminatus, interfectum fuisse.

Violenta præsumptio est rationalis præsumptio, quæ propter magnitudinem vrgentiamq; magnam indiciorum ac inductiuorum, ad id rationaliter ita omnino persuadendum, peruenit ad credulitatem, integramve persuasionem id ita habere: Talis fuit illa præsumptio 3. Reg. 3. quæ refertur c. afferre de presump. Cum enim mulieres duæ coram Rege Salomone contenderent de puero quodam, cuiusnam earum esset filius, iussissetque Salomon puerum scindi medium, dimidiumq; tradi vni, & alterum dimidium alteri, vrgentissimum tunc at-

que apertum indicium fuit, illam fuisse matrem
 illius quæ dixit: *dare illi infansem viuum*: addente altera: *Neg, mihi, neque tibi, sed diuidatur*: meritoq; id sibi Salomon omnino persuasit, nullaq; expectata alia probatione, protulit continuè sententiam, vt illi traderetur, quam ad eò vrgens ac violentum indicium veram esse matrem pueri illius indicauit. Indicia itaq; ac inductiua, quæ sui magnitudinis ac perspicuitate merito, seclusa omni dubietate, iudicem prudentem omnino persuadent, efficere dicuntur violentam præsumptionem: quoniã quasi violenter iudicem ad credulitatem omnimodamq; persuasionem pertrahunt,

Quod si interroges, in quo in re proposita differat præsumptio à suspitione. Respondeo, in hoc differre, quòd (sumptis vocabulis vt sumi communiter consueuerunt) latius patet præsumptio, quam suspicio, sola quippe leuis aut vehemens præsumptio appellari consuevit suspicio. Dixi, *sumptis vocabulis vt sumi communiter consueuerunt*: quoniam aliquando violenta etiam præsumptio, quæ sufficit ad sententiã simpliciter ferendam, violenta & certa suspicio nuncupatur, vt constat c. literis de presump. Sũpo verò tam latè vocabulo suspitionis, in nullo suspicio ac præsumptio differunt.

Diuiditur præterea præsumptio rationalis minimeq; temeraria, latè sumpta, in præsumptionem iuris, & in præsumptionem hominis. Præsumptio iuris est, quæ in iure inuenitur, atq; iuxta quam dicitur ius aliquid præsumere: quãdoq; quidem violenta, quandoq; vehementer, seu non modicè, vt habetur c. super eo de testib. & quandoq; aliquid, seu leuiter. Ex eo n. quod Iudæis dicentibus Christo. Ioan. 8. *Nonne bene dicimus nos, quia Samaritanus es tu, & demonium habes*: Christus solum responderit; *Ego demonium non habeo*: non est vehemens, sed aliquis, valdeq; debilis præsumptio, quod consentire in sensu aliquo voluerit se esse Samaritanum: potuerunt enim esse alia, ob quæ Christus ad illud aliud non respondit. Hoc verò tanquam præsumptioleus adducitur in iure c. nome de presump. iuxta expositionē beati Greg. in homilia in eũ locũ.

Rursus præsumptio iuris subdiuiditur in eam, quæ à iurisperitis appellatur præsumptio iuris, & de iure, & in eam, quæ ab eis dicitur præsumptio iuris tantum. Præsumptio iuris & de iure est, quando ius nõ solum præsumit aliquid, sed etiam ob eam præsumptionem statuit aliquid, tanquam versimũ sit, quod præsumitur ea præsumptione. Eaque de causa aduersus eam præsumptionem non admittitur probatio, sed cum primũ constat de re, ob quam

aliquid præsumitur, fertur sententia circa id, quod ita præsumitur, non admissa probatione in contrarium eius, quod eo modo præsumitur, idque siue ius exprimat, quòd ea probatio non admittatur, siue nihil tale exprimat, vt Panor. notat. c. super eo de presump. n. 2. Exempla sunt. *Capite accusatas*, & *Sille quoque de hæret. lib. 6.* relapsus censetur, & vt talis iubetur puniri, qui post hæresim abiurata, de qua constat eum in illam incidisse, hæreticos recipit, deducit, visitat, siue associat, aut dona vel munera eis donat vel mittit, seu fauorem eis impendit, qui excusari nõ possit: quoniam illa violenter præsumuntur ex abiurato iam ante errore provenire. Alia præsumptio iuris & de iure habetur c. filij eod. titu. aduersus quam ibi præcipitur non admitti probatio. Item. c. is qui de sponsalib. statuitur pro matrimonio esse habendum, quando quis post sponsalia celebrata cum aliqua eam carnaliter cognouit: quoniam præsumitur materiali animo ad illam accessisse additq; textus, contra eiusmodi præsumptionem admittendam non esse probationem. Multa alia exempla sunt in iure. Hoc tamen vltimum locum hodie non habet post concilium Tridentinum, quo est redditum nullũ matrimonium aliter celebratum, quàm præsentē parrocho, aut alio sacerdote ex facultate parochi aut ordinarij, & duobus alijs testibus. Obserua etiam quãdo iura in fauorem aut vtilitatem alicuius inducunt præsumptionem aliquam iuris & de iure, licet non alias probationes admittant aduersus id, quod ita præsumitur, admittere tamen probationem contrarij eius, quod ita præsumitur, per confessionē eius in cuius vtilitatē introducta est. Vnde si sponsa illa aut conciliũ Tridentinũ confiteretur, sponsum non accessisse ad ipsam maritali animo iudicaretur sponsum nec consummasse nec celebrasse matrimonium cum illa eo accessu ad illam. Regula hæc colligitur ex *authenticâ neesse C. de donat. ante nupt. ibiq;* doctores illam notant, notat etiam eam Panor. c. quia pleriq; de immu. eccl. n. 23. & alias sæpe.

Præsumptio iuris tantũ dicitur illa, quæ habetur in iure, nullum tũ decretum statuit iuris in ea fundatum. Vt c. mandata, & c. cum in iuuentute de presump. habetur, fuisse aliquem bonum in præteritũ, esse præsumptionem, talem quoq; esse in præsentē, & talem fore in futurum: nihil tamen in ea præsumptione fundatum statuitur ac præcipitur.

Præsumptio hominis est, quãdo index in aliqua causa aliquid pro aliquo vel contra aliquem rationaliter præsumit. Neq; enim præsumptiones omnes in iure cōtinentur, sed plurima arbitrio prudentis iudicis relinquuntur. Eiusmodi fuit illa Salomonis præsumptio supra commemorata, ob quã Salomon sententiam tulit, cuius illarum duarum mulierum filius esset puer ille, de quo contendebatur. Plurima aut præsumenda atq; arbitraria iudicium prudentiã relinqui docetur c. si testes. 4. q. 3. & l. 3. ff. de testib. vbi habetur, iudicem sui animi motum informare debere ex argumentis & testimonijs, quæ rei aptiora esse comperit & vero proximiora, ipsũq; melius scire posse, quantã fides adhibenda sit cuiq; testium spectatis omnibus circumstantijs, quã scriptis doceri possit: neq; posse certò definiti, quæ argumenta ad quem modum probandæ cuiusq; rei sufficiant: sed id iudicis arbitrio esse committendum spectatis circumstantijs concurrentibus. Hoc ipsum confirmant c. in presentia de renunciat. & c. causam de sent. & re iud. Quamuis autem certa regula tradi non possit, quid in particulari sufficiat, vt rationaliter leuis præsumptio concipiatur ac habeatur, & quid vt concipiatur, & habeatur vehemens, quid item vt concipiatur, & habeatur violenta, sed prudentis arbitrio sit id iudicandum: confert tamen ad id arbitran-

bitrandum attendere, quid in iure tanquam violenta, vehemens, aut levis præsumptio aliquibus in euentibus habeatur, atque ad eorum normam ac imitationem cætera dehnire: itemq; attendere ad exempla aliqua, quæ à doctoribus traduntur, tametsi fortè aliquando in iure, vel in odium delicti, vel in fidei fauorem, aut rei alterius, vt matrimonij, aliquid tanquam violenta præsumptio iuris & de iure in commune bonum statuatur, quod extra eos euentus non est iudicibus imitandum, antequam à re ipsa statuatur ac decernatur. Atque hac de causa, solum quando præsumptio est iuris & de iure, non admittitur probatio in contrarium. Eadem ratione statui non potest certa regula, quæ præsumptio quæue indicia sufficiant ad sententiã absolutè ferendam; puniendumq; pena ordinaria, consuetãve imponi pro eo delicto plenè probato. Itemq; quæ indicia ad torturam sufficiant, aut ad iniungendam purgationem, vel ad suspendendum ab officio, aut à beneficio, vsque ad sufficientem à delicto, de quo est præsumptio, purgationem. Præterea quæ indicia semiplenè probent, eo quod æquipolleant vni testi omni exceptione maiori, & quæ plusquam semiplenè probet, aut sufficiant ad tantam vel tantam penam arbitrariam iniungendam. Vnde hæc omnia arbitrio prudentis pensanda ac iudicanda sunt.

Nonnulla tamen in maiorem horum lucem notanda sunt. Primum est, quo grauius est crimen, acerbioriq; pena est puniendum, eo præsumptione debere esse maiorem ac vrgentiorē, indicia debere esse vehementia ac aptiora, vt præsumptio violenta censeat, hoc est, sufficiens ad sententiam de eo crimine ferendam, illudq; puniendum pena ordinaria. Id quod apertè colligitur ex *c. literas de presump.* quo in loco Innocentius tertius de quodam valde suspecto de heresi ait, se propter solam suspicionem, quamvis vehementem, nõ velle eum de tam graui crimine damnare. Quibus verbis satis innuit, plus requiri ad damnandum de maiori crimine, quàm ad damnandum de minoris: idq; Panor. ibi notat.

Secundum est, maiorem præsumptionem requiri ad aliquem damnandum criminaliter, penamq; illi iniungendam, quàm ad eum damnandum ciuilitè, id alteri adiudicando, de quo inter eos est contentio: quare, quod aliquando est sufficiens, & violenta præsumptio ad hoc secundum, non est violenta & sufficiens præsumptio ad illud primū. Exemplum est in illa Salomonis præsumptione, ob quam adiudicauit puerum illi, quæ vera erat illius mater: vt enim notant Panor. & alij. *c. afferre de presump.* Caiet. & Sotus *art. 3. citato*, præsumptio illa sufficiens fuit ad damnandum ciuilitè eam, quæ non erat vera pueri illius mater, filium alteri adiudicando: non verò sufficiens ad damnandum eam criminaliter pena ordinaria, quã propter id delictum erat digna: vnde non legimus, Salomonem talem penam illi inflixisse. Exemplum verò violente præsumptionis ad damnandum aliquem pena capitis est, si euaginato ense sanguineq; confuso conficiatur fugere de loco, in quo relinquatur aliquis interfectus. Imò verò iuxta Panor. *c. tertio loco de probationib.* & Bart. *l. fur. ff. de furt.* violenta erit præsumptio, si solum conficiatur egredi fugiens ense stricto de eo loco. Item violenta præsumptio adulterij, & subinde vt pena capitis imponatur, est: si quis nudus reperitur in eodem lecto cū nuda aliena vxore. Atque hæc sunt indicia sufficientia ad condemnationem, de quibus est seimo *l. sciant. Cod. de prob.* Minora verò alia, vt quòd comminatus prius fuerit aliquis alicui mortem, qui postea reperitur interfectus, quamuis ad torturam sufficiant, aut ad penam arbitrariam, & ad vehementem præsumptionem: non tamen suffi-

unt ad damnum pena ordinaria.

Tertium est, vnam præsumptionem eneruare aliam, quæ erat in contrarium: Vt præsumptio honestatis naturalis, quæ est inter consanguineos, eneruat præsumptiones, quæ argumenta ac inductiua sunt inter eos copulam interuenisse. Quo fit, vt maior probatio vehementiorq; præsumptio (sumpta pro indicio ac inductiuo vnde aliquid præsumitur) requiratur ad probandum, violentèrve præsumendum, copulam inter consanguineos, quàm ad illam inter illos probandam, violentèrve præsumendam: idque, quod inter alios est violenta præsumptio copulæ, aliquando non erit præsumptio violenta copulæ inter consanguineos. Atque hoc probat *l. si qui adulterij C. ad leg. Iul. de adul.* cuius verba sunt: *Si qui adulterij fuerint accusati, & obtestata proximitatis intentata depulerint, per commemorationem necessitudinis fidem derogando, dum existimatur non debere credi, quod allegatur, vel non potuisse committi.* Quibus verbis, iunctis sequentibus, satis apertè habetur, consanguineos, qui de eo crimine accusantur, sæpe ex ea circumstantia à crimine absolui, quando ea circumstantia seclusa condemnarentur, quia id esset violenta præsumptio seclusa ea circumstantia. Probat etiam *l. cum qui C. de Epif. & cler. il. his verbis: Hec tantum eis (clericis scilicet) facultate concessa, vt matres, filias, atque germanas intra domorum suarum septa continent.* In his enim nihil seui criminis existimari, sedus naturale (id est, consanguinitatis vinculum) permittit. Idem valde confirmant. *c. cum in iuuentute de presump. & cap. penul. de cohabit. cleric. & mulie.* & affirmat communis doctorum sententia, quàm Ant. Gom. *l. 80. Tauri. n. 16.* refert ac sequitur. Inde verò *n. 17.* mouet dubium, num si consanguinei nudus cum nuda in eodem lecto reperiantur, censeat ea violētā præsumptio copulæ inter eos, ita vt sufficienter probata censeat, possintque de incestu damnari. Ellicet quosdam referat, qui id negant, ducti iuribus citatis, asserentes, quamuis præsumptio illa violenta sit copulæ inter extraneos, iuxta *c. literis de præsumptionibus.* non tamen esse violentam copulæ inter consanguineos, ipse nihilominus cum Panor. Fel. & aliis violentam esse asserit, etiam inter consanguineos, excepto, si ascendentes & descendentes sint. Idem ego intelligerem inter collaterales in primo consanguinitatis gradu, vt si frater & soror reperiantur in eodem lecto nudus cum nuda: quoniam *l. cum qui Cod. de Epif. & Cler.* etiam collaterales in primo gradu commemorat, paretque quoad eam suspicionem eos facit cum ascendentibus & descendentibus: & quoniam natura ipsa rei docet, eum consanguinitatis gradum, etiam in eo euentu, multum eneruare præsumptionem, quando simul non adiunt alia vrgentia indicia, quæ illud indicium, in extraneis violentum, corroborarent. Excipit etiam Ant. Gom. alios consanguineos & affines, si non secretè & occultè in latebrisque, & horis ad id quæsitus nudus cum nuda in eodem lecto reperiantur: nam caput literis citatum de affinis loquitur, & quando in latebris locique, & horis ad id accommodatis nudus cum nuda in eodem lecto reperiantur, pronunciatque eam præsumptionem violentam, & sufficientem ad diuortium inter maritum, & vxorem eo modo repertam cum consanguineo mariti. Ego verò non adeò id extendendum censeo, quando non aliæ circumstantiæ, vnà cum consanguinitate aut affinitate, adessent, quæ eneruarent ex parte eam præsumptionem: quoniam quando sola consanguinitas aut affinitas in tertio aut in quarto gradu interueniret, imò & in secundo, parum admodum eneruaret adeò vehementem violentamque præsumptionem.

Quòd autem masculi extranei nudi reperi-

antur

antur in eodem lecto, bene Anto. Gom. subiungit non esse violentam præsumptionem copulæ sodo-
miticæ inter ipsos, quin nempe leuis præsumptio
erit, nisi adsint indicia alia, quæ suspicionē augeat.

- 15 Quartum est, indicia se inuicem adiuuare: inde-
que emanasse regulam illam iurisperitorum, *singu-
las, quæ non profunt*; (id est, quæ non sufficiunt) *colle-
ctiuium*: intellige, vel ad integram probationem,
vel ad semiplenam, vel ad plus quam semiplenam.

- 16 Quintum denique est, sicut supra dictum est, dari
latitudinem in suspitione, opinione, ac credulitate:
ita in re proposita esse dicendum, dari latitudi-
nem in leui præsumptione, in vehemēti, & in vio-
lenta. Quo fit, vt sitcū intra limites leuis præsum-
ptionis esse pot vna præsumptio leuis maior, quàm
alia: & intra limites vehementis potest vna præ-
sumptio vehemens esse maior, quàm alia, intra limi-
tes præsumptionis violentæ, esse potest vna præ-
sumptio violenta maior, quàm alia.

His omnibus ita circa forum externum iudici-
umq; publicum explanatis, quæ licet ad sequentem
quintum de iustitia tractatum magis quàm ad huc
quartum attinerent, idcirco tamen hoc loco inser-
ta sunt, quoniam inde quibus in iudicio priuato, su-
spitione priuata, atq; in priuata dubietate de deli-
cto, aut existimatione de re alia, quæ alterius famā
minuit, melius conicere ac diiudicare poterit, qm̄
temeritas interuenit, quando non item, vnde
pendet cognitio, num in ea existimatione culpa in-
teruenit, an non: quoniam si temeritas adfuit,
culpa proculdubio interuenit, eo maior aut mi-
nor quo temeritas maior aut minor fuit: si v. teme-
ritas non adfuit, nulla sanè interuenit culpa, saltē
qua iniuria illata ei sit, de quo ita est existimatum:
his, inquam, ita circa forum exterius, iudiciumq;
publicum, explanatis, accedamus cum theologis
ad iudicium priuatum.

- 17 Vno è tribus modis potest se quis habere ex parte
intellectus, concurrente consensu, aut imperio
voluntatis, in existimando de aliquo, quod famæ
illius præiudicet. Primò, dubitando de bonitate,
aut de aliqua alia bona qualitate illi⁹, vt num pec-
catum commiserit, animumue habeat illud com-
mittendi, num labem habeat, quæ maculat genus,
illius, aut dubitando de alia re simili, neutri parti
contrarietatis aut contradictionis assentiendo, sed
dubitatiuè se habendo, siue ad sit inclinatio aliqua
ex parte intellectus in partem alteram, absque con-
sensu in illam, idque ob inductiua, quæ in eam par-
tem sollicitent, atque inclinent intellectum, si-
ue nulla talis ad sit inclinatio intellectus in v-
nam partem magis, quàm in aliam. Quamuis au-
tem in eiusmodi dubio actus aliquis intellectus
cernatur, in quo eo modo dubitans differt, non so-
lum ab eo, qui nihil de eo proximo cogitat, sed et-
iam ab eo, qui oblata sibi cogitatione circa eam
qualitatem proximi suspendit omnino actum, et-
iam dubitationis deliberatæ aut voluntariæ circa
illum, vel expellit eam cogitationem: quia tamen
in eo dubio nullus assensus intellectus in partem
alteram interuenit, sanè id dubium limites non
ingreditur iudicij, siue temerarij, siue non temera-
rij. Solet verò eiusmodi actus, quando adest incli-
natio intellectus in partem deteriore, sine con-
sensu tamen, appellari suspicio, cum hoc tamen
addito quasi diminuentem, ne fortè commiserit tale
peccatum, aut ne fortè talem labem in genere suo
habeat, &c.

- 18 Secundò potest quis ita esse affectus, vt assentia-
tur alteri parti, non tamen firmiter, sed cū hæsita-
tione ac vacillatione, dubioq; admixto, qualis as-
sensus his verbis exprimitur, videtur comississe tale
peccatum, sed res nō est omnino explorata intra
limites opinionis, sed est ex parte dubia. Atque
eiusmodi actus appellatur suspicio simpliciter sine

addito diminuentem, & est medius actus inter du-
bium, de quo proximè sumus loquuti, & inter iu-
diciū adhesionemve omnino alteri parti sine du-
bio admixto, tamen opinione & credulitate hu-
mana, cui ex natura assensus ac cognitionis non
repugnat subesse falsum: id quod quibus prudens &
doctus, etiam si assensum eliciat opinione & cre-
dulitate humana omnino determinata sine vacil-
latione, hæsitatione, seu dubio admixto ex parte i-
pſius ita assentientis, faciliè confitebitur ex natura
talis assensus, quo ita rem sibi omnino sine hæsita-
tione admixta persuadet, non repugnare subesse
illi falsum. Hinc quando Caiet. 2. 2. qu. 90. art. 3. ad
secundum gradum explicatum ait pertinere illum,
qui assentitur quidem ac iudicat aliquod finitum
de proximo suo, non tamen ita firmiter, quin si se
ipſum tunc interrogaret, an crederet existimatio-
nem suam fortè esse falsam, responderet, simul se
credere posse esse falsam, est distinguendum. Quo-
niam si id quidem responderet, quoniam non fir-
miter adhæret, sed cum vacillatione & hæsitatione,
verum sanè affirmat Caietan. si verò id respon-
deret, quia videt, opinionem & credulitatem hu-
manam, est determinata ac sine hæsitatione in
dubio admixto concepta ac formatā fit, esse talem,
cui non repugnat subesse falsum, fallique ita opi-
nantem ac credentem, falsum profecto Caietanus
affirmat: quoniam tunc id verè est iudicium ple-
num, à suspitione distinctum, eoq; magis temera-
rium de re sinistra absoluit & sine dubitatione ad-
mixta ex parte illud elicientis formatum, quo de-
bilibus indicij formatum est, ob quorum de-
bilitatem, si reflectat supra se ipſum, seque interro-
get, num credat eam suam existimationem falsam
fortè esse, faciliè respondebit, simul se credere pos-
se esse falsam, longè proculdubio facilius, quàm
qui sufficientibus indicij idem iudicium sine vlla
temeritate formare. Circa hunc secundum mo-
dum existimandi, quo quis potest esse affectus, qui-
que suspicio sine addito diminuentem dicitur, ob-
serua. Quòd cū latitudinem, vt supra dictum est,
habeat, possitque plus aut minus de hæsitatione ac
dubio habere admixtum, si multum de hæsitatione
ac dubio admixtum habeat, dicitur suspicio leui-
us: si verò parum de hæsitatione ac dubio habeat
admixtum, dicitur suspicio vehemens. Vtraq; au-
tem suspicio suam etiam habet latitudinem, vt
supra etiam dictum est. Et leuis esse potest magis
aut minus leuis, & vehemens esse potest magis aut
minus vehemens, prout vnaqueque intra suos li-
mites plus aut minus habuerit de hæsitatione ac
dubio admixtum.

Tertiò potest quis ita esse affectus, vt sine hæsita-
tione, vacillatione, dubiove admixto, credulitate
plena ex parte assentientis alteri parti assentiat,
credens ita omnino habere. Atque hæc est, quæ ap-
pellatur iudicium distinctum à dubio & à suspici-
one, etiam vehemēti.

Illud dicendum est vniuersum circa hos tres mo-
dos, quibus aliquis ex parte intellectus, concurrē-
te assensu aut imperio voluntatis, potest esse af-
fectus in existimatione de re aliqua, quæ famæ alicuius
existimationiue, quæ de illo haberi debet, præ-
iudicet. Tunc in vnoquoque eorum esse temerita-
tem, atq; adeò iniuriā proximi lethalem aut ve-
nialem, quando actus cuiusvis horum trium gra-
dum elicitur sine sufficientibus ad eam indicij:
quando verò ex sufficientibus indicij seu inducti-
uis ad id de eo concipiendum elicitur, tunc vt nul-
la in eo cernitur temeritas, sic nulla in eo formatio
ac eliciendo fit ei proximo iniuria. Maiora autē re-
quiruntur indicia ac inductiua ad non temere iu-
dicandum aliquid finitum de proximo aliquo,
quā ad non temere suspiciandū illud idem de illo, &
maiora

maiora ad id nō temere de illo suspicandum, quā ad non temere dubitandum illud idem de eo. Quæ autem in vnoquoque euentu sufficiant ad non temere eliciendum aliquem illorum actum, statui non potest certa regula, sed prudētis arbitrio est id relinquendum. Tamen si nō adiuuent parum ad id melius statuendum ac censendum, quæ hæcenus dicta sunt. Illud tamen est ad monendum, minores probationes minoraque indicia ac inductiua sufficere ad non temere iudicandum aliquid iudicio priuato, quā ad non temere iudicandum illud idem iudicio publico. Si enim vir vnus, de quo nulla ratione esset verisimile eum mentiri, mihi narraret, se vidisse aliquos adulterantes, aut aliquid flagitium illos commisisse, idque narraret, vel animo, vt per me melius corrigerentur, vel fortē leuitate sua mihi & alijs id manifestaret, sanē temeritas nulla esset id credere, neque qui id ita crederet, vllam iniuriam ei faceret, imō potius iniuriam faceret viro illi fide digno, si crederet illum falsum narrare, nihil impediēte, quod cernebat, malē illum facere id ita narrando. Id tamen testimonium, etiam testis omni exceptione maioris, & iuramento confirmati, atque in iudicio publica auctoritate susceptum, sufficiens non esset ad sine temeritate iudicium publicum ea de re ferendum, dammandumque illum, de quo id esset testificatum. Ratio autē est quoniam sicut plus requiritur ad dammandum aliquem criminaliter, quā ad dammandum ea de causa illum ciuiler, & plus ad dammandum cum de maiori crimine, vt supra explanatum, comprobatumque fuit: sic plus requiritur ad sententiam publicam, iudiciumve publicum, maximē quando in eo agitur de damno illi reo exterius ea de causa inferendo quā requiritur ad iudicium priuatum internum.

SVMMARIVM.

1. Is qui in re graui, & cum sufficienti deliberatione voluntatis temere dubitat circa sinistrum quid de proximo, idque non firmiter, sed vacillanter, non peccat lethaliter, sed is qui firmiter iudicat, sine vlla hesitatione.
2. Iudicium temerarium, de re que proximi fama præiudicat, ex suo genere est culpa lethalis.
3. Vt iudicium temerarium peccatum mortale sit tria requiruntur.
4. Primum vt sit voluntatis actus planē deliberatus.
5. Secundo vt sit in re graui, quæ tantum præiudicat famæ eius, vt id ad lethalem culpam in materia iustitiæ sufficiat.
6. Tertiō, vt tanta interueniat temeritas in eo iudicio firmando, ac eliciendo, quæ prudentis arbitrio ad culpam sufficiat lethalem. Illa temeritas tripliciter accidit.
7. Aliud est iudicare probabilitatem quæ est ex iudicio, aliud est iudicare aliquem id fecisse, aut velle facere.
8. Quando iudicium temerarium est circa rem, quā non temere esse iudicat in se, licet temere iudicat illam in se esse culpam lethalem, aut aliquid aliud infamans, cum tamen ex ignorantia erret, non est culpa lethalis.
9. Ob magnitudinem indiciorum & inductiuorum ad credendum aliquando tam parum temeritatis est in aliquo iudicio temerario, vt licet sit de re graui, ad culpam non pertingat lethalem, sed solum sit culpa venialis.
10. Suspicio de re graui, licet aliqua in eo interueniat temeritas non est culpa lethalis: esse tamen aliquando potest.
11. Dubitatio de aliquo circa aliquod sinistrum, etiam si temeritas adsit, quando ad limites suspitionis non pertingit, regulariter non est culpa lethalis.
12. Quenam sit dubitatio de qua hic agitur.
13. Examinatio bonitatis alicuius personæ bono fine, nullum est peccatum.

Tom. 5.

IUDICIUM TEMERARIUM AN culpa lethalis sit. Et nemeriam in suspitione & dubio temerariis, lethalis culpa aliquando interueniat.

DISPVT. 16.



C Aiet. 2. 2. q. 60. art. 3. in summa verb. iudicium temerarium, & verb. suspicio, vniuersim affirmat, neque eum, qui in re graui & cum sufficienti deliberatione ac consensu voluntatis, leuibus acque insufficientibus ad id indicia ac motibus, ac proinde temere dubitat circa sinistrum aliquid de aliquo, aut id iudicat, cæterum non firmiter, sed cum hesitatione, vacillatione, seu dubio admixto, peccare lethaliter, sed solum eum, qui firmiter, hoc est, sine hesitatione admixta, iudicat, peccare lethaliter. Addit Caiet. (& in eo Sotus 3. de iust. q. 4. art. 3. etiam consentit) Dium Thomam in eo articulo 3. nomine eius, qui leuibus indicia de bonitate alicuius dubitat (quod Dium Thomas veniale esse affirmat pertinere ad tentationem humanam, sine qua hæc vita non ducitur) comprehendere, non solum eum, qui ita dubitat, vt nullum assensum eliciat, sed etiam eum, qui quantum assensum eliciat, non tamen ita firmum eum elicit, quin admixtam habeat hesitationem. Qui assensus, ait Sotus, suspicio nuncupatur: id quod satis constat ex dictis disputatione præcedente. Confirmant verò Sotus & Caiet. Dium Thomam, nomine eius, qui leuibus indicia de bonitate alicuius dubitat, vtrumque illorum comprehendisse: quoniam explicando statim iudicium temerarium, quod de re graui ait esse culpam lethalem, esse dicit, quando quis pro certo æstimat malitiam alterius ex leuibus indicia. Cui sententiæ concinit glossa in illud 1. ad Cor. 4. Noli ante tempus iudicare, quæ est Aug. tract. 90. in Ioan. quā Dium Thomas in confirmationem suæ sententiæ citat, & sic habet. Si suspensiones variare non possumus, quia homines sumus, iudicia tamen, id est, desumptis firmisq; sententiis continere debemus. Hæc glossa illa. Cum Caietano consentire videtur Nauar. in Man. c. 18. n. 9. Alii verò aliter interpretantur Dium Thomam, censentq; in suspitione & dubio de re graui interuenire culpam lethalem, cum quibus ex parte consentiunt Sotus vbi supra, & Victoria in Commentariis manuscriptis in eundem Diui Thomæ articulum.

Quid de hac re sentiamus, sequentes conclusiones aperient. Prima conclusio. Iudicium temerarium de re famæ, exiustimationive, quæ de proximo haberi debet, præiudicante: ex suo genere est culpa lethalis. Conclusio hæc est Diui Thomæ art. 3. cit. & communis doctorum. Probatur, quoniam fama, bonæ exiustimatio in mentibus aliorum inter bona nostra computatur altioris ordinis ac valoris, q̄ sint bona externa: ergo qui temerarie ex leuibus, minimeq; sufficientib; indicia ac inductiua sinistrè de aliquo iudicat, cōtra iustitiā peccat, iniuriamque illi facit in re, quā iure optimo peccat, æstimat, quā externa bona: cum ergo peccatum cōtra iustitiā ex suo genere sit culpa lethalis: præiudicare proximo per iudicium temerarium in bono famæ exiustimationive, quā de illo habere debebat grauius ex se & ex sua natura sit, quā illi præiudicare in bonis illius externis, meritoq; is, cui ita præiudicatur, grauius illud ferat, plusq; æstimet, quā si in externis bonis esset ei præiudicatum: cōsequens profectū est, vt iudicium temerarium ex suo gene-

D

re cul-

re culpa sit lethalis. Item, qui falsum testimonium alteri dicit de re præiudicante bonæ existimationi alicuius aut peccatum occultum illius alteri detegit, lethalter peccat ex omnium sententia, quatenus iniusta causa est, ut is, qui id audit, sinistra cōcipiat de eo, de quo id dicitur, fama quoque seu existimatio illius apud eum lædatur, etiam si periculum non sit notitiam illam diffundendam esse ad aliquem alium: sed non in iuris iniuriis quis alteri facit in eo, quod impetere de eo id malū iudicet & cōcipiat, quam in eo, quod detegendo crimen secretum illius, aut falsum testimonium de illo dicendo in causā sit, quod alter similem existimationem de illo concipiat: ergo iudicium temerariū culpa est ex suo genere lethalis. Item, qui temere de aliquo iudicat, illū sine iusta causa apud se contēnt, vel certe eo ipso se exponit periculo temere atque iniuste illū contēntendi, ac iudicandi eum indignum muneribus, beneficiis, ac dignitatibus: ergo iudicium temerarium ex suo genere culpa est lethalis. Confirmatur ex illo

Mat. 7. & Luc. 6. Nolite iudicare & temere scilicet iudicio interno, aut etiam externo ore vltius prolatō & non iudicabimini (iudicio videlicet condemnatorio ob eam culpam) Vnde statim subiungitur. Nolite condemnare (temere ac iniuste) & non condemnabimini (poena videlicet iusta ob id delictum) in quo enim iudicio iudicaveritis (id est, pro qualitate iudicii, quo inquirentis ac iudicare indignumque esse, vt quis, negligens maioribus suis delictis in minoribus alienis inquirendis ac iudicandis se occupet, etiam si obzandat, se id efficere gratia illos corrigendi minusque aptum esse ad synce et inpicieōs minores alienos defectus, eosque corrigendos, qui maioribus est affectus, eosque corrigere non curat: sic enim addit: Quid autem vides se iuram in oculo fratris tui, & trahis eum in oculo tuo non vides? Aut quomodo dicis fratri tuo; frater sine eiciam se iuram de oculo tuo, & ecce trabes ej in oculo tuo? Respondit ei primum trahens de oculo tuo, & tunc videbis eicere se iuram de oculo fratris tui. Et lacibus Epistola sua Canonica c. 4. cum detractōne, quæ ex suo genere culpa est lethalis, conungit temerarium iudicium, dicens: Nolite detrabere alterum fratres mei. Qui detrabit fratrem, aut qui iudicat fratrem suum detrabit legem, deiciendo scilicet ab imploratione illius seque subtrahendo ab obseruatione illius. Addit, & iudicat legem, suam scilicet iudicium præferendo iudicio & mandato legis, quæ non temere iudicare cum præiudicio famæ proximi præcipit.

Secundā conclusio. Vt temerarium iudicium peccatum sit lethale, tria necessaria sunt simul concurrant. Primum, vt concurrat voluntatis actus plenè deliberatus, quantum in quavis alia materia sufficere solet ad culpam lethalem. Secundum, vt sit de re graui, quæ tantum præiudicat famæ eius, de quo tale iudicium habetur, vt id ad lethalem culpam in materia de iniuria ac iniuria sufficiat. Et tertium, vt interueniat temeritas tanta in eo iudicio formando ac eliciendo, quæ prudentis arbitrio ad culpam sufficiat lethalem.

Quod attinet ad primū ex his tribus necessariis, vt temerarium iudicium culpa sit lethalis, satis sunt quæ diximus *Diffus. 13.* vbi copiosè explicauimus, quando iudicium peragatur solo intellectu non interueniente consensu voluntatis, & quando consensus voluntatis censeri debeat non plene deliberatus, atque adeo quando iudicium temerarium censendum sit carere culpa lethali ex eo, quod ad illud non concurrat actus voluntatis plene deliberatus.

Quod verò ad secundum attinet, vt scilicet sit de

re graui, quæ tantum præiudicat famæ eius, de quo tale iudicium habetur, vt id ad lethalem culpam in materia iustitiæ ac iniuriæ sufficiat, multi hanc regulā tradunt, quod quando aliquis temere de proximo suo iudicat id, quod in eo proximo esset culpa lethalis, tunc id temerarium iudicium sit culpa lethalis, quando verò aliquid aliud temere de proximo suo iudicat, tunc id iudicium non sit culpa lethalis. Probe verò Sotus *art. 3. citato*, post Victoriam, & multi alij post illos censent eam regulā non esse vniuersim veram. Primò, quoniam si de iuvene amoribus inhonestis dedito, aut de aliquo alio, qui parum curet se existimari amoribus inhonestis dedito, aliquis temere iudicet, illum sinistra intentione mulierem aliquam aspicere, aut ad se eam afficere curare, sane tale iudicium temerariū, hoc est, sine sufficientibus tunc indicij deliberate conceptum, non erit culpa lethalis: quoniam modica aut nulla iniuria eo illi infertur. Atque idem censendum est de iudicio temerario, quo quis iudicaret de aliquo, ipsum velle gladiari cum alio aut velle sumere de illo vindictam, aut aliquod aliud crimen, quando is nihil curaret, aut non multum ægre ferret, talem de ipso haberi existimationem. Idem esset de eo, qui famam omnino perditā haberet quo ad aliquod vitium, in quod sæpe incidisset, & a quo non esset emendatus, si de illo temerarie iudicaretur, commiserit actum alium eius vitij, vel velle illum committere, et si ille peroptaret, non talem de ipso haberi existimationem: quoniam adeo infamato de eo vitio, parū nocet quo ad existimationem de illo circa id vitium ac contrariā virtutē, existimatio temeraria, quod vnum aliud peccatum eiusdem speciei etiam commiserit. Quo ad peccata etiam venialia, quæ cōsiderato statu, & existimatione sanctorum, quæ de illo habetur, multū detraherent de existimatione illius, & non leuiter illius famam denigrarent, ita vt merito ille ægrius ferret, talem de ipso haberi existimationem, quam si iactura iniusta in bonis ipsius externis fieret, quæ ad culpam sufficeret lethalem, verū simile satis est, iudicium temerarium quo ad illū, quod in ea incidere peccata, aut detractio de illo, quod ea commiserit peccata, culpam esse lethalem, ob notabile detrimentum, quæ ea via famæ & existimationi, quæ de eo haberi debet, infertur, vt si de illo temere existimaretur, aut detraheretur, mendacē esse, vel intemperatū valde esse in cibo & potu, aut alijs culpis venialibus esse deditum, quæ notabiliter attentat qualitate itatē, & existimationis, quæ de illo habetur denigrat famā ac existimationem illius. De eo quæ temere iudicaret, natum honesto loco, esse de genere hebræorum aut saracenorum, quidā dicunt, id culpā non esse lethale: quoniam inquit, apud Deum, & apud recte sentientes, id infamæ non est, cum in eo nulla ipsius interuenierit culpa. Farentur verò detractio, quæ ad alteri significetur, esse culpam lethalem. Non tamen video, cur esse causam iniustam, quod alius de illo habeat eam existimationem de re, quæ nulla est culpa iniustam, neque apud Deū & homines recte sentientes vlla est infamia, culpa sit lethalis: & non sit culpa lethalis habere temere & iniuste eam existimationem ac iudicium de illo; cum ille, de quo temere id iudicatur, non minus ægre ferat haberi id iudicium & existimationem de ipso ab eo, qui id temere iudicat, quam ab alio, cui id detractio sit significatum: & cum non minus ea de causa ipsum interius, in suaque reputatione, ipsum contemnet ea de causā, qui id temere de ipso iudicat, quam is, cui detractio id significatum sit. Quare tale iudicium temerarium de ea aut de alia simili re grauem iniuriam cum Soto *vbi supra* & cum alijs quo ad honorem & famam huius sæculi reputo, quam ægrius quisque ferret, quam si tanta lætio in bonis externis esset ei facta, quæ suffice-

ret ad culpam lethalem, aut quam si temere de ipso iudicaretur ipsum incidisse in culpam aliquam lethalem; ac proinde lethalem culpam in eo iudicio, si valde sit temerarium, interuenire existimo. Nulla ergo melior regula statui potest ad iudicandum, quando iudicium temerarium ad culpam lethalem ex eo pertingat, quòd sit de re graui, quàm attendere, num inde tanta iniuria a clæso in fama & existimatione illius sequatur, quæ prudentis arbitrio ad culpam pertingat lethalem.

Ex dictis colligo, si quis in re graui temere iudicaret, aliquem indeterminatè commisisse aut cõmittere velle aliquod delictum, nullum in particulari hominem conueniendū ac designando, non peccare lethaliter: quoniam nulli in particulari faceret iniuriam. Nisi fortè id iudicaret de religioso alicuius monasterij in particulari, ita quòd iudicium illud in contemptum & peruersam existimationem religionum illius monasterij ad religionis redundaret.

Colligo deinde, si quis in re graui temere iudicaret de aliquo determinato in singulari, quem à lōgè videret, aut de nocte inueniret, neq̃ eum agnosceret, neq̃ agnitus esset, quis ille esset, non peccare lethaliter. Quoniam modicam illi iniuriam ac læsionem in sua fama id ei efficeret, nullusque agere notabiliter ferret, talem de ipso haberi finisram existimationem. Hæc de secundo eorum, quæ necessaria sunt, vt iudicium temerarium de aliquo culpa sit lethalis.

Quod verò attinet ad tertium, nempe vt tanta interueniat temeritas in eo iudicio formando ac eliciendo, quæ prudentis arbitrio ad culpā sufficiat lethalem, obseruat Dñus Thomas *art. 3. citat.* triplici ex capite euenire interdum solere, quòd quis temere de proximo suo aliquid iudicet. Interdum enim euenit ex parte iudicantis, qui qualis ipse est, tales alios iudicat, ex sua conscientia alios æstimans ac dimetiens, iuxta illud Ecclesiastici 10. *In via stultus ambulans, cum ipse sit insipiens, omnes stultos æstimat.* Interdum verò prouenit ex prauo affectu ad eum proximum, puta ex odio, inuidia, aut alio simili affectu ad illum. Voluntas quippe vim magnam habet ad affectum intellectum, iudiciumque rationis peruertendum: eaque de causa, qui prauè ad alium est affectus, facile leuibis iudiciis malum de illo suspicatur ac iudicat. Interdum etiam prouenit ex longa experientia. Qua ratione Arist. *2. Reth. c. 13.* ait, senes esse multum suspiciosos, eo quòd multoties experti sint aliorum defectus (tamen si alias etiam rationes coadiuuantes reddat, cur suspiciosi sint.) Et quidem quando temeraria suspicio aut iudicium temerarium ex aliqua duarum priorum causarum euenit, plus culpæ cæteris paribus habet, quàm quando ex tertia causa prouenit, quatenus experientia, quòd cum paruis iudiciis, quin & sine illis, deprehendi id malum solet: ea enim experientia conducit ad temeritatem ex parte excusandam.

Obseruandū deinde est, aliud esse iudicare probabilitatem ac verisimilitudinem, quæ est ex indicis, vt aliquis finistrū quid fecerit, aut efficere velit, aut vt labes aliqua in eo sit, & aliud iudicare id fecisse, aut velle facere, vel in eo esse talē labem ac defectū: quando enim indicia sufficientia non sunt ad absolutè aliquid horum iudicandum, sunt tamen talia, vt prudentis arbitrio verisimile ac probabile id efficiat, tunc nulla est temeritas iudicare verisimilitudinem ac probabilitatē, quæ iuxta ea indicia est, vt id sit. Quare non solum ad sufficientē cautelā, & ad subueniendū malis, fas est iudicare eam probabilitatem, vt *Disp. 14.* explanatum copiose fuit, sed etiam absq̃ vlla temeritate idem iudicat quicunq̃ alius, qui sine tali bono fine id iudicat, & absq̃ vlla iniuria ei⁹ id facit, de quo id iudi-

catur: quippe cum non plus iudicetur verisimilitudinis & probabilitatis, quàm sufficienter ea indicia atque inductiua persuadeant.

Illud præterea est obseruandum cum Caiet. *2. 2. q. 6. art. 4.* & cum plerisq̃ aliis, quādo iudicium temerarium est circa rem, quam nō temere quis iudicat inesse alicui, licet temere iudicet illā in se esse culpam lethalem, aut aliquid aliud infamians, cum tamen ex ignorantia erret, taleq̃ id in se non sit, regulariter non esse culpam lethalem. Vt si quis, arbitratus ex sua ignorantia imprecari malū iumento culpam esse lethalem, cernensque aliquem iumento malum imprecari, iudicet illum peccasse lethaliter, tale temerarium iudicium nō esset culpa lethalis: quoniam id non cedit in grauem iniuriam eius, de quo ea de causa existimat in peccasse illum lethaliter: cum illius ignorantia id imputetur, facileque quiuus contemnat ex ea ignorantia aliq̃ arbitratum esse, ipsum peccasse lethaliter.

Illud deniq̃ est obseruandum, cum peccatum lethale in iudicio temerario expendendum sit ex quantitate iniuriæ, quæ proximo fit, id temere de ipso iudicandū: & quo minora ad id iudicandum sunt indicia, eo plus temeritatis & iniuriæ fit finistrum aliquid de eo iudicare; quo verò maiora indicia ad id iudicandum sunt, eo min⁹ temeritatis & iniuriæ in eo iudicio sit, consequens profectò esse, vt aliquando ob magnitudinem indiciorum ac inductiuorum ad id credendum tam parum temeritatis sit in aliquo iudicio temerario, vt licet sit de re graui, ad culpam non pertingat lethale, sed solum sit culpa venialis: qua de causa rectè Sotus affirmat, aliquando non posse certo definiri, an iudicium aliquod temerarium culpa sit lethalis, an verò solum venialis. Id verò multo magis habebit locum in suspitione, estō in illa aliquod temeritatis interueniat.

Tertia cõclusio. Suspicio de re graui, licet aliqua in ea interueniat temeritas, regulariter non est culpa lethalis: esse tamen potest de re adeò graui, & tāta in ea interuenire poterit temeritas, vt sit culpa lethalis. Prior pars est glossæ ex Aug. desumptæ *tractatu 90. in Ioan. supraque relatæ*, & Diui Thomæ *art. 3. citat.* qui regulariter sunt intelligendi, in eamque consentiunt Caiet. & Sotus *locis citatis*. Probari autem potest. Quoniam in primis, si vel nulla ratione sit voluntaria seu libera, vt in suspitione longè facilius potest euenire liberam nō esse, quàm in iudicio, tūc neq̃ culpa erit venialis, estō materia valde sit grauis: quoniam sine libertate esse nō possit ratio peccati, etiam venialis. Si itē nulla in ea interueniat temeritas, quia nō maior est suspicio, quam indicia ac inductiua id suadeāt, tunc nulla iniuria in ea sit proximo, vt de iudicio, in quo nulla interueniat temeritas, dictū est, ac proinde nullum peccatum contra iustitiā, etiam veniale, in ea interueniet, estō plenè deliberata sit, & de re graui. Quòd si vitliter, sineq̃ aliquo honesto, iuxta ea quæ *Disp. 14.* dicta sunt, ea suspicio eliciatur, tunc op⁹ erit honestum, & nec veniale peccatum in ea interueniet: si autē vitliter & sine honesto careat, ad summum esse poterit culpa venialis, tāquam otiosum minimeq̃ vitale opus. Porrò si non plus quis suspicetur quàm iuxta quantitatem probabilitatis, quæ prudentis arbitrio sit, attentis indicijs ac inductiuis, iuxta ea quæ suprà dicta sunt, nulla erit temeritas in ea suspitione: si verò plus vehementiūve suspicetur, tunc temeritas erit iuxta augmentum solum maioris suspicionis, quàm pro quantitate indiciorum ac inductiuorum æquum sit id suspicari. Deinde verò suspitionē, etiā si interueniat aliqua temeritas, quia maior est suspicio, quàm indicia merito persuaideant, etiam si de re sit graui, nam de re prudentis arbitrio non graui dictum est iudiciū temerarium non esse culpam lethale, & multo min⁹

nus suspicio erit culpa lethalis) atque etiam si interueniat libertas, regulariter non esse culpam lethalem, probatur. Quoniam licet de iudicio temerario de re graui, interueniente plena deliberatione, & magna temeritate, attenta qualitate indiciorum, ostensum sit esse culpam lethalem, non tamen cernitur tanta iniuria proximi in vno duxat aliis iudicio interueniente, ut non possit facile aliquis dubitare, nisi tanta iniuria eo fiat, quæ ad culpam lethalem sufficiat: cum ergo in suspitione, cæteris omnibus paribus, maxime si non sit adeo vehemens, ut ferè nihil de dubio admixta habeat, ut regulariter esse non solet, ex vna parte sit longe maior iniuria proximi, quam in iudicio temerario; & ex alia minus libertas esse soleat in illa, quam in iudicio plenè deliberato; eo quod facilius & violentius rapi soleat intellectus ac voluntas ad suspiciendum ex indicij, quàm ad determinatè iudicandum; & quando in illa temeritas interuenit, esse soleat modica, quoad excessum, comparatione quantitatis suspitionis, quàm absque iniuria proximi poterat idem suspicans formare pro qualitate & quantitate indiciorum, consequens, perfectè est, ut regulariter suspicio de re graui, etiam si in ea temeritas aliqua interueniat, non sit culpa lethalis: præsertim cum de iudicio temerario de re graui dictum sit, aliquando non pertingere ad culpam lethalem propter modicam temeritatem, quæ in illo interuenit. Vnde in praxi confessionum non est ratio habenda suspitionum, quasi in illis culpa interueniat lethalis, quando non sunt de re admodum graui, atque tunc cum indicij admodum leuibus, nisi quis in baratrum scrupulorum incidere velit, perturbareque penitentes, iugumque confessionum plus iusto reddere graue sibi ac penitentibus: præsertim cum quando suspiciones admodum sunt vehementes, quæ modicum dubium habeant admixtum, penitentes distinguere nesciant illas à iudicijs temerarijs, atque pro iudicijs temerarijs illas soleant confiteri, vixque confessarij examinando penitentes discernere possint, num suspiciones vehementissimæ sint, an potius iudicia temeraria. Quod si doctus aliquis confiteatur, qui iudicium à vehementi suspitione discernat, ipse id aperiet, atque fortasse sub dubio confitebitur, num suspicatus id tantum vehementer fuerit, an deuenierit ad iudicium temerarium. Adde sæpe non esse tantam temeritatem, etiam in vehementissima suspitione quæ ad culpam sufficiat lethalem: eo quod vehementia iudiciorum, quæ id vehementer suspicari efficiunt, aufert multum de temeritate eius vehementis suspitionis.

Posterior verò conclusionis pars, esse scilicet suspitionem de re adeo graui, & in ea posse interuenire tantam temeritatem, ut sit culpa lethalis, ex eo cum Soto & Victoria probatur. Quoniam in iudicio & suspitione temerarijs, ex quantitate iniuriæ quæ fit proximo temerarie iudicando, aut suspicando de illo si nistrum aliquid, expendendum ac censendum est, num id iudicium, aut ea suspicio, culpa sit lethalis vel venialis: sed maior fit iniuria alicui, quod ex leuibus omninoque insufficientibus indicij opineris de illo cum vacillatione ac dubio admixto, seu suspicaris, illum hæreticum esse, aut patriæ proditorem, sodomiticum, vel concubinum habuisse cum matre, quàm si plene iudices temere de illo commississe fornicationem cum muliere comuni, aut delictum aliud, quod non leuiter prædicet famæ ac æstimationi, quæ de illo haberi debet: consequens perfectè est, ut suspicio non leuis in re illa adeo graui, pleneque deliberata, si leuibus indicij concepta elicitæque sit, culpa sit lethalis.

Quarta conclusio. Dubitatio de aliquo circa aliquid nistrum, etiam si temeritas adiut, quando ad limites suspitionis non pertingit, regulariter non est culpa lethalis. Probatur, quoniam in dubitatione,

est de temeritas aliqua interueniat, & deliberata sit, sitque de re valde graui, longe maiori iniuria, cæteris paribus, fit proximo, longèque proinde minor culpa interuenit, quàm in iudicio temerario, & quàm in suspitione: atque ad non temere dubitandum longe minora iudicia sufficiunt, quàm ad non temere suspiciandum, ut ex se & dictis constat: ergo præterquàm quod dubitatio facilius esse poterit non plene deliberata, quàm iudicium temerarium, & quàm suspicio, & quod difficilius sit transigere hæc vitæ sine dubitatione de probitate aliorum, quàm sine suspitione, imò quod cauti esse attendereque; à falsis etiam prophetis debeamus, propter humanam fragilitatem ac malitiam, quàm sæpe in multis experimur, sane rarò indicia sufficientia non erunt ad dubitationem de re quantumvis sinistra proximi, quàm formamus, & est de interdum insufficientia ad id sint, tam modica erit temeritas comparatione nudæ dubitationis, & tam longe minor erit iniuria temerariæ dubitationis, quàm temerariæ suspitionis, ut ea temeritas & iniuria ad culpam non sufficiat lethalem. Ait Sotus artic. 3. citato, dubitare de bonitate beatissimæ Virginis Mariæ, sancti Iohannis Baptiste, aut alterius similis sancti, esse culpam lethalem. Id quidem fateamur, si ea dubitatio deliberata sit, imò erit hæresis: postquam sanctitas beatæ Virginis & sancti Iohannis Baptiste adeo explorata est ac certa, ut ad fidem Catholicam eam credere pertineat: eaque de causa in conclusione diximus, regulariter dubitationem deliberatam ac temerariam de re graui non esse culpam lethalem, quoniam aliquando rarò culpa esset lethalis: quod verò sanctitas alicuius non est adeo certa ac manifesta effecta, vt iudicio Ecclesiæ manifesta sit canonizatione, aut beatificatione Sanctorum, aut si manifesta sit effecta apertissimis miraculis, & consensu populorum, rarò sola dubitatio de probitate aut de peccato alicuius ad culpam pertinet lethalem. Tamen quo grauior ac sanctior est persona, pluresque sunt circumstantiæ, quæ illius sanctitatem ac probitatem suadent, eo maiora indicia requirantur ad non temere dubitandum de illius bonitate, grauiorque iniuria ei fiat, insufficientibus ad id indicij de illius bonitate dubitare.

Illud item obseruandum, dubitationem, de qua modò loquimur, non esse suspensionem iudicij & assensus, ut Sotus arbitratur, falsò addens, nos teneri habere bonam existimationem de proximo nostro non suspendendo iudicium: sed esse adducere intellectu in quæstionem bonitatem proximi de illa diffidendo, & illam quasi dubiam examinando: quod si temere fiat, in iniuriam proximi cedit. In eo autem, quod oblata cogitatione de bonitate aut de malitia proximi, iudicium suspendam, & auertam cogitationem ad alia, nolendo me intronittere in ea re, neque bonam neque malam existimationem de illo formando, neque illam curando examinare, adducere ad discrimen apud me, sane nullam omnino facio illi iniuriam.

Illud item obserua, adducere in examē probitatem alicuius bono aliquo fine, ut quia cura & vigilantia circa mores illius incumbit ei, qui illos examinat, vel ut videat, num vere sit dignus & aptus, quem prædicat alicui rei, aut in quo beneficium aliquod, collocet, nullum esse peccatum: quoniam bono fine id fit, neque in eo villa fit ei iniuria, cuius mores in eum finem examinantur.

Illud postremò obserua, ex solo iudicio temerario, aut suspitione vel dubio temerarijs, non cōfingere obligationem restituendi. Quoniam licet iniuriam inferant, eo tamen ipso, quod ab illis cessatur, cessat iniuria proximi in futurum, nullumque damnum remanet, pro iniuria aut præterita, quæ nullum dampnum relinquit, nulla restitutio debetur, ut duobus

bus tractatibus precedentibus sæpe dictum comprobatumque fuit.

SVMMARIVM.

1. Non tenemur, licet temere iudicando in malam partem interpretemur, bonam existimationem de proximo habere, sed satis est, si abstinemus à sinistra illa in re iudicando.

VTRVM DVBIA INTERPRETARI

in meliorem partem debeamus.

DISPVTV. 17.

Questio hæc excitatur propter glossam in illud ad Rom. 14. *Qui non manducat, manducantem non iudicet*, ubi glossa ait: Dubia in meliorem partem sunt interpretanda. Desumpta verò fuit ex Aug. lib. 2. de sermone Domini in monte c. 28. ubi euarrans illud Matth. 7. *Nolite iudicare, & non iudicabimini*, &c. atque de iudicio temerario doctissimè & copiose ibi disputans, circa illud testimonium Matth. citatum sic ait: Hoc loco nihil aliud nobis præcipi existimo, nisi ut ea facta, quæ dubium est, quo animo fiant, in meliorem partem interpretemur. Et proculdubio intelligit, non male de illis iudicando. Nam ait, non aliud nobis præcipi illis verbis Matth. 7. *Nolite iudicare*, &c. Illis verò non aliud nobis præcipitur, quam ut abstinemus à iudicio temerario, in peiorem partem interpretando, quæ dubia sunt, quo animo sint facta. Neque enim (quicquid Sotus 3. de iust. q. 4. art. 3. & 4. in contrarium dixerit) tenemur tunc bonum iudicium ac estimationem habere de proximo, sed satis est si abstinemus à sinistra de eo illa in re iudicando, ut disputatione præcedente dictum est, & affirmant Caiet. 2. 2. q. 60. art. 4. & doctores communiter. Item cum Augustinus ibidem copiosè doceat, nobis non esse prohibitum iudicium certum de ijs, quæ perspicue bona aut perspicue mala sunt, vniuersimque ita de rebus iudicare, ut temere & cum periculo errandi in proximi præiudicium non iudicemus: circa ea quæ dubia sunt, sic ait: Sunt ergo quedam media, quæ ignoramus, quo animo fiant, quia & bono & malo fieri possunt, de quibus temerarium est iudicare, maxime ut condemnemus. Ecce temerarium affirmat Augustinus, rem dubiam iudicare, determinate in alteram partem, tam in bonam quam in malam, cum periculo errandi. Addens verò, maxime ut condemnemus, non negat, temerarium quoque esse, iudicare determinate contrariam partem cum periculo sentiendi falsum: quod sane malum esset intellectus. Neque vnquam mihi potui persuadere, non solum nos teneri habere iudicium, quo nobis persuadeamus id vere esse, quod ignoramus, ita esse, sed neque licite posse nos tale iudicium elicere, ut scilicet quando dubium est, an malo animo proximus aliquid fecerit, licite determinate iudicemus, eum bono animo id fecisse, id quæ nobis licite persuadeamus. Tamen si hoc aliud iudicium habere tunc possumus, expediensque ac bonum est, ut illud habeamus, credendum mihi non est, eum malo animo id fecisse: quoniam in tali iudicio non erramus, est ille malo animo id fecerit: quare ille habendus à nobis mihi non est malus ea de causa, neque condemnandus, sed potius est absolvendus, si ad nos spectat eum iudicare in exteriori foro: quoniam in dubio melior est cōditio ipsius, qui in possessione erat, ut non malus haberetur: non tamen est pronunciandum, eum id bono animo fecisse: quoniam periculum m esset falsi

Tom. 5.

in eo iudicio, in eaq̃ sententia, ac proinde vtrumque esset temerarium, ut Augustinus perspicue affirmat, tamen si tunc non esset iudicium temerarium cum præiudicio & iniuria proximi. Vnde in foro exteriori, quando aliquis accusatur de aliquo crimine, quod sufficiens aduersus illum non probatur, absoluitur ille ab accusatione, pronuntiando actorem id crimen de illo non probasse, quod sane est verissimum, est ille vere id crimen commiserit: non tamen pronuntiatur, eum id crimen non commisisse, quod esset temerarium & mēdaciū: quippe cum contra mentem eatur, non solum quando affirmamus, quod scimus esse falsum: sed etiam quādo, quod dubium est, determinate affirmamus esse aut non esse. Vnde & iudex, quando ita absoluit ac pronunciat sententiam, & quicunque priuatus, quando abstinat à iudicando temere de illo in finistram partem, ut quando verè iudicat, sibi non esse iudicandum illum sinistra intentione id fecisse, vel quando iudicat ea de causa illum non esse ab ipso reputandum malum, licet simul iudicare secū potest, quantum probabilitatis ac verisimilitudinis ex indicijs sit, illum sinistra intentione id fecisse, aut illum id crimen fecisse, iuxta ea quæ præcedentibus disputationibus dicta sunt. Imò verò in foro exteriori interdum licite ac iuste condemnatur de leuiter aut de vehemēter suspecto de eo crimine, ut ibidem dictum est. Quia ergo quæ res aliqua est dubia, neutram in partem possumus eam absque temeritate iudicare determinate, sed iudicium de illa determinatum ac certum ad Deum spectat 1. ad Corinth. 4. ait Paulus: *Nolite ante tempus iudicare*, (quæ dubia scilicet vobis sunt, minime, quæ explorata) quoad vsque veniat Dominus, qui illuminabit abscondita tenebrarum, & manifestabit consilia cordum, & tunc laus erit vnicuique à Deo.

SVMMARIVM.

1. Omne quod iniuste honori alterius præiudicat, spectat ad vitium in genere iustitiæ commutatiue circa bonum honoris contrarium, siue fiat signo aut facto, siue absenti, siue presenti: quod vitium contumelia dicitur latissime sumpta.
2. Qui alteri præiudicat in bonis corporis & in honore, si non solum peccat contra iustitiam commutatiuam circa bona corporis, sed etiam contra iustitiam commutatiuam circa bonum honoris, peccato specie distincto.
3. Committitur etiam peccatum contra iustitiam commutatiuam circa bonum honoris, quando lesio honoris non intenditur, & tamen inde ea sequitur, nisi probabilis ignorantia excuset.
4. Qui differant contumelia & detractio.
5. Interdum fit aliquid absque iniustitia, quod præiudicat honori alterius, & tunc non spectat ad contumeliam.
6. Quando vrbanius gratia licet obijciuntur vitia & defectus, licet cum pudore sustinentur, non spectat ad contumeliam, dummodo moderate fiat.

DE VITIO IN GENERE IUSTITIÆ
commutatiue circa bonum honoris contrarium, hoc est, de contumelia latissime sumpta.

DISPVTV. 18.

Explicato vitio contrario iustitiæ commutatiue circa bona famæ latissime sumpta, cuius actus imperatus à voluntate, aut voluntarie elicitus, est in terminis, mentem intellectuū me non egrediens nempe explicato iudicii temerario, suspensioneque ac dubio temerarij consequenter est

D 3 dicen-

dicendum de vitijs contrarijs iustitię commutatiuę circa bona honoris & famę, quorum actus imperati externi sunt. Ordendumq; nobis est à vicio in genere iustitię commutatiuę circa honorem contrario.

Et quidē quicquid fit exterius, quod iniuste honoris alterius preiudicat, id totum pertinet ad vitium in genere iustitię commutatiuę circa bonum honoris contrarium, siue fiat signo, hoc est, verbo, scripto, aut quouis alio signo, vt cornua appendendo foribus alicuius, in signum quod alius adulteratus sit cum vxore illius, siue fiat quouis facto, & siue fiat presenti, siue absenti, & siue fiat viuo, siue defuncto, atq; siue fiat in propria persona eius, cuius honoris preiudicatur, siue in re ad ipsū attinente, vt in statu, equo, domo, in vxore, filio, mancipio, aut in re alia illius, prout *disp. 1. explanatur* fuit, totidem modis honorem contrarium posse alicui exhiberi. Actus autē voluntatis internus, quo quis iniuste aliquid tale fieri aut intentari consentiret, esset peccatum internum eiusdem vitiij: sicut peccatum furti internum est consensus in furtum, & peccatum homicidij internum est consensus in homicidium, & ita in ceteris vitijs. Vitium hoc in genere in toto suo ambitu, quo ad actum externū, contumelia dicitur latē sumpta, & consensit legitima ethymologia eius vocabuli tradita ab Vlpiano *l. 1. ff. de iniur.* dicitur enim à contemnendo, atque in prædictis omnibus aut cōtempus opere cernitur siue cōtempus intendatur lædente iniuste in honore, siue nō. Quod autem cōtumelia fiat non solū verbo, sed etiam facto, atque adeo quod vtrumq; nomine vitiij contumelię contrarij iustitię commutatiuę circa bonum honoris comprehendatur, affirmat perspicuē glossa interlinearis in illud ad Rom. 1. *contumeliosos*, quæ sic habet: *Contumeliosi sunt, qui dictū vel factū contumelię & turpia inferunt.* Dixi, id vitium in toto suo ambitu dicitur contumelia late sumpta: quoniam aliquando contumelia presūsumitur, vt infrā dicitur. Hispane vitium hoc in toto suo ambitu *afrenta* nuncupatur, & actus illius *afrenar*.

Non solum signo committi hoc vitium, vt verbo, scripto, aut alio signo obijciendo; seu impropereando alicui aliquid vitium moris, aut nature, vel aliquem defectum, rē vē aliam vnde erubescere possit, vt appellando illum furem, ebrium, cecum, gibbosum, humili aut infami loco natum, dicendo illi mentiris, aut simile aliud, sed etiam facto committi, satis est perspicuum, vt si alapa vel fuste aliquis percutiatur, aut pedibus conculectur, si illi ostendatur pollex inter duos alios digitos *darbiga* Hispane dicitur, aut aliquid aliud fiat, quod in contemptum illius cedat.

Hinc sequitur, si aliquis iniuste percutiendo alium simul illi preiudicat in bonis corporis & in honore, tunc peccare non solum contra iustitiam cōmutatiuam circa bona corporis, sed etiam contra iustitiam cōmutatiuam circa bonū honoris, peccato specie distincto, ac proinde teneri aperire vtrumque in confessione. Quando tamen confitendo percussione iniustam, sufficienter intelligitur præiudicium honoris illatum, tunc poenitens confitendo eam percussione sufficienter confetur confessus vtrumque crimen. Vt si se accuset, iniuste alapam alicui inflixisse, aut iniuste alium fuste percussisse. Simili modo, si quis præiudicando iniuste alicui in bonis externis, simul in honore illi præiudicat, peccat contra iustitiam commutatiuam circa bona externa, & peccato specie distincto contra iustitiam commutatiuam circa bonum honoris, atque vtrumque crimen tenetur aperire sufficienter in confessione.

Illud verò est obseruandum, non solum quando facto aliquo, aut signo, intenditur iniuste læsio ho-

noris, committi peccatum contra iustitiam commutatiuam circa bonum honoris, sed etiam committi idem peccatū, quando ea læsio non intenditur, & tamē inde ea sequitur, nisi probabilis inuincibiliter ignorantia, quod ea via talis læsio euenire posset, excuset ab ea culpa. Verbi gratia, si quis fuste solū intendat lædere iniuste corpus proximi, nō verò lædere honorem illius, sane si actus ex se læsius sit honoris illius, simul peccat contra iustitiam cōmutatiuam circa bonum honoris, nisi ignorantia inuincibilis eum excuset ab ea culpa. Ratio autem est, quoniā ea iniusta læsio honoris licet intentata nō fuerit, fuit tamē voluntaria, quatenus in potestate eam inferētis fuit eam vitare, fuitq; subinde imputatiue ab illo volita, iuxta ea quæ *1. 2. q. 60.* & aliās sæpe dicta à nobis sunt. Quāuis enim ad rationē actus virtutis necesse sit obiectum eius virtutis esse intentum ac volitum qua tale; ad rationē tamē vitiij ac peccati satis est si obiectum, malū vē, quod sequitur, sit volitarium atq; imputatiue volitum, vt ex se liquet, ac locis citatis est ostēsum. Hoc admonui propter Caiet. *2. 2. q. 72. & seq.* Sotum *5. de iust. q. 9. & seq.* & propter quosdam alios, qui in contumelia, detractioe, & in alijs similibus vitijs, ad rationem & speciē talium vitiiorum plus forte iusto exigere vidētur intentum inferendi damna, quæ eis vitijs inferuntur. Quamuis enim absentia talis intentionis non parum culpam horum vitiiorum extenuet, atq; aliquando culpā, quæ alioquin esset lethalis, reddat venialem; nihilominus tamen semper, quando in potestate inferentis ea damna fuit illa vitare, saltem quia attendere potuit ac debuit nata esse inde sequi, neque id attendit, cernitur ibi ratio ac culpa eius vitiij, cum onere restituendi damna ita sequuta, si perseueret, estd formaliter ea inferre non intenderit. Quando autem culpa tunc ad lethalem perueniat, prudentis arbitrio, spectatis circumstantijs omnibus concurrentibus, est iudicandum. Illud verò est dicendum, quando si equele damnum, proportionē quadam, in rebus externis eodem modo præter intentionē inferretur, cum eademque animaduertentia, aut inaninaduertentia, quod inde sequi posset, iudicaretur in ea materia culpa lethalis, iudicandam quoq; esse culpam lethale in re, de qua disputamus: eo quod bona honoris & famę præstantiora sint bonis externis diuitiarum. Atque hæc poterit esse nō inepta regula manu ducens ad rectius arbitrandum, quando in eiusmodi euentibus in quibus præter intentionem læditur honor aut fama proximi, culpa interueniat lethalis contra iustitiam commutatiuam circa bona honoris ac famę.

Illud facile ex dictis hac & prima disputatione liquet. Afferri iniuste præiudiciū honoris, esse quod per se distinguitur contumeliā à detractioe, qua famę iniuste præiudiciū affertur. Fieri autē aliquid iniuste in præiudicium honoris aut famę, in præsentia vel in absentia eius, cuius honor aut fama iniuste læditur, per accidens ad rationē contumelię ac detractioe ad earumq; inter se distinctioē se habent. Quocirca, vt ex dictis hac & prima illa disputatione facile constat, quemadmodū honor exhiberi potest absenti ac defuncto, ita illis potest fieri contumelia, nō solum quando aliquid ignominiosum fit aut dicitur, vt tandem ad illius notitiā deueniat, in cuius dedec' cedit, sed etiam quando aliquid fit in re ad ipsum attinente, in contemptū ac dedecus illius. Item detractio fieri potest in præsentia eius, cui detrahitur, vt aduersus alios recte notant Nauar. in *Man. 18. m. 12. & 18. & Adria. quodl. 11. lit. D.* Si enim in præsentia alicuius criminis illius alijs iniuste manifestetur, qui illa ignorabant, sane fama illius denigratur, eique detrahitur, estd simul interueniat contumelię peccatum, quatenus in facie illi ea obijciuntur. Coniungi quip-

pe in eodem actu optimè possunt duæ illæ species detractiois ac contumeliæ, quatenus eo simul iniuste leguntur honor alicuius & fama illius coram alijs.

Illud præterea est observandum, idcirco nos dicere, quod sit iniuste in præiudicium honoris alicuius pertinere ad contumeliæ, vitium contrarium iniustitiæ commutatiæ circa bonum honoris: quoniam interdum fit absq; iniustitia aliquid, quod præiudicat honoris alterius, & tunc non spectat ad vitium contumeliæ. Hispano autem sermone *afrenta* etiam id comprehendat, quod iniuste fit contra honorem alicuius: atq; etiam id comprehendit contumeliæ latini sermonis, vt infra ex Cicerone referemus. Quemadmodum autem malefactori puniri licet potest in bonis corporis, & in externis diuitiarum, prout delicta talem pœnam commuerint: sic etiam iniuste ac licet puniri interdum potest ac conuenit in bonis honoris ac famæ, vt D. Thomas 2.2. q. 72. art. 2. ad 2. etiam ait: neque tunc contumeliæ aut detractiois vitia committuntur, sed exercetur actus iniustitiæ vindictæ. Atque interdum simul puniuntur malefactor in corpore & in honore ac famâ, vt quando publicè verberatur, triserubus in pœnam addicitur, aut furca necatur: interdum verò solum puniuntur in honore & famâ, vt quando exponitur in loco publico, vt verecundiam ab infipientibus patiat, aut inominiosè defertur per vias publicas absque vlla læsione in corpore. Interdum quoque licet culpæ aliquorum puniuntur oburgationibus & impropriejs a parentibus, magistris, heris, & ab alijs, qui iuste ac licet id efficiunt, iuxta ea quæ duobus tractatibus præcedentibus dicta sunt. Nonnulli autem licitum est oburgare, quæ malè sunt, pudore ea ratione delinquentes afficiendo, quibus licitum non est punire in corpore, aut in externis diuitiarum bonis. Admonent verò Caiet. 2.2. q. 72. art. 2. Sotus 5. de iustit. q. 9. artic. 2. consentaneè ad D. Thom. ibi, & admonent alijs, prælatos, religiosorum præsertim, debere abstinere quàm maximè ab iniurijs verbis, dum vitia puniunt aut reprehendunt. Quoniam, præterquam quòd indecens sit eo modo tractare sibi subditos, inde interdum sequi solent grania mala, & maiores amaritudines, quàm ex alijs pœnis. Vnde (addunt multi) nisi suggerente Spiritu sancto, dici non debent iniuriola verba.

Interdum etiam vrbauitatis gratia licet obijciuntur vitia & defectus, corporis præsertim, etiam quando, qui id patiuntur, leui aliquo pudore afficiuntur (modò tamen non contristentur & commoueantur ad iram) quod proinde neq; ad contumeliæ vitium neq; ad aliud pertinet, dummodo moderate atque vt oportet id fiat, sed spectat ad virtutem eutrapeliæ ac vrbauitatis, iuxta diuum Th. 2.2. q. 72. citata, art. 2. ad 1. Vnde Arist. 4. Ethic. c. 8. ad eutrapeliæ vrbauitatemq; pertinere ait bene conuiciari. Et Tullius pro Cælio, *Maledictum*, inquit, nihil habet propostiti, præter contumeliæ, quæ si perulantius iactatur, conuiuium, si facietur, vrbauitas nominatur. Quo in loco contumeliæ in bonam etiam partem sumpt. Neque tam late *afrenta* Hispanè sumitur, vt hanc, quam Cicero contumeliæ appellauit, comprehendat.

SVMMARIVM.

1. Contumelia late sumpta est peccatum lethale.
2. Ex circumstantiis tamen nonnunquam est culpa venialis.
3. Contumelia late sumpta, vt vitium totum iniustitiæ commutatiæ circa bonum honoris contrarium comprehendit, species infima est.
4. Contumelia frequentissimè ex ira oritur.

VTRVM CONTVMELIA LATE

sumpta ex suo genere sit culpa lethalis sitq; infima species. Et ad quod capitale vitium reducat.

DISPVT. 19.



Vod ad primum attinet, dicendum est, contumeliā ex suo genere culpam esse lethalem. Probatur primò ex illo Matth. 5. *Si quis dixerit fratri suo fatue, rem erit gehennæ ignis.* Si autem contumelia illa, quæ non inter maiores computatur, culpa est lethalis, siquidè semper inferni igne puniuntur, vt Christus testimonio illo docet, consequens profectò est, vt contumelia ex suo genere culpa sit lethalis. Secundò, quoniam licet contumelia ex suo genere minùs graue peccatum sit, quàm homicidium, & quàm adulterium, quin & quàm simplex fornicatio, est tamen ex suo genere peccatum grauius, quàm furtum, vt vtrumq; affirmat diuus Thom. 2.2. q. 73. de detractioe, est verò eadem ratio de contumelia, idque affirmant doctores communiter. Ratio autem est, quoniam grauitas peccatorum ex suo genere attenditur penes obiectum, à quo ratio & species peccati sumitur, & penes genus damni, quod infert: cum ergo bona honoris & famæ media sint quo ad bonitatem ac præstantiam inter bona corporis & vitæ, quæ sunt illis præstantiora, & inter bona externa diuitiarum, quæ sunt illis minùs præstantia, atque per homicidium, adulterium, ac fornicationem simplicem, præiudicatur bono vitæ ac corporis, saltem quo ad prolem generandam, vti in loco est ostendendum: per furtum verò præiudicatur bonis externis diuitiarum, consequens profectò est, vt contumelia & detractio, quibus præiudicatur bonis honoris & famæ, licet minùs graui delicta ex suo genere sint, quàm homicidium, adulterium, & fornicatio simplex, grauiora tamen ex suo genere sint, quàm furtum: quare cum tractati secundo ostensum sit, furtum ex suo genere esse culpam lethalem, idque omnes conueniant, consequens profectò est, vt contumelia & detractio multò magis ex suo genere culpæ sint lethales.

Ex circumstantiis verò, vt si contumelia aliqua præiudicetur modicum honoris eius, cui sit, aut si intenta non sit, & ex alijs circumstantijs, poterit interdum contumelia aliqua non solum esse leuius multo peccatum, quàm furtum aliquod, sed etiam fieri poterit, vt non peringat ad lethalem culpam, sed sit solum culpa venialis. Ex multis verò capiùs euenire potest, vt contumelia aliqua modica læsio in honore fiat. Vt si id, quod contumeliòse dicitur aut fit, modicè lægium sit honoris: vel si is, cui dicitur aut fit, modicum honoris habeat, nec multum eam contumeliæ curet ac pendat. Qua de causa contumelia, quæ si facta esset homini alicuius notæ, culpa esset lethalis, facta homini infimæ notæ, qui parum honoris habet, pro nihiloque honorem æstimat, erit solum culpa venialis. Et contumelia, quæ facta homini maioris ætatis, culpa esset lethalis, facta puero, erit aliquando venialis.

Ex dictis dyputatione præcedente intelligitur, quòd sicut furtum, vt suo loco tractatu secundo est dictum, significat solum contractionem externam iniustitiam rei alienæ: attentatio verò furandi, & voluntas interna furandi, quando effectus nõ sequitur, non dicuntur furta, sed peccata furti: sic contumelia solum significat dictum & factum, quo iniuste præiudicatur re ipsa honoris proximi: nõ verò attentationem inferendi iniuste præiudicium honoris.

nori, quando non perducitur ad effectum, neque item significat nudam internam voluntatem præiudicandi iniuste honoris alterius: sed hæc dicuntur peccata contumeliæ, non verò contumeliæ. Hæc de primo eorum, quæ præposita sunt.

3 Quod verò attinet ad secundum, num scilicet contumelia latè sumpta, vt vitium totum iustitiæ commutatur circa bonum honoris contrarium comprehendit, species infima sit. Affirmanter est respondendum cum Caiet. 2.2.q.72.art.1. Soto 5. de iust.q.9.art.1.& cum pleriq; alijs. Quoniam iniustitia contumeliæ non consistit in eo, quo tanquam medio ac instrumeto iniuste honori proximi præiudicatur; tamen si ex qualitate medij iniuria interdum ac præiudicium honori accrescat, vel ex natura rei, vel in hominum æstimatione, sed consistit in præiudicio honori proximi illato: quare cum obiectum vitij contumeliæ latè sumptæ sit honor, quo ad præiudicium, quod iniuste illi infertur, & non sint media diuersa, quibus id præiudicium infertur: præiudiciumq; ipsum iniuste illatum semper sit eiusdem rationis in ratione præiudicij honori iniuste illati, quocunque medio id præiudicium inferatur, solumq; differat secundum magis & minus, quod satis non est ad efficiendam diuersitatem specificam, consequens profectò est, vt vitium contumeliæ proximi species infima sit, nullas inferiores species sub se continens. Hæc de secundo.

4 Quod verò ad tertium attinet. Cùm vitium nō capitale ex eo capitali vitio oriri dicatur, ex quo frequentius emanat: contumelia verò frequentius ex ira quàm ex quouis alio capitali vitio oritur: meritò Greg. 31. *Moralium* contumeliam ex ira oriri affirmat, atque inter iræ filias eam computat, ad capitaleque proinde iræ vitium illam reducit. Ita autem ex ira oriri consuevit cōtumelia, vt instrumentum esse soleat, quo iratus vindictam de eo, in quem est iratus, sumere ea soleat. Vnde mulierum est potius id vitium, quæ arma alia non habent, quibus vindictam sumant, quàm virorum.

SVMMARIVM.

1. Consilium ac meritum est patienter contumelias ferre, quando aliud non exigit bonum aliorum, aut bonum eius qui contumeliam affert.
2. Quando ita expedit bono aliorum, aut iniuriam inferentis, consilium est respondere ac resistere; quia vnicuique mandauit Deus de proximo suo: præsertim si fieri potest sine damno aliquo, & si quando iniuriam patiens non valet se defendere.
3. Fas est etiam, dum iniuria adhuc sit, & ulterius continuatur, tueri honorem proprium: non quidem contumeliam in recompensationem acceptæ inferendo, sed impediendo, ne iniuria ulterius progrediatur.

VTRVM CONTVMELIAE SINT patienter ferende.

DISPUT. 20.



Vnic quæstioni sequentibus conclusionibus est satisfaciendum. Prima conclusio. Consilium ac meritum est tacere, patienterq; contumelias ferre, quando aliud non exigit bonum aliorum, aut bonum eius, qui contumeliam infert. Probatur, quoniā ea via euitantur mala, quæ oriri ac sequi possent, si resistere ac respondere vellemus, maximoque cum nostro merito virtutem patientiæ exercemus tacendo atq; id ferendo Dei amore ac eius proximi, idq; via est commodata ac

apta, vt is ipse, qui contumeliam infert, nostra patientia confundatur, redeat ad cor, ac emendetur, & vt, qui nostram intuentur patientiam, ædificentur. Confirmatur ex illo Psal. 37. *Qui inquirebant mala mihi, loquuti sunt vanitates. Ego autem tanquam surdus nō e audiebam, & sicut mutus non aperiens os suum.* Itemque ex exemplo Christi, *Qui cū malediceretur, non maledicebat, & cū pateretur, non comminabatur, vt habetur 1. Petr. 2. plurimafq; contumelias verbo & facto sibi illatas tacens patientissimè sustinuit.* Ad Rom. 12. *Non vos defendentes charissimi, sed date locum ira.* Et Mat. 5. *Qui te percussit in vnam maxillam, præbe ei & alteram:* eademque est ratio, quando contumelia & iniuria fit verbo, aut quocunque alio ignominioso actu. Porro hæc & similia alia testimonio non sonant præceptum, sed consilium, contrarium videantur. 2.2.q.72. & alij innuere in contrarium videantur.

Secunda conclusio. Quando ita expedit bono aliorum, aut ipsiusmet, qui iniuriam infert, consilium est respondere ac resistere, quantum id alterius aut aliorum bonum postulat. Imò verò aliquando ad id quis tenebitur. Responso tamen tunc esse debet moderata, atq; intra limites rectæ rationis. Probatur conclusio, atque in primis quando id expedit bono iniuriam inferentis. Quoniam si respondendo ei, illiq; ostendendo falsitatem eorum, quæ dicit, aut alia via sine iniuria & peccato compescendo illius os, à peccato desistit, aut respiscit, sanè lege caritatis tenetur id efficere is, qui contumelia afficitur, quando aliud malum inde nō imminet, nec iuste timetur: quippe cū vnicuique mandauerit Deus de proximo suo. Vnde Proverb. 26. dicitur: *Responde stulto* qualis est omnis, qui peccat, & à recta ratione lequege Dei deuiat: sic enim frequenter in Proverbjs Salomonis id vocabulū usurpatur *secundum stultitiam suam*, (id est, vt expedit ad stultitiam illius respondeatur, eam illi ostendendo, vt recta tunc ratio circumstantiæ postlauerint) *ne sibi sapiens videatur*, cū tamen erret, stultusque sit. Proximè autem ante ea verba relata præmiserat idem sapiens: *Ne responde stulto iuxta stultitiam suam*, hoc est, verba contumeliosa & inordinata, qualia ipse dixerat, atq; in vindictam eorum quæ dixerat *ne efficiaris ei similis*. Id quod confirmat vltimam partem nostræ conclusionis. Vnde, quod sapiens posteriori loco subiungit, nihil omnino repugnat ei, quod proximè ibidem præmiserat.

Deinde verò probatur conclusio, quando id expedit bono aliorum. Quoniam cū vnicuiq; Deus mandauerit de proximo suo, sanè quando ex eo, quod ei non responderetur, qui contumeliam dicit, vera esse crederentur vitia, quæ impropere ac obijcit, indeq; in alijs generaretur scandalum, vel doctrina parui penderetur, spiritualisque aliorum fructus impediretur, obligatio tunc esset respondere, si ex responsione, speraretur ea mala esse impedienda. Vnde Greg. Homil. 9. in Ezechielem: *Hij qui, quorum vita in exemplo imitationis est posita, debent, si possunt, detrahentium sibi verba compescere, ne eorum prædicationem non audiant, qui audire poterant, & ita in præiudicium moribus remanentes, bene viuere contemnant.* Quando verò ex responsione non speraretur ea mala esse impedienda, tunc obligatio ex eo capite non esset respondendi ad contumeliam: quoniam id sine fructu fieret, sed patientia potius iuuat ad bene æstimandum de eo, qui patienter suffert, & ad tollendum scandalum, quàm si emittatur patientiæ actus, quando ex non omissione actus patientiæ veritas non persuaderetur.

Quando contumelia iactaretur in alium, & ego, qui id audio, consulere possem honori illius, mea responsione obturando os peruersæ aduersus proximum suum loquentis, aut defendendo honorem eius,

eius qui iniuriam patitur, teneretur tunc id efficere, si commodè sine notabili meo damno possem, & qui iniuriam eam patitur, non posset sufficiens honoris suo consulere. Quoniam non minùs tenetur quis subuenire iniuriæ patienti in honore & fama, quam patienti iniuriam in bonis externis diuitiarum, quando commodè & cum fructu potest id efficere, & alius non potest sibi ipsi sufficiens subuenire. Hæc tamen obligatio non est ex iustitia, sed solum ex caritate, quando is ex officio non tenetur tunc subuenire eo modo.

3 Tertia conclusio. Quamuis in euentibus, extra commemoratos præcedente conclusione, consiliū sit non respondere nec resistere, sed sustinere contumelias patienter: fastamen est, dum iniuria adhuc sit atque vterius continuatur, tueri honorem proprium; non quidem contumeliam, in re compensationem acceptæ, inferendo, & multo minùs ea de causa percutiendo, quoniam id esset vindicta: sed impediendo ne iniuria vterius progrediatur ac continuetur, vique illam repellendo. Tanta autem esse posset iniuria, qua contumelia inferretur, vt licitum illam patienti esset, interficere eam inferentem, quando aliud non sufficeret impedire, ne vterius progrediretur. Pro modica verò iniuria repellenda nefas est interficere. Hæc omnia constant ex dictis tractatu præcedente, Diss. 17. Si enim pro defensione honorum externorum diuitiarum quæ alicuius sint momenti, fas est interficere, quando aliter defendi non possunt, longè maiori cum ratione effici licet id poterit pro defensione honoris famæ, quæ excellentiora multò sunt bona. Lege quæ *disputatione citata* quo ad hæc omnia dicta sunt. Post contumeliam verò completè illatam, fas est in eisdem euentibus sumere via iudicis competentem vindictam, non verò autoritate propria. Atque non solum dum contumelia inferitur, sed etiam post illam completè illatam, licitum est, non solum arguere ac moderate increpare peccatorem illum, sed etiam aperire rationes veras, quæ ea in reminuunt autoritatem eius, qui eam infert, aut intulit, coram audientibus. Ratio autem est, quoniam id non est vindicta, quippe cum eadem rationes adduci in iudicio licet possint ante latam sententiam ad compurgandam actuendam propriam famam & honorem: quod non liceret, si id esset vindicta: quemadmodum percussio illius qui illam intulit tunc non liceret: consentire autem in hoc videtur Sotus 5. de iust. q. 2. art. vlt. Nihil tamen est licitum obijcere ei, qui iniuriam intulit, quod falsum sit, aut quod ad seruandum & refarciendum proprium honorem ac famam non pertineat. Nihil item licet obijcere illi, aut de illo dicere in vindictam de illo sumendam autoritate propria. Quæ etiam ratione illicitum est tacere, dum contumeliam alius infert, eo animo vt ille acrius ea de causa commoueat, ægriusque id ille ferat, animoque ea via sumendi de illo vindictam, vt rectè Sotus vbi supra affirmat.

SVMMARIVM:

1. Quid sit consuetum.
2. Quid sit improprium.
3. Quid sit derisio, irrisio, & subannatio.
4. In derisione, illusione, ac subannatione, quatenus frequenter honor proximi iniuste laeditur, species contumelie interuenit licet eis actibus lesio honoris non intendatur.
5. Quando derisio est circa opera virtutum, est graue peccatum, tum ex obiecto, tum quia homines à virtutibus deterrentur.
6. Derisio, illusio, ac subannatio parentibus illata peccatum est graue, contrarium speciali virtuti pietatis parentibus debita: & grauius est, si Deo inferatur.

DE CONVITIO, IMPROPERIO, IR- risione, & subannatione.

DISPVT. 21.



Æc omnia ad contumeliam latè sumptam, vnà cum maledictione, aut maledicto, de quo disputatione sequenti sermo erit, spectant, aut certe coniunctam illam habere solent: & idcirco paucis sigillatim explananda sunt.

Convitiū (ait Vlpianus l. item apud Labeonem. §. 1. ff. de iniur.) dicitur vel à concitatione, vel à comensu, hoc est, à collatione vocum. Cùm enim in vnum conuersus voces ce conferuntur, convitiū appellatur, quasi conuocium. Hæc ce Vlpianus ibi. Consentit cum hac ethymologia significationeque huius vocabuli, quod Tullius convitiū pro strepitu multarum vocum aliquando usurpat. Pro Sextio sic ait. Et is qui a cæcantorum ce conuicio conciones suas celebrare solebat, cæcantum ipsorum ce vocibus eiicitur. Et pro Archia: Qui, appropinquat nobis, ce vbi & animus ex hoc forensi strepitu refugiat. & aures conce- nicio defesse requiescant. Festus verò à vicis, in quibus primò habitari cœpit, deriuatum esse ait. Et iuxta vtramque ethymologiam cum c scribi debet. Alij verò dicunt, conuicium esse maledictum, seu vitium obiectum cum contumelia atque à vitio deriuari. Valla. 6. lib. elegantiarum ait à conuicio esse dictum, quasi à nobis eum vitemus, in quæ similia obijcimus. Atque iuxta has duas posteriores ethymologias scribi vocabulum hoc debet cum t. Sumpto ergo conuicio in malam partem, vt frequentius sumi consuevit, iuxta priores duas ethymologias conuiciū dictum est quasi plurimum coeuntium vocum ad vitium alicui obijciendum contumeliæ ac dehonefationis gratia, quemadmodum 4. Reg. 2. multitudo puerorum clamabat ad Eliseum, Ascende calue. Quamuis autem illæ fuerint ethymologiæ eius vocabuli, significatamen etiam ea, quæ ab vno solo similiter obijciuntur: neque enim est necesse vt ethymologia omnibus competat, ad quæ significanda sese extendit vocabulum. Dicitur Th. 2. 2. q. 72. art. 1. ad 3. ait, conuicium magis late patere, quàm cōtemeliam pressè sumptam, quali contumelia solum sit, quando obijcitur vitium moris, vt quando aliquis appellatur fur, ebrius, arrogans &c. conuicium verò sit, quando obijcitur quodcunque vitium siue moris, siue naturæ, & quicunque alius defectus, vt si appellatur cæcus, calius, gibbosus, sordido loco natus, &c. Addit tamè contumeliam aliquando sumi late pro obiectione cuiuscunque vitij ac defectus. Iuxta hæc contumelia non comprehenderet maledictum, in quo nullum vitium obijceretur, sed solum commendaretur aliquis Satanæ, aut imprecaretur ei aliud malum in iniuriam & contempnū illius, nullum vitium illi obijciendo. Hodie verò contumelia latissime sumi consuevit, vt conuicium, maledictum pressè sumptum, & quamcunque aliam iniuriam comprehendit verbo aut facto illatam, quæ honori præiudicat: quo pacto Diss. 18. & sequentibus. à nobis est sumpta. Dixi, maledictū pressè sumptum: quoniam aliquando sumitur late, vt contumeliam omnem verbo illatam comprehendit, etiam quādo abq; vitio vrbane inferitur, iuxta testimonium Tullij pro Cælio in calce Diss. 17. relatū.

Improperium idem esse videtur, quod conuicium, vt conuicium est obiectio in faciem alicuius vitij moris, aut naturæ, vel cuiusvis defectus: neque videtur comprehendere maledictum, in quo vitium aut defectus non obijcitur. Atque impropere est, quod Hispanice dicimus dar en rostro con alguna cosa, ce quasi defectum ex parte eius, cui impropere, obijciendo. Neque repugnat illud de liberali &

10 avaro Ecclesiastici 20. *Exigua dabit, & multa improperabit.* Quoniam sensus est, parua conferet beneficia, & multa improperabit, quasi in illis non respondeatur beneficio collato, ingratusque sit, qui id beneficium accepit, exigendoque quam plurima in beneficij exigui gratitudinem, & querimonias multas excitando, quod non respondeatur beneficio accepto, easque querimonias in faciem obijciendo. Consecutus illud Terentij in Andria: *Commemoratio hac beneficiorum quasi exprobratio est immemoris beneficij*, quod est ingratitudinis vitium improperare. Probrum verò & opprobrium (quod obiectum probrum significat) idem quod improprium esse videntur: & exprobratio actum significat probrum obijciendi.

Derisio & irrisio (quod Hispanè *mosa* dicitur) latius, quam illusio, patere videtur. Est enim, tam factis, quam verbis, & tam in presentia, quam in absentia, & cui ac veluti ludibrio aliquid habere. Illusio verò est ludibrio habere factis, aut verbis, quasi decipiendo, quod irrisio nis genus passus pro nobis est Christus, quando velata eius facie eum percutiebant, dicentes, *Propheti & qui est, qui te percussit?* quin & quando in Regis similitudinem coronatus est spinis, & veste purpurea est indutus, arundine loco sceptri in dextra eius collocata. Latius tamè interdum sumitur illusio, pro alijs quoque ludibrijs seu irrisio nibus. Subsannatio autem est motibus corporis ac membrorum aliquem in presentia, aut in absentia, irridere, ludibriòve habere, quod *escarnecer*, presè sumpto vocabulo, Hispanè dicitur. Dicitur verò subsannatio à *fanna*, quod id ludibrij genus significat, Hispanèq; *escarnia* dicitur. Id quoq; genus irrisio nis passus pro nobis etiam est Christus, dum mouentes capita sua illi dicebant: *Vah, qui destruis templum Dei, &c.* Quod si horum aliquid moderatè fieret, sine contristatione & commotione ad iram, & sine læsione honoris ac famæ eius, cui aut de quo fierent, seruatisq; reliquis circumstantijs necessarijs, vt ad vitium non declinaret, tunc ad vrbauitatis eutrapeliæque virtutem id attineret, est iudore alioque in asficeretur, cui id fieret, neque propriè id mereretur, nomina illa, quorum significatio proximè à nobis est explicata, quæ nomina ad vitia, quæ in eiusmodi actibus internenire solent, significanda frequentius solent vsurpari. Interdumque metaphoricè sumuntur ad significandum, quod iniuste fit in poenâ commeritam, Deo non dolente poenas peccatorum, sed complacente in illas tanquam iniuste inflatas, valdeq; commeritas, iuxta illud Psal. 2. *Qui habitat in cælis, irridebit eos, & Dominus subsannabit eos.* Et illud Prouerb. 1. *Quia vocaui, & renuisti; extendi manum meam, & non fuit, qui aspiceret; despectisti omne consilium meum, & increpationes meas neglexisti: ego quoque in interitu vestro ridebo, & subsannabo, cum vobis id, quod timebatis, aduenerit: cum irruerit repentina calamitas, &c.* flagellorum meorum temporalium pro peccatis vestris.

4 In derisione seu irrisione, illusione, ac subsannatione, quatenus frequenter honor proximi iniuste lædatur, vitium ac species contumeliæ interuenit, est id est actibus læsio honoris nō intendatur: quoniam satis est, si voluntaria ac iniusta læsio honoris interueniat, vt actus, quo infertur, rationem contumeliæ fortiatur, vt *Disp.* 18. explanatum fuit. Quod si simul iniuste fama lædatur, aut fama sola iniuste lædatur, & non lædatur honor, cernitur ratio detractio nis, est id nō intendatur. Quatenus verò ex actibus illis sequi solet proximi erubescencia ac rubor, contristatio ac commotio ad iram & vindictam, sanè est id nō intendatur, sed intendatur capere eis actibus inordinatam oblectatione, nihil curando, quod illa in proximo inde sequatur, culpa in eis actibus contra iustitiam &

caritatem proximi cernitur, quæ esse poterit lethalis, si effectus illos notabiles inde euenturos intellegebatur, aut intelligi debebat, spectatisque alijs circumstantijs concurrentibus. Multò autem magis culpa lethalis interueniet, si effectus illi in proximo intendantur, vt ex eis etiam effectibus inordinata oblectatio sumatur. Et multò magis si ex proximi odio effectus illi in eo intendantur.

Quando derisio est circa opera virtutis, est graue peccatum: tum ex obiecto, tum etiam quoniam arcentur homines à virtutibus aggrediendis ac exercendis, occasioq; eis præbatur, vt in vitia probabantur. Quod si de peccato duorum filiorum Heli, qui, antequam adeps incenderetur, cogebant immolantes dare partem carni, quæ obueniebat sacerdoti, ait scriptura 1. Reg. 2. *Erat peccatum puerorum grande nimis coram Domino: quia detrahebant homines à sacrificijs Domini:* quantum, quæso, peccatum erit coram Domino, derisionibus circa opera virtutum arcere homines à virtutibus aggrediendis ac exercendis?

Derisio, illusio, aut subsannatio parentibus facta, peccatum est graue, contrarium speciali virtuti pietatis parentibus debita. A Noè maledictus fuit Chanaan, quod deriserit eum, irreuerenterq; se habuerit circa eum, nuditatè illius denuncians fratribus suis. Et Prouerb. 30. inter varia hominū genera detestabilia connumeratur: *Generatio, quæ patri suo maledicit, & quæ matri suæ non benedicit.* Et infra. *Oculum, qui subsannat patrem, & qui despicit partum matris suæ,* (hoc est, matrem, quæ cum tanto dolore ipsum peperit, immemor gratitudinis, qua illis teneretur, ac reuerentiæ, quam illis exhibere debet) *suffodiant eum corui de torrentibus, & comedant eum filij aquilæ de caute, dignus est, qui actus in patibulum ea de causa, corui & aquilæ, qui ad cadauera deuoranda (maximè in eminenti patibuli loco posita) currere solent primi, oculum ei eruant: incipere enim consueuerunt ab oculis, dum in corpore aliquo depascuntur.*

Hæc eadem, si in Deum fiat, ad peccatum blasphemix contra virtutem religionis spectant, vt à nobis in hac 2. 2. 9. 13. explanatū fuit. Et quia Christus Deus erat, ait Lucas c. 22. *Et viri, qui tenebant se sum, illudebant ei, cadentes. Et velauerunt eum, & percutiebant faciem eius, & interrogabant eum, dicentes: Propheti & quis est, qui te percussit? Et alia multa blasphemantes dicebant in eum.*

SVMMARIVM.

1. Maledictio fit tribus modis, primò affirmando malum alterius: secundò, imperio malum alicui efficiendo, quod est eum maledicere: tertio per modum optantis seu imperantis malum.
2. Maledictio verbis expressa, si in presentia alicuius fiat, honorique illius iniuste præiudicat, ad contumeliam spectat.
3. Maledictio, ex parte mali, quod maledicendo quis exoptat ei cui maledicit, si illicitè illud ei exoptet, ad solum odium spectat: vel pertinet ad iniustitiam, si via iniusta, ex parte eius qui id desiderat, illud ei exoptet.
4. Maledictio ex suo genere est culpa lethalis, siue contumelia siue odij rationem sortiatur. Ex circumstantijs porrò potest fieri culpa venialis.
5. Aliud est post maledictionem in aliquem coniectam, continèd non velle, vt tale quid ei eueniat; aliud verò non velle, etiam quando conijcitur, vt id eueniat; quod postremum excusat maledicentem à culpa lethali, quando maledictio non præiudicat honoris notabiliter.
6. Creaturæ irracionales tribus modis in maledictione spectari possunt: Primò per comparationem ad creaturas rationales, ob quas sunt: Secundò, vt effectus & opera Dei: Tertio secundum se.

7. *Ut maledictio creaturarum saepe in penam hominis red-
duntur, praesertim si fiat per modum imperij, licet tunc
sit ab eo, qui talem penam iuste imponere potest*
8. *Creaturae irrationabiles maledicti etiam possunt ad ali-
quid significandum, idque per modum imperij: ac tunc si
is, qui ita maledicit, ins habet ad destruendum illam
creaturam, licet sit.*
9. *Eadem creatura maledicuntur etiam non in modum
imperij, sed in modum optantis, nec semper ex animo,
sed solum exprimendo dolorem, idq, nonnunquam hy-
perbolicas.*
10. *Excusatur impatentia Iob.*
11. *Quomodo intelligenda in S. scriptura imprecationes
malipene, quae peccatoribus sunt.*
12. *Blasphemum est maledicere creaturis, tam rationabi-
libus, quam irrationabilibus, ut sint opera & effectus
Dei.*
13. *Maledicere creaturis irrationabilibus, secundum se con-
sideratis, non est culpa lethalis, aut venialis.*

DE MALEDICTIONE.

DISPVT. 22.



Aledicere cum idem sit, quod ma-
lum dicere, tribus fit modis. Primo,
enunciando seu affirmando malum
alterius. Si autem famam minuatur, ut
quia detegitur iniuste crimen alteri-
us oculum, pertinet tunc maledictio ad detra-
ctionem. Si vero honorem laedat, ut quia in faci-
em crimen aut defectus alterius obicitur, ad
contumeliam spectat. Inprecando item & exoptando
alicui malum, aut etiam per modum imperij illud
ei iniuste inferendo, (qui sunt duo alij modi, qui-
bus maledictio fit, ut subiungemus) laedi potest
honor, & qua ratione ea via iniuste honor laeditur,
ad contumeliam duo illi modi etiam spectant. At-
que disputare de maledictione, quatenus famam
aut honorem laedit, ad hunc quarum de iustitia
tractatum pertinet. Et quatenus verbis maledic-
tio fit, eaque iniuste honor aut fama laeditur, qui
illam exercent, maledicti nuncupantur, de quibus
Paul. 1. ad Corinth. 6. ait, *Neque maledicti, neque rapa-
ces regnum Dei possidebunt.* Nominem item maledicti
contumeliam omnem verbo illatam comprehen-
dit Tullius pro Caelio in testimonio in *calce Disp. 18.*
relato. Hac autem ratione de maledictione, qua-
tenus sub contumelia late sumpta comprehen-
ditur, disputamus hoc loco. Tamen hac occasio-
ne de illa latius etiam sumpta dicemus.

Secundo modo fieri potest maledictio, imperio
malum alicui efficiendo, quod est eum maledice-
re. Atque hic maledicendi modus potissimum
conuenit Deo, qui suo imperio causa est rerum,
(ipse enim dixit, & facta sunt) qui quae proinde dum
bonum alicui imperitur, benedicere eum dicitur:
maledicere autem alicui dicitur, dum malum illi
infert. Idem maledicendi modus conuenit etiam
creaturis, quatenus imperio suo aliquem mouent
ad malum aliquid in aliquem exercendum. Quo pa-
cto iudex malum poenae infligi alicui iubet. Modus
hic maledicendi licet & illicite fieri potest. Si enim
poena condigna sit, isque, qui illam iustitiae imperat,
ius potestatemque legitimam eam imperandi
habeat, neque odio aliunde sinistro fine moueatur,
tunc maledictio est licita: sin minus illicita erit, &
aliquando erit iniusta, iuxta ea quae *supra in hac 2.2.*
in materia de caritate q. 25. artic. 8. dicta sunt, & alia
tractatibus praecedentibus.

Tertio modo fit maledictio per modum optan-

tis, seu imprecantis malum alicui. Atque hoc vul-
go consuevit appellari maledictio. Potestque etiam
priuatilicite & illicite fieri. Quando autem licite
fiat, & quando illicite, copiose q. 25. artic. 8. citato fu-
it explanatum, neque est cur, quae propria sunt eius
loci, hoc loco repetantur.

Maledictio hoc modo sumpta, verbis expressa,
si in praesentia alicuius fiat, honorique illius ini-
iuste praedictet, ad contumeliam pertinet, eae-
que ratione ad hunc locum de ea agere spectat.
Quando autem ex hoc capite ad culpam pertingat
lethalem, ex quantitate detrimenti honoris, & ex
aliis circumstantiis concurrentibus, iuxta ea quae
Disputat. 19. dicta sunt, est expendendum. Quod si
maledictio dicatur, ita ut pertentura non sit ad
notitiam eius, cui maledicetur, vel alia ratione
honori eius non praedictet, saltem iniuste, cui
maledicetur, ut si oburgationis causa filius
a patre maledicatur, seruus ab hero, aut discipu-
lus a magistro, tunc non sortitur rationem contu-
meliae.

Ex parte autem mali, quod maledicendo quis
exoptat ei, cui maledicit, si illicite illud ei exoptet,
pertinet maledictio (siue simul sortitur rationem
contumeliae, siue non) vel ad solum odium, quod
caritati aduersatur, ut si per causas naturales aut
alia via non iniusta mortem aut aliud malum illi-
cite illi exoptet, vel pertinet ad iniustitiam, si via
iniusta ex parte eius, qui id desiderat, illud ei exoptet.
Atque pro diuersitate obiectorum qualita-
tisue detrimenti, quod exoptat, pertinebit ea ma-
ledictio ex eo capite ad diuersas species: ut si ma-
lum quod illi desiderat sit corporis, bonorum ex-
teriorum, diuitiarum, aut honoris & famae, vel
boni spiritualis. Quare in confessionibus atten-
dendum examinandumque est, num maledictio
rationem habeat contumeliae, & num ex eo capite
culpa sit lethalis: itemque num maledicendo exopta-
uerit proximo, cui maledicit malum, quod illi
imprecatur, & quale malum illi exoptauerit, num
corporis, vel diuitiarum, vel honoris, aut famae,
vel boni spiritualis, & num id ad odium dundaxat
pertineat contra caritatem, (quod frequentius e-
ueniat) an vero ad peccatum iniustitiae.

Maledictio, siue rationem contumeliae sortiat-
ur siue odii, quia maledicens malum, quod im-
precatur, illi exoptat, cui maledicit, ex suo genere
est culpa lethalis, eo grauior, quo malum, quod
maledicens exoptat, est maius, & quo, attentis
circumstantiis omnibus concurrentibus, plus in
ratione contumeliae honori illa praedictetur. At-
que si maledictio sit in parentem, est specie distincta,
ut pote contra virtutem pietatis. Id quod de omni
contumelia facta parentibus est similiter dicen-
dum. Si vero sit in Deum, in ratione contumeliae
est blasphemia: si autem Deo malum exoptetur,
est odium Dei.

Ex circumstantiis maledictio proximo facta es-
se potest culpa venialis. Ut si malum, quod ei desi-
deratur, sit leue, aut si non ex animo, ut tale aliquid
ei eueniat, maledictio sit in eum iactata, vel si non
ad sit deliberatio ad culpam lethalem necessaria,
neque honori maledictione notabiliter praedictetur.
Hinc maledictiones parentum in filios, hero-
rum in seruos, sine animo vt tale quid eis eueniat,
sed ex ira, aut oburgationis causa, ut conuincitur
fieri solent, non sunt culpae lethales. Idem est di-
cendum, de quacunque alia maledictione, quae si-
ne animo vt tale quid eueniat conicitur in aliquem
alium, quando ei aliquid aliud notabile damnum
non exoptat, neque attentis circumstantiis omni-
bus concurrentibus, ea maledictio notabiliter
praedictetur illius honori. Habet autem id verum,
(quic-

(quicquid Sotus 5. de iust. q. 12. art. 1. in contrarium dixerit) etiam si aliquis diabolo alium commendet sine animo ut tale quid ei eueniat, vt regulariter homines eum animum habere non solent. Quando autem aliquis ex ira se ipsum diabolo commendaret, est sine animo, vt ita eueniret, id faceret, non alderem eum excusare à culpa lethali ob fœditatem, horrorem, ac peruerlitatem rei: eaque de causa, quando id in confessionibus deprehendo, soleo numerum eorum peccatorum interrogare, acriterque vitium id paterno affectu reprehendo. Quando item maledictio in patrem iniiceretur, propter reuerentiam & obseruantiam, quam filij ei debent, præsertim si in faciem illi iniiceretur, excusandum non erit regulariter à culpa lethali. Idem suo modo dic de maledictione suo modo in prælatum, in sacerdotem, aut etiam in herum.

5 Bene autem Caiet. 2. 2. q. 76. dicitur eiusmodi maledictiones omnes in communes proximos obseruat, aliud esse post maledictionem in alium coniectam; continuò non velle vt tale quid ei eueniat; aliud verò non velle, etiam quando conijcitur, vt id eueniat, quasi solo verbo maledicat, (quod Caietanus appellat maledictionem non transire guttur) atq; hoc secundum excusare maledicentem à culpa lethali, quando maledictio est de re graui, neque notabiliter honori præiudicat: illud verò primum eum non excusare à culpa lethali, quando tempore maledictionis verè desiderabat, quod ea maledictione proximo illi inferebatur. Quo loco obserua, maledictionem conijci ex ira, & ex commotione magna animi, non esse indicium sufficiens ad iudicandum peruenisse ad culpam lethalem. Sæpe autem in confessionibus dum rudes aut timoratae personæ examinantur, interrogatae, discernere nequeunt, an animo vt ita res eueniret maledixerint: meliusque pro rei & personarum qualitate id aliquando conijcet prudens confessorius, quam poenitens id sciat exprimere ac confiteri, etiam variè à confessorio interrogatus, dum ex ira & commotione, quam tunc habebat, timet, ne animo vitia eueniret, id dixerit.

6 Vt verò aliquid de maledictione creaturarum irrationalium, aut etiam rationalium inter illas & vnà cum illis, etiam dicamus, obseruandum est: Irrationales creaturas tribus modis, quod ad rem præsentem attinet, spectari posse. Primo per comparationem ad creaturas rationales, ob quas sunt. Secundò, vt sunt effectus & opera Dei. Et terciò secundum se. Primo modo spectatae, varijs modis possunt maledici.

7 Primo, vt ea maledictio in poenam hominis redundat. Et quidem si maledictio sit per modum imperij ac casualitatis, licet ab eo sit, qui talem poenam iuste imponere potest. Hoc modo Deus Gen. 3. in poenam peccati Adami maledixit terræ, reddendo illam minus fœcundam, (quod etiam de illa, in qua paradysum plantauerat, intelligo) quam fuerit condita, futuraque fuisset, quatenus id redundabat in laborem & afflictionem hominum, dicens: *Maledicta terra in opere tuo: in laboribus comedes, & ea cunctis diebus vitæ tuæ, spinas & tribulos germinabit tibi, & comedes herbas terræ.* Et, quasi dicat, non iam de fructibus arboris vitæ, & de alijs pomis paradisi, quæ optima & potentissima erant, ad fine alio tuo & posteriorum tuorum labore conseruandam in magno vigore in integraque ac perfecta sanitate vitam. Simili modo Deuter. 28. comminatur Dominus maledictiones multas filijs Israel in poenam, si mandata eius non custodierint, vt: *Maledictum horreum tuum, & maledicta reliquia tua, maledictus fructus ventris tui, & fructus terræ tuæ, armenta bouum tuorum, & gregum tuorum, &c.* Contrà verò, si custodierint mandata illius, in præmium illis polli-

cetur copiosissimam earundem omnium rerum benedictionem, vt patet id totum caput legentibus. Si verò eiusmodi maledictio sit in modum optantis, fieri licet poterit à quocunque qui licet alicui desiderat poenam in bonis illius, vel malum aliquod in eiusdem bonis intuitu maioris boni, iuxta ea quæ Disput. 25. articulo octauo, citato copiosè explanata sunt. Quo in loco diximus, non valere hanc consequentiam; licet quis potest alicui velle aliquod malum in poenam, aut intuitu maioris boni, ergo licet potest illud ei inferre, quoniam ad hoc secundum iurisdictionem est etiam necessaria, quæ sepe ei deest, qui licet alicui poenam aut aliud malum exoptat. Quòd si per modum imperij ac casualitatis bona alicuius externa ab eo maledicantur, qui id in iustam poenam non potest infligere, vel in modum optantis alicui illi citè desideretur malum aliquod in eisdem bonis, iuxta ea quæ art. 8. citato explicata etiam sunt, tunc culpa interuenit aut venialis, pro quantitate mali, attentiusque circumstantijs omnibus concurrentibus, idque vel contra solam caritatem, vel etiam contra iustitiam, prout fuerint circumstantiæ concurrentes.

Secundò eadem creaturæ irrationales eodem modo spectatae maledici possunt ad aliquid significandum, idque per modum imperij ac casualitatis. Ac tunc, si is, qui ita maledicit, ius habeat ad destruendum talem creaturam, eive nocendum, licita est ea maledictio. Sic Christus, qui Dominus est omnium, Marc. 11. maledixit ficulneæ, in qua fructum non inuenit, quem esuriebat, sed tantum folia, quæ statim à radicibus aruit, ad significandam maledictionem, poenamque grauissimam desertionis Dei, quæ imminere Synagogæ, eo quòd reddere noluerit fructum iustitiæ. Sic etiam in grauissimis criminibus dirui domus & destrui ciuitates malefactorum precipiuntur, saltem seminari, cum præcepto vt in æternum non reedificentur, in signum & memoriam ac detestationem tanti criminis eorum, quorum domus ac ciuitates illæ erant.

8 Terciò creaturæ eodem ferè modo spectatae maledicuntur, non in modum imperij ac casualitatis, sed in modum optantis, nec semper ex animo vt id ita sit, cum quam sapissimè & vt in plurimum, qui eo modo maledicunt, impossibilia imprecantur irrationalibus aut etiam rationalibus rebus, & quæ vident futura omnino non esse, neque curant aut intendunt vt sunt, sed solum exprimere dolorem suum & affectum, quamque indignum aliquid in se sit, vt eueniret, præcisè in se spectatum, vt funestum ac triste, non habita simul consideratione, quòd vtile illud alioquin sit ac valde proficuum, atque ex Dei dispensatione ac prouidentia in fines optimos profectum: qua ratione illi ipsi patienter, quin & grater, tanquam à Deo profectum, vt beneficium singulare, Deique donum ipsis factum, si viri sint sancti, (quorum exempla proferemus) complectuntur. Vnde in eiusmodi maledictionibus hyperboles interuenire solent non modicæ, ad magis ea ratione exprimendum animi affectum, quo ad id dicto præcisè modo spectatum: consuetæque antiquis temporibus fuisse videntur ad planctum & affectum circa mortes & alia infortunia exprimendos: magistræque erant, quæ ex munere habebant alias ducentes ac instruere in cantu lugubri ac lamentabili infortunium exaggerando, laudesque defuncti proferendo, ad idque cum alijs mulieribus & hominibus se conducebant, præfixa nuncupabantur, homines, qui in planctu idem munus exercebant, dicebantur præfici. De eiusmodi autem planctibus tunc consuetis sermo est in scripturis sacris in veteri & in nouo testamento. In eis verò impre-

cationibus, rerum impossibilium mendacia non sunt, non solum quod hyperbolicè dicantur ad exprimendum affectum, sed etiam quod non in orationibus optatiuis aut imperatiuis, sed solum in indicatiuis, quæ solæ enunciatiue nuncupantur, affirmationesque sunt aut negationes, mendacium cerni possit. Sic David 2. Reg. 1. ad exprimendum affectum, quem ipsi & alij illij Israel habere debebant circa infortunium mortis Saul & Ionatæ, atque aliorum fortium Israel, ad illudque exaggerandum, maledixit montibus Gelboe, in quibus acciderat, dicens: *Montes Gelboe, nec ros nec pluvia veniant super vos, neque sint agri primitiarum: quia ibi abiectus est clypeus fortium, clypeus Saul, quasi non esset victus oleo.* Satis autem est perspicuum, Dauidem intellexisse, Deum ea de causa supernaturaliter non effecturum, vt nec ros nec pluvia deinceps caderent in eis montibus, neque colerentur agri, vnde primitiæ Deo offerrentur: præsertim cum in pœnam iustam peccatorum Saulis eas cades ibi permiserit, atque vt Dauid regno Israëlitis potiretur, quem loco Saulis elegerat: neque videtur Dauid id optasse, sed solum ea via exprimere affectum ad dolorem habendum de eo infortunio in se præcisè spectato, seclusis affectibus inde sequutis, finibusque optimis, ob quos à Deo fuit permissum. Maximè quia litera planctus illius tradita fuit à Dauid, vt illij Iuda illo modo plangerent infortunium illud, iuxta morem eius temporis: sic enim

eodem capite 2. habetur: planxit autem Dauid planctum huiusmodi super Saul, & super Ionatan filium eius. Et præcepit vt docerent filios Iuda planctum, sicut scriptum est in libro instrum. Et ait: Considera Israel pro his, qui mortui sunt super excelsa tua vulnerati. Inclui Israel. &c. Facile autem quibus intelliget, eos, qui illum planctum canebant, illoq; modo infortunium illud lamentabantur, non intendisse optare & postulare à Deo, vt in memoriam eius infortunij nec ros nec pluvia caderent deinceps in eis montibus, nec colerentur agri nec essent pascua: sed illa hyperbole optatiua intendisse solum significare affectum & dolorem illius ruinæ, atque ad illius luctum ac planctum more illorum temporum fuisse inuicem excitare. Eodem etiam modo alias hyperboles continet planctus ille ad laudes interfectorum more eorundem temporum, vt est illud: *A sanguine interfectorum, ab adipe fortium, sagitta Ionatæ nunquam redijt retrorsum, & gladius Saul nunquam est reuersus inanis. Saul & Ionatæ amabiles & de cori valde, aquilis velociores, leonibus fortiores.*

Eadem hyperbolica optatiua maledictione Iob capite tertio, maledixit diei, in qua natus fuit, & nocti, in qua fuit conceptus, in multa magna ex parte impossibilia per hyperbolem optatiua oratione exprimens, quæ suis tribus amicis significarent, quanta angustia & quot miseriis esset repletus, ad quas si solum respiceret, & non ad Deum, cuius amore illud patiebatur, & à quo erat illi permixta, atque ad præmium & bonum virtutis, quod perpessio earum afferebat, libenter optasset, se nunquam fuisse natum nec conceptum, mortemque cum vita fuisse commutatam, antequam ad illas deuenisset. In quo sensu Ecclesiastes 4. Salomon etiam dixit: *Vidicalumnias, quæ sunt sub sole, & laudauit magis mortuos, quam viuentes, & feciliorum vtroque, quæ indicant, qui nunquam natus est, nec vidit mala, quæ sunt sub sole.* Quare præterquam quod ea omnia à beato Iob optatiua hyperbole sunt dicta, more tunc in deploratione infortuniorum ac miseria- rum atque in expressione affectus ac doloris confueto; & quod impossibilia ita per hyperbolem optatiue prolata intelligantur, si esse possent; sanè non intelliguntur simpliciter & cum omnibus suis circumstantiis, sed spectatis nudè ac præcisè miseriis illis in se & quo ad angustiam atque afflictio-

Tom. 5.

nem, quam pariunt, seclusis alijs circumstantiis, quod à Deo sint permixta, & eius amore petierantur, & quod bonum virtutis ac præmium patienter perpessa afferant: quo pacto spectate non solum sunt tolerabiles valde, sed & optabiles. Hoc enim modo illas spectatas patientissimè Iob, ingentique cum merito illas pertulerat, vt ex duobus antecedentibus capitibus constat, adeoque per spem firmus in Deo erat, etiam post eas hyperbolicam maledictionem diei suæ, & post eam præmam disputationem cum amicis suis, vt cap. 13. dixerit: *Etiamsi occiderit me, in ipso sperabo. Et cap. 19. Quis mihi tribuat, vt scribantur sermones mei? Quis mihi det, vt exeat in libro styli ferreo, & plumbi lamina, vel cætesculantur in silice? Scio enim, quod redemptor meus viuit, & in nouissimo die de terra surrecturus sum, & rursus circumdabor pelle mea, & in carne mea videbo Deum, quem visurus sum ego ipse, & oculi mei confecturi sunt, & non alius. Reposita est haec spes mea in sinu meo. Quæ verba copiosè exposuimus 1. p. quæst. 27.*

Illud, sub aliorum iudicio, concederem, tam in hac hyperbolica optatiua maledictione, post aduentum, planctum, ac silentium trium suorum amicorum septem illis diebus, quàm in sequentibus, attenta innocentia vitæ suæ, & magnitudine laborum, miseria, tribulationis, & angustiae, quæ se immeritè pati contendebat, volendo stare cum Deo in iudicio, contendereque cum eo, maiora & acerbiora pati, quàm mereretur, (de qua re in fine capitis 39. & initio capitis 42. recognoscit suam insipientiam & culpam, agitque penitentiam) optasse sibi mortem cum vita commutari, vt tam ingenti miseria & angustia liberaretur, vt perspicuè constat ex disputatione cum suis amicis. In quo à perfectissima patientia, vt homo, aliquid defecisse videtur, & fortè cum peccato aliquo veniali: eaque de causa Scriptura sacra duobus capitibus præcedentibus, cum in calce capitis primi, post acerbissimam amissionem bonorum exteriorum, & filiorum ac filiarum, in laudem eximie patientiæ Iob dixisse, *In omnibus his non peccauit Iob labijs suis, neque stultum quid contra Deum loquutus est, & cum ad finem capitis secundi, post sanctissima illa verba ad vxorem accepto insuper vlcere illo pessimo, ex quo sedens in sterquilinio testa faniei radebat, eadem scriptura in commendationem eiusdem eximie patientiæ addidisset, In omnibus his non peccauit Iob labijs suis, de maledictione diei suæ, & de ijs, quæ sequuntur, nihil tale scriptura dicit. Tamest in ijs, in quibus non peccauit, rectum ipsum fuisse loquutum scriptura ipsa capite vltimo testetur: atque non secretum amicos illius fuisse loquutos, quatenus ex iniurijs, quæ Iob fuit perpessus, temere illum iudicarunt hypocritam, peccatoremque occultum, Deumq; hominibus per suam proidentiam non permittere similia mala, nisi in pœnam suorum peccatorum. Quia verò in beato Iob tanta sanctitas atque innocentia adeoque eximia patientia fuit, peccatumque illius fuit ex ignorantia, facile ab illo fuit erutus, facileque illi fuit condonatum, ob suamque eximiam patientiam cum ingenti merito bonis copiosissimis fuit cumulatus, intercessorque à Deo ipso fuit constitutus, vt amicis illius peccata remitterentur, quæ etiam ignoranter, intuituque honoris Dei, Deique partes aduersus beatum Iob defendendi, commiserant.*

Circa illa verba, quibus inter alia Iob diei suæ maledixit: *Maledicam ei, qui maledicunt diei, qui parati sunt suscitare Leuiathan; inter alias expositiones, ea nobis magis probatur, quæ Tenia than dux voces sint in Hebræo eo in loco significantes luctum suum. Vnde sensus illorum verborum est, Maledicam ei, diei scilicet natiuitatis ac conceptus me,*

E

mei,

» mei, qui maledicunt diei, in qua scilicet aliquid triste
 » atque aduersum aduenit, & inter eos illi, qui parati
 » sunt suscitare luctum, id est qui tanquam magistri,
 ducesque aliorum in planctu, prædicatione ac præfice
 ca de causa dicebantur, parati sunt excitare luctum,
 ad illumque prouocare: hi enim consueverunt & locum & diem maledicere, in quo id triste,
 quod plangitur, euenit, quasi dicat Iob, qui maledicere
 solentis diebus, in quibus aliquid aduersum ac triste aduenit,
 inter quos illi præcipui & frequentiores esse solent, qui magistri constituntur
 ad tristitia lugubriaque cantica componenda, & ad alios excitandum ac ducendum ad luctum,
 maledictiones quas inter alios dies conijcere solent, eas omnes in eum diem conijciant. Expositionem
 reliquorum verborum maledictionis, quibus beatus Iob ille dies suæ maledixit, apud expostores
 eius loci legas.

Similis quoque hyperbolica maledictio, longeque durior,
 ac magis exprimentum dolorem, tædium, ac laborem suum,
 legimus apud Ieremiam ca. 20. Cum enim, propterea quod captiuitatem Babyloniam
 prophetasset, percussus fuisset, & in durissimum carcerem fuisset coniectus, atque ab omnibus
 exofus habitus fuisset & quod aliquantulum tardasset euentus, etiam à quondam sibi amicis
 pseudopropheta esset habitus, ac persequutus, adeo ut sanctus propheta in querimonias ad Dominum
 ex impatientsia (ut homo) fuisset conuersus; post excitationem ad laudem & gratiarum
 actionem Deo, quæ d. sibi astitisset tanquam bellator & adiutor fortis,
 eumque eruisset ab omnibus aliis malis, euentuque comprobasset, veram atque
 ex Deo fuisse prophetiam suam, idque verbis illis: *Cantate Domino, laudate Dominum, quia liberavit animam pauperis de manu malorum;* continuo,
 ad exprimentum in quanto tædio, afflictione, ac labore antea fuerit, subiunxit: *Maledicta dies, in qua natus sum, dies, in qua peperit me mater mea, non sit benedicta.* Maledictus vir, qui annunciauit patri meo dices,
Natus est tibi puer masculus, & quasi gaudium lætificauit eum. Sit homo ille, ut sunt ciuitates, quas subuertit Dominus,
 & perierit eum (subuerfas scilicet fuisse, reparari illas permittens, reuocando sententiam subuersionis earum) *Audiat clamorem mane, & plulatum in meridiano, (id est, nunquam deficiat tribulatio in domo eius) qui non me interfecit a vulua, (id est, dum essem in utero materno) ut fieret mihi mater mea sepulchrum, & vulua eius) id est, vterus illius, conceptus æternus (ex quo scilicet nunquam sequeretur partus) Quare de vulua egressus sum, ut viderem laborem & dolorem, & consumeretur in confusione dies mei?* Hæc per hyperbolen propheta ibi, postquam transacta fuit illius afflictio & angustia maxima, ad exprimentum, quantus tunc iplius fuerit dolor, afflictio, ac tædium, & quali exclamatione hyperbolica dignum, si ad illud in se solum oculi conijcerentur, sine aliis adiunctis circumstantiis, quæ eum dolore lenirent ac tolerabilem propter Deum bonumque virtutis ac meritum redderent. Atque quod per hyperbolen illa sint dicta, testatur, quod inique & sine causa propheta exoptaret tantum malum homini illi, qui absque culpa, imò etiam merito, natiuitatem ipsius patri suo nunciasset, & qui non sine graui peccato ipsum necasset in utero materno: maxime cum ignarus tunc fuisset afflictionum & dolorum, qui Ieremiæ erant superuenturi: & cum impediturus ea via fuisset, sanctitatem maximam ac meritum eius propheta. Vnde Hieronymus in eum locum ait; *Quomodo dicuntur hyperbolicè.* Et idem de hac exclamatione Ieremiæ, & de illa alia beati Iob, affirmant Dionysius Carthusianus in eum locum, & in fine commentariorum in 3. cap. Iob. & alij.

» Questione 25. art. 8. citato, diximus, imprecationes

malæ pœnæ, quæ in psalmis & prophetis inueniuntur factæ peccatoribus, ut est illud: *Conuertantur peccatores in infernum, omnes gentes, quæ obliuiscuntur Deum. Constitue super eum peccatorem; & diabolus stet à dextris eius, &c.* Estunt alia similes, vel esse prædictiones spiritu prophetico, ut sit sensus, conuertentur, & constituetur, vel esse imprecationes operatiuas vel imperatiuas, intuitu quod ita iustum sit ut fiat, conformandoque se voluntati diuinæ ea in parte, prophetico spiritu agnitæ. Neque video, cur homines in hac via, iustitie intuitu, & quia ita est dignum ac bonum ut fiat, petere iustitiam ac licitè possint à ministris Dei iustitiam & competentem vindictam, & non eodem modo ac intuitu petere idem possint à Deo. Tamen si consulendum sit, ut potius à Deo postuletur misericordia circa eos, qui nos offenderunt, quippe pœna sunt digni, quam petere ut de illis Deus ipse nos vindicet, iustitiam pœnam illis infligendo. Tum quoniam illud primum postulat misericordia & caritas in eos proximos. Tum etiam quoniam id prouocat misericordiam Dei, ut nobis peccata nostra dimittat, misericordiam suam circa nos exerceat.

Si creaturæ, tam irrationales quam rationales, spectentur secundo modo, nempe ut sunt effectus atque opera Dei, tunc blasphemum esset maledicere illis eo modo spectatis. Quoniam id cederet in iniuriam & cōtemptum Dei, à quo emanarunt: idque etiam si malediceretur diabolus quo ad illius naturam quatenus est effectus Dei. Illud verò Ecclesiastici 21. *Cum maledicit impius diabolo, maledicit ipse animam suam;* non intelligitur de diabolo quo ad naturam, sed quo ad culpam: quod licitum est. Sensus verò illorum verborum est, iudicat se ipsum eodem modo dignum maledictione ob culpam, in qua similis illi est: iuxta illud Pauli ad Rom. 2. *In quo iudicas alterum, te ipsum condemnas: eadem enim agis, quæ iudicas.*

Si autem irrationales creaturæ tertio modo spectentur, secundum se scilicet, tunc quia capaces iniuriæ non sunt, non est culpa lethalis illis maledicere, sed solum venialis ob indecentiam, quæ est eo modo maledicere, & quoniam id vanum, otiosum, atque irrationabile est, ut dicitur Thom. 2. 2. q. 76. art. 2. ait. *Quare, qui iumentis, vento, pluuiæ, & aliis similibus rebus maledicunt, cum regulariter illis secundum se spectatis maledicant, regulariter quoque non peccant lethaliter, sed venialiter.* Hoc loco dicendum post hanc disputationem foret, de pœnis pro delictis contra iustitiam commutatiuam circa bonum honoris, & de restitutione propter damna honoris alieni iniuste data, nisi commodius vtrumque explanaretur inferius, dum de pœnis ob delicta circa bonum famæ fuerit sermo, & de restitutione pro damno famæ iniuste illato.

SVMMARIVM.

1. Omne quod exterius fit, quod iniuste fama alterius pradiiuit, id totum pertinet ad vitium in genere iustitiæ commutatiuæ circa bonum famæ contrarium: actus vero internus voluntatis, quo quis iniuste aliquid tale fieri, aut intentari consentiret, est peccatum internum eiusdem vitij.
2. Non solum committitur peccatum contra iustitiam commutatiuam circa bonum famæ, quando verbo aut facto aliòve signo intenditur læso fama alicuius, sed etiam quando non intenditur, nisi ignorantia probabilis excuset.
3. Detractio parset vitij contra iustitiam commutatiuam circa bonum famæ.

DE VITIO IN GENERE IUSTITIAE COMMUTATIUE CIRCA BONUM FAMAE CONTRARIO, & DE DETRACTIONE PARTE ILLI SUBIECTA.

DISPUT. 23.



Explicitis vitiis, quæ sunt contra iustitiam commutatiuam circa bonum honoris, dicendum consequenter est de vitiis iustitiæ commutatiuæ circa bonum famæ contrariis. Et quoniam à *Disput. 13.* dictum est de parte quadam subiecta huic vicio latissimè sumpto, cuius actus imperati interni sunt, nempe de iudicio temerario, suspitione & dubio temerariis, nunc solum dicendum est de vitiis eidem iustitiæ commutatiuæ circa bonum famæ contrariis, quorum actus imperati externi sunt.

Quemadmodum autem *Disputat. 18.* dictum explanatumque est quicquid exterius fit, quod iniuste honoris alterius præiudicat, id totum pertinere ad vitium in genere iustitiæ commutatiuæ circa bonum honoris contrarium: actum verò internum voluntatis, quo quis iniuste aliquid tale fieri ad intentari consentiret; esse peccatum internum eiusdem vitiij: sic nunc est dicendum, quicquid exterius fit, quod iniuste famæ alterius præiudicat, id totum pertinere ad vitium in genere iustitiæ commutatiuæ circa bonum famæ alterius contrarium: actum verò internum voluntatis, quo quis iniuste aliquid tale fieri aut intentari consentiret, esse peccatum internum eiusdem vitiij. Potest verò (vt etiam circa vitium iustitiæ commutatiuæ circa bonum honoris, est dictum) fieri aliquid exterius, quod iniuste famæ alterius præiudicat, non solum vocalibus verbis & scriptis, atq; aliis signis, vt cornu appendendo foribus illius; in signum quod aliquis adulteratus sit cum vxore illius, similibusq; aliis signis, quæ aliquid significant, quod in infamia illius cecidit, sed etiam factis. Si quis enim ita alapam alteri impingat, aut fuste illum percutiat, vel pedibus illum conculcet; aut barbam illius euellat, vel simile aliud ignominiosum illi efficiat, vt ea contumelia in notitiam aliorum deueniat, sanè non solum contumeliam læsionemq; in honore est passus, sed etiam passus est læsionem ac iacturam in fama & existimatione, quæ de illo habebitur, interim dum iuxta leges mundi non sumpserit competentem vindictam. Paruipenditur quippe in aliorum existimatione, neque coram aliis apparere audebit, existimationem timendo, quæ de illo ea in parte habebitur, vt experientia testatur: longèq; plus id faciet, quàm per eandem contumeliam læsionem sibi esse factam in reuerentia & honore, qui illi debebatur. Idem dicendum est de eo, cum cuius vxore ita adulterium sit commissum, vt in aliorum notitiam commissum id esse deueniat, & de quocunq; alio, qui simili modo contumeliam sit passus. Sicut enim læsio in corpore, & læsio in honore, quæ interdum eiusmodi contumeliis iniuste fiunt, simul sunt contra iustitiam commutatiuam circa bona corporis, & contra iustitiam commutatiuam circa bonum honoris, atque si vtrumque damnum perseueret, obligatio ex commutatiua iustitia cõfurgit restituendi vtrumque: sic quoq; læsio, quæ simul iniuste in fama & in existimatione cõfurgit, pertinet ad distinctam speciem iniustitiæ contra iustitiam commutatiuam circa bonum famæ, cõfurgitq; obligatio restituendi etiam id damnum, si perseueret: quandoquidem si persecutiuè est voluntariè datum iniuste, vna cum læsionibus illius in honore & in corpore. Suntque species

Tom. 5.

illæ tres vitiij ac iniustitiæ sufficienter aperiendæ & in confessione, aut quæ earum simul fuerint reperiendæ, vt *Disput. 18.* explanatum fuit. Multosq; reperiens, qui in contumeliis ad hanc rationem vitiij contra iustitiam commutatiuam circa bonum famæ non attendant, neque ad damnum contra famam eiusdem contumeliis iniuste datum: cum tamen quando contumelia simul honor & fama iniuste læduntur, confurgere solet longè maior obligatio restituendi damnum famæ iniuste datum, quod permanere maiusque esse solet, quàm damnum honoris, vt ex dicendis constabit. Fieri autem factis læsionem in fama, sicut & verbis, inter alios affirmant Adrian. *quodl. 11. quest. 1. lit. D.*

Quemadmodum *Disput. 18.* dictum est, non solum quando facto aliquo aut signo iniuste intenditur læsio honoris, committi peccatum contra iustitiam commutatiuam circa bonum honoris, sed etiam committi idem peccatum, quando ea læsio non intenditur, & tamen inde sequitur, nisi probabilis inuincibilisve ignorantia, quod ea via talis læsio euenire posset, excuset ab ea culpa: sic quoq; in re propolita est dicendum, non solum quando verbo, aut facto, signove alio intenditur læsio famæ alicuius, committi peccatum contra iustitiam commutatiuam circa bonum famæ, confurgereque obligationem restituendi damnum permanens famæ ita iniuste datum, sed etiam quando non intenditur ac sequitur, nisi ignorantia probabilis sit seu inuincibilis, quod ea via euenire posset, quemadmodum à culpa iniustitiæ circa eam læsionem famæ, ita ab honore restituendi famæ damnum excuset. Ratio autem est, quam ibi reddidimus, quia scilicet ea iniusta læsio famæ licet intenta non sit, est tamen voluntaria, imputatiueque volita, quod sufficit ad rationem vitiij ac culpæ, & ad obligationem restituendi damnum ita culpabiliter contra iustitiam datum. Vt tamen ibidem subiunximus, id damnum non esse intentum, non parum extenuat rationem culpæ, fierique interdum poterit, vt ex eo capite culpa, quæ alioquin esset lethalis, solum sit venialis. Prudentis autem arbitrio ibidem subiecimus, spectatis cæteris circumstantiis concurrentibus, esse iudicandum, quando tunc culpa ad lethalem perueniat: regulamque adieciimus vnde id melius posset iudicari. Quæ omnia vt in damno ita præter intentionem iniuste contra honorem dato locum habent, ita habent locum in damno circa famam similiter præter intentionem iniuste datum, eaque de causa non plus in hac re explicandæ immoror.

Eadem *Disputat. 18.* dicebamus, quod per se hoc vitium distinguitur specie à vicio contrario iustitiæ commutatiuæ circa honorem, esse quod in vicio hoc iniuste læditur fama, in illo verò læditur iniuste honor: quod verò in præsentia aut absentia lædatur, per accidens esse quo ad distinctionem horum vitiiorum attinet. Vnde ibidem ostendimus, vitium hoc in præsentia eius posse committi, cuius fama iniuste læditur, vt si vitium illius coram illo aliis manifestetur iniuste, aut etiam falsò, aut si contumelia illi fiat, quæ existimationem ac famam illius lædat. Lege quæ ibi copiosius hac de re dicta sunt.

Non habemus nomen, quo hoc totum vitium contra iustitiam commutatiuam circa bonum famæ significetur. Pars quædam illi subiecta detractio dicitur. Et quauis, si ad vim huius nominis, ad verbumque vnde id nomen deriuatur, attendas, sanè ad significandam detractioem cuiuscunque rei atque de quacunque re fuerit impositum, atque per translationem accommodatum sit ad significandam detractioem famæ iniuste

E 2

atq;

atq; in malam partem, potuissetque proinde ea ratione transferri & accommodari ad significandum totum hoc vitium; si quidem eo vitio toto signo aut facto iniuste detrahitur de fama proximi, eave iniuste læditur; ex vñs tamen accommodatione solum significat detractionem iniquam & iniustam verbo vocis, aut scripto, famæ alterius: & qui id vitium verbo vocis, aut scripto, committit, detractor dicitur. Hispanè *murmuracón* vitium hoc nuncupatur, & qui illud committit, *murmurador*. Videturque vsurpatio harum vocum Hispanè ad id significandum, à murmure vocabulo latino, & à murmuracione originem traxisse: quòd vocis murmur interuenire soleat, dum id vitium committitur.

SVMMARIVM.

1. Nocumentum famæ alterius inferri potest sine peccato, quando ita est necessarium ad eruendum eum à peccato cuius famæ detrimentum inferitur, aut ad impediendum peccatum illius.
2. Item, quando nequitia eius cuius fama præiudicatur, ita est omnino necessarium ad malum impediendum, quòd recipi aut priuato alicui imminet, licet inde nullum spirituale commodum eius, cuius famæ id detrimentum inferitur, speretur.
3. Item, quando ad liberandum innocentem necessarium esset reuelare crimen occultum eius, qui verè nocuit.
4. Item, quando licita est accusatio de peccato alieno occulto, aut quis tenetur, vel licet potest de illo testificari, aut denunciare à iudice interrogatus vel non interrogatus.
5. Item, in penam iustam delicti ab eo commissi potestas publica licetè aliquem infamat.
6. Item, quando ita expedit bono communi, aut etiam bono eius qui infamatur.
7. Quando de vita & moribus requiritur, ad magnum aliquod emolumentum inquiritur, tunc nefas est detegere peccata eorum occulta, de quibus ad eum finem inquiruntur.
8. Quando aliquid ita requireretur aliquibus, ijsse qui ad id eligerentur, dummodo tales vel tales habeant conditiones, ita vt si eas conditiones non habuerint, ius ad id non habeant, tunc licet istos defectus, licet paucis notos, detegere.
9. Licet etiam historiographis aliquid plus scribere in historiis, quòd ad infamiam aliquorum, de quibus scribunt spectat.
10. Quando in lesione propria fama peccatum interuenit contra caritatem & non contra iustitiam, id non attinet ad vitium iustitiæ commutatiue circa bonum famæ contrarium, sed ad vitium propriæ caritati contrarium.

IN QVIBVS EVENTIBVS ABSQVE
vitio, atque adeò licetè, nocumentum famæ
alterius inferatur.

DISPV. 24.

Nequm vitium iustitiæ commutatiue circa bonum famæ contrarium, partesque illius, magis explanemus, explicandum est, in quibus eventibus absque vitio atque adeò licetè famæ alterius nocumentum inferatur. Quia enim sæpe absque vitio fieri potest, idcirco initio præcedentis disputationis, explicando hoc vitium, dictum est; quicquid exterius fit, quod iniuste famæ alterius præiudicat, id totum pertinere ad vitium in genere iustitiæ commutatiue circa bonum famæ contrarium.

Primum autem id licetè & absq; peccato fit, quando ita est necessarium ad eruendum eum à peccato, cuius famæ detrimentum inferitur, aut ad impediendum peccatum illius. Tunc enim licetè manifestatur peccatum illius occultum cum detrimento famæ eiusdem, aut alia via præiudicatur licetè famæ illius: præcisè tamen quantum est satis ac necessarium ad eum effectum. Id verò inde originem habet, quoniam præponenda est vita spiritualis illius, illumq; Deum non offendere, famæ eiusdem. Quia tamen non maius detrimentum licetè inferri potest famæ illius ad eum effectum ac finem, quam necessarium ad illud obtinendum sit, seruari debet ordo correctionis fraternæ in euangelio præscriptus, quo ad fieri poterit, atq; sufficere sperabitur ad eum finem intentum, vt in materia de correctione fraterna copiosè à nobis fuit explicatum. Ordo quippe ille correctionis fraternæ in eo naturali iure fundatur, indeq; originem trahit, quod correctio proximi in bonum spirituale illius fieri debet cum minori iactura illius possibili, vt naturæ lumen præscribit. Lege circa hunc euentum, quæ diximus *suprà* Disp. 5. §. eod. modo.

Secundo idem licetè fit, quando nequitia eius, cuius famæ præiudicatur, ita est omnino necessarium ad malum impediendum, quod reipublicæ aut priuato alicui imminet, estò inde nullum spirituale commodum eius, cuius famæ id detrimentum inferitur, speretur, tantum præcisè famæ illius præiudicando, quantum nequitia illius ad id fuerit necessarium, vt *Disput. 5. §. dixi supra*, hoc totum explanatum copiosè fuit. Illa legas.

Ex hoc & ex priori euentu sequitur, si famulus deprædetur dominum suum, aut filius patrem, neque aliter id damnum impedire possit, quàm domino aut patri reuelando, tunc reuelare ei debere, nihil impediens iactura famæ illius malefactoris, & punitione aliquali, quæ eidem malefactori ex eadem reuelatione immineret. Quoniam id totum postponi debet salutari spirituali illius, impeditiue, aut peccatorum, quæ, si id non reuelaret patri aut domino, ille ea ipsa in re continuabit, & quòd impediatur id temporale damnum talis patris aut domini, quòd culpa eiusdem malefactoris adhuc pendet in futurum. Si tamen satis esset admonere patrem, aut dominum, vt aliquid efficeret, vnde impediretur id damnum, sine reuelatione malefactoris, id solum fieri tunc deberet. Quando ex reuelatione malefactoris timeretur mors illius iniusta, aut maius malum illius, quam esset detrimentum temporale patris aut domini, reuelari tunc id delictum non deberet. Hæc eadem similiter intellige, quando filius aut domesticus inhonestè viueret, neque aliter speraretur vitanda peccata quæ pendunt in futurum, quàm reuelando rem patri aut domino.

Propter eandem rationem, si aliquis se fingeret optimum medicum, aut idoneum ad aliquid aliud, ad quod idoneus non esset, idque vergeret in præiudicium alicuius, si admonitus desistere ille non vellet, licitum esset detegere, tale illud non esse, quantum satis esset, vt id damnum impediretur, estò illius existimatio minueretur. Imò verò, estò ille non se fingeret ad id idoneum, & alius vt ad id illo vellet, ignorans idoneum ad id illum non esse, illicitum esset detegere, idoneum illud ad id non esse, vt euitaretur damnum illud proximi.

Eadem ratione si aliquis mihi, amico meo, aut cuius alteri proximo, imponeret aliquid, aut contra iuris ordinem accusaret, vel testificaretur, ita quòd iniuste ego aut proximus maneremus ab eo infamati, alterive notabili periculo obiecti, sanè quando aliter repellere non possemus eam infamiam aut damnum, fas esset, vim vi repellendo, extenuare illius famam, quantū satis esset ad expellendam

lendam iniuriam ab eo nobis illatam: non quidem falsa illi imponendo, aut aliquid in vindictam illi obijciendo, vel aliquid contra famam atq; existimationem illius obijciendo, vel efficiendo, quod nihil ad nostram defensionem & ad nostræ famæ purgationem inferuiat, sed solum quod ad hæc inferuiet.

3 Tertio, quando ad liberandum innocentem, necessarium esset reuelare crimen occultum eius, qui verè nocuit ac deliquit, licitum esset illud reuelare cum detrimento famæ illius, & cuiusvis alterius pœnæ, cui ea reuelatione subijceretur. Verbi gratia, Petrus crimen occultum commisit, quod Ioanni imputatur, ita quod vita, fama, aut aliud notabile bonum Ioannis periclitetur, nisi detegatur Petrus id crimen commississe; tunc dico, tertium, qui sciuerit, non Ioannē, sed Petrum id crimen commississe, teneri illud detegere præcisè quantum satis sit ad liberandum Ioannem innocentem ab eo periculo ac detrimento: modò tamen id nō sciuerit per secretum commissum in euentu, in quo iuxta dicta *Disp. 5.* teneretur illud seruare. Ratio autem est, quoniam præponderare apud eum tertium debent fama & bonum innocentis, quam hæc ipsa nocentis, quiq; dignus suo delicto est, vt detrimentum in illis subeat, neq; tunc vlla iniuria in eo sit nocenti. Ita Nauar. *c. inter verba m. 702.* in Commentario Hispano. Admonendus tamen esset nocens, vt se collocaret in loco tuto antequam detegeretur, quando id sufficeret vt innocens liberaretur à periculo, in quo est.

4 Quartò, quando licita est accusatio de peccato alieno occulto, aut quis teneretur vt licitè potest de illo testificari, aut denunciare à iudice interrogatus, vel etiam nō interrogatus, iuxta ea quæ quo ad hæc omnia tractatu sequenti explicanda sunt, licitè præiudicatur famæ talis peccatoris detegendo peccatum illius occultum. Pro bono quippe communi, & vt delicta impunita non maneant, atq; sicut vel suorum iniuriam prosequendo, iustam vindictam ac compensationem iniuriæ sibi aut suis illatæ postulando, hæc licent: & aliquando, qui tale peccatum detegit, ad id tenetur.

5 Quintò, in penam iustam delicti ab eo commissi potestas publica licitè aliquem infamat. Sicut enim pro delicto commissio licitè malefactor punitur in corpore, & in bonis suis externis: ita etiam puniri iustè potest in bonis honoris & famæ, vt *Disp. 18.* dictum etiam fuit.

6 Sextò, quando ita expedit bono communi, aut etiam bono eius, qui infamatur, licitè præiudicatur eius famæ, detegendo crimina & defectus illius, tantum præcisè, quantum ad id fuerit expediens ac necessarium. Vt si aliquis sacros ordines petat, aut beneficium ecclesiasticum, aut aliud munus, sitq; indignus propter delictum occultum, ita vt promoueri, conferri ei beneficium ecclesiasticum, aut præci alicui muneri, perniciosum futurum sit bono cōmuni, aut salutis spirituali eius, qui id petit, aut cui id conferri paratur, quia incidit in baratrum delictorum, quæ multum Deum offendant, dedeçant id administranti, & cedant in scādalum aliorum, detegendum tunc est id crimen illius occultum, non solum quando de eo inquiritur, sed etiam quando de eo non inquiritur: modò tamen ex ea deteção fructus speretur: & modò id fiat cum quàm minima iactura famæ illius fuerit possibile. Ratio autem est, quoniam præponi debet commune bonum, aut etiam spirituale eius peccatoris, famæ eiusdem.

7 Quando autem de moribus & vita alicuius inquireretur ad gradū in aliqua vniuersitate sumendum, (vt in Euorensi academia, quæ Ecclesiastica est, statutis illius sit) vel de moribus ac vita alicuius fœminæ inquireretur, vt illi elemosyna, qua

Tom. 5.

nubat, conferatur; quoniam talis elemosyna relicta aut constituta sit, vt solum elargiatur fœminis honestè viuentibus, vel quando de vita & moribus alicuius ad aliud simile inquiritur; tunc nefas esset detegere peccata eorum occulta, de quibus ad eum finem inquiritur, sed solum fas erit detegere ea peccata, de quibus ille laborat infamia: quoniam illi soli, qui de eis criminibus infamia laborat, intendi videntur excludi ab eis gradibus, ab ea elemosyna aut ab alia simili re, ad quam ea morum honestas exigitur. Neq; quacunq; de causis fas est detegere peccata secreta, aut de illis licitè inquirere: eo quod pluris facienda sit hominum fama, quæ aliquo multum necessaria est ipsis ac reipublicæ, quàm vt ob similes res liceat præiudicium illi asserre. Qua de causa in *materia de elemosyna q. 32. art. 9.* dicebamus, nefas esse inquirere peccata pauperum occulta ad eos, qui probi sint, eligendos, vt eis potius, quàm aliis, elemosyna conferatur: peccatumque esse lethale, cum ea de causa illa inquirere, tum etiam eadem de causa illa detegere: solumque fas esse illa de causa ea peccata inquirere ac detegere, de quibus est saltem infamia. A regula tamen tradita exciperem, quando ex susceptione talis gradus iustè timeretur notabile detrimentum boni communis & periculi animarum, vt si ob eum gradum is assumere tur ad munus, vnde periculum immineret animarum, aut si graue scādalum immineret ex eo; quòd ille ad eum gradum esset promotus, vt si peccatum illius occultum sit tale, quod verisimiliter fieri posset publicum, relabatur is postea in illud magno cum dedecore gradus, & scādalo, quòd is, qui ad eum gradum assumptus est, talis sit moribus: id quod facili eueneri potest, præsertim si gradus sit doctoris in sacra Theologia. In hoc tamen euentu, non quia statutis vniuersitatis sit sancitum, vt inquiratur de moribus illius, qui eum gradum voluerit suscipere, fas est tale crimen occultum detegere, sed quoniam natura ipsa rei, caritas, ac recta ratio postulant, vt pro bono communi id crimen detegatur, modo ex ea deteção fructus speretur.

8 Illud est obseruandum; quando aliquid ita relinqueretur aliquibus, in seque ad id eligeretur, dummodo tales vel tales habeant condiciones generis, vel alterius similis rei, ita vt si eas condiciones non habuerint, ius ad id non habeant, incapacesq; proinde ad id sint; tunc, est eo eiusmodi defectus paucissimis noti sint, licitum est illos detegere. Quoniam agitur de euitando præiudicio tertij, & simul sepe de euitando peccato ac iniustitia eius qui id intendit, vt si eos suos defectus sciat, & nihilominus id intendat: eaq; lege censetur se ad illud opponere, aut illud intendere, vt quicquid de illo ea de re sciat, detegatur. Quando tamen aliquis, ignorans se eo defectu laborare, defectusq; is esset occultus; tunc is, qui eum defectum sciret, teneretur admonere eum, qui id intendit, vt prius, quàm de eo inquireretur, aut quàm inquisitio absolueretur, desistat ab ea re intendenda. Si autem ille desistere non vellet, teneretur eum defectum illius detegere.

9 Pro bono item communi, quod ex historiis resultat, aliquid plus licitè est historiographis scribere in historiis, quod ad infamiam aliquorum, de quibus scribunt, posterorumque ipsorum spectat, quàm aliquo illis liceret, vt in sequentibus dicemus.

10 Illud quoq; est obseruandum, quando in læsione propriæ famæ, aut alicuius alterius, peccatum interuenit contra caritatem, & non contra iustitiam, vt sæpe interuenire liquebit in sequentibus, id non attingere ad vitium iustitiæ commutatiæ circa bonum famæ contrarium, ex quo solo confurgit obligatio restituendi damnum in alterius fama datum,

E 3

datum, sed pertinere ad vitium caritati propriæ aut proximi contrarium: eaque de causa *Disputatione præcedente*, explicando vitium iustitiæ commutatiuæ circa bonum famæ contrarium, diximus; quicquid exterius fit, quod iniuste famæ alterius præiudicet, id totum ad id vitium pertinere.

S V M M A R I V M.

1. Quid sit *sufurratio* & *sufurro*: & quomodo *sufurro* à detractore differat.
2. Qui detrahendo amicitiam perturbant, non solum si sua detractioe eum effectum intendant, sed etiam illum non intendant, sint tamen illius causa voluntaria, duplici peccant peccato.
3. *Sufurro* aliquando sine vitio detractiois potest peccare contra caritatem, tum eius cui illa detegit, tum eius de quo ita *sufurrat*, dum occasio est, vt detrimenta illi sequantur.
4. *Sufurratio*, quæ præiudicium iniuste amicitiae affert, est species infamiae.
5. Quis sit *bilinguis* & duplex lingua.

DE SUSURRONE ET BILINGVI.

D I S P U T. 25.

Sufurratio propriè est murmur sonus non vehemens, sed tenuis, vt sunt aquarum decurrentium ac ventorum murmura, apud soni seu murmura, quæ *zumbido* hispanè dicimus, & sunt similes alij tenues verborum soni, qui ad aures nostras perueniunt. Et quia detractores, maxime dum timent ab eis audiri, quorum famæ detrahunt, aut ab alijs, qui id ad eos deferre possint, solent summissè loqui, ita vt quasi murmur tenuisve sonus verborum ipsorum deueniat ad eos, quibuscum ita loquuntur de alijs detrahendo, aut ad aures aliorum, qui non longè distant, idcirco detractores nuncupati sunt *sufurrones*: illi præsertim, qui ea de alijs reuelant, quæ pacem, amicitiam, ac beneuolentiam perturbare possint inter eos, quibus illa reuelant, & eos de quibus reuelantur, qui *gismeros*, & actus, quibus reuelantur, *gismes* Castellànè dicuntur: Lusitanè verò *mixercheros* & *mixericos*: vnde nauicula illa, velox in nauigando, quæ a portare solet nuncia, peruenisse naues Indicas ad insulam Angræ, & quæ peruenire solet apportando similia alia nuncia, *amixeriquera* in Lusitania nuncupatur. Hinc *sufurro* & late sumi potest pro detractore: vnde *Isidorus* 10. lib. Etymol. 27. *Sufurro* de sono loquutionis appellatur, qui non in facie alicuius, sed in aure loquuntur detrahendo, & glossa in illud Ecclesiastici 5. Non appellaberis *sufurro*, aut, id est *detraitor*: & potest sumi pressè pro eo, qui ita detrahit, vt amicitiam, beneuolentiam, ac pacem perturbet. Vnde glossa in illud ad Rom. 1. *Sufurrones*, detractores, ait, *sufurrones* inter amicos discordias seminantes: detractores, qui aliorum bona negant aut minuant, subaudi, aut alter proximi famam iniuste minuant.

Qui detrahendo amicitiam, beneuolentiam, pacemque perturbant, non solum si sua detractioe eum effectum intendant, sed etiam si illum non intendant, sint tamen illius causa voluntaria, quia attendere potuerunt ac debuerunt inde sequi posse, nec illum vitare curarunt, duplici sane peccant peccato, necessario apertendo in confessione, si verum sit, attentis circumstantijs concurrentibus, prudentis arbitrio ad culpam perueniat lethalem. Vno vitij iustitiæ commutatiuæ circa bonum famæ contrario. Et altero læsionis iniustæ beneuolentiæ ac amicitiae proximi: quæ læsio ac damnum

si permaneat, obligatio est in foro conscientiae illud compensare, non minùs, quàm damnum fame eadem detractioe iniuste datum. Satis enim est, si is effectus voluntarius fuerit, qui euitari potuit ac debuit, nec fuit euitatus, vt censeatur imputatiue iniuste volutus, ac proinde vt in eo detractioe actui interueniat noua illa alia species vitij ac iniustitiæ, & vt obligatio sit restituendi id aliud damnum permanens, estò intentum non fuerit. Imò addo, si inde etiam vterius damnum aliud sequatur, vel læsionis in corpore, aut in bonis externis eius, de cuius fama est detractio, quia is, apud quem est detractio, inde permotus fuit ad illi nocendum in corpore aut in bonis externis, saltem expellendo illum à commodis, quæ ex ipso habebat, habiturivse erat; sanè ea detractio ac *sufurratio* adiunctas etiam habet has alias species vitij atque iniustitiæ circa bona corporis & circa bona externa, necessariò in confessione aperendas, si voluntariæ fuerunt, quia *sufurro* attendere potuit ac debuit ex sua *sufurratioe* sequi ea damna posse, tenebaturque tunc compensare illi ea damna, saltem in defectum principalis malefactoris, si alius iniuste tanquam causa principalis ea damna intulit.

Hoc loco obserua, *sufurronem*, & eum præsertim, quem Hispanè *gismero* dicimus, aliquando sine vitio detractiois *sufurratio* nibus, detractioe ve eorum, quæ vnus de alio dixit, aut quæ in offensionem illius fecit, peccare posse grauius contra caritatem, tum eius, cui illa detegit ac significat, dum occasio ea ratione est, vt succenseat in eum, qui illa in sui offensione dixit aut fecit, de eoque vindictam sumere velit, aut etiam reipsa sumat: tum etiam contra caritatem eius, de quo ita *sufurrat*, dum occasio est, vt detrimenta illi sequantur. Quando tamen compertum non fuerit peccasse contra iustitiam, sed solum contra caritatem, quatenus verum dixit, neque detraxit famæ eius de quo illa dixit, quia erant publica, aut aliqua alia ratione, sed solum peccauit contra caritatem, quia significare illa non debebat tunc illi, cui illa significauit, solumque ea narratione fuit occasio, & non causa, vt ea detrimenta illi alteri sequerentur, tunc ad nullam restitutionem eorum detrimentorum illi tenetur. Si autem non indebite illa tunc narrauit ac detexit, sed licite spectatis circumstantijs omnibus concurrentibus, tunc neque contra caritatem peccauit, quicquid inde iuste aut etiam iniuste præter suam intentionem atque spem fuerit ea occasione sequutum. Dixi supra, præsertim eum, quem Hispanè *gismero* dicimus, quoniam licet forte *sufurro* is solus latine dicatur, qui famæ alterius modò explicato iniuste detrahit; Hispanè tamen *gismero* is dicitur, qui quacunque ratione id non debuerat ei detegere, qui obiurgare, punire, aut indignari ea de causa poterat: & aliquando ad eum etiam extenditur, qui iure optimo id facit.

Obseruat Caiet. 2. 2. q. 74. quamuis variæ amicitiae species distinguantur, ratione vtiles, ratione delectabiles, vt inter coniuges, & ratione honesti, *sufurrationem* nihilominus, quæ præiudicium iniuste amicitiae affert, esse speciem infamiae, Quoniam *sufurratio* per se tendit ad lædendam mutuam amicitiam ac beneuolentiam per accedens verò quo ad id est, quod amicitia inter eos, inter quos læditur, sit ratione vtiles, delectabiles, vel honesti. Et quoniam sicut ratio odij proximi est species infima, nihil impediens diuersitate malorum, quæ ex odio quis desideret proximo, sine tamen iniustitia ea in re aduersus eum distincta inter se sint specie. Fatetur tamè, quod si *sufurro* ordinet læsionem amicitiae inter coniuges, vt

ca via

ea via facilius cum vxore eius mariti adulteretur, peccare etiam peccato adulterij ex relatione lætionis eius amicitia ad illum alium malum finem delicti specie distincti: si verò ordinet lætionem amicitia inter aliquos ratione lucris, vt impediatur lucrum alicuius, committere etiam speciem iniustitie circa bona externa, quo ad id iniustum datum, tali susurratione intentum. Obserua tamen, & in susurratione præter vitium iniustitie contrarium iniustitie commutatiua circa bonum famæ, si in ea susurratione lætio famæ iniusta interueniat, si ea via simul interueniat amicitiam ac benevolentiam lædi ac dissolui, siue susurro id intendit, siue non, sed solum ex leuitate detexit id, vnde præter intentionem suam sequutum sit lædi amicitiam ac benevolentiam, cum tamen attendere potuerit ac debuerit, eum prauum effectum ac damnum ex sua susurratione sequi posse, peccare, vel contra caritatem, vel etiam contra iustitiam, si iniuste id dixit ac detexit, vnde talis effectus sequutus est, peccato alterius speciei iniustitie quo ad eum effectum: itemque si inde vltierus sequutum sit damnum aliud iniustum, vt læsionis in corpore, quo maritus percussit vxorem, vel alius amicus suum amicum aut proximum, vel separationis matrimonij, vel damni illati in bonis externis, peccare quoque peccato iniustitie specie distincto comparatione talis effectus, prout fueritis effectus, nempe contra bonum corporis, vel contra bonum externum, modo tamen is, ex cuius susurratione id damnum sequutum est, attendere potuerit ac debuerit id damnum sequi posse. Itaque à Caietano dissentimus, quod vt in susurratione interueniant hæc etiam rationes peccati atque iniustitie, necesse non est, vt intendatur ea susurratione, & vt ad eos effectus à susurrante ordinetur ea susurratio, sed satis est, quod inde hi effectus nati sint sequi, & quod susurrator attendere potuerit ac debuerit posse sequi: id enim satis est, vt sint voluntarij, ac proinde imputatiue censentur ab eo voliti, & per consequens vt ea susurratione peccauerit simul peccatis omnium earum specierum, & vt restituere teneatur ea omnia damna iniuste data, si inde sint sequuta ac permaneant. Ad primum ergo vnde Caietano, & quidam alij ducuntur, vt contrarium censent, dicendum est, in primis, vt in susurratione ea ratio formalis vitij reperiatur, quam ipsi admittunt, necesse non esse, quod susurrator intendat lædere mutuam benevolentiam & amicitiam inter illos, sed satis esse, quod ex ea susurratione sit natum id sequi, & quod potuerit ac debuerit attendere id posse sequi, licet id non intenderit, sed ex leuitate id narrauerit, aut ex appetitu ei placendi, cui id narrauit, vt dictum est. Dicendum deinde est, quod licet per accidens sit, quod amicitia, cui susurratione læditur, sit ratione utilis, delectabilis, vel honesti, si tamen damna in corpore aut in bonis externis, sint nata sequi ex læsione iustitiae amicitia, quæ censentur imputatiue ea susurratione volita, id satis esse, vt in ea susurratione interueniant etiam illæ alie species iniustitie. Ad secundum verò neganda est similitudo: quoniam in re proposita iniustitia interuenit in his effectibus imputatiue volitis, & quorum susurratione data est causa iniuste: iniustitia autem circa bona corporis distincta est specie ab iniustitia circa bona externa.

5 Vt verò reliqua, quæ de susurratione addenda, sunt, cum sermone de bilingui miscamus, observandum est: Bilinguem eum dici, qui circa eandem rem duplici vitur lingua, contrario modo vitiose de eadem re loquens. Dixi, vitiose: quoniam si iusta de causa sententiam mutet, & eque de causa contrario modo de eadem re loquatur ac antea fuerat loquutus, id non est bilinguem

esse, vt vitium denotat, & vt communiter id vocabulum vsurpatur. Si autem quis contrariè de eadem re loquatur ex inconstancia, & ob aliquod commodum, quia non audeat displicere alicui, aut quia adulari ac placere alicui vult, vel intuitu pecunie, vel alterius commodi, vel ob vitandum incommodum aut periculum, quod timet, vel quancumq; alia de causa; tunc, esto vitium susurrationis non interueniat, bilinguis dicitur. Susurro autem bilinguis esse solet, de eadem re coram vno loquendo vno modo, & diuerso ac contrario modo loquendo de ea coram alio, apud quem detrahit de priori, causasque odij ac discordiæ seminat. Interdum etiam ita inter duos se gerit, vt vni adulteretur rectè de eo loquendo, & detrahat apud illum de alio; & vicissim accedat ad eum, de quo detraherat, illique adulteretur, rectèque de eo loquatur, & detrahat apud eum de illo alio, sicque mutuas discordias prauasque exstimationes inter illos seminat. Hispanè bilinguis *hombre de dos lenguas*, & *cara de dos fazes* dicitur: maximeque posterior hic loquendi modus vsurpatur, quando vno modo loquitur apud vnum, & diuerso ac contrario loquitur apud alium. De bilingui in genere loquitur Sapiens Ecclesiastici secundo, id vitium dissuadens, dum ait: *Non ventiles te in omnem ventum, & non eas in omnem viam.* Sic enim omnis peccator probatur in duplici lingua. Quamuis autem quidam affirmant in illis verbis; *Non ventiles te in omnem ventum*; in textu græco non esse illud pronomen, re: legitimum tamen sensum eius loci exprimit. Metaphora enim illa ventilationis, qua paleæ separantur & expelluntur à grano in contrariam partem ei, ex qua ventus perflit, admonet sapiens vnumquemque nostrum, vt fugiat bilinguem esse, dicens: *Non ventiles te in omnem ventum*, si nens te inconstanter pertrahi verbis tuis ac sententia in partem, quam auram placendi alius, consequendi aliquod commodum, aut fugiendi aliquod damnum postulat, quasi obseruans eum ventum, vt illi te accommodes & sequaris dictum illius. Et quia paleæ ducuntur vento, neque in eam potestate est eo modo ab eo non duci ac pertrahi: in nostra autem potestate est, sequi aut non sequi auram commodi obtinendi, aut incommodi fugiendi, ea Metaphora nos admonet, vt non ventilemus nosmet ipsos in omnem ventum, sequendo nostra sponte eam auram. Idem autem est, quod sequitur verbis illis proximè subiunctis, *Et non eas* (verbis scilicet tuis & sententia tua: ea enim de re loquitur, vt patet intuitu sequentia in eo capite) *in omnem viam*, (qua videlicet ducit idem intuitus commodi consequendi aut damni vitandi) *sic enim omnis peccator* (qui scilicet constans non est in verborum rectitudine ac sententia, de quo solo est sermo) *probat in duplici lingua*. Duplex enim lingua, qua inconstanter ita vitur, probat eum peccatorem. Et paulò inferius de susurrone, qui bilinguis esse solet, subiungit ibi idem sapiens: *Non appelleris susurro in vita tua, sed fugias omnino talis esse, & talis appellari, & lingua tua ne capiaris*, vt te deprehendant susurronem, & confundaris. Super firem enim est confusio & penitentia (quod talis scilicet sit agnitus & notatus) *super bilinguem* (susurrando scilicet). Quia enim detrahetur susurrando nocet proximo suo in bono famæ, quod præstantius est, quam bonum externum diuitiarum, in quo furi nocet, neque ductus necessitate & utilitate aliqua; ita susurro nocet in fama alterius, quem ad modum fur nocet necessitate ductus vt habeat vnde sustentetur & transigat hanc vitam, (qua de causa *Proverbiorum* sexto dicitur: *Non grandis est culpa, cum quis furatus fuerit; furatur enim, vt esurientem impleat animam*) idcirco merito hoc loco dicitur, maiorem confusionem & dolorem ac peiorem notationem subire deprehensum bilinguem

guem susurrando, quàm subeat is, qui deprehensus est fur. *Susurratori autem odium, & inimicitia, & contumelia*, dum scilicet bilinguis ac susurrator fuerit deprehensus. Et *Proverb. 26. habetur. Cum defecerint ligna, exstinguetur ignis*, (quia scilicet eis nutritur ac sustentatur) & *susurrone subactio, iurgia conquiscentur*, quæ ab illo inter amicos & proximos excitantur, fouentur, ac nutriuntur, sua bilingui detractio. Et paucis interiectis; *Verba susurrone quasi simplicia*, (cùm tamen bilinguis sit, callideque loquatur) & *ipsa perueniunt ad intima cordis*, ubi lædunt & exulcerant, posteaque dolorem non modicum generant, dum eis blandis verbis, quæ simplicia videbantur, decepisse intelligitur. Et capit. 18. in eodem sensu dixerat: *Verba bilinguis quasi simplicia, & ipsa perueniunt vsque ad interiora ventris*. Et Ecclesiastici 28. *Susurro & bilinguis maledictus: multos enim turbauit pacem habentes*. Lingua tertia (bilinguis videlicet, qui inter duos, quos sua susurratione excitauit ad malè de se inuicem loquendum, atque ad se inuicem odio prosequendum, ideoque lingua ipsius tertia ita susurrando inter eos dicitur, Contumeliosus verò Codex habet, lingua duplex, id est bilinguis) multos commouit & dispersit de gente in gentem, (in causa illis existens, vt vt deserere cogerentur proprium locum, alioque commigrare) ciuitates diuitiarum destruxit, (ob rixas & odia ab illa excitata) & domus magnatum effodit. Multaque alia mala, quorum causa esse potest ac solet, commemorat ac prosequitur in eo capite.

SVMMARIVM.

1. Grauius est vitium ex suo genere, vitium contrarium iustitiæ commutatiuæ circa honorem, quam vitium iustitiæ commutatiuæ circa bonum famæ contrarium.
2. Susurrone bilinguūve vitium in suo genere grauius est quàm contumelia & detractio, quia est contra amicitiam, quæ in suo genere est maius bonum quàm honor.
3. Vitium commutatiuæ iustitiæ circa bonum famæ contrarium licet ex suo genere culpa sit lethalis, ex circumstantiis tamen poterit esse solum culpa venialis.
4. Non semper detractio de rebus venalibus est culpa venialis nec semper de rebus lethalibus lethalis.
5. Non infertur vlla iniuria ex eo, quòd de illo qui maiorem habet famam quàm par sit, proferatur iudicium verum ea de re ex eo, quæ in illo apparent, non detegendo crimen illius occultum, nisi id ex mala aliqua intentione fiat.
6. Quando generalibus verbis ita detegitur peccatum alicuius occultum, vt non magis ex eis verbis concipi possit, illud quo ad id laboræ culpa lethali quàm veniali, tunc illa detractio est solum venialis.
7. Quando licet aliorum defectus manifestare.
8. Vitium totum iustitiæ commutatiuæ circa bonum famæ contrarium species est infima.

VTRVM VITIUM IUSTITIÆ COMMUTATIUE CIRCA BONUM FAMÆ CONTRARIUM EX SUO GENERE SIT CULPA LETHALIS. Et num sit species infima.

DISPUT. 26.



Venadmodum *Disput. 10.* dictum est, vitium iustitiæ commutatiuæ circa bonum honoris contrarium esse ex suo genere culpam lethalem, minus quidem grauem, quàm ho-

micidium, adulterium, quin & quam simpliciter fornicationem, sed grauiorem ex suo genere, quàm sit furturnum: sic quoque idem est dicendum de vitio iustitiæ commutatiuæ circa bonum famæ contrarium: idque propter rationem ibi confectam, quæ, vt ibi constat, communis est huic & illi vitio, & de vtroque vitio id efficaciter probat.

Vtrum autem vitium hoc grauius ex suo genere sit, quàm contumelia, seu quàm vitii iustitiæ commutatiuæ circa bonum honoris contrarium, an & contrario, *Diuus Thom. 2. 2. quest. 73. art. 3. ad 2. ait*, contumeliam ex suo genere esse grauius peccatum, quàm detractioem, censereque proinde videtur, vitium contrarium iustitiæ commutatiuæ circa honorem grauius ex suo genere esse, quàm vitium iustitiæ commutatiuæ circa bonum famæ contrarium. Quòd *Sotus 5. de iustit. questio. 10. artic. 3. ait*, non ex eo esse, quòd honor, qui contumelia læditur, sit maius bonum, quàm fama: contra namque ait rem habere: & nos *Disputation. 23. diximus*, merito homines, qui contumelia affecti sunt, pluris facere damnum, quod in sua fama in existimatione, quam alij de ipsis habebunt, eo quòd ea contumelia sunt affecti, quàm faciant damnum sibi illatum esse in suo honore, præcisè consideratū ab ea existimatione, ab eòve damno sibi ipsis in sua fama dato, diximusque id experientiam ipsam testari.

Sotus autem ait, contumeliam grauius esse delictum ex suo genere, quàm detractioem, prouenire ex contemptu, qui in contumelia interuenit: quam etiam rationem *Diuus Thomas reddidit*. Ego verò licet quo ad eam circumstantiam iudicem ac consentiam, contumeliam esse grauius peccatum, quàm detractioem: eam tamen ipsam circumstantiam existimo eos, qui contumeliam sunt passi, ex eo ferre grauius, maioremque quo ad eam illi censere factam ipsis esse iniuriam propter existimationem, quàm de ipsis alij habebunt, quòd eum contemptum sint passi, quàm ob contemptum ipsum in se, prout solum est contra ipsorum honorem, atque adeò existimo acerbiorē iniuriam ac læsionem ratione eius circumstantiæ esse illis factam in fama, quàm in honore. Vnde contumeliam existimo esse grauiorem culpam ex suo genere, quàm detractioem factam à tergo, de quo loquitur *Diuus Thomas*, si contumelia spectetur prout simul etiam nocet in fama & in existimatione, quod de tali contumelia affecto habebitur, id quòd cum contumelia solet esse coniunctum, atque eo modo intelligo *Diuum Thomam*. Si tamen comparemus vitium iustitiæ commutatiuæ circa bonum honoris contrarium, cum vitio iustitiæ commutatiuæ circa bonum famæ contrarium, quo ad proprias rationes formales præcisè consideratas, arbitror grauius peccatum ex suo genere esse vitium iustitiæ commutatiuæ circa bonum famæ contrarium, maioremque & acerbiorē iniuriam in ferre, quàm sit & quàm inferat vitium iustitiæ commutatiuæ circa bonum honoris contrarium: eo quòd, vt *Sotus rectè affirmat*, fama bona maius bonum ex suo genere sit, quàm sit honor.

Susurrone bilinguūve vitium, qui pacem & amicitiam detractioibus suis perturbant ac dissolunt, ait *Diuus Thomas 2. 2. quest. 74. art. 2. esse* ex suo genere grauius peccatum, quàm contumeliam & detractioem: quia est contra amicitiam, quæ ex suo genere est maius bonum, quàm honor & fama, quæ contumelia & detractioem læduntur. Maltitiam ac grauitatem eius vitij satis detestatur ac exprimit Scriptura sacra, vt ex dictis *Disputatione* procedente constat. Atque quatenus detractioem includit, & addit effectum pessimum perturbandi ac dissoluedi pacem & amicitiam inter proximos, aliorumque pessimorum effectuum solet esse vltimus

terius causa, non est dubium esse ex suo genere grauius peccatum, quam nudam contumeliam, & quam nudam detractionem. Ex circumstantiis tamen dari poterit nuda contumelia, detractioque nuda, quæ grauius peccatum sit, quam aliqua suffraganea.

Vitium commutatiue iustitiæ circa bonum famæ contrarium, licet ex suo genere culpa sit lethalis, ex circumstantiis tamen poterit esse culpa solum venialis. Vt si cum semiplena duntaxat deliberatione, aut ex inaduerentia quadam ex parte culpabili, quis alium infamet: ea quippe inaduerentia reddere potest culpam, quæ alioquin futura esset lethalis, venialem. Id quod sæpe euenire in viris timoratis consuevit: qui si ad damnum, quod inferunt, attendere nihil tale commisissent: neque enim tales existimandi sunt lethaliter peccasse: tamen in materia graui tutum sit de eiusmodi excessibus ad cautelam confiteri, idque viri probè efficere semper soleant. Ex eo item quod eo vitio modica læsio secundum hominum facti existimationem, esse interdum poterit culpa solum venialis. Vt si quis vitium occultum alterius detegat, quod, attenta qualitate & conditione eius, cuius est id vitium, non multum illum infamet, viliorisve existimationis illum efficiat apud homines. Si enim de iuvene, quem iudicio hominum huius sæculi id non dedecet, aut admodum parum, quis detegat amores eum gerere cum aliqua femina, eam non detegendo, aut aliquid libidinosum cum illa habuisse, aut vulnerasse vel percussisse aliquem, sanè id non erit culpa lethalis: quoniam attenta qualitate personæ, id vel non infamat; vel non ita, vt pertingat ad culpam lethalem. Imò verò si nihil id famam illius lædat, aut illi placeat talia de ipso dici, non erit id culpa contra vitium, de quo disputamus: eo quod volenti & consentienti nulla fiat iniuria, atque adeo neque iniustitia: sed solum id erit culpa, quia verbum otiosum, quod nihil boni & multum mali audientium animis asferre potest.

Quamuis detractio de culpis venialibus regulariter sit culpa solum venialis; grauiorque regulariter sit detractio de rebus pertinentibus ad mores, quam de alijs vitijs & defectibus, qui ad naturam, scientiam, artem, aut ad id genus spectant; non tamen potest generalis circa ea regula constitui, quod detractio de venialibus, aut de vitijs & defectibus, qui ad mores non spectant, sit venialis, & alia sit lethalis. Si enim detractio de re ad mores pertinente atque lethali non notabiliter famam in communi hominum estimatione lædat, neque ex illa ei, de quo ita detrahitur, notabile aliud detrimentum sequatur, sanè non erit culpa lethalis, estd ea detractio de culpis lethalibus occultis sit. Contrà verò si detractio de re veniali, aut de re nihil omnino ad mores attinente, notabiliter in hominum estimatione, attentis circumstantiis concurrentibus, famam lædat, aut de illo sequatur ei, de quo ita detrahitur, notabile aliud detrimentum, sanè ea detractio culpa erit lethalis. Verbi gratia, si de femina aliqua venialis aliqua leuitas cum aliquo narretur, certè talis esse posset ea femina, & talis ea leuitas, vt plus ei fama ea detractioe læderetur, maiusque inde detrimentum acciperet, quam si de alio culpa aliqua lethalis detegeretur, quæ non leuiter eum infamaret: eaque de causa, qui eam leuitatem de ea femina derexisset, lethaliter peccasset. Idè esset, si quis de religioso aliquo, vel de prælato aliquo, quos, attenta qualitate status eorum, attentaque estimatione, quæ de illis haberetur, multum id dedecet, detegeret quis similem leuitatem venialem cum femina aliqua, aut aliquid aliud in se veniale, quod auctoritatem eorum estimationemque, quæ de illis haberetur, notabiliter minueret.

Idem item esset, si de aliquo vitium generis illius occultum detegeres: plus enim illi noceres in existimatione, quæ de illo habebatur, grauiusque id inferret, quam si graue illius peccatum occultum m detegeres: atque aliquando longè maius detrimentum illi afferres detractioe eius vitijs generis, quia ea de causa excludetur à varijs muneribus & honoribus, quam si graue aliquod eiusdem crimen detegeres. Eadem ratione si significes vitium ac defectum alicuius artificis circa artem, quam exercet ac proficetur, aut imperitiam alicuius literati, vel inidoneitatem alicuius ad aliquid exercendum, aut aliquem minus fortiter & strenue se gessisse in aliqua pugna, vel contumeliam ab aliquo accepisse, aut aliud simile, plus aliquando ei nocebis detractioe eius defectus, vel in sola fama, vel etiam vterius in bonis externis & in emolumento, quod ea de causa amittet, quam si graue lethale illius peccatum occultum detegeres meritoque grauius illud feret, quam hoc. Quare si vel id illi imponas, vel illud detegas, quando erat occultum, non ductus sufficienti ratione & causa ad illud detegendum, vt quia ita expedit ad vitandum commune damnum, vel ad vitandum damnum priuatum alicuius, cui noceret imperitia illius, aut illum e Te ad id minus idoneum, vel aliqua alia iusta & rationabilis causa, sanè lethaliter in eo peccas. Non ergo alia regula ad hæc omnia, & similia alia, statui potest, quam hæc. Nempe quando prudentis arbitrio, inspectis circumstantiis omnibus concurrentibus, id quod illicitè detegitur graue nocumentum inferre famæ in hominum estimatione aut alijs bonis eius, de quo detegitur, culpam esse lethalem ita de illo detrahere, siue quod detegitur, sit vitium velis lethale siue veniale, siue etiam sit vitium ac defectus ad mores non spectans, qui absque ulla contrahitur culpa, quando verò prudentis arbitrio solum inferre leue detrimentum, esse solum culpam venialem.

Illud verò admonerim; ex eo quod de illo, qui maiorem famam habet, quam par sit, vel in scientia, vel in aliqua alia re, etiam si id sit in moribus, proferatur iudicium verum ea de re ex ijs, quæ apparent ac conspiciuntur in illo, non detegendo crimen aut vitium illius occultum, men non videre inferri illi ullam iniuriam, vllumve id esse peccatum nisi id fiat ex odio, inuidia, aut ex praua alia mala intentione. Quoniam id non est manifestare vitium illius occultum, sed ex eis ijs, quæ apparent, & quæ habet natura ipsa rei, verum iudicium proferre quo ad rem, circa quam alij errant, illam non penetrando, aut ad illam non quantum est necesse attendendo. Quod si in eo ita iudicando ac manifestando alijs, sinistra aliqua intentio misceretur, tunc pro qualitate eius sinistree intentionis maior aut minor culpa seu peccatum interueniret, non quidem contra iustitiam commutativam circa bonum famæ, sed contra caritatem. Hoc admonui ad tollendos scrupulos, quos viri timorati hæc de re habere solent.

Regula illa Syluestri verbo. detractio. numero secundo, cōsentanea Diuo Antonino parte secunda titulo octauo capite quarto in principio, nempe quando generalibus verbis ita detegitur peccatum occultum alicuius, vt non magis ex eis verbis concipi possit, illum quo ad id laborare culpa lethali, quam veniali, detractioem talem non esse culpam lethalem, sed solum venialem, vt si de aliquo dicatur, eum esse iracundum, superbum, contentiosum, auarum, præsumptuosum, inanis gloriæ cupidum, aut aliud simile; ea, in qua regula non est vniuersim vera, vt bene obseruat Nauarrus in Manuali capite decimo octauo numero vigesimo quarto, & capite in te verba in Commentario Hispano à numero quingentesimo decimo octauo. In similibus

namque euentibus, iuxta regulam à nobis paulo antea traditam, prudentis arbitrio, spectatis circumstantiis omnibus concurrentibus, est expendendum, in fama eius, de quo ita est detractum, lesa notabiliter maneat apud audientes, vel num in de notabiliter aliud detrimentum illi imminet, an nō. Et quidem in priori euentu iudicandum est culpam interuenire lethalem: in posteriori verò interuenire culpam solum venialem: id quod in exemplis propositis frequentius euenit,

Hæc verò omnia semper sunt intelligenda, quando non interuenit iusta causa reuelandi crimina & defectus, iuxta ea quæ in præcedentibus dicta sunt, & quæ in sequentibus adduntur. Itemque quando crimina non publica, aut eis nota, cum quibus de illis sit sermo. Regula namque generalis est statuenda, crimina aliena, estō enormia sint, aliorumque defectus, ex iusta causa posselicitè reuelari, quantum ex ea causa recta ratio præscribit. Itemque quando crimina sunt publica aut nota illis, cum quib⁹ de eis loquimur, notaque illis esse nobis constat, tunc absque vitio iustitiæ commutatiæ circa bonum famæ contrarium nos de illis loqui: idem etiam est de aliis defectibus publicis aut eis notis, quibuscum de eis defectibus loquimur. Ratio autem est, quoniam in eo non lædimus famam eius, cuius sunt ea crimina aut defectus. Hæc de primo eorum, quæ in titulo huius Disputationis proposita sunt.

Quod verò attinet ad secundum, quemadmodum Disputatione decimanona cum Caietan. Soto, & alijs dictum est, vitium totum iustitiæ commutatiæ circa bonum honoris contrarium speciem esse infamam: sic quoque est hoc loco dicendum, vitium totum iustitiæ commutatiæ circa bonum famæ contrarium speciem esse infamam, idque propter similem rationem ei, quam Disputatione decimanona quoad vitium iustitiæ commutatiæ circa bonum honoris contrarium, reddidimus. Quia scilicet vitium hoc respicit formaliter tanquam obiectum famam quoad illius læsionem ac detrimentum: per accidens autem quod attinet ad hoc vitium est, quod id detrimentum, eæve iniusta famæ læsio, hoc vel illo fiat medio aut instrumento. Lege quæ Disputatione decimanona copiosius dicta sunt.

S V M M A R I V M.

1. Septem modis detrahitur proximo: primis tribus directè, quatuor postremis indirectè.
2. Quando detegitur crimen alicuius occultum, non detecta persona eius, qui eo crimine laborat, si verisimile non sit deuentum iri in notitiam personæ, quæ eo laborat, tunc non est culpa lethalis.
3. Quando crimen detegitur occultum persone alicuius non detecta quidem persona, sed detecta qualitate illius persone, ex qua licet persona agnosci non posset, infamia tamen in alios redundaret, posset interdum culpa esse lethalis.

VARIJ DETRAHENDI MODI. ET
num reuelare peccatum graue occultum alicuius, non detegendo personam, quæ illud commisit, culpa sit lethalis.

D I S P U T. 27.



Iuuus Thom. 2. 2. q. 73. art. 1. ad 3. septem detrahendi modos enumerat: quos Soto 5. de iust. q. 10. art. 1. ad 3. in octo diuidit. Quatuor ex illis directè detrahuntur, atque primus est, quando ei de quo

detrahitur, falsum aliquid crimen imponitur, secundus quando verum crimen augetur, tertius quoniam vitium illius occultum detegitur, & quartus, quando quod bonum est, sinistra dicitur intentione factum aut aliter temerariè de aliquo exterius iudicatur. Id quippe licet ad temerarium iudicium dicentis spectet, simul habet rationem detractiōis, quatenus læsionem est existimationis eius, de quo ita detrahitur, apud illos, qui id audiunt, & confurgit obligatio restituendi eam famam, quando læsio permanens ex tali detractiōe sequitur.

Quatuor verò posterioribus modis indirectè detrahitur: eorū verò primus quintus in ordine post præcedentes est, quando quis negat alterius bonū, sextus, quando illud silet tempore, quo manifestare illud tenebatur. Quod si, attentis circumstantiis concurrentibus, teneretur de iustitia illud manifestare, tunc contra iustitiam peccaret illud silendo, cum onere restituendi damnum, si quod inde esset subsequutum. Si verò solum ex caritate teneretur id manifestare, vt regulariter euenire solet, tunc illud silere, solum erit peccatum contra caritatem, absque vllo restituendi onere. Septimus, quidō quis merita aliena diminuit, & octauus, quando ita laudat, vt laus in diminutionem cedat famæ ita laudati. Sæpe enim rei vna laudatio in vituperium atque infamiam laudati cedit. Hæc de primo eorum, quæ proposita sunt.

Quod verò attinet ad secundum. Quando detegitur crimen alicuius occultum, aut defectus illius occultus, non detecta persona eius, qui eo crimine aut defectu laborat, si verisimile non sit, deuentum iri in notitiam personæ, quæ eo laborat, tunc satis perspicuum est, id ita detegere culpam non esse lethalem, estō id crimen aut defectus valde grauius ac enormia sint, multumque apta infamare illis laborantem. Ratio autem est, quoniam ea detractiōe nullius in singulari fama læditur. Quando autem esset periculum probabile, deuentum iri in notitiam personæ, quæ eis laboraret, tunc culpa esset lethalis id ita detegere, idque siue postea in notitiam eius personæ deueniretur, siue non. Quando item periculum esset, quod deueniretur in suspitionem personæ alicuius in singulari, quod eo crimine aut defectu laboraret, sed non in notitiam certam, neque in opinionem determinatam, tunc peccatum esset lethale aut veniale, id ita manifestare, pro quantitate maioris vel minoris suspitionis, quæ de aliquo circa id posset haberi, & pro qualitate criminis, spectatisque reliquis omnibus circumstantiis concurrentibus. Neque enim fama alicuius læditur solum firma opinione, quod ille crimen aliquid commiserit, aut quod defectu aliquo laboraret, sed etiam suspitione: tamen si non tantum lædatur fama tali suspitione, quantum opinione determinata ac firma: vnde & de leuiter aut de vehementer suspecto de aliquo grauissimo crimine condemnatur interdum aliquis in exteriori foro.

Quando tamen detegeretur crimen occultum personæ alicuius, nō detecta quidem persona, quæ illud commisit, ceterum detecta qualitate illius personæ, ex qualiter persona agnosci non posset, infamia tamen in alios redundaret, tunc committi interdum posset culpa lethalis pro quantitate & qualitate talis infamæ. Vt si ex religione aut ex cœnobio aliquo, de quo optima haberetur existimatio ea in parte, religiosus aliquis inhonestum aliquid committeret, aut aliud simile, quod religionem illam aut cœnobium infamaret, sane culpa esset lethalis id detegere nominando religionem aut cœnobium, in quo erat religiosus, estō non nominaretur persona, neque periculum esset, quod vnquam agnosceretur quis ille esset in particulari. Ratio autem est, quoniam ea detractiōe peccati occulti iniuste lædatur.

laderetur fama eius religionis aut cœnobij, obligatioque esset id damnum permanens illi restituere. Si autem religio aut cœnobium tale esset, quod amissam ea in parte famam iam haberet, quoniam scitur id non esse ibi in consuetum, nō auderem cōdemnare culpæ lethalis, simile quid detegi, estō religio eius religionis aut cœnobij probi regulariter haberetur, talesque re ipsa essent. Negandum tamen non est, improbum esse id reuelari, timerique posse intervenire in ea reuelatione culpam lethalem, saltem quando id cœnobium non laboraret magna circa tale crimen infamia. Quod autem de cœnobio est dictum, intelligendum etiam ea de familia, quando de consanguineo aut affine patris-familie detegeretur crimen graue occultum, non explicādo quis in particulari illud commiserit, idque in infamiam cæterorum de eadem familia redundaret. Quādo autem falsum testimonium imponeretur alicui de cœnobio aut de familia, non explicādo aliquem in singulari, cui ita imponeretur longē maius esset peccatum, & obligatio restituendi damnum famæ tali cœnobio aut familie illatum.

SVMMARIVM.

1. Qui defunctum de occulto peccato infamat aut alia ratione si notabilis sit infamia, pertingere possit in culpam lethalem, non solum quando ea infamia redundaret in alias personas illi propinquas, sed etiam si nihil omnino in alios redundaret.
2. Historiographi peccant, qui occulta aliorum peccata in suis historiis scribunt, licet illi, de quibus scribunt, iam sint defuncti.

UT RVM INFAMARE DE FVNCTVM
culpa sit lethalis. Et num peccent historici, qui delicta notasque defunctorum, in propositam illorum redundantia, scribunt.

DISPV. 28.



Viper sonam iam defunctam de occulto peccato infamat, aut aliqua alia ratione, licet minùs, cæteris paribus, peccet, quàm si viuum personam eodem modo infamaret, si tamen notabilis ea infamia sit, pertingere poterit ad culpam lethalem, non solum quando ea infamia redundaret in alias personas illi propinquas, sed etiam si nihil omnino in alios redundaret. Fitenim defuncto iniuria eo modo peruersè famam illius lædendo, quæ etiam post mortem bonum quoddam illius est. Quo fit, vt obligatio sit illi restituendi damnum in fama illius iniuste illi datum. Nisi constaret eum esse in inferno, neque damnum in fama illius redundare in alios illi coniunctos. Tunc enim tanquam hosti Dei, & nostrum omnium, qui proximus noster iam non est, obligatio non esset quicquam illi restituendi, iuxta ea quæ tractatu præcedente Diss. 83. præsertim in calce conclusionis tertiæ dicta sunt.

Hinc constat, peccare eos historiographos, qui occulta aliorum peccata in iuis historiis scribunt, estō illi, de quibus illa scribunt, defuncti iam sint, vt Sotus de regend. scilicet mem. l. q. 2. in fine. & 5. de iusi. q. 10. art. 2. Ad id, quod. 11. q. 1. & alij rectè affirmant, tenerique restituere damnum famæ, quod ea ratione interunt. Quæ autem non sunt ita occulta, fas illis est scribere, præsertim si hominum iam sint defun-

ctorum) idque pro bono publico. Tum vt notitia rerum gestarum historiis habeatur. Tum etiam vt homines spe famæ comparandæ, quæ historiis eternitati mandetur, timoreque infamæ incurrēdæ, cuius similiter historiis perpetua sit memoria, alliciantur ad res præclaras gerēdas, ad turpius atque indecora magis fugienda ac vitanda. His enim de causis plus aliquid historiographis in historiis de aliorum vitis ac defectibus scribere licet, quam alijs diffundere liceat, quia absque vilo publico emolumento vel oblita existerēt, estō olim publica fuerint, vel quæ in vno loco sunt publica, ad alia, ad quæ notitia illorum deuentura non foret, illa deriuant. De quare in sequentibus redibit sermo.

SVMMARIVM.

1. Detegere delictum graue occultum alterius, vni tantum, qui id non detegit, non est culpa lethalis, ex sententia aliquorum.
2. Contra tamen sentiunt nonnulli Theologi.
3. Licet ex iusta & rationabili causa crimen reuelare vni aut multis, quantum ea iusta causa postulatuerit.
4. Reuelare crimine graue & occultum filiorum aut famulorum vi facit vxor marito, aut filius parentibus, vel etiam aliquis extraneus, parua culpa expostum est, & interdum nulla.
5. Multum extenuat culpam, vel etiam omnino excusat, reuelare occultum graue crimen alterius, non animo nocendi aut diffamandi, sed aliqua bona de causa.
6. Maior culpa est in iudicio temerario, maiorque, si sit iniuria de quo habetur, quàm sit culpa in detractione peccati alterius occulti vni tantum, qui id alius non detegit.
7. Culpa lethalis est ex suo genere reuelare alienum graue crimen occultum vni tantum, licet ei nemini manifestaturus sit.
8. Vt lethalis culpa iniustitia contra famam alterius committatur, necesse non est, quod ita fama eo peccato ladata, vt ille famam amittat, sed satis est, quod notabiliter existimatio, quæ de illo habetur, prudentis arbitrio, vel in vno solo ladata, aut ladi attemptetur, estō effectus non sequatur.

UT RVM REVELARE DELICTVM
graue occultum alterius vni tantum, qui id non detegit culpa sit lethalis.

DISPV. 29.



Aiet. 2. 2. q. 73. art. 2. dub. 1. cui quidam subscribitur, affirmat id non esse culpam lethalem, quādo talis ille est, qui id tacebit, neque ob eam notitiam nocumentum aliud inferat ei, cuius est id delictum, vt impediendo illud ab assequutione rei alicuius, à cuius assequutione illud nō impeditiisset, si notitiam eius delicti non habuisset, neque vltimaliud detrimentum ei obueniret. Exemplū adhibet Caietan. in viro & vxore, qui sibi iniucem reuelare solent delicta filiorum ac famulorum, neque tamen ea de causa cōdemnatur culpa lethalis. Item in eo, qui confitendo peccata sua probò ac discreto confessario, ex quo nullum inde periculum imminet, indiscretè illi reuelat eum, cum quo gratia peccata commisit, aut occasione alia illi reuelat occultum delictum alterius. Item in eo, qui aliquid, ad delictum alterius attinēs, accipit per secretum commissum, ignoransque qualiter ea in se gerere debeat, illud reuelat amico, aut viro probò ac docto, vt doceatur, qualiter ea in se gerere debeat.

Fundamentū huius sententiæ est, quoniam cum fama sit multorum, & contraria infamia sit et multorum: eo quod ex eo quod vnus aut duo sciāt deli-

etum occultum alicuius, non censeatur ille laborare infamia de eo delictis; sanè illud in primis non infamat eum, de quo id delictum ita detegitur: neque ex intentione aut notabiliter ledit famam illius; quoniam supponimus id non esse detectum animo nocendi & infamandi, neque, quod vnus solum id sciat, qui id non detegit, est læsio notabilis famæ illius: quare cum etiam supponamus, inde nullum aliud malum obuenturum esse ei, de quo id crimen est detectum, consequens profectò est, vt id non sit tanta iniuria ac detrimentum illius, vt ad culpam pertingat lethalem.

Contrariam sententiam affirmant quidam alij cum Dominico à Soto *5. de iust. q. 10. artic. 2.* Primò, quoniam iudicium temerarium ex suo genere est culpa lethalis, vt à *Disput. 13.* explanatum comprobatumque fuit, & doctores communiter affirmant etiam Caietanus ipse: sed non minùs, nec cum minori iniuria, læditur fama proximi detegendo peccatum illius vni tantum, à quo non aliud detrimentum imminet, quàm illum habere notitiam de eo crimine, habere vè eam exiimationem de eo peccatore, quòd id crimen commiserit, quàm legatur iudicio temeratio vni priuati de eodem crimine: ergo detegere vni tantum delictum alterius occultum ac graue, de quo formare iudicium temerarium esset culpa lethalis, culpa etiam erit lethalis. Secundò, quoniam detegere sine iusta causa delictum occultum & graue alicuius duobus aut tribus, culpa est lethalis, vt omnes affirmant: sed aliquando aliquis merito agrius feret delictum ipsius venisse in notitiam hominis alicuius grauis, infamatum vè ipsum ea dere esse apud illum, vt apud principem, prelatum, vel apud alium virum grauem, estò inde nullum aliud detrimentum imminere, quàm ferret crimè id suum manifestum fuisse duobus aut tribus aliis viris: ergo falsum est, culpam lethalem non esse, crimen alicuius occultum ac graue manifestari vni tantum, qui nulli alteri illud reuelabit, & à quo nullum aliud detrimentum ei obueniet, qui id crimen commisit.

Vt quid de hac re quotidiana, scituus necessaria, sentiam, explicem, facilius in praxi intelligatur, quando in reuelatione delicti occulti ac grauis alicuius vbi tantum iudicandum sit interuenisse aut non interuenisse culpam lethalem, & quado res sit dubia, timendumque non immerito sit culpam lethalem interuenisse, ac proinde necessarium ad cautelam sit de illa confiteri, nonnulla obseruanda duxi.

Primum est, omnes conuenire, ex rationabili ac iusta causa fas esse illud reuelare vni aut multis, quatuor ea iusta causa postulauerit, idque proinde fieri tunc absque vilo peccato. Quæ autem iustæ sint causæ, vt id fiat *Disput. 24.* explanatum fuit.

Secundum est, in reuelatione criminis grauis & occulti filiorum aut famulorum, quam vxor marito facit, aut maritus vxori, imò & quam filius aut famulus facit patri aut patrifamilias domus, vel etiam quam aliquis extraneus illis facit, multum extenuare culpam, & frequentissimè omnino, ab illa excusare, nullumque proinde in ea interuenire peccatum, imò potius meritum, non solum quòd habet absque intentione nocendi famæ illorum, vt regulariter abesse solet ea praua intentio, sed etiam, quòd illi omnes subiecti sint curæ, reprehensionis, ac correctionis eius matris ac patrisfamilias domus, & quòd id regulariter ordinetur in commodum ipsorum peccantium, vt domestica correctione reprehendantur ac puniantur, cohibeanturque à similibus criminibus committendis, idque sit in aliorum, qui de eadem familia sunt, exemplum ac coercitionem: & quia vir & vxor communi illavtriusque cognitione illorum criminum mutuo consilio melius quid factò opus sit statuent, prospici-

entque in posterum ne simile quid ab illo & ab alijs de familia committatur: & denique quia illa sunt delicta domestica, quorum puniitio & providere, ne iterum quid simile fiat, non ad potestates publicas, sed ad patrem & matremfamilias domus spectat, idque delictum matremfamilias contingit, in ipsius ac patrisfamilias domus quodam modo iniuriam ac damnum redundans, qua de causa, & materius suo modo detegendi patri habet id delictum, & de eo accusandi apud maritum, & vt illud puniat domestica correctione, quatenus ipsam suamque domum offendit: non minus quàm quicumque offensus delicto aliquo, quod punire ad potestates publicas spectat, ius habet de illo accusandi apud potestates publicas, petendique de illo competentem vindictam, nihil impediens quod sit occultum. Pater item tanquam eo offensus, aut dominus, ius quoque habet illud detegendi matrifamilias domus in partem poenæ domesticæ eius delicti, quod ipsos suo modo offendit. Et filij aut famuli reliqui id scientes, tanquam agentes partes patris ac matrisfamilias domus, de eo accusare seu denunciare apud matrem aut patremfamilias domus possunt, vt puniatur, & familia tota in officio contineatur: virtioque verti illis solet, si illud non manifestent, vt puniatur, ac provideatur quid factò opus sit: neque id fieri videtur immerito & contra rectam rationem, vt testatur consuetudo, lumenque ipsum rationis præserbere videtur: quippe cum ad eos atineat suo modo, quicquid ad patrem aut ad matremfamilias attinet. Quare propter has omnes rationes, aut earum aliquas, non videtur damnum culpæ lethalis, imò sæpe neque culpæ, quòd vxor familia crimina famulorum domesticorum occulta reuelat marito aut maritus vxori, imò neque quòd domesticus illa eis reuelat, & interdum etiam exterius, quando non timent inde inordinatum aliquem ac peruersum effectum fore sequendum, sed solum reprehensionem ac punitionem delinquentis moderatam ac condignam, maioremque cautelam in futurum. Neque valet argumentum, fama filij aut filiarum est bonum ipsorum proprium, non minus quàm ea bona eorundem externa diuitiarum, quæ castrensis & quasi castrensis eorum dicuntur, bona sunt propria eorum: ergo sicut nefas est matri bona illorum castrensis aut quasi castrensis ab eis auferre, & dare ea patri, & nefas est patri ea ab illis auferre, & dare matri, & multo magis nefas est aliis domesticis ea ab illis auferre, & dare illa patri aut matri, ita nefas est, nocere famæ & exiimationi illorum coram patre aut matre, etiam propter eorum delicta occulta. Non, inquam, legitimum est id argumentum: quoniam sicut ex rationabili causa, quæ id postulat, fas esset lædere eorum bona castrensis, aut quasi castrensis, ita ex rationabili causa, vt puniantur domestica correctione, & contineantur in officio, prospiciaturque bono familie, fas est lædere exiimationem illorum apud patrem aut matremfamilias domus, detegendo illis rationaliter eorum delicta. Famuli quoque sub ea tacita conditione recepti censentur in domum, eisque victus, vestitus, & stipendium retribuitur, vt domesticæ correctioni subdantur, pro cuiusque eorum qualitate, & vt deregati patri ac matrifamilias domus possint ipsorum delicta, vt corrigantur, & vt prospiciant bono totius familie. Non item valet hoc argumentum, meritò plus dolet filius aut famulus, reuelari ipsius delictum occultum patri aut matri, domino aut dominæ, malamque illos de ipso habere exiimationem, quàm si idem delictum tribus aut quatuor aliis reuelaretur, eandemque de ipso ob id delictum haberent exiimationem: ergo sicut est culpa lethalis reuelare illud tribus aliis aut quatuor, ita quoque est culpa lethalis, a ut

lis, aut maior culpa lethalis, vel etiam ita est culpa reuelare illud patri, matri, domino, aut dominæ. Non, inquam, valet id argumentum: quoniam in hoc secundo interueniunt multa, quæ valde extenuant culpam, aut illam omnino impediunt, efficiuntque vt laudabiliter ac cum merito id fiat: & in illo primo non eadem interueniunt, quæ ita extenuant aut excusent omnino culpam. Vbi ergo non sunt cætera paria, inualidum est id argumentum: quod validum est, quando cætera sunt paria.

Tertium est, multum extenuare de culpa, & interdu omnino ab illa excusare, reuelare occultum graue alterius delictum, non animo nocendi ac diffamandi, sed aliqua alia de causa, non mala, sed bona, vt ad capiendum consilium, aut etiam solatium, vt delinquentis corrigatur, vt quis confiteatur suam culpam sacramentali confessione, quam aliter commodè non valet aut non scit explicare, & quòd ignoret aut non attendat id ita reuelare esse peccatum, quod si attenderet aut sciret, nequaquam faceret. Itemque quòd in Sacramento penitentia reuelatur, confessarium nulla ratione posse reuelare, neque posse vti ea cognitione, vt detrimentum aliquod inde alicui obueniat, neque auditum vnquam fuisse, nisi fortè quàm rarissimè, vix aliquem confessarium in eam culpam incidisse, vt quod in confessione agnouit, reuelaret: tanta est Dei providentia, assistentia, ac adiutorium ad id, vt cum homines leues ac inconstantes esse soleant ad seruanda alia secreta, in hoc vno seruando constantissimi omnes deprehendantur, estò alijs peccatis sint obnoxii.

Quartum est, ex eo capite maiorem culpam cerni in iudicio temerario, maioremq; iniuriam ei fieri, de quo habetur, quàm sit culpa, quæ cernitur in deteccióne peccati alterius occultum, vni tantum, qui id alijs non manifestabit, & quàm in eo fiat ei iniuria, de quo ita reuelatur: quòd maior iniuria ei fiat temere de illo concipiendo, quod ipse non fecit, aut non contigit fecisse, quàm detegere & affirmare, quod omnino constat eum fecisse: sicut maior cæteris paribus est culpa, maiorque fit iniuria alicui, testimonium falsum de illo proferendo quàm detegendo verum crimen, quod ille re vera commisit.

His ita explicatis, ad quæstionem propositam est dicendum, culpam quidem ex suo genere lethalem esse reuelare alienum graue crimen occultum vni tantum, estò talis is sit, de quo sit verisimile, eum alijs id non reuelaturum: nisi adsint circumstantiæ, quæ ad culpam eam reuelationem excusent, aut ad eò illam extenuent, vt prudentis arbitrio ad culpam lethalem non pertingat. Quando autem interueniant circumstantiæ, quæ eam detecciónem, alioquin lethalem, ad culpam omnino excusent, aut si non omnino ad culpam illam excusent, ad eò tamen culpam extenuent, vt ad lethalem non pertingat, certa regula statui non potest, sed prudentis arbitrio est relinquendum, vt spectatis circumstantiis omnibus concurrentibus, iudicet, num constet interuenisse culpam lethalem, vel num constet eam non interuenisse, vel num res dubia maneat: atque in dubio, num culpa fuerit lethalis, obligatio est sub culpa lethali de ea confiteri. Ex ijs autem, quæ a nobis dicta sunt, facilius iudicabitur, num cõstet interuenisse culpam lethalem, vel num constet eam non interuenisse, vel num res dubia maneat.

Ad argumentum pro opinione Caietani dicendum est, iam *suprà* initio Disputationis septima dictum est, vt lethalis culpa iniustitiæ contra famam seu existimationem alicuius committatur, necesse non esse, quòd ita fama eo peccato lædatur, vt ille

Tom. 5.

famam amittere, reddaturque in famis, sed satis esse, quòd notabiliter existimatio, quæ de illo habetur, notabiliter prudentis arbitrio, vel in vno solo, lædatur aut lædi attentetur, estò effectus non sequatur. Vnde Diuus Thomas *secunda secunda quæstione septuagesimatercia articulo secundo*, cum in secundo argumento dixisset, *ad rationem fame pertinet publicæ notitia*, in fine responsionis ad id argumentum sic dicit: *Etiā si vni soli aliquis de absente malum dicat, corrumpit famam eius, non in toto*, (quasi scilicet infamis maneat) *sed in parte*. Ad id verò, quod vltimè additur, est dicendum, graue nocumentum posse inferri etiam vni tantum detegendo graue peccatum alterius occultum, ita vt pertingat ad culpam lethalem, nisi excusetur aut extenuetur culpa ex circumstantiis a nobis explicatis: manereque posse culpam lethalem, quando absque causa reuelatur, etiam si non adsit animus infamandi, sed ex leuitate cordis, non se valendo continere, alteri id crimen reueletur. Confessarius autem, cui aliquid cum lethali aut veniali culpa detegeretur, aut quicunque alius, si præuenire posset ne detegeretur, teneretur admonere penitentem, aut quemcunque alium ei, volentem detegere peccatum & peccatorem occultum, nec peccatorem detegeretur. Si autem culpabiliter id detegeretur antequam illum, ne id faceret, admoneret, admonere eum debet, illicitè id fecisse, & vt de culpa commissa confiteatur, nec simile quiddam inceps efficiat.

Duo autem argumenta pro parte alia contrariæ probant quidem culpam ex suo genere esse lethalem detegere graue peccatum occultum alterius vni tantum, quod negare non videtur intendere Caietanus, non tamen probant ex capitibus explicatis ad eò sepe extenuari eam culpam, vt vel nulla reddatur, vel vt non pertingat ad culpam lethalem.

SVMMARIVM.

1. Si graue peccatum occultum ex auditu tantum perceptum manifestaretur, culpa non incurreretur lethalis.
2. Qui graue peccatum occultum alterius solum narrat ex auditu, nisi ex modo narrandi maiorem innuat certitudinem verè illum, de quo id dicitur, id peccatum commississe, quàm dicendo id dici, non tenetur ad restitutionem fame, licet ei, qui ex ore eius habent, rem putent ita se habere.
3. Quando peccatum graue occultum ita ex auditu narratur, vt persona fide digna referatur, quæ id assertiuè dixit, aut tales circumstantiæ addantur, vt res efficiatur persuasibilis audientibus, tunc tenetur narrans damnum fame rescire, ex narratione secutum.
4. Qui aliquid occultum ex auditu narrat, damnumq; aliquod fame infert, quatenus causa iniusta est, vt de eare dubietur, aut suspicio habeatur, restituere tenetur damnum, quod ea narratione intulit, si permaneat.

VT RVM NARRARE EX AUDITU
crimen alterius occultum culpa sit
lethalis.

DISPVT. 30.

Sermo est de peccato graui occulto, quod si vt certum alijs manifestaretur, culpa incurreretur lethalis, iuxta ea quæ præcedentibus Disputationibus explanata sunt: vt si de femina, quæ habebatur honesta, diceretur, audiui de tali femina eam stuprum aut adulterium commisisse. Si enim ex auditu id narretur, quod quis assereret ex visu,

F aut

aut alia ratione assereretur ut certum, non esset culpa lehalis, iuxta ea quæ precedentibus Disputationibus explanata etiam sunt, facile constat, ex tali relatione ex auditu, nisi admisceatur alia sinistra intentio lehalis, culpam lethalem non incurri.

2 Scot. in 4. dist. 15. q. 4. ait, qui graue peccatum occultum alicui⁹ solum narrat ex auditu, nisi ex modo narrandi maiorem innuat certitudinem, verè illum, de quo id dicitur, id peccatum commisisse, quam dicendo id dici, aut se id audiuisse, non tene-ri ad restitutionem famæ illius, est id ij, qui ex ore ipsius id dici audiuit, sibi persuadere rem ita habere. Quoniam, inquit, ea persuasit & credulitas est ex culpa id audientium: eo quòd, qui citò credit, levis sit corde, maleque faciat, atque in re proposita peccet id credendo, sibi que id persuadendo. Neque sumpsisse eum occasionem id ita credendi, sibi que persuadendi ex eo, quòd alius narrauerit dici, aut id audiuisse, obnoxium restitutioni eum efficiat, qui id dici narrauit: quoniam solus is restituere tenetur, qui causa est iniusta eius damni, non verò qui solum est occasio vt ab alio detur. Addit Scotus, nisi is, qui ita ex auditu refert crimè graue occultum alterius, id efficit intendendo nocere famæ illius, non videri condemnandum culpæ lethalis. Tamen si subiungat, rem esse periculosam ob pusillorum scandalum: quoniam multi sunt pusilli ac leues corde ad credendum, qui audientes, facile scandalizabuntur, fidem illis adhibendo, malumque id de eo proximo sibi persuadendo. Caiet. 2. 2. q. 73. art. 2. Adrian. in 4. in questione de regl. famæ, Gab. item in 4. dist. 15. quest. 10. art. 3. dub. 2. & Syluest. verb. *detraçtio in fine*, Scoto subscribunt. Id ipsum Maior etiam facit in 4. dist. 15. q. 16. tamen si addat, peccare eum lethaliter, qui ex auditu coram eis similia refert, qui illa maiori cum firmitate alijs referent, parumque ab hac sententia differt Nauar. in Man. c. 18. in calen. 49. & latius c. inter verb. n. 576. ait enim peccare lethaliter, restituereque teneri damnum famæ sequutum, quando ex auditu id refert coram illis, qui illud verisimiliter credent, aut alijs maiori cum firmitate illud referent, idemque affirmat Adrian. quod. 11. lit. g.

In contraria sententia est Sor. 5. de iust. q. 10. a. 2. asserens, eiusmodi narrantem ex auditu graue peccatum alterius occultum, restituere teneri damnum famæ sequutum, & per consequens peccare lethaliter, si damnum sequutum notabile fuit, aut periculum erat notabile damnum sequendum.

3 Nostra verò prima conclusio est: Quando peccatum graue occultum ita ex auditu narratur, vt persona fide digna referat, que id assertiuè dixit, aut circumstantiæ auditæ tales referantur, quæ rem creditu dignam ac persuasibilem efficiant, vel denique attentis circumstantijs concurrentibus, personæ scilicet id narrantis, modi, quo id narrauit, & alijs cõcurrentibus, res efficiatur persuasibilis audientibus, dignaque quæ ab illis credatur. Tenetur ita id narrans, tanquam vera causa iniusta illi⁹, restituere totum damnum famæ ex ea narratione sequutum, si non plus nequitia audientium concipiatur, quam inde natum erat rationabiliter concipi: incrementum verò, cum non ex ea narratione sit sequutum, sed ex audientium nequitia, narransque non vera causa illius, sed solum occasio fuerit, restituere non tenetur, est id permaneat. Quoniam sicut is, qui coram alijs furatur, neque aliter eos ad furandum inducit, quam suo exemplo, restituere non tenetur, quæ alijs suo exemplo permoti furantur, eo quòd exemplum nudum non fuit causa furti illorum, sed solum occasio vt inde ad furandum mouerentur, vt tractatu 2. in materia de restitutione dictum est: ita res habet quo ad id incrementum damni famæ nequitia audientium dati. Quòd si da-

mmum ex ea narratione sequutum, aut quod natum erat sequi, notabile erat, attenta qualitate delicti, personæ de qua narratur, & cæteris circumstantijs concurrentibus, tunc id narrans peccauit lethaliter. Idem est quo ad culpam lethalem contra caritatem, si attentis personis, quibus fuit narratum, & attentis circumstantijs alijs concurrentibus, animaduvertebat, aut animaduvertere debebat, illas peccaturas lethaliter, sibi persuadendo, quod dignum non erat, vt sibi persuaderent, aut alijs id ita narrando vt peccarent lethaliter. Tunc enim propter lethale scandalum, quod vitare tenebatur, & cui occasione præbuit, peccauit contra caritatem, tum contra eos, qui ita scandalizati sunt, scandalizare inde poterunt: tum etiam contra proximum illum, de quo id narratum ex auditu fuit, cuius famæ ab illis alijs detrimentum fuit iniuste illatum, aut inferri ea occasione potuit. Vnusquisque enim lege caritatis tenetur sub culpa lethali vitare scandalum lethale aliorum, si commodè posset, nedum ad id scandalum occasionem non præbere. Tenetur insuper impedire damnum notabile famæ aliorum, si commodè possit, non minus quam tenetur impedire damnum illorum in bonis externis diuitiarum, si commodè possit, nedum occasionem non præbere eius damni. Conclusio hæc tota non alia probatione indiget, quam quæ in illa est inserta.

Secunda conclusio. Quia proximi fama non solum læditur opinione sinistra de illo, sed etiam suspicione, quin & dubitatione de probitate illius, aut quòd notam seu maculam aliquam habeat, vt in materia de iudicio temerario 4 Dissp. 13. dictum est: quæ autem ex auditu narratur, vel quo ad mores prauos occultos, vel quo ad notam & maculam aliquam occultam, regulariter sufficiunt ad generandam dubitationem, ne res ita habeat, aut etiam suspensionem, quòd fortè ita res habet, sanè quæ aliud tale occultum ex auditu narrat, damnumque aliquid famæ infert, quatenus causa iniusta est vt ea de re dubitetur, aut suspicio habeatur, restituere tenetur damnum, quod ea narratione intulit, si permaneat, licet non incrementum, cuius fuit occasio, si plus audientes conceperunt, aut etiam famam læserunt. Tenebitur verò id damnum permanens restituere sub culpa lethali aut veniali, pro quantitate eius damni permanentis, maiori vel minori. Vtrum autem id narrando peccauerit lethaliter aut solum venialiter, iudicandum est ex quantitate damni, quòd natum fuit efficere, & ex scandalo audientium, quibus occasione plus concipiendi aut plus vterius narrandi præbuit, & ex qualitate criminis, vt si ad sodomiam, hæresim, aut aliud enorme ac læsum valde famæ crimen attinebat, ex qualitate venotæ ac macule, & ex qualitate personæ, de qua id narrauit, atque ex cæteris circumstantijs concurrentibus, iuxta ea, quæ dum de iudicio temerario nobis sermo erat, explanata sunt, num, dubium temerarium, aut suspicio temeraria de eiusmodi rebus, spectata qualitate personæ de qua id dubium aut ea suspicio habetur, culpa sit lehalis. Conclusio hæc non alia etiam probatione indiget.

S V M M A R I V M.

1. Quid sit crimen notorium facti notorietate, & quam multis notorium sit oportet.
2. Quid sit notorium notorietate iuris, quod etiam duplex est, vnum, quod tam manifesta iudici sententia est damnatum, vt nulla possit iam tergiversatione celeri: alterum quod probatum est iam plene in iudicio testibus omnino sufficientibus, vt condemnatoria sententia rite proferatur.

3. Publicè infamatus de aliquo crimine dicitur, de quo licet notorium non sit eum id crimen commississe neque iuris neque facti notorietate, est tamen publica fama, eum id commississe, ex verisimilibus coniecturis habens ortum.
4. Aliud est aliquem infamatum esse de aliqua re in domo aliqua, & aliud esse infamatum in vicinia aut populo vel regno.

**PUBLICVM CRIMEN AUT MACV-
la, quæ dicantur ad examen, nunc absque pec-
cato detegi de illis possint, qui
de illis sunt infamati.**

DISPUT. 31.



T consequenter explicemus, quousque absque peccato liceat detegere id ignorantibus peccatum aut maculam, de quibus aliquis est infamatus, vel in loco & tempore in quibus est infamatus, vel in alijs, explicandum est, quod crimen aut macula ad eum effectum publica dicantur. Ad alium enim effectum iterum tractatu sequenti erit sermo de crimine notorio ac publico.

Quando aliquid cuiusmodi notoriū est facti notorietate, publicū est ibi, vbi ita est notoriū. Tunc autem vt iuxta *c. vestra*, & *c. quesitum est*, de cohabit. cler. & mulier. doctores communiter tradunt, aliquid notorium dicitur facti notorietate in aliquo loco, quando iam ibi nulla potest tergiversatione celari. Ad quod non satis est, quod ibi euidenter à quatuor aut quinque sit cognitū, sed requiritur vt à tot de populo, vicinia, aut communitate sit euidenter cognitum, vt prudentis arbitrio iudicetur nō posse iam vlla tergiversatione celari. Ad notorietatem enim facti in primis euidentia est necessaria: quoniam opinionem consistat non efficere notorium, facile est is, de quo id multi opinarentur, atque de quo ex opinione id diceretur, tergiversari & obijcere possit, decipi eos, qui id opinati sunt, ex falsisque præsumptionibus id concepiisse & asseruisse. Neque satis est tres quatuor, aut quinque asserere se id vidisse, euidentem cognitionem id scire: quoniam licet testes omni exceptione maiores sufficiat ad id planè in iudicio probandū: non tamē sufficiunt, vt id notoriū facti notorietate dicatur ac sit: quoniam is de quo id dicitur, tergiversari aliqua ex parte poterit id celare conando, non sine aliqua specie ne forte res ita habeat, dicendo, eos sibi esse inimicos; idque confinxisse mutuo consilio, corruptōsve esse largitionibus, aut aliqua alia ratione, vel omnes, vel eorum aliquos. Quando verò iam tot euidenter illud cognouerunt, vt prudentis arbitrio non possit vlla tergiversatione celari, quia nihil cum vel leui verisimilitudine potest obijci aduersus tot hominum euidentē notitiam, quo id celetur, dicitur notorium facti notorietate. Licet autem Pan. *c. vestra cit. n. 16.* asseruerit, vt aliquid notorium in aliquo loco dicatur, necesse esse, vt à maiori parte viciniae sciat, arbitror tamen satis ad id esse, si ab octo aut à decem id euidenter agnoscatur, maximè alijs id audientibus, aut aliqua eius rei indicia cōspicientibus. Quando item vitium aliquid iuris præsumptione conferetur notorium facti notorietate, tunc qui illo ita laboraret, conferetur quoque in re proposita publicè de illo infamatus. Illud verò iuris præsumptione conferetur notorium facti, quod quamuis in se euident non sit, tale tamen iure præsumitur. Hoc modo quando publice aliquis semper habitus est filius aliius, dicitur notorium illum esse aut fuisse filiū illius, vt patet *c. quoniam de fil. presby. & c. per tuas de prob.* Ad eundem verò

Tom. 5.

modum, quod ad rem præsentem attinet, qui publice domi mulieres retinent, quas nullus dubitat esse eorum concubinas, vel quia ex illis filios habet vel patentibus alijs indicijs, arbitrariis iuris præsumptione eos esse notorios cōcubinos, in eo perseverantes peccato, si tot habere eos ita concubinas conspiciant, quod sufficiunt, vt aliquid notorium facti dicatur, est de concubitu euidentia non sit. Atque hoc est, quod velle videtur Pan. *c. vestra de cohabit. cler. & mulier. n. 6.* Legas etiam Syluest. *verb. cler. 2. §. 4. q. 2.* Qui autem hoc modo esset notorie in cōcubinato, de eo longè maiori cum ratione diceretur, eum esse publicum cōcubinarium: cum minus ad rationem publici, quàm ad rationem notorii requiratur, latiusque, vt constat *c. tua nos de cohabit. cler. & mulier.* & hoc loco, atque tractatu sequenti videbimus, ratio publici pateat, quàm pateat ratio notorii.

Aliud dicitur notoriū, non facti notorietate, sed notorietate iuris, vt communiter doctores distinguunt iuxta *c. vestra & c. quesitum est*, de cohabit. cler. & mul. quæ supra citata sunt. Atque eiusmodi notorium iuris notorietate duplex est. Vnum est, quod tam manifesta iudicis sententia est damnatum, vt nulla possit iam tergiversatione celari: vt quia sententia fuit publica, in remque transiit iudicatam. Quod autem hoc modo notorium est, publicum etiam dicitur, tum simpliciter, tum etiam quod ad rem attinet, de qua nunc disputamus.

Alterum verò est notorium iuris notorietate, quod probatum est iam plene in iudicio testibus omnino sufficientibus vt cōdemnatoria sententia rite proferatur, aut etiam ea confessione rei, quæ ad ferendam condemnationem sententiam omnino sufficiens sit, ita vt in neutro euentu reus possit iam vlla tergiversatione suum crimen in eo iudicio celare. Atque, quod hoc modo notorium est iuris notorietate, quamuis publicum sit, & dicatur iam esse in eo iudicio, ad aliosque effectus, de quibus tractatu sequenti erit sermo, ad rem tamen, de qua disputamus, non censetur publicum, nisi adiunctum simul habeat, esse etiam publicum aliquo alio ex eis modis publicatis ad rem præsentem sufficientibus, vt Disputationibus sequentibus videbimus.

Qui item damnatus est de leuius aut de vehementer suspecto circa aliquod crimen, publice etiam est infamatus, quod fit ita de eo crimine suspectus.

Item in re proposita publice infamatus de aliquo crimine aut macula is dicitur, vt patet *c. tua nos citato*, de quo licet notorium non sit, eum id crimen cōmississe aut eam maculam habere, neque iuris neque facti notorietate, est tamen publica fama eum illud commisisse, aut eam maculam habere, hoc est, est opinio communis ex verisimilibus cōiecturis habens ortum: neque ad eam famam aut infamiam satis est, si pauci ita opinentur aut loquantur, sed necessaria est opinio multorum prudentis arbitrio, vt ait glossa *c. inquisitionis §. vl. de accus.* quam sequuntur *Sot. 5. de inst. q. 6. a. 2. & de reg. sec. mem. 6. q. 6. Bar. aut. l. de minor. §. plurimum, ff. de qq. a. firmavit*, necesse esse vt sit maioris partis viciniae, vniuersitatis, aut collegij, in eamque sententiam inclinant Fel. *c. inquis. §. vl. cit.* & alij doctores communiter. Nec video quare ratione Nau. *c. inter verb. n. 58. 4.* asseruerit, Bar. aliud sentire: cum loco citato, quod ex illo referimus, satis perspicue assernet.

Nunc autem, quod ad rem præsentem attinet, quæ quotidiana est, & circa quam à multis maior lux desideratur quàm quæ à doctoribus communiter traditur, est obseruandum. Aliud esse aliquem infamatum esse de aliqua re in domo aliqua aut collegio, & aliud esse infamatum in vicinia, in populo, & in ciuitate aut in communitate alia populo, vel regno. Atque à domo aut collegio incipien-

F 2 do est

do est obseruandum. Quamuis quo domus aut collegium maiora sunt; eo, vt in eis censetur aliquis infamatus circa aliquam rem, requiratur plures de ea domo aut collegio id de eo opinari aut loqui, nihilominus quo maior est domus aut collegium, eo minore partem proportionale eius domus aut collegij sufficere id opinari aut loqui de illo, vt is infamatus circa id in ea domo aut collegio censetur. Verbi gratia, si domus constet ex octo fortasse ad infamiam in ea domo requiritur, vt quatuor id opinentur, vel obloquantur, aut sciant. Si vero domus aut collegium constet ex viginti, fortasse sufficient septem, aut ad summum octo. Quod si constet ex centū, sufficient quindecim, aut ad summū viginti. Neq; ad id est necesse, vt medietas aut maior pars id opinentur: Eodē modo, dum hæc in Euorensi academia exponebam, dicebam, vt in ea vniuersitate, quæ tunc mille scholasticis constabat scholasticis aliquis cēsetur infamatus de aliqua re, sufficere viginti, aut plures, vel fortē pauciores, qui id scirent aut opinarentur; modō tamē omnes nō essent de vna domo aut collegio, aut de duobus domibus aut collegijs: nam tunc licet id sufficeret, vt in domo aut collegio infamatus conferetur, non tamen vt in vniuersitate cēsetur ea dere infamatus. Eodem modo in vicinia, quæ ex quatuor aut quinque domibus cōstet, in quibus quadraginta aut quadraginta quinque sint persone, vt aliquis de vicinia illa dicatur in ea infamatus de re aliqua, satis erit, si infamia illa sit inter octo aut decē de diuersis illis domibus. Et in oppido, quod ex quadraginta domibus constet, vbi aliquis in illo dere aliqua infamatus esse dicatur, satis erit, si opinio de ea re sit apud viginti de eo oppido. Et quidam non ineptē docuit, vt aliquis infamatus de aliqua re cēsetur in ciuitate, quæ quinque milibus ciuibz constat, ad min⁹ requiri vt infamia illa inter triginta sparsim de eadem ciuitate, innuens id sufficere. Vt aliquis infamatus censetur dere aliqua in toto aliquo regno, satis est, si in curia sit infamatus aut in illustri alio loco, quo influere solent ex toto regno, & vnde fama in regnum totū facile spargitur. Atq; vt summatim dicam, quādo iam res ita limites secreti seu occulti egreditur, vt prudentis arbitrio, attenta qualitate communis, in qua scitur, & comparatione cuius expenditur, an ibi de ea res sit infamatus, iudicatur esse adeo propalata ac publica, vt moraliter attenta conditione humana sit vltierus ea res diffundenda, censendum sanē esse eum, de quo ea opinio à tot iam habetur, amissū ibi ea in re suam famam, esse quæ ea de re ibi infamatum. Ac sanē arbitror, ex doctrina hæctenus à nobis tradita, potius arcere quā laxare materiam hanc, proximque iudicantium, quando delicta & macula censenda sint iam publica, & quando censendus quis sit infamatus de illis, neque requiritantum numerum id opinantium aut scientium, quantus à nobis explicatus est.

SVMMARIVM.

1. Infamatus de vno crimine aut macula illicitē & cum onere restituendi, infamatus, de alio crimine etiam eiusdem speciei, potestque in eo interuenire culpa lethalis. Aliquando vero exigua aut nulla accedere inde poterit infamia, vt neque sit lethalis culpa crimen detegere, etiam si falsū imponatur, neque inde restituendi obligatio sub culpa lethali confurgat.
2. Quando aliquis infamatus est de aliquo crimine in aliquo loco, absque culpa lethali & absque restituendi onere narrari potest id crimen aliis in eodem loco, qui id nesciunt. Si intelligatur, quando is non est per iniustitiam in eo loco infamatus, sed ipse fuit in culpa sua infamatus, aut ordine iuris fuit infamatus.

3. Si vero aliquis eo loco per iniustitiam infamatus est, (quia iniuste crimen illius tunc factum est publicum) tunc verisimile est, vltiorem lacerationem fama illius iniustitiam esse, cum onere restituendi.
4. Si extensio damni, qua fieret post crimen iam factum eo modo publicum iniuste, prudentis arbitrio esset incrementi damni exigui, attento quod ille iam esset infamatus de eo crimine, tunc culpa non esset lethalis ita detegere crimen nescientibus.
5. Si qui illud vltierus detexit post factum publicum, existimabat eum, quo cum loquebatur illud scire, tunc non peccat lethaliter id ita detegendo, neque tenetur ad restitutionem.
6. Qui verē commisit aliquod crimen, de quo iam infamatus est, dignus eo illud in se esse, de quo illud concipitur & promittitur ea labore infamia. At idem tamen non est crimen eius detegendum, ob bonum commune & proximis caritatem.
7. Vnusquisque non est dominus fame aut existimationis, quam alij de ipso habent: quia fama est in mentibus aliorum, & quia nullus in eo nobis iniuriam vllam facit.
8. Quando crimen vere est commissum, & iam publicum est effectum etiam per iniustitiam eorum, qui illud reuelatione sua iniusta publicum fecerunt, tunc non est culpa lethalis illud detegere in loco, vbi publicum est iam effectum, qui non sciebant.
9. Quando infamia alicuius in aliquo loco solim esset rumor publicus de aliquo delicto publico ex verisimilibus coniecturis, aut suspicio non firma, tunc qui u. a. deteger et id delictum, vt certum illud efficeret, peccaret contra iustitiam, cum onere restituendi.

INFAMATVS SI QVIS SIT DE ALIQUA RE IN LOCO ALIQUO, AN EA AUT ALIA AD INFAMIAM EIUSDEM ATTINENS, MANIFESTARI EAM NESCIENTIBUS LICET POSSIT IN EODEM LOCO.

DISPUT. 32.

D

E hæc re prima conclusio est. Infamatus de vno crimine, nota, aut macula illicitē & cum onere restituendi infamatus de alio crimine, etiam eiusdem speciei, aut macula vel nota, potestque in eo interuenire culpa lethalis. Aliquando vero adeo exigua aut nulla accedere inde poterit infamia, vt neque sit lethalis culpa crimen detegere, etiam si falsū imponatur, neque inde restituendi obligatio sub culpa lethali confurgat. Imò vero euenire aliquando poterit, vt nulla omnino obligatio restituendi famam inde confurgat, etiam si crimen imponatur, & qui id audit, illud omnino credat.

Priorem partem huius conclusionis, nempe infamatus de vno crimine, nota, aut macula, illicitē & cum restituendi onere infamari de alio crimine, etiam eiusdem speciei aut macula, vel nota, posseque in eo interuenire culpam lethalem, affirmant Adr. quodl. 11. q. 1. lit. b. & i. & doctores communiter. Probari autem potest, quoniam licet quis amissam habeat famam circa castitatem, poterit tñ integram illam habere circa iustitiam aut circa alias virtutes eaq; de causa illicitē ac contra iustitiam infamabitur de furto aut periurio, vel alio crimine moris, qn & de macula & nota generis, scientie, vel artis: tātaq; iactura fame esse poterit ea de re, vt in eo interueniat culpa lethalis, confurgatq; inde obligatio restituendi eam iacturam ac damnum famæ iniuste datum sub culpa lethali, vt ex se satis liquet. Quin si mulier, quæ infamata semel fuit de aliquo adulterio, post tempus aliquod in aliud occultum incidat, sanē tantam iacturam famæ amittere ex eo poterit, quod secundū ipsius adulterij detegatur, vt

ea detectio culpa sit lethalis contra iustitiam, cum onere sub culpa similiter lethali illi restituendi eam iacturam ac dampnum famæ iniuste illi datum detectione illa secundi illius adulterij, nihil impedi-
ente, quod secundum adulterium, quod de nouo detegitur, & de quo de nouo infamatur, sit eiusdem speciei cum primo, de quo erat iam antea infamata: facileque erit plura alia similia exempla tradere.

Posterior verò eiusdem conclusionis pars, aliquando videlicet ad eam exiguum aut nullam posse accedere ex ea detectione infamiam, vt neque lethalis culpa sit id crimen detegere, etiam si falsò imponatur, neque inde confurgat obligatio restituendi sub culpa lethali, imò possit aliquando euenire, vt nulla omnino obligatio restituendi famam inde cõfurgat, etiam si crimen imponatur, & qui id audit, illud omnino credat ea, inquam, posterior pars ex eo probatur, quoniã si de publica meretrice dicatur, illam aliquem admisisse, sanè est id illi imponatur, non erit culpa lethalis, neque vlla confurgat obligatio famam illi ea de causâ restituendi: quippe cum nulla inde accessio infamæ illi accreuerit. Item, esse aliquem iam infamatum circa aliquod vitium, aut circa aliqua vitia, sanè multum conducit, vt famâ illius circa alias virtutes non sit tanti momenti, quanti est fama aliorum, maximè si virtutes sint affines, ac proinde fieri poterit, vt detectio vitiij, circa quod non erat infamatus, non tantum famæ illi detrahat, attenta qualitate personæ, & attentis circumstantijs alijs concurrentibus, vt ad culpam pertingat lethalem, & vt obligatio restituendi, quæ inde confurgat, sit culpa lethalis. Quando autem id ita iudicandum sit, quando non item, statui nequit certa regula, sed id prudentis arbitrio, spectatis circumstantijs omnibus concurrentibus, est relinquendum.

Secunda conclusio. Quando aliquis infamatus est de aliquo crimine in aliquo loco, absq; culpa lethali & absq; restituendi onere narratur id crimen alijs in eodem loco, qui id non sciunt. Conclusio hæc communis est doctorum Nau. c. inter verba à n. 837. D. Ant. p. 2. tit. 8. c. 4. in princ. Caiet. in opuscul. 17. resp. 9. resp. ad 3. dubium, Ledesmijs 2. 4. q. 18. art. 2. Soti 4. de iust. q. 6. ar. 3. ad 4. Maioribus 4. dist. 15. q. 6. & plurium aliorum.

Contrarium verò asserunt Adr. q. de rest. famâ duob. §§. ante responsionem ad argumenta, idemq; affirmat Sylu. verb. detractio n. 2. Ducuntur. Quoniam contra caritatem est, proximi famam leſam apud id scientes ledere amplius apud id non scientes: quare, inquam, si læſio, quæ vltius sit, id detegendo non scientibus, notabilis sit, ea detractio erit culpa lethalis: sin minus, erit solum culpa venialis. Addit verò Adrianus, ledentem eo modo famam non teneri ad restitutionem eius læſionis. Quoniam infamato non debetur fama iam ex iustitia, sed solum læſio sit vltius contra caritatem.

Recedendum tamen non est à communi doctorum sententia. Saltem si intelligatur, quando is nō est per iniustitiam in eo loco infamatus, sed ipse fuit in culpa suæ infamæ, aut ordine iuris fuit infamatus. Exemplū primi, vt quando aliquis in cōspectu multorum peccauit, & ita in causâ fuit, vt ipsius peccatum esset notorium: vel quando ita incausè se gessit, totiesque culpam iterauit, vt multis opinionē generet sui delicti. Hic enim sibi ipsi abstulit famam, indignusque est effectus, vt contegatur circa id crimen apud alios eiusdem loci. Neque tunc ratio postulat, vt hominum linguæ ita se contineant, ac si crimen illius esset secretum, nec famâ sua culpa ipse amiserit: quin potius commune bonum ex parte tunc efflagitat, vt peccatum illius arguatur ac detegatur in illius confusionem, atq; vt

Tom. 5.

cæteri se contineant à peccatis, timeantque peccata sua publica efficere in aliorum scandalum. Ac sanè durissimum intolerabileque iugum conferetur hominū ceruicibus impositum, si nullum crimen, quamuis publicum, detegere ijs possent, qui illud ignorarent, & quotiescunq; de eo loquerentur, attendere tenerentur, ne fortè aliquis adesset, qui illud ignoraret, ne culpam committerent, illud ignoranti reuelando. Id quod sanè neque rei naturæ nec humanus conuictus patiuntur, neq; est credendum pijsimum Deum ad eam grauē iugum imponere intendisse ceruicibus hominum. Quando autem aliquis ordine iuris est infamatus de crimine aliquo quia crimen illius iuste sententia iudicis est factum publicum & detectum, vt puniatur ac sciatur posthabita famâ illius, satis est perspicuum licere illud detegere ijs, qui illud ignorant in eo ipso loco, in quo est ita publicum. Verum autem liceat illud etiam detegere in loco, in quo non est publicum, Disputatione sequenti dicetur.

Dixi suprà, saltem si communis sententia intelligatur, quando is non est per iniustitiam in eo loco infamatus: quoniam si per iniustitiam infamatus est, quia iniuste crimen illius fuit factum publicum; vt si cum effec-
secretum, aliquis aut aliqui illud reuelarunt, effeceruntque publicum; tunc maior verisimilitudo est, vltiorem lacerationem ac læsionem famæ illius iniustam etiã esse, cum onere restituendi: Cum enim quo infamia ad plures se extendit, eo maior sit, & cum maiori iactura ac damno diffamari: atq; in eo euer tu totum id dampnum iniuste datum fuerit ita diffamato: conſequens esse videtur, quod quemadmodum quando aliquis patitur dampnum iniustum in bonis externis diuitiarum, non solum peccantij, qui præcipuam illius partem à principio dederunt, sed etiã ijs, qui idem dampnum postea extenderunt, etiam si id efficiant, prioribus illis alijs præbentibus eis occationem extensionis eius dampni, tenenturque vtrique ad restitutionem dampni, quod dederunt, vniufcuique eorum ad restitutionem partis, quam dedit: si se res habeat in proposito.

Quod si sententia hæc vera sit, sunt nonnulla circa eam obseruanda. Primum est, si extensio dampni, quæ fieret post crimen iam factum eo modo publicum iniuste, prudentis arbitrio esset incrementi dampni exigui, attento quod ille iam esset infamatus de eo crimine, tunc culpa non esset lethalis ita detegere id crimen ijs, qui illud ignorabant, neque item inde confurgeret obligatio restituendi id dampnum sub culpa lethali, sed solum sub veniali, si permaneret, restituique posset.

Secundum verò est, si qui illud vltius detexit post factum publicum, existimabat eum, quo cum ea de re loquebatur, illud scire, vel arbitrabatur, sibi licere illud nescientibus detegere postquã iam erat publicum, tunc neque lethaliter peccaret id ita detegendo, neque restituere teneretur extensio-
nem illam dampni in fama, ignorantia excusante tñ à culpa lethali, tum etiam à restituendi onere: eo quod in eo euentu non confurgat obligatio restituendi ex parte rei acceptæ, & ab obligatione restituendi ex parte iniustæ acceptionis excuset ignorantia.

Dixi paulo superius, si sententia hæc vera sit. Quoniã in re, de qua hac & sequenti Disputatione agimus duo sunt obseruanda. Primum est, eum, qui vere commisit aliquod crimen, de quo iam est infamatus dignum eo illud in se esse, de quo id concipiatur, quique proinde ea laboret infamia: quandoquidē non aliud de eo concipiatur, quàm quod habet natura ipsa rei, & quàm quod crimen ipseque ob id crimen meretur. Bonum tamen commune rei publicæ, exempliq; aliorum, & caritas eius proximi postulat, vt quamdiu res est secreta, neq; ille famâ a-

missam ea de re habet: id non detegatur, nisi eo cōtendēte in iudicio iustam vindictam & pēnam de eo malefactore, qui eo crimine est offēsus, iniuriāque tali crimine est passus, aut eo idem contendente, cui, iuxta præscriptū reipublicæ, concessum est agere ac prosequi iniuriam eius, qui crimine illo fuit offensus, vel, quando ita expedit reipublicæ, ob criminis gravitatem ac perniciem, & damnum a-liorum, aut maximā Dei offensam, reipublica ipsa statuente ut tunc detegatur, iudiceque Ecclesiastico aut seculari ex præscripto eiusdē reipublicæ de illo inquirente, aut denunciante præcipiente, etiam si secretum sit, vel nisi crimen sit publicum, de quo accusare cuius de populo in commune bonum est concessum: semper enim commune bonum, paxque, tranquillitas, & reipublicæ cōservatio in bono suo statu, præferri debent bono privato famæ alicuius, maximē quando ea est indignitas, ob suumque crimē committeretur ut in ea puniatur, præcipiendo, ut aut ab ijs, qui id crimen aut indicia illius sciunt, detegatur, aut facultate ut de eo accusetur, ut is delinquēs competenter puniatur, tum in fama & existimatione, quæ de illo habebatur, tum etiam in alijs illius bonis, ut fuerit dignum, communique bono expediens, atque à reipublica ipsa sancitum. Et denique in quocunque ex illis euentibus, qui Diss. 24. explicati sunt, fas est crimina occulta deregere, quantum causæ & fines, ob quos tunc id licet, postulant, & nō pl^{us}. Atque observa, quod cūm finis correctionis fraternæ seu paternæ, idve ad quod ea correctio ordinatur, sit sola emēda fratris, qui est in peccato pendente adhuc in futurum, ut ab illo cesset ac eruatut neque in illo is progrediatur ulterius: naturaque ipsa rei ordoque caritatis postulet, ut bonum ipsius spirituale cessareque à peccato præponatur famæ eiusdem, eademque natura rei, caritas, & iustitia postulet, ut si erui à peccato possit sine vlla iactura sue famæ, id ita fiat: si autem sine iactura famæ erui non possit, eruatut cū quāta minor iactura fuerit possibile: inde ortum habuit ordo correctionis fraternæ à Christo in Evangelio præscriptus, qui de iure est naturalis, ut scilicet, frater, in peccato pendenti in futurū iacens, corripere ut solo id sciente, si spes esset, quod id sufficeret: si autem non sufficeret, adhiberetur simul vnus alius aut alter testis, antequā prælato seu Ecclesiæ in prælato denūciaretur: si autem nec id sufficeret, tunc prælato denūciaretur, &c. Cū verō finis correctionis iudicialis non sit bonum, nec spirituale, nec aliud eius, qui deliquit, sed finis, idve ad quod ea correctio ordinatur, sit, ut delinquēs competenter puniatur in satisfactionē eius, qui eo delicto fuit offensus, & in satisfactionē ac bonum reipublicæ, atque ut pax debitæque reipublicæ status cōseruetur, ceterique timeant & in officio contineantur, sanē correctio iudicialis non curat famam ac bonum delinquentis, sed tantūm ea est licitum præiudicare famæ eius, qui deliquit, non solum sententia iudicis postquam delictū fuerit probatum, in pēnamque eius delicti, sed etiam ut de eo delicto accusetur à legitimo accusatore, inquiratur à iudice ex officio, detegatur ac denunciatur, testibusque comprobetur, quantum in bonum commune iure ciuili aut canonico, in Ecclesiastico vel in seculari foro, fuerit pro qualitate delictorum præscriptum aut permittum: neque in ea latione famæ delinquentis, quæ ea via, iuxta ordinem ac permissionem iuris, fit, vlla est culpa in foro conscientie, neque contra iustitiam, neque contra caritatem delinquentis, modō sinistra alia intentio non admisceatur, neque transgressio fiat quo ad id, quod ea correctio iudiciali canonico aut ciuili iure in Ecclesiastico aut id seculari foro est permittum, ut hæc omnia latius tractatu sequenti & in materia de correctione fraterna explanabuntur: contra-riumque asserere procul dubio est aperta ignoran-

tia, estque temere condemnare culpæ lethalis, quæ ritē in foro seculari ac ecclesiastico iuxta præscriptum iuris, & iuxta id quod postulat commune bonum reipublicæ secularis & Ecclesiæ, quotidie fiunt. Vnde miror quandam virum, aliās doctum & pium, quæ sequuntur his nostris temporibus typis mandasse: *Objicies, reuelans secretum delictum tenetur ad restitutionem famæ: sed qui manifestat & probat in iudicio, quod probari potest duobus vel tribus testibus, non tenetur ad restitutionem famam illi accusato, ut habetur lib. Ord. Reg. titu. 9. l. 2. ergo signum est, illum non fuisse detractorem, nec peccasse contra iustitiam, & consequenter non esse dicendum secretum, quod duobus vel tribus testibus probari potest. Respondeo, teneri istum ad restitutionem illi famam, modo meliori, quo poterit, quia lex illa solum respicit forum exterius, ita ut iudex non compellat accusatorem, qui ut probauit delictum alterius, ad restitutionem illi famam, quia iam factum scientia tenetur restituere, cum verē infamauerit proximum. Respondeo secundo, etiam si non tenetur, qui probauit in iudicio crimen alterius, restituere illi famam, quia iam factum est publicum, nec potest dicere illud non constare, cum constet probatione iudiciali, nihilominus quando accusauit, nisi sit ex criminibus notus, quæ tenetur reuelare peccauit, & fuit verē infamator ac reuelator secreti. Hæc ille. In quibus aperte intendit, neque eum, qui legitime in foro exteriori accusat aliquem aliquo crimine, quod ante accusationem & probationem secretum est, ut distinguitur contra publicum, neque eum, qui de eo crimine in iudicio testificatur, licet id efficeret, sed peccare in foro conscientie, tenerique ad restitutionem famæ talis delinquentis ea via lex, effequere verum detractorem: quæ omnia ab absurdissimā planē sunt, atque si res ita haberet, iura canonica & ciuilia, praxique Ecclesiastici & ciuilis fori, peccata lethalia contra iustitiam & cum onere restituendi fouerent, neque sine peccatis iniustitia puniri delicta possent eo ipso, quod prius nō essent publica effecta, miseraque esset conditio reipublicæ, boni communis atque proborum, qui competentem vindictam de iniurijs acceptis & de alijs exigere aduersus iniquos licet non possent, nisi prius publice constaret, eos illa delicta commississe, de quibus accusari ac puniri licet possent.*

Secundum obseruandum eiusmodi est. Non sicut vnusquisque est dominus bonorum externorū diuitiarum, quæ rite legitime uel titulo ut sua possidet: sic est dominus famæ, seu existimationis non malæ, quam alij de ipso habent. Tum quia fama est in mentibus aliorum estque existimatio, quam alij de nobis concipiunt, seu etiam est illos non habere malam de nobis existimationem, est id nihil de nobis de rebusque nostris cogitent: quod constare non esse bonum, cuius nos verum dominium habere possumus. Tum etiam, quemadmodum nullus iniuriam vllā in eo nobis efficit, quod male de nobis de actibusque ac rebus nostris concipiat, malamque proinde apud illum famam seu existimationem habeamus, quando ita res habet, ut de nobis is concipiat atque existimat, neque via iniusta in eam notitiam deuenit: bonis verō, quorū nos domini sumus, nullus priuatus potest nos iuste spoliare seu priuare, etiā ob nostra delicta: vnde nullus priuatus ob nostra delicta potest nos iuste spoliare ac priuare bonis nostris externis diuitiarum, neque vlla eorū parte, sed solus iudex per sententiam, potest adve publica, potest id efficere, si ea pēna sum digni. Tum denique (præter alia) quemadmodū in bonis nostris externis diuitiarum, quorum sumus domini, est id iudex sententiam ferat, qua nos in illis puniat quo ad partem eorum, nullus tamen alius potest extendere eam pēnam ad partem aliam eorum, eam à nobis auferre, aut damnum à ea nobis inferendo, id. n. esset peccatum cōtra iustitiam cum onere restituendi nobis id damnum, ut omnibus est manifestum: at verō eo ipso, quod per sententiam publicā damna-

damnati sumus de aliquo crimine, eaq; via factum est publicū omnibus, qui eam sententiā audierunt, & qui illā cum nostrā ignominia mandari exequutioni viderunt, non peccant alij priuati contra iusticiam, quin neq; contra caritatem iuxta communem & veram sententiam, id crimen, eamque sententiam & exequutionem, manifestando ijs, qui ea omnia ignorabant, eaq; ratione infamiam nostram extendendo ad multos alios, eamque augendo, minimè iussi, nec facti exequutores eius poenae ac dilatactionis & augmenti nostrae infamiae: ergo fama nostra non est bonum ita nostrum, vt illius finis domini, sicut domini sumus bonorum notitiorum diuitiarum.

8 Ex his duobus, quae obseruanda duximus, dico, quamuis vnusquisque, interim dum crimen suum non est publicum, ius habeat, idq; naturale, ab ipsamet rei natura profectū, ob rationes traditas in initio primi, quod obseruandum duximus, vt nullus praedictae famae illius reuelando alijs, exceptis vitijis, quibus id licere recta ratio ac iuris dispositio permittit, iuxta ea quae in primo, quod obseruandum duximus, & *Disp.* 24. explicata sunt, atque adeo qui illi iuri contrauenit, non solū peccet contra caritatem, sed etiam contra iusticiā cum onere restituendi damnum famae permanens, quod ita iniuste dederit: nihilominus quando crimē verē fuit commissum, iamque est publicum effectum, etiā per iniusticiam eorum, qui sua reuelatione iniusta publicum illud fecerunt, non est mihi compertum ac persuasum, culpam esse lethalem illud detegere ijs in loco vbi publicum est iam effectum, qui illud nō sciebant, non solum contra iusticiam & cum restituendo onere, vt Adrian. concedit, sed neq; contra caritatem. Tum quoniam in eo euentu ille verē id crimen commisit, & propter illud verē ipse est dignus, de quo ea opinio, existimatio, ac notitia habeatur, illeque quo ad id non solum non est iam integrā famae, quasi solum ex parte habeat illā læsam, vno dumtaxat aut duobus vel tribus id scientibus, & quasi id crimen permaneat adhuc intra limites occulti, vt distinguitur contra publicum, exceptisq; bono communis, aliorumq; exemplo, eam conseruati, sed simpliciter illam habet amissam, eo quod id crimen id sit iam publicum effectum, atq; ex parte ad bonum commune spectat, vt postquam iam habet famam ita amissam ob verum suum crimen, in eo etiam id crimen puniatur, vt de illo alij loqui possint in illius ruborem & infamiam, nihil impediēte, quod ea infamia magis extendatur, vt ipse & ceteri deinceps contineant à tali crimine patrandō: ob quam causam, quando crimen est iam publicum illo modo, magis canonico & ciuili iure est licitū de eo inquiri & denunciari, vt puniatur, nihil impediēte, quod ea ratione sit longē magis extendenda infamia eius peccatoris, quam liceat, interim dum crimen manet occultum, vt distinguitur contra publicum, nec peccator adhuc laborat simpliciter infamia eius criminis. Tum etiam quoniam eo ipso, quod id crimen factum est iam publicum, & qui illud commisit, amissam iam quo ad illud habeat famam, non tanta iactura est famae illius, quod ea famae, loquendo de illo, ad alios extendatur, qui illud ignorabant, vt culpa id sit lethalis contra caritatem, maximē concurrentibus simul rationibus paulo antē traditis, vt id sine culpa lethali fiat, & concurrente quod proximē subtingo. Tum demq; quoniam conuictus humanus, spectata praesertim conditione ac fragilitate humana, & simul attentis omnibus alijs, quae dicta sunt, non patitur, vt postquam crimen alicuius publicum est effectum, culpa sit lethalis de illo loqui coram ijs, qui illud ignorant, durumq; valde iugum, difficileq; admodum seruati, impositum esset cernicijs hominum, si in eo euentu cōtra caritatem

peccarent lethaliter, ac proinde si semper quando crimen esset publicum, famaeque notabiliter laesum, tenerentur homines sub culpa lethali attendere, an crimen contra iusticiam factum esset publicum, compertumq; habere non esse factum publicum contra iusticiam, vt de illo possent loqui, nō examinato ac cognito prius, nullum adesse qui illud ignoraret, quod non videtur credendum, de diuina bonitate ac pietate: neque video, si id esset culpa lethalis, cur non esset contra iusticiam: quoniam vel ille adhuc ius retinet, vt infamia illa ad alios non extendatur: vel non: si id ius non habet, sanè non videtur peccatum contra caritatem, sed licitum esse, si alia iustitia intentio non admisceatur, otiosēq; ac vanē, ac proinde cū peccato veniali id non fiat, non curando augmentum iacturae, licet non iniusta, eius proximi, quod non contra caritatem, sed prae & non secundum caritatem fieret: si autem adhuc id ius retinet, sanè peccatum tunc non solum erit contra caritatem, sed etiam contra iusticiam comparatione eius proximi. Vnde quando puerua alia intentio lethalis non interueniret, non mihi persuadeo in eo esse culpam lethalem. Neque fuit illud argumentum, quando damnum iniuste datur proximo in bonis externis diuitiarum, non solum peccat is contra iusticiam cum restituendo onere, qui illud primò dedit, sed etiam is, qui illud damnum postea extendit ad aliam partem diuitiarum: ergo quando damnum iniuste est datum in fama proximi reuelando crimen illius, illudq; efficiendo publicum, si postea id damnum extenditur reuelando idem crimen alijs, qui illud ignorabant, non solum peccant ij contra iusticiam cum restituendo onere: qui illud iniuste fecerunt publicum, sed etiam illi, qui postea eam infamiam extenderunt reuelando illud alijs, qui illud ignorabant. Non, inquam, valet hoc argumentum. Tum quia non ita est aliquis dominus suae famae, quo ad id, sicut est dominus suarum diuitiarum, vt explanatum est. Tum praecipue, quoniam in vtroq; damno diuitiarum cernitur iniustitia: in extensione verò damni famae reuelando crimen iam antea factum publicum ijs, qui illud ignorabant, non cernitur iniustitia, sicut cernitur in reuelatione illius sine iusta causa, antequam esset factū publicum, vt haec omnia etiam explicata sunt. Quando aliquis publicē esset infamatus iniuste de aliquo crimine, quod illi esset impositum, tunc qui sciret falsò fuisse impositum, peccaret contra iusticiam extendendo ad alios eam infamiam cum onere restituendi id damni incrementum: quoniam etiam incrementum infamiae ac damni esset datum iniuste.

Illud etiam circa secundam conclusionem positam est obseruandum, quando infamia alicuius in aliquo loco solū esset rumor publicus de aliquo delicto ex verisimilibus coniecturis, aut suspicio vel opinio non firma, tunc qui ita detegeret id delictum, vt certū & indubitatum illud efficeret, peccaret contra iusticiam cum onere restituendi, quo ad id incrementum, quod adhuc occultum erat, et id ipse certò sciret eum id crimen commississe. Pro quantitate autem infamiae, quae inde, spectatis circumstantijs omnibus cōcurrentibus, nata fuit augeri, iudicandum erit, an culpa ad lethalem pertigerit. Et pro quantitate incrementi damni inde reipse sequuti teneatur restituere, iudicandumque est, num sub culpa lethali restituere illud teneatur.

S V M M A R I V M.

1. Quando aliquis infamatus est de aliquare in aliquo loco, non per sententiam latam ea de re a publicis potestatibus, tunc contra iusticiam est & cum restituendo onere, reterege id in loco in quo ille de ea re non est infamatus.

2. Si temporis longinquitate abolita est infamia alicuius de aliquo delicto, de quo non fuit in iudicio damnatus, sanè suscitare de nouo infamiam illam iam abolitam iniuria est in eum qui temporis decursu recuperatam iam habebat famam.
3. An liceat manifestare in alio loco, in quo alter ea infamia non laborat, quando est sententia publica in loco aliquo de aliquo delicto damnatus.
4. Non est peccatum contra iustitiam neque contra caritatem detegere vitium eius, qui de illo publica sententia condemnatus est in vno loco, in aliis ad qua ex eo loco est aliquod commercium.
5. Quando locus, in quo is degit, qui in alio publica sententia fuit punitus, adeo distat a loco, in quo ille laborat infamia, lethalis culpa est detegere ibi peccatum illius.
6. Quando aliquod crimen solum est ita notorium iuris notoritate, quod nondum lata est sententia, qua delinquens publicè de eo damnatur, nefas est illud detegere in loco, in quo is delinquens non laborat infamia.
7. Quando crimen aliquod damnatur publica quidem auctoritate, sed vt notitia criminis eius limites aliquos non egrediatur, tunc culpa est lethalis cum quantitate infamiae, cum restituendi onere, eam notitiam vltra eos fines extendere.
8. Quando nota aliqua generis, qua non modicum infamaret, esset occulta, neque resisteret ex sententia publica, qua aliquis antecessorum damnatus esset de crimine, ob quod ea nota in penam redundaret, tunc culpa est lethalis illam detegere.

INFAMATVS QVANDO ALIQVIS
est de re aliqua in aliquo loco aut tempore, an iniuste & cum restituendi onere id detegatur ijs in alio loco aut tempore qui illud ignorabant.

DISPVTV. 33.



Vod Disputatione precedente conclusionē prima est dictum, illicitum videlicet esse, infamatum de aliquo vitio aut macula, in aliquo loco, infamare de alio vitio aut macula, circa quē non laborat infamia, id detegendo in eo loco, in quo non circa illud sed circa aliud laborat infamia, atque id, imò magis habet locum, vt illicitum sit id, circa quod nullibi laborat infamia, detegere in loco, in quo neque circa aliud laborat infamia. Quare hoc loco solum erit nobis sermo de re, circa quam infamia laborat quis in aliquo loco, an contra iustitiam & cum restituendi onere detegatur in loco, in quo is infamia circa illam non laborat.

Prima autem conclusio est. Quando aliquis infamatus est de aliqua re in aliquo loco, nō per sententiam latam ea de re à publicis potestatibus, tunc contra iustitiam est, & cum restituendi onere damnum famæ & detrimenta alia inde sequuta, detegere id in loco, in quo ille ea de re non est infamatus: nisi rationabili causa occurrat, ob quam detegatur, neq; alijs neq; plus illis detegatur, quam ea causa exposcat. Si enim contrahere ille vellet matrimonium cum aliqua, quæ id crimine aut eam maculam ignoraret, indeque detrimentum illi sceminae immineret, tunc ad vitandum damnum illius, quando alia via commodè non posset id impedire, detegi ea infamia idve vitium aut macula illi sceminae aut suis posset, quantum satis esset ad id damnum vitandum. Idem intellige in similibus alijs euentibus. Præcipuum, quod hac conclusione asserimus, a firmat Sotus 5. de iust. q. 10. art. 2. neque video quoniam refragari. Nam Caiet. in opuscul. 17. respons. 9. resp. quem Sotus in contrarium citat, solum aut crimen publicum detegi illud ignorantibus posse absque vitio detractionis, non exprimendo, nunt solum in loco, in quo est publicum, an verò

etiam in quocunque alio. Probari autem conclusio potest, quoniam is illam suam famam habet in loco, in quo non est infamatus, neque per sententiam publicam punitus in ea est deteptione eius criminis, vt ab alijs sciatur in penam & confusionem illius, vt ea ratione ille agnoscat & caueatur, ceteriq; timore similis poenæ ac infamiae in officio se contineant, simileq; quid non committant: ergo qui illū infamat, id detegendo in loco, in quo infamia non laborat, iniustitiam aduersus eum in eo committit, teneturq; proinde illi restituere id famæ damnum, quod illi dat, ceteraque damna, si quæ inde fuerint vltèrius sequuta. Qui ergo sceminam, quæ infamia solum laborat in familia, in qua est, quod amores gerat, leuiss; sit cum aliquo, illam de eodè crimine extra familiam in vicinia, aut alibi in eodem oppido, vel in alio infamat, sanè contra iustitiam aduersus eam peccat, illiq; tenetur restituere id famæ damnu, & si quæ alia inde vltèrius sint illi sequuta, quia ea de causa nubere non potest, aut non æquè bene, neq; cum eadè dote, sed cum longè maiori. Similiter, qui infamatum de aliquo vitio in aliquo solum collegio aut cænobio, illum de eodem vitio infamat extra id collegium aut cænobium, iniustitiam vtique contra illum in eo committit, ad restitutionemq; damnorum illi similiter tenetur. Eodem modo, qui in famatum solum in vicinia, de eadem re infamat extra viciniam, contra iustitiam aduersus eum peccat, damnaq; illi ea via data restituere ei tenetur. Neque in his propositis exemplis, & in alijs similibus, ad excusandū à peccato & à restituendi onere eum, qui eo modo in alio loco infamat, sufficit, quod si ipse id non detexisset in eo alio loco, alius de eadè domo, collegio, aut vicinia, idem similiter detexisset, (id quod videas multos in hac materia de latione famæ & de onere eam restituendi fallere) quando enim per iustitiam futura erat eadè latio famæ, sanè quod ita iniuste futura esset breui per alium, neq; à restituendi onere eum excusat, qui anteuerit, eamque lationem ipse infert. Vniuerſum enim, quando damnum iniuste datur, quod breui alius illud esset similiter daturus, neq; à peccato neque à restituendi onere eum excusat, qui anteuerit & illud dat: quoniam sicut ille alius, qui breui illud iniuste erat daturus, peccaret, restituereq; illud teneretur, si illud iniuste daret, ita peccat, teneturque illud restituere, qui anteuerit, iniusteque illud dat. Quando autem ex rationabili causa (vt ad obuandū scandalo, quod in audientibus generaretur) aliquis detegeret id peccatum occultum vt puniretur, quod erat in proximo, vt cum scandalo aliorum ante punitionem manifestaretur, tunc sicut non peccaret, qui ex rationabili causa id eficeret, ita neq; ad restitutionem famæ ex eadem rationabili causa eo modo laxæ teneretur: atque id est, quod Diuus Th. in 4. dist. 19. q. 2. art. 3. ad 2. affirmat: quare perperam id D. Tho. testimonium à quibusdam adducitur ad id confirmandum, quod proximè reieciimus atque impugnauimus. Quando item in proximo esset, vt delictum aliquod occultū iuridicè manifestaretur ac fieret publicū, tunc non esset culpa lethalis anteuertere, illudq; manifestare, quando inde nō aliud detrimentū, quam famæ, sequeretur, moraliterque esset certum breui fore iuridicè manifestandum. Quoniam in eo, quod paulo ante sciatur, modica iniuria sit ei, cuius est tale delictum occultum.

Quod de loco est dictum, intelligendum est etiam suo modo de tempore. Si enim temporis longinquitate abolita est infamia alicuius de aliquo delicto, de quo non fuit in iudicio damnatus, sanè suscitare de nouo infamiam illam, tēporis tractu iam oblitam, iniuria atq; iniustitia est in eum, qui temporis decursu recuperatam iam habebat suam famam, qua de causa peccatum in eum committitur

tetur cum restituendi onere damnum famæ, & si quod aliud sit inde ulterius illi sequutum. Pro bono tamen communi licitum est in historiis delicta publica referre, nihil impediens, quod id obstaculo sit, ne fama temporis progressu recuperetur abolitione memoriæ illorum, & quod infamia eorum delictorum ad alia loca deferatur, maxime à tempore, quo historiæ typis mandari consueverunt, & quod ea ratione ad multo plures homines diffundatur: licitum verò est id ob rationes, quas in *calce Disp. 28.* reddidimus. Id autem confirmat, quod historiis sacris multa similia delicta narratur, Spiritu sancto assistentis, vti ab scriptoribus sacrorum librorum id fieret. Neque arbitror id factum fuisse, Deo id dispensante, concedente, ac ordinante, tantquam domino famæ, vitæ, & bonorum omnium, quali autores literarum sacrarum peccarent ea delicta in eis historiis narrando, nisi Deus ad id facultatem illis dedisset, idque illis, vti illud efficerent, præscripsisset: quod tamen aliqui inuunt, sentireque videntur: sed quod id ex natura re licite in bonos fines, quorum aliquot in *calce Disp. 28.* citata commemorauimus.

Potissima controuersia circa hanc Disputationem est, quando aliquis sententia publica in loco aliquo damnatus est de aliquo delicto, num liceat illud manifestare in loco alio, in quo ille ea infamia non laborat. Sotus 5. de *iust. q. 10. ar. 2.* & Ledesmius 2. 4. q. 18. art. 2. citant Caietanum *opus. c. 17. resp. 9. resp.* pro parte affirmante. Caiet. tamen id clare non dicit, sed solum affirmat, delicta publica dici posse absque murmurationis peccato, non explicando, vtrum solum liceat in loco, in quo sunt publica, an etiam in loco, in quo sunt occulta. In partem verò negantem citat Sotus Adria. *quodl. 11.* Eo tamen in loco ego id non reperi. Ledesmius verò citat Adria. *q. de res. famæ*, quasi ibi affirmet, illicitum id esse, indeque confurgere obligationem restituendi famam. Ibi tamen expresse affirmat, non confurgere obligationem restituendi, sed solum in eo interuenire peccatum contra caritatem. Sotus *loco citato* censet, in eo non interuenire peccatum contra iustitiam, ac proinde non inde confurgere obligationem restituendi. Quoniam, inquit, ille iure publico præconio mulctatus est sua fama, atque adeo cuius facta est facultas id scelus propalandi. Addit tamen interuenire peccatum contra caritatem, postquam pertingere ad culpam lethalem, tunc potissimum, quando ille eo modo infamatus emendatus iam esset, bonumque nomen alibi recuperasset. Quibus verbis innuit, quamdiu sua emenda bonum nomen non recuperasset, non esse culpam lethalem eum de eodem crimine infamare in loco, in quo id crimen adhuc esset occultum. Atque consentit Maior in 4. *dist. 19. q. 2. in fine*, vbi ait, narrare in patria unde aliquis est oriundus, eum in loco distant punitum fuisse ob aliquod delictum, non esse peccatum, est id ignoraretur in eo loco natiuitatis illius: eandemque sententiam amplectitur Nauar. *c. int. r. verban. 542.* Ledesmius verò *vbi supra* anceps est, an liceat, publice in eo loco condemnatum, diffamare de eodem crimine in alio loco, in quo non laborat infamia. Atque in quo euentu interueniret culpa lethalis in eo infamando in alio loco, arbitratr oriri obligationem restituendi, quasi semper id sit peccatum contra iustitiam, & nunquam sit contra solam caritatem. Et aduersus Sotum sic licet argumentari: Vel in euentu, in quo affirmat interuenire peccatum contra solam caritatem infamando eum in loco, in quo non laborat infamia, qui publica sententia alibi est damnatus, facta est omnibus facultas in poenam delinquentis vt diffametur eo modo; vel non. Si detur hoc secundum: ergo qui illum ita illicitè infamat, non solum peccat contra caritatem, sed etiam contra iustitiam ita illum infamando: quippe cum per eam

sententiam non sit tributum ius ita illum infamandi. Si verò detur primum: cum is, qui eo modo infamat, vtatur iure iuste à republica sibi tributo in poenam delinquentis, sanè exequutio eius iuris non erit contra caritatem, sed præter caritatem eius proximi: quippe cum id sit exequutio poenæ iuste facta ab eo, qui ad id ius à republica habet.

Vt inter tot opiniones dicam, quod sentio, sit secunda nostra celsiorum. Non est peccatum contra iustitiam, neque contra caritatem, detegere vitium eius, qui in Lusitania damnatus est sententia publica: vel detegere in qualibet Lusitania parte crimen illius, de quo ille Olysiptonæ aut etiam Euoræ, vel Conimbricæ, publica sententia fuit damnatus, vel detegere in nouo orbe eum, qui Hispali, Madriti, aut in alia parte huius regni fuit damnatus, aut è contrariò: vel detegere in qualibet huius regni parte eum, qui Madriti, Hispali, Salmantica, Valisoleti, Toleti, aut in alio simili oppido ex quo ad alias huius regni partes esse solet non valde infrequens commercium, fuit publice damnatus. In hac conclusione videntur consentire Caiet. Maior, Ledesmius, & Nauar. vbi supra, ac alij. Probari aut potest, quoniam ad id publice danatur ac punitur, vt delictum illius in poenam ac confessionem eius delicti sciatur, & vt ea tanta iactura famæ, quantam patitur, ipsum & reliquos id scientes contineat in officio, cohibeatque à simili delicto patrandò, qua de causa solent iudices eligere ad id dies, in quibus maior est frequentia, etiam exterorū, & in tribunali Sanctę inquisitionis iudici solenniter aliquot ante diebus solet dies, in quo futura est damnatio eorū, qui ab eo Sancto tribunali danantur ac puniuntur, vt definitimis aut etià à remotis locis conueniant homines ad id spectaculum: ergo fas est notitiam eius delicti, ac poenæ pro eo delicto inflictæ, deriuare ad loca, ad quæ inde est aliquod commercium: neque id negat Sotus, quando in loco, in quo id ignoratur, non degit is, qui ita est damnatus, recuperata iam sua fama. Confirmatur, quoniam eo ipso, quod publice est punitus pro aliquo delicto, & productus in poenam atque in confessionem illius, vt id delictum ab omnibus sciatur, videtur factum sufficienter publicum, vt notitia illius deferri licite possit ad loca omnia eius rei publicæ, atque etiam ad ea, ad quæ ex ea republ. est commercium: imò verò id videtur esse intentum reipublicæ eo modo punitis: graueque, esse iugum, maxime attenta fragilitate conditionis humanæ, minimeque rationabile ac æquum, producere aliquem eo modo in publicum, vt delictum illius in poenam eiusdem & in exemplum aliorum sciatur, & continere linguas vniuersæ multitudinis, qui eam damnationem ac poenam conspexerunt, ne in loca alia, in quibus id non scitur, notitia eius delicti ac poenæ pro eo inflictæ deriuetur.

Tertia conclusio: Quando locus, in quo is degit, qui in alio publica sententia fuit punitus, adeò distat à loco, in quo ille laborat infamia, adeoque infrequens est commercium ab vno eorum locorum in alium, vt verisimile sit, eam infamiam ad eum locum non perueniunt, probabile iudicant Nauar. *cap. inter verba. num. 847.* & Ledesmius *vbi supra*, culpam esse lethalem cum restituendi onere, detegere ibi peccatum id illius, tamen si contrarium non iudicent etiam improbabile. Ac certe, quando fama delinquentis simul fuisset cum delicto condemnata, vt condemnatur in crimine hæreses ac læsæ maiestatis humanæ, in quibus etiam in poenam & odium tanti delicti descendentes aliqui innocentes condemnantur infamia, non audeam condemnare culpam lethalem eum, qui crimen detegere in loco distantissimo, ad quem non credetur infamia alia via deuenturam, & multo minus

minus auderem illi iniungere onus restituendi. Ducor, quoniam qui id ita detegit, vtitur iure à republica concessio in pœnam iustam, atq; in odium tanti delicti, vt plus homines ab eo patrandò caueant. Quando verò non directè damnatur fama delinquentis, vt quando aliquis publicè ob aliquod suum crimen flagellatur, & in alijs similibus euentibus, non caret probabilitate opinio Nauarri & Ledesmi, maximè si ille alibi infamatus mores mutasset, creuissetq; in reputatione. Nontamè adeò firmus sum in ea sententia, vt auderè iniungere in eo euentu onus restituendi famam & alia damna, si quæ inde vltèrius essent sequuta. Tum quia eo ipso, quòd quis est publicè dānatus & punitus de aliquo crimine, videtur in pœnam eius criminis concessum diffundere eam notitiam in aliquos absq; exceptione aliqua. Tum etiam quoniam in dubio, an ex ea deteetione quisteneatur ad restitutionem famæ, melior est conditio possidentis sua omnia bona, vt eam restituere non teneatur, id subeundo onus.

6 Quarta conclusio. Quando crimen aliquod solum est ita notorium iuris notorietate, quod non dum lata est sententia, qua delinquens publicè de eo damnatur, nefas est illud detegere in loco, in quo is delinquens nō laborat infamia. Vt si aliquis falsus est iam crimen suum in iudicio, ita vt ferri aduersus ipsum iam posuit sententia condemnatoria, vel in iudicio est iam id crimen aduersus illum legitime ac plenè probatum, sed nondum lata est aduersus eum sententia, nefas tunc est illud detegere in loco, in quo is delinquens non laborat infamia. Probatum conclusio. Quoniā delinquens adhuc in eo loco habet suam famam illam, necdumque in pœnam delicti illius est effectum publicum: ergo nefas est priuatis ante condemnatoriam sententiam lacerare in eo loco famam illius, quasi pœnam eius criminis exequendo, eaq; facultate vtendo, quæ virtute datur priuatis per sententiam publicam diffundendi notitiam in alios criminis publicè condemnati. Imò addo, neque in ciuitate, in qua aliquis prædicto modo falsus est in iudicio, suum crimen, aut est illi plenè probatum, fas est detegere crimē illud, nisi simul idem crimen alia via sit ibi publicum, vt quia laborat iam infamia circa illud, vt regulariter laborare ea solet. Ratio autem est, quoniam illis duobus modis dicitur id crimen notorium iuris notorietate, ad effectum vt ferri possit sententia condemnatoria: non verò dicitur esse notorium populo, vt is delinquens amissam apud populum habeat famam. Atq; in hoc consentit Caiet. in resp. 9. citata, dum ait, per accidens posse impediri à iudice executionem publicationis eius criminis, qua simpliciter sit iam notorium. Quando verò moraliter esset certum, paulò pōt esse ferendam sententiam, tunc absq; culpa lethali manifestaretur id crimen, non solum in populo, in quo ferenda est ea de causa sententia, sed etiam in distant, in quo licet postlatam sententiam posset publicari. Ratio autē est, quoniam præuento illa publicationis criminis illius ante latam sententiam in modicum præiudicium rei cederet, vt suprà est dictum.

7 Quinta conclusio. Quando crimen aliquod damnatur ac punitur publica quidē auctoritate, sed vt notitia eius condemnationis accriminis limites aliquos non egrediatur, tunc culpa est lethalis pro quantitate infamiæ, cum restituendi onere, eam notitiam & infamiam vltra eos fines extendere. Exemplum est in religionibus, in quibus peccata religionum regulariter puniuntur, vt notitia intra limites religionis contineatur: tunc enim si alia via extra religionem non sunt publica, culpa est lethalis extra religionem illa detegere, est in religione publica sint facti ac iuris notorietate

quacumq;. Vtrum autem licitum sit ea detegere in alio cænobio eiusdē religionis ac provincie? Non auderem id condemnare culpe lethalis, quando notoria sunt iuris notorietate per sententiam publicam: quoniam quasi vna res publica ad finem spiritualem instituti eius religionis reputatur cænobia omnia eiusdem provincie, estq; veluti commercium mutuum ex vno cænobio in aliud. Qui tamen timorati ac interiores religiosi sunt, seriò perfectionem sectantes, Deoq; seriò placere cupientes, nescio quam spiritus contritionem ac tepiditatem sentiunt in eiusmodi rebus absque fructu audiendis, & multo magis in eis narrandis, nec sistantur, nisi de eiusmodi rebus cōfiteantur. Quando verò aliquid esset notorium facti notorietate, tam in religione quam extra illam, tunc absq; culpa lethali narratur externis, & alijs religionis, vt quòd aliquis egressus aut expulsiis sit à religione. Quando verò aliquis religionem egrediretur, continuoque regrederetur, tunc, si id esset occultum in eodem cænobio, culpa esset lethalis id in eo cænobio alijs detegere. Si verò esset publicum in eo cænobio, sed occultum in cæteris eiusdem provincie, culpam reputarem etiam lethalem id reuelare in aliquo alio cænobio, in quo esset occultum.

Sexta conclusio. Quando nota aliqua generis, quæ non modicum infamaret, ineptioremque redderet illa laborantem ad honores, ad munia publica, & ad alia eiusmodi, esset occulta, vt occultum distinguitur à publico, neq; resularet ex sententia publica, qua aliquis ante celsorum damnatus esset de crimine, ob quod ea nota & infamia, ita vt in pœnam contingeret ea laborantem, in pœnam redundaret & contingeret descendentes, tunc idem videtur dicendum de ea nota, quod de crimine non publico, cuius notitia notabiliter famam laderet, culpam scilicet esse lethalem, sine rationabili causa illam detegere, quando culpa esset lethalis crimen illud aliud sine rationabili causa detegere. Etenim is, de quo ea macula detegeretur, absq; vlla est culpa, neq; in pœnam iustam illa laborat, neq; est cur eius fama iuste tunc in parte ledatur. Quando autem is aliquid prætenderet, à quo ea macula illum excluderet, admonendus esset, vt ab eo desisteret, si id commodè fieri posset: quòd si desistere non vellet, detegi potest ac debet, quanta cum minori illius iactura id neri possit.

S V M M A R I V M.

1. Qui causa est detractiois, qua alius de quodam tercio detrahit, eam consulendo, vel ad eam excusando, vel quouis alio modo ad eam insinuando, lethaler peccat, si detractio pertingat ad culpam lethalem.
2. Qui non est causa quidem detractiois, cæterum in ea delectatur, quamvis ad restitutionem non teneatur, peccat lethaler, si detractio sit de culpa lethali.
3. At qui sese detrahenti non opponit, detractioem impediendo, licet non sit causa, neque in eam consentit, peccat dupliciter, primò non impediendo peccatum detrahentis, secundo non impediendo damnum fame proximi.
4. Prelati detrahentium, quoniam tenentur suos subditos corrigere, facilius culpam incurrunt lethalem, si subditos suos lethaler detrahentes non cohibeant.
5. Prelatus non prohibens lethalem detractioem subditi sui peccat lethaler, & tenetur ad restitutionem damni, in defectum eius qui tanquam cause magis principalis illud dedit, eo quod ex officio tenetur etiam ab eo damno subditum protegere, si posset.
6. Vt verò quis peccet lethaler non se opponendo detractiois, tria requiruntur: primum, vt damnum fame aut in re alia, quod ex tali detractioe imminet, sit notabile: secundum, vt sit illud vitandū: tertium, vt sine graui suo damno possit illud impedire, attenta qualitate damni, quod ex detractioe imminet.

AUDIENS AC TOLERANS DETRAHENTEM AN LEHALITER PECCET, & AD RESTITUTIONEM TENETUR.

DISPVT. 34.



Xaminandum consequenter est, num audiens & tolerans detrahentem famæ alienæ peccet, restituereq; teneatur. Atque, quod non peccet, si uideri potest, quoniam nullus tenetur plus tueri famam alterius, quam suam propriam: sed potest quiuis sine peccato tolerare eum; qui ipsius famæ detrahit, iuxta illud Greg. Homil. 9. in *Ezechielem*: *Linguas detrahentium sicut nostro studio non debemus excitare, ita per suam malitiam excitatas debemus aquamiter tolerare, ut nobis meritum accrescat*: ergo poterit etiam absque peccato tolerare eum, qui alienæ detrahit famæ.

De hac prima conclusio est. Qui causa est detractionis, qua alius de quodam tercio detrahit, eam detractionem consulendo, vel quouis alio modo ad eam excitando, ut sciscitando quid de illo tercio dicatur, aut ostendendo sibi gratum fore, ut quæ ad infamiam illius spectant, sibi reuelentur; & ita ad eam detractionem alliciendo ac mouendo, vel quouis alio modo ad eam influendo, lethali ter peccat, si detraçtio talis sit, quæ, iuxta dicta Disputationibus precedentibus, ad culpam pertingat lethalem, teneaturq; ad restitutionem damni ea detractione dati. Prior parshuius conclusionis probatur, quoniam qui concausa est culpæ lethalis, lethali ter peccat: cum non solum in id peccatum consentiat, sed etiam in illud influat; & digni sint morte, non solum qui faciunt, sed etiam qui consentiunt facientibus, ut habetur ad Rom. 1. Confirmatur, quoniam hic non solum peccat lethali ter influendo iniuste in læsionem famæ proximi, sed etiam scandalizando eum, qui iniuste illo modo detrahit, eum incitando ad id peccatum. Quo fit, ut duplici peccato lethali peccet: vno contra iusticiam in eum, cuius famæ iniuste detrahitur; & altero contra caritatem in eum, quem ad detrahendum mouet: qua de causa grauius illo peccat. Obserua tamen, si quis iniunctibiliter crederet, detractionem, ad quam mouet, futuram non fore adeo grauem; ut ad culpam pertingeret lethalem, atq; præter suam spem, qui ab eo fuit incitatus, in detractionem prorumperet lethale, tunc non peccaret lethali ter, excusante illum ab eo incremento culpæ ignorantia iniunctibili seu probabili, & per consequens nec teneretur ad restitutionem eius partis famæ, quæ præter suam spem esset læsa, excusante similiter eum ad restitutionem illius eadem ignorantia probabili.

Posterior verò conclusio pars ex eo probatur, quoniam concausa iniusta damni dati ad restitutionem illiusteneretur, consentiuntque in ea Adrian. quodl. 11. q. 2. Nauar. c. inter verba à n. 541. & in Manu. c. 28. n. 37. Sotus 5. de iust. q. 10. art. 4. & doctores communiter. Si tamen detractionem non imperauit, sed solum ad eam consilio ad alia ratione incitauit absque incitati fraude, solum tenetur ad restitutionem in eius defectu, qui detraxit, iuxta ea quæ tract. 2. à Disp. 729. dicta sunt: vnde illo restituente, ipse ad nullam restitutionem tenetur. Si verò detractionem imperauit, aut fraude detrahentem ad detrahendum induxit, ipse tenetur principaliter ad restitutionem, & detrahens solum tenetur in defectum illius, iuxta ea quæ ibid. dicta etiam sunt.

Secunda conclusio. Qui detractionis non est causa, ceterum de illa delectatur, in ea complacendo quatenus proximo ea detrahitur, quamuis ad restitutionem non teneatur, peccat tamē lethali ter, si detraçtio talis sit, quæ, iuxta dicta disputationi-

bus precedentibus, ad culpam pertingat lethalem. Quod ad restitutionem non teneatur, ex eo liquet, quod ipse non sit causa damni, eaq; ratione solum contra caritatem peccet: non secus atque qui gaudet, furtum proximo fieri, si in illud non influat ad illud modo aliquo cooperando, solum peccat contra caritatem, nec ad restitutionem teneatur. Quod verò ille lethali ter peccet ex eo probatur, quod consensus in lethale peccatum, in lethaleq; obiectum, culpa sit lethalis, iuxta illud ad Rom. 1. *Digni sunt morte, qui consentientium faciemus*. Dixi, si de illa delectatur, & in ea complacendo, quatenus proximo ea detrahitur: quoniam si solum complacere de facietia detractionis, aut quia gaudet audire ac scire illa, quæ dicuntur, nolendo proximi damnum, sanè sic complacere non est complacere in peccato & obiecto lethali, neque lethali ter est peccatum, nisi in euentibus, quos sequens conclusio explicabit.

Tertia conclusio: Qui neq; detractionis est concausa, neque in eam consentit, modo precedente conclusione explicato, si detrahenti non se opponat, detractionem impediendo, duplici ex capite incurrere potest peccatū. Vno, quatenus impedire potest peccatū detrahentis, nec illud impedit. Altero verò, quatenus impedire potest damnum famæ eius proximi, cui detrahitur, vel quodcunque aliud mortis aut alterius mali, quod inde sit uacuum vltimius sequi, vel ei, de quo detrahitur, vel ipsimet detrahenti, aut cuiuspiam alteri, nec illud impedit. Et quidem ex primo capite, ut audiens detractionem, illamque non impediens, lethali ter peccat, tria necessaria sunt: Primum est, detractionem culpam esse lethalem in detrahente. Peccata quippe venialia impedire non tenemur sub culpa lethali. Secundum est, quod se opponendo detractioni, adiuuando aut reprehendendo detrahentē, vel alia ratione illam impedire conando, sit ipse, quod detrahentem contineat ac præseruiat ab peccato lethali. Tertium verò, quod id cominodū possit efficere sine graui suo detrimento, attempta quantitate spei, quæ est, ea via præseruando illum fore à culpa lethali, iuxta ea quæ in hac 2.2. in materia de correctione fraterna explanata à nobis sunt. Et quoniam tria hæc rarò concurrunt simul, rarò etiam persona priuata ex eo capite peccat lethali ter se non opponendo detractioni, eamque non conando impedire, ut Diuus Thom. 2.2. q. 73. art. 4. Sotus q. 10. citata art. 4. & alij doctores merito affirmant.

Prælati verò detrahentium, quoniam ex officio tenentur corrigere suos subditos, illosque à peccatis cohibere, maioremque auctoritatem apud suos subditos habent, quam alij ut eos tunc contineant, desistereque à peccato efficiant, cautioreque in futurum reddant, facilius culpam incurrunt lethalem, si subditos suos lethali ter detrahentes non cohibeant ac reprehendant. Ad eodē verò collapsa esse poterit disciplina regularis in canobio aliquo, & tam parum aliqui esse poterunt subditi prælati, correctionique illius, ob mores collapsos, & insolentiam toleratam multorum, ut à culpa lethali excusetur prælatus, qui aliquos viderit lethali ter detrahentes, nec se detractioni opposuerit, merito timens, se nihil profuturum, maioraque mala fore inde sequenda. Quando autem maiora mala non timerentur, & maxime si spes esset se profuturum, teneretur sub culpa lethali se opponere detractioni, subditosque suos lethali ter detrahentes reprehendere.

Verum autem prælati, qui cohibere potest detractionem lethalem sui subditi, si illam non cohibeat ac impediatur, non solum peccat lethali ter, sed etiam restituere teneatur damnum famæ, & si quæ alia dāna vltimius ex ea sui subditi detractione sine sequuta. Perspicuum est, estō diceremus teneri, eum

eum, tamen nō teneri nisi in defectum subditi, qui id damnū sua detractiōe dedit: quippe cū subditus, & non prælatus, præcipua causa fuerit eius damni: quare, si efficeret subditum satisfacere, aut subditus suo proprio motu satisfecisset, vel obtinisset remissionem satisfactionis: tunc prælatus liber ab onere restituendi maneat. Quando is, cui detrahitur, esset etiam subditus eiusdem prælati vnā cum detractore, *Soc. art. 4. citato* ait, neq; tunc prælatus teneri illi restituere damnū in fama, aut vltiori in re alia illi ex ea detractiōe sequutū, est d potuerit illud impedire, nec impediuert: quoniā, inquit, nō tanta iustitia tenetur prælatus suos subditos protegere à damno in fama & in alijs rebus: quia cura prælati est cauere ne subditi peccent. Mihi verò cōtraria sententia longè verior cū alijs videtur, illū scil. de rigore iustitiæ teneri illi restituere id dānum, in defectum eius, qui tanquam causa magis principalis illud dedit: eo quod ex officio atque adeo de iustitia teneatur etiam ab eo damno subditum suum protegere, si possit: quandoquidē nō solum est rector suorum subditorum, sed iudex & custos, qui impedire ex suo munere, ac pīde ex iustitia tenetur dāna omnia suorum subditorum: vnde quēadmodum postquā id damnum iniuste est illi illatū, tenetur de iustitia cogere illum suum subditū, vt illud resarciat, si coram ipso ea de re cōrēdatur, & is subditus possit illud resarcire: ita antequā inferatur, si possit illud impedire ne iniuste ei inferatur, non solum à suo subdito, sed etiam ab extraneo, neque id efficiat, contra iustitiam peccat cum restituendi onere ex natura ipsa rei. Et idē dicere de iudice sc̄culari, qui possit impedire damnum iniustū in fama sibi subdito, neq; illud impedire: quoniam princeps & ministri eius ad id deputati defendere ex officio tenentur sibi subditos ac protegere eos ab omībus damnis, etiā honoris & famæ, si possint: sicut etiam tenentur eis ius dicere, etiam quo ad ea damna iniustā ab alijs eis illata, si coram ipsis iniuriarum actiōe, atq; vt ipsis ea damna resarciantur, contendatur ac petatur. Quando autem subditus damnum in fama extraneo iniuste inferret, non video prælatum aut iudicem peccare contra iustitiam, sed solum contra caritatem, non impediendo, cū posset, ne sibi subditus id damnum extraneo inferret: quoniam non tenetur ipse ex suo munere seu de iustitia extraneo id impedire: tamen, tanquam iudex sibi subditi, teneatur ad petitionem alterius, ius illi dicere, cogendo subditum suum resarcire damnum extraneo iniuste illatum, eumq; etiam punire pro quantitate culpæ in alterum commissæ.

Priuatī si attenderent, vel præ se ferendo molestē ferre audire detractiōnem lethalem, vel faceria aliqua detractiōni illi se opponendo, vel aliter diuertendo sermonem ad alia, vel suo discessu, aut alia alia ratione, se posse sine graui suo incommodo efficere, vt detrahens à culpa delisteret lethali, neque ea occasiōe esse sequendum, vt detrahens in grauius peccatum irā, seu odij, vel alterius similis laberetur, tenerentur sub culpa lethali id efficere: quoniam vnusquisque sub lethali culpa tenetur impedire peccata lethalia sui proximi, si commode possit id efficere: eo quod vnique Deus mandauerit de proximo suo. Atq; hæc de primo è duobus capitibus, ex quibus conclusione tertia est dictum, aliquem peccare posse non se opponendo detractiōni, eamq; impedire non conando: tamen explicando obligationem peculiarem prælati & aliarum potestatum publicarum, non nihil de secundo capite miscuerimus, quod ad illos eosdem attinet, vt de illis in particulari sermo ad secundum caput non rediret.

6 Vt verò exsecundo capite peccet quis lethaliter nō se opponendo detractiōni, eamq; impedire non

conando, tria etiam necessaria sunt. Primum est, vt damnum famæ, aut in re alia, quod extali detractiōne imminet, sit notabile. Quando enim est leue, sicut non esset culpa lethalis illud efficere, ita longè maiori cum ratione non erit culpa lethalis illud non impedire. Imò verò cum longè grauius sit illud iniuste efficere, quā illud ex caritate non impedire, maior latitudo dāni requiritur, vt illud ex caritate non impediens lethaliter peccet, quā requiratur vt illud iniuste efficiens peccet lethaliter.

Secundum est, vt sit spes illud vitandi. Et quidem si detractio esset falsa, etiam post detractiōnem consummatam & post damnum ea illatum, vitari seu aboleri posset ostendendo falsitatem detractiōnis. Si verò esset vera, cū, iuxta scripturam ad monitionem *Ecclesiasticā* 4. verbum veritatis contradicendum nō sit vllō modo, post illā consummatam damnumq; ea illatum depelli non posset, nisi forte apparentibus aliquibus rationibus eum excusando, de quo sit detractū. Ante detractiōnem autem inceptam aut consummatam præueniri posset ne damnum daretur, aut impediri ne augetetur.

Tertium est, vt sine graui suo damno ac molestia possit illud impedire, attenta qualitate damni, quod ex detractiōne imminet. *Soc. art. 4. citato* propter hoc tertium requisitum excusat, etiam à culpa veniali, eos, qui sine magna sua verecundia opponere se non possunt detractiōni lethali alicuius. Vt si (inquit) qui detrahit, sit persona valde illustis: & qui se opponere debet, esset famulus illius, aut persona alia abiecta, quæ coram illo mutire nō auderet: neque enim tenetur succurrere eo modo famæ proximi, aut spirituali detrahentis salutem, cum tanta sua rationabili molestia. Adde, extali oppositiōe regulariter non sperari fructum, sed potius timeri posse accedendum ira fore detrahentē, maioraq; mala esse sequenda: eaque de causa regulariter excusari homines, etiam à culpa veniali, non se opponendo detractiōni nec conando illam impedire. Si tñ aliquis in simili aliquo euentu verissimiliter crederet ex sua oppositiōe detractiōni lethali alterius fructū esse sequendum, resq; esset grauior, arbitror sub lethali culpa teneretur se opponere, nihil impediēte propria verecundia, quæ, suppositis his circūstantijs concurrentibus, esset tunc irrationabilis. Quod si spes esset vitandi mortem corporalem alicuius se ita opponendo, aut simile aliud graue damnum, nullus sanè iure poterit dubitare, famulum sub reatu culpæ lethalis tenecri se opponere illustriissimo cuique, etiam quando non admodum magna esset spes illud ea via vitandi, modo tamen inde non aliud damnum timeret, sed solum ageremus de superanda ea verecundia in eum finem.

Concurrentibus itaque similibus, quæ commemorata & explorata sunt, quiuis sub culpa lethali tenetur se opponere ac conari impedire detractiōnem. Sicut n. quiuis sub culpa lethali impedire tenetur damnum proximi externarum diuitiarum, si cōmode possit: ita maiori cum ratione tenetur impedire damnum famæ, quod deterius ex suo genere est, quā bonum diuitiarū. Aliquo verò illorum trium deficiente, non tenetur quis sub culpa lethali se opponere detractiōni: & quia rarō tria illa simul concurrunt, diuis Th. art. 4. citato & doctores communiter affirmant, rarō in eo intervenire culpam lethalem, quod priuata persona detractiōni nō se opponat. Prælatus verò & alij, quibus ex officio incumbit impedire damna, etiam honoris & famæ, sibi subditorum, arctius ad id tenentur, & quousque ad restitutionem eorum damnorum teneantur, si, cum possint, ea non impediant, paulò antea fuit explicatum.

Illud admonuerim, si is, qui se opponendo detractiōni tenetur, simul posset impedire spirituale dam-

damnum detrahentis, & damnum eius de quo detrahitur, sanè si ad vtrumque, iuxta ea quæ dicta sunt, sub culpa lethali teneatur, duplex lethale peccatum ea omissione incurrere, vnum non subueniendo salutis spiritali detrahentis, & alterum nō subueniendo damno eius, de quo detrahitur. Idemque est si in eodem euentu complaceret in detractōne in euentu secundæ conclusiōnis propositæ.

Quia ergo, qui detractōnes audit, periculis hætenus explicatis est expositus, meritō Hieronymus ad Neporianum ait: *Cave, ne aut linguam habeas aut aures prurientes, ne aut ipse alius detrahas, aut alios detrahentes audias.* Quia item sæpe grauius peccat, qui detractōnes audit quàm qui detrahit, vt in euentu primæ conclusiōnis, aut etiam in euentu secundæ, si audiens ex maiori odio complacet in proximi detractōne, quàm sit voluntas nocendi eius, qui detrahit, ait etiam Bernardus 2. *de consideratione, ne ad Eugenium. Detrahere aut detrahentem audire, quid horum damnable sit, non facile dixerim.* Ac sanè, quādo audiens detractōnes, aliter eas impedire aut declinare non valet sanum consiliū est, molestiam ac tristitiam præ se ferre illas audiendo: quoniam, vt Proter. 25. habetur: *Ventus aquilo dissipat pluuia, & facies tristis linguam detrahentem.* Atq; semper est ad præsens emenda non speretur, (modò tamen inde maius malum non timeatur) satius est se opponere detractōni, vrbane saltem facetia aliqua detrahentem reprehendendo, vel certè tristitia vultus, aut declinando in alium locum, ostendendo detractōnem non placere, quàm nihil horum præstare. Inde enim fiet, vt vitium hoc vires paulatim amittat, & vt plures illud fugiant.

Ad argumentum initio Disputatiōnis propositum neganda est maior. Quamuis enim vnusquisque ordine caritatis preponere, cæteris paribus, optimè possit famam suam famæ proximi sui, quādo non potest vtramque simul seruare; nihilomin⁹ extra hunc euentum artius tenetur seruare famā proximi sui, quàm suam propriam: quoniam cedere potest iuri suo, nō subueniendo suæ propriæ famæ, atq; si id ex rationabili causa efficiat, nullum in eo interuenit peccatum: at verò cedere non potest iuri alterius, quod habet, vt quiuisset caritate teneatur ei subuenire ac impedire damnum, quod ei iniuste paratur, si commodò sine suo notabili detrimento id efficere possit.

Quousque autem fas sit aut non sit ferre nobis detrahentes, & quando cōsiliū sit eos ferre, quādo non item, legenda sunt quæ Disp. 20. dicta sunt: quæ enim ibi circa contumeliā dicta sunt, locum etiam circa detractōnem similiter habent, neque est necesse illa repetere.

S V M M A R I V M.

1. Detrahere alicui per literas priuatas aliud est, quam detrahere libellis famosis.
2. Quid sit libellus famosus: sub eo comprehenduntur schedulae, quæ de aliquo crimine occulto ad iudicem deferuntur.
3. Si de sinistra intentione infamandi aliquem per schedulas sine causa constet, & de illarum autore, tunc ille puniendus est pena libellum infamatorium facientis. Si verò constet schedulas non animo infamandi esse oblatas, sed vt crimen verè commissum detegatur, tunc ille puniendus erit non quidem quod eas obtrulerit, sed quod non plenè & aperte denunciauerit.
4. Ad crimen libelli infamatorij etiam pertinet canere composita aut referre illa, quæ in infamiam alicuius composita sunt: etiam quando signum aliquod apponitur, quo aliquid infamatorium significatur.

Tom. 5.

5. Qui in culpam famosi libelli incidit, culpam contra iustitiam incurrit lethalem, si infamia, quæ inde sequitur, erit grauius.
6. Qui libellum illum composuit aut edidit, restituere tenetur fama lesionem inde sequentem.

DE FAMAE DETRACTIONE FAMOSIS LIBELLIS.

DISPUT. 35.



Elaxione famæ iniusta, quæ facta, vt à signo distinguitur, fit, satis sunt, quæ Disputatiōne 23. diximus. Et de restitutione, quæ ob eam iniustam, famæ laxionem fieri debet, infra suo loco erit sermo. Nunc verò prosequendo iniustam famæ laxionem, quæ signis sit, peculiariter est dicendum de famosis libellis.

Atque quando literis priuatis, vt epistola ad priuatum alicui missa, ita detraheretur de fama alicuius, vt ea scriptura edenda non esset, sed perinde detractio ea epistola aut chirographo facta haberet, ac si idem voce dictū significatum mō ei esset, ad quem ea epistola ifve chirographus esset missus, tunc sanè ea detractio literis facta rationem libelli famosi non haberet, neq; est cur peculiariter de illa loquamur, sed cum detractōne, de qua hætenus loquuti sumus, est computanda.

Libellus autem famosus est scriptura, siue carmine siue soluta oratione scripta, quæ infamiam alicuius continet, nondum antea alioquin publicam (quando enim res, quam ea scriptura continet, iam erat publica, non habet rationem libelli infamatorij) vt edatur publicæ fiat, siue res ad effectū perducatur siue non, sed exposita, vt in notitiam aliorum breui aut paulatim veniat, laceretur ab aliquo, vel exuratur, alià ve ratione impediatur rem illam, siue in se falsam siue veram, in notitiam aliorum venire. Nomen libelli inde eiusmodi infamatorij scriptis fuit impositum, quod ea scripta esse soleat parui libelli. Siue autem eiusmodi scriptura tanta sit, vt libellis dici possit, siue non, si infamia cōtinet, vt diuulgetur, notaq; ea via fiat rationem retinet libelli infamatorij, de quo nunc loquimur. Neque enim est necesse, vt, à quo nomen est impositum, omnibus conueniat, quæ eo nomine significatur.

Libelli etiā famosi censentur schedulae, quæ de aliquo crimine occulto ad iudicem vel ad prælatū deferuntur, vt pro munere suo de sibi subdito circa id crimē inquirat, ita vt nō sciatur quis eas schedulas mittat, vel quando eiusmodi schedulae ei apponuntur supra mensam, aut in alio loco, vbic eas reperiat ac legat, et si in eis continetur, quinam de ea re sciant ac testificari possint: quia enim eiusmodi schedulae ordinantur, vt is iudex aut prælatus de eo crimine & malefactore inquirat, illudq; publicum efficiat notorietate iuris sufficiente ad illud puniendum, atq; vt illud puniat, tales schedulae censentur libelli famosi, quādo ex illis iuridicè procedere nō potest iudex ad inquisitionem, vt regulariter procedere non potest, vetante id iuris dispositione. Atq; de eiusmodi schedulis & libellis videtur esse sermo c. inquisitionis §. tertia, de accusationib. quo in loco famosi libelli nuncupantur, & præcipitur vt ex eis schedulis ac libellis famosis non procedatur ad inquisitionē, est, qui illas obtrulerunt, petant vt ad inquisitionem procedatur, non detegendo qui sint, qui id petant, & quæ eas schedulas offerant. Consentiunt l. vnica à §. sanè C. de famosis libellis. l. tit. 9. par. 7. & affirmat Greg. Lop. ibi glossa penult. Quin obserua, de iure canonico, vt tractatu sequenti videbimus, est, qui eiusmodi schedulas offerret,

G

se i-

se ipsos proderent, eas per se ipsos & tâquâ suas offerendo iudici aut prælato, atq; petendo vt procederet ex suo officio ad inquisitionem & punitionem eius rei; sanè qñ crimen non esset in perniciem publicam, & de eo delinquens non laboraret infamia procedere nõ posset ad inquisitionem de eo crimine, ad illudq; via inquisitionis puniendum, est id in eis schedulis duo aut tres testes oculati, qui id scirent, nominarentur, vt ex illo eodem capite & ex aliis iuribus constat, tractatũq; sequenti dicitur. Et fortè in hoc etiam euentu loquitur s. tertiã citat. Quando aut crimen esset in perniciem publicam, vt si esset crimen hæreseos, aut læsæ maiestatis humanæ, aut ex illo immineret alicui subdito magnũ malum, vt si illi pararetur mors iniusta, aut aliud graue damnum, tunc qñ offerretur eiusmodi schedula, ita vt non constaret, cuius essent, certe neque iudex credul⁹ nimis esse debet, neq; procedere potest ad inquisitionem publicam, neq; ita ad occultam, vt infamia aliqua ei sequatur, de quo id crimẽ in schedula dicitur, neq; itẽ signis esse debet quãdo verisimilitudo aliqua est rẽ ita habere, timor venie fortè id ita sit, vt aliquid sine præiudicio famam denunciati, quoad fieri poterit, inquirat, vigilantiorque circa id sit, vt peccata, quæ in perniciem publicam sunt delegat ac puniat, & vt periculo & damno aliorum iniusto subueniat, impediatque ne id illis eueniat. Dum autem in Lusitania commoraretur, ad quoddam cænobiũ delata fuit schedula quædam, sine nomine cuius ea esset: atque qui illam ianitori tradidit, continuo disparuit: in ea verò continebatur, vt inquisitoribus significaretur, quosdam de fide suspectos, contra prohibitionem tunc eis factam, parare fugere de eo regno cũ omnibus suis bonis, & quinã essent, qui id scirent, ac testificari possent. Significatum autem fuit cuidam inquisitori, eam schedulam ad id cænobiũ delatam esse, vt videret si quid fortè circa id factum esset opus. Ductus verò ille dispositione illa iuriũ, quæ paulo antea citauimus, reprehendit vllam eius schedulæ, tanquam quæ libelli infamatorij rationem haberet, habitam fuisse rationem, accessisseque ad noticiam eius schedulæ ita allatæ illi dandæ, non solum in eo euentu, sed etiam in quocunque alio ad fidem atinente. Ego autem miratus aliquantulum ea dere fui, nec dubito ex sinistra intentione eorum iurium eam illius responsionem emanasse. Licet enim quando crimen esset tale, ad cuius inquisitionem procedi nõ possit, nisi præcedente infamia ea dere delinquentis, verum sit, quod ille dixit: in criminibus tñ, in quib⁹ ex indicij quibuscunq; procedi potest ac debet, si non ad publicam inquisitionem, & ad infamandum homines, certè ad occultam aliquam indaginem, quantum caritas, prudẽtia, ordinatusque zelus boni communis, spectatis circumstantiis concurrentibus, tunc distauerit, & circa quæ crimina obortis quibuscunq; iudiciis, vigilatior esse debent ex publicæ potestates, quibus cura ac iurisdictio circa illa incumbit, qualia sunt crimina læsæ maiestatis diuinæ aut humanæ, sanè neq; id ita esset censendum, quod inquisitor ille hæreticæ prauitatis tunc censuit, neq; præcludendum eo modo esset ostium, ne ea notitia ad inquisitores deferretur, vt vigilatior circa id in particulari essent, ipsiq; met expenderent, nõ aliqua indagò occulta esset circa id faciendã, aut aliqua vigilantia vel cautela esset adhibenda. Euenire enim aliquando poterit, vt aliquis vel præ verecundia, vel timore alicuius mali, non audeat accedere ad id denunciandũ, vt tenetur, sed vtatur eo medio, quo id sciatur, in re valde reipublicæ vtili.

Atque in causa fidei, qui ex auditu solum aliquid norunt, denunciare præcipiuntur, vt inde vterius occultè inquiratur, vigilantioresq; inde

circa id inquisitores hæreticæ prauitatis sunt. Eodem quoq; modo, qñ prælatis religionum similes schedulæ deferuntur circa delicta suorum subditorum, quamuis fidem eis adhibere nõ debeant. neq; iudicium temerarium de suis subditis ea tantum de causa formare debeant & multò minus aliquid efficere aut inquirere, vnde fama illorũ periclitetur, cautiore tñ & vigilantiores circa id esse debent, eo pl⁹, quo indicia alia moresq; alios eorundẽ suorum subditorum consentire magis cum eis delictis viderint, suadibilioraq; illa efficere prudẽter attẽderint, prospiciendo ac cauendo vt nõ comitantur, & vt, si commissæ essent, in futurumq; pendere deprehendantur, paterna correptione, aut et iudiciali, prout res postulauerit, corrigantur. Eodẽ præterea modo, qñ schedula similis potestati publicæ deferretur parari malum iniustum sibi subdito, verisimilitudoque aut rationalis timor esset ne fortè res ita haberet vigilans esse deberet, adhibereq; compẽtẽtes cautelas teneretur, vt illud impediret, præscribente id ita recta ratione. Neq; refragantur his omnibus tria iura citata, quæ solũ prohibent publicam inquisitionem ex eiusmodi schedulis circa delicta, de quibus non est infamia & omnino procedi ex eis ad inquirendum delicta iam parata, vt illa puniant, qñ non sunt in perniciem publicam, non verò prohibent procedi sine cuiusvis infamia ad impedienda mala, quæ suspicantur iniuste imminere & parari alijs in futurum. Circa delicta verò iam commissæ, minimeque in futurum pendentia, quæ in perniciem publicam non sunt, omnibus est integrum de illis accusare prout iura permittunt, ita ipsi velint: non verò eis permittitur offerre eiusmodi schedulas, quæ rationem habent libellorum infamatoriorum, & multo minus iudicibus permittitur procedere ex eis schedulis ad inquirendum, etiam occulte, de eis criminibus, vt ea puniant: atque id solum est, quod habetur duobus iuribus posteriori loco citatis.

Quoad eiusmodi verò schedulas ac delationes, arbitror esse dicendum: Si de sinistra intentione infamandi sine causa constet, & de illarum autore, tunc illum puniendum esse pœna libellum infamatorium conficiẽtis & edentis, vt ex se est notissimum, de qua pœna *infra Diss. 39.* sermo erit. Si verò constet non animo infamandi eas oblatas esse, sed vt crimen vere commissum delegatur ac puniatur; tunc, si tribunali sanctæ inquisitionis sint oblatæ, puniendus ille erit non quidem quòd illas obtulerit, neque quoad conficiẽtæ forum vllum est in tali oblatione peccatum, sed quòd non plane & aperte ipse, vt tenebatur, denunciavit: atque, nisi rusticitas ignorantiaque eum excuset, iudicandus erit incidisse in penas edicti, arbitrariaque pœna pro culpæ quantitate erit puniendus. Si verò illas obtulit bono zelo prelati aut iudici, vt malum cauerent ac impedirent in futurũ pendens, sanè neque in eo peccauit, neque vlla pœna ea de causa erit puniend⁹. Quòd si iudici ecclesiastico illas obtulerit circa delicta, quæ non sunt in perniciem publicam, ac proinde circa quæ denunciatio nõ præcipitur, & quæ non sunt publica, ita vt circa illa delinquens laboret infamia, de quibus criminibus sermo est *cap. inquisitionis citato*, tunc siue suppresso eo, cuius iure, offerantur, siue eo tunc se manifestante, sanè si de sinistro animo infamandi non constet, sed potius de bono zelo, tametĩ indifferet, non iudicarem illum pœna dignum, neque crederem interuenisse culpam lethalem, excusante illum à tanta culpa ignorantia. Eiusmodi autem denunciations per schedulas, suppresso eas offerente, libelli infamatorij præsumuntur, & tales puniuntur, ad pericionem eorũ, de quibus eis asseritur, commississe eos aliquod delictum, si comperiatur, quis

quis illas obtulerit, neque ex eis procedi potest ad inquirendum de crimine eisdem schedulis contento: atque id est, quod statuitur l. vnica C. de famos. libell. & l. 3. tit. 9. part. 7.

Ad crimen etiam infamatorij libelli pertinet, canere composita, aut illa referre, quæ in infamiam alicuius composita sunt. Ita habetur l. lex Cornelia in fine, & l. item apud Labeonem. §. generaliter. ff. de iniuriis, & l. 3. tit. 9. part. 7. Hoc autē intellige, quando quod canitur, aut refertur, non erat publicum & certum ita habere, & de libello infamatorio in principio huius disputationis est dictum. Quando enim fama est iam amissa, scriptura aut vox, quæ id significat, quoad quod fama est amissa, sanè vt famam non lædit, ita neque rationem habet infamatorij libelli, non incurritur.

Ego non dubito ad libellum infamatorium attinere, penamque pro libello infamatorio statutam incurri, quando signum aliquod apponitur quo aliquid infamatorium significatur, vt si cornua ad fores alicuius appendantur, in signum quoddam vxor illius ei fecerit adulterium, aut si aliquid depingatur, quod denotet alicuius infamiam. Neque enim hæc minus infamant, quam scripturæ affixæ, quæ idem significant, & contineant: parumque refert, num signum, quo id significatur, & in notitiā aliorum deducitur, quando antea erat occultum, scriptura sit, aut signum aliud, quod illud idem aliis significet ac manifestet, consentiente nobiscum videtur Petrus à Puteo à Iulio Clar. lib. 5. sent. §. ult. q. 68. n. 25. relatus.

Quod ad culpam attinet, (de pœna enim pro eo crimine statuta infra suo loco erat sermo) satis est perspicuum, eum, qui in crimine libelli famosi incidit quouis modo ex explicatis, culpam contra iustitiam incurrrere lethalem, si infamia, quæ inde sequitur, aut quæ inde nata erat sequi, erat grauis. Quin simul poterit contrahere culpam contrariam iustitiæ commutatiuæ circa bonum honoris specie distinctam, si is libellus infamatorius simul etiam præiudicat honori proximi. Perspicuum etiam est, non solum eum, qui libelli famosi est cōfector, aut ad illum consociendū quouis modo cooperatur, vel illum manifestat, vel vt vltcrius manifestetur (interim dum infamia illa non est publica) est causa, peccare lethaler, sed etiam eos omnes, qui aliquid horum efficere interius statuunt seu consentiunt. Satis item per consequens est perspicuum, quando ex libello infamatorio sequitur ipsa infamia, aut inde etiam vltcrius damna alia sequuntur, quemcūq; eius libelli fuit quouis modo causa, ad illum quoquo modo aut ad illius diuulgationem cooperando, teneri restituere vel ea omnia damna vel eam illorum partem, cuius ipse causa aut concausa fuit. Quare qui, postquam libellus ad notitiā aliquorum deuenit, illum aliis ostēdit, aut contenta in eo illis significauit, antequam ea res esset omnino publica, tenetur restituere eam partem infamiæ, cuius fuit causa, & si quæ alia dāna ex ea infamiæ parte sint vltcrius sequuta. Qui verò consilio aut alia via ad libellum atque ad infamiam cooperatus est, modò non imperauerit, neq; deceperit exequutorem, solum tenetur ad restitutionem damnorum, quorum ita fuit concausa, in defectu exequutoris. Qui verò id imperauit, vnde ea damna sequuta sunt, aut decipiendo fuit causa vt darentur ac sequerentur, tenetur tantquam causa magis principalis ad restitutionē eorum omnium damnorum: executor verò & aliæ concausæ solum tenentur ad restitutionem in defectu causæ illius magis principalis omnium eorum damnorum, iuxta ea quæ quoad eiusmodi omnes causas aut concausas tract. 2. à Disp. 729. copiosè dicta sunt.

Qui libellum composuit, aut edidit, restituere Tom. 5.

tenetur omnem famæ læsionem ex eo libello sequutam, & damna reliqua, si quæ inde sint etiam sequuta. Arbitror tamē eum, qui vltcrius libellum diuulgauit, restituere teneri partem damni, cuius ipse ea vltcriori diuulgatione fuit causa, eumque, qui libellum composuit, aut primo edidit, non teneri ad restitutionem eius partis damni, nisi in defectū eius, qui ea vltcriori diuulgatione fuit illius causa: quoniam hic exequutor fuit eius partis dāni, neque qui libellum iniuste composuit, aut primo edidit, eam partem damni tali exequutori imperauit, sed solum cum iniuria eius, qui eo fuit infamatus, exhibuit instrumentum, quo is exequutor eam partem damni mandare exequutioni potuit, si vellet.

SVM MARI VM.

1. Lethaliter peccat, qui inuentam memoriam peccatorum alicuius legit: idque contra iustitiam circa famam illius pro qualitate eorum quæ in ea continerentur.
2. Semper est peccatum literas alienas aperire, nisi adit cōsensu saltem rationabiliter præsumptus eius ad quem mittuntur, vel eius qui mittit, vel nisi adit rationabilis causa.
3. Si ex iniusta litterarum apertione damnum aliquod sequatur, tenetur aperiens illud resarcire.
4. Literæ alienæ aperiiri possunt ex rationabili causa, etiam absque consensu.
5. Hostium literæ tempore belli licitè aperiuntur: item quotiescunque pro bono communis id expediret.
6. Priuatus quilibet potest legere literas alienas, quibus iniuste timet sibi damnum parari.

DE A P E R T I O N E L I T E R A R V M

alienarum. Et de legente memoriam peccatorum alterius, ea ve alius diuulgante.

DISP. 36.



Secundo eorum, quæ proposita sunt, incipiendo, qui inuentam memoriam peccatorum alicuius, attendens quid sit, vel antequam eam legere incipiat, vel eam legere incipiendo, non se continet ab ea non legenda, vel non vltcrius legenda, lethaliter peccat contra iustitiam circa famam illius pro qualitate eorum, quæ in ea continerentur, continere possent: maxime quoniam ea memoria ad confessionem sacramentalem eorum peccatorum solet ordinari, in cuius sacramenti præiudiciū aliqua ex parte cedit a legi. Multo verò maius peccatum erit eam memoriam aliis ostendere, vel alia ratione ea peccata aliis detegere, si quid momenti alicuius detegatur, & cum onere restituendi famam læsam, & si quæ alia damna sint sequuta, vt est notissimum.

Quod verò ad primum, quod propositum est, attinet, quali ex apertione litterarū alienarū infamia sequi, inter alia damna & inter alias iniurias est nata, & cognitio iniusta aliorū secretorum, folletque id crimen oriri ex suspitionibus ac iudiciis temerariis, placuit de eo hoc loco sermonem facere, in quo hac de re diceremus.

Dicendum verò est, nisi literæ alienæ aperiuntur de consensu, saltem rationabiliter præsumpto, vel eius, qui illas mittit, vel eius ad quem mittuntur, vel nisi adit rationabilis causa, cur sine eorum cōsensu aperiuntur, semper esse peccatum in illas aperire. Quoniam eo ipso, quod clausæ mittuntur, vult, qui illas mittit, ab alio non legi, quàm ab eo, ad quem mittuntur, aut qui ad id vices eius, ad quem

G 2 mittuntur.

mittuntur, habeat: habetque is, qui eas eo modo clausas mittit, ad id ius. Idem esset, si quis legeret scriptum aliud alienum, quod clausum non esset, sed præsumeret dominum illius non velle ut legeretur: quoniam ius ad id habet, iniuriaque illi fit, si eo illius iuri contraveniatur, maxime ad id aperiendo locum clausum, in quo id scriptum asseruatur, aut introeundo domum, vel cubiculum illius, ipso inuito, ad illud legendum. Erit vero lethalis culpa literas eiusmodi clausas vel alias eiusmodi scripturas legere, quando timeri iuste posset inde posse sequi damnum aliquod notabile, vel infamia, vel quodcunque aliud, aut quando timeri iuste posset, ea via deueniri posse in cognitionem alicuius rei, quam multum expediret esse occultam; aut quando meritis, qui literas clausas mitteret, vel alia scripta asseruata haberet, multum optaret, occultum id esse, quod in eis continetur. Est enim ex aperture literarum nullum damnum sequeretur: iniuria tamen, quæ fit eas aperiendo eo præsumptè inuito cuius sunt, tanta esse potest, vel infamia rei qualitate, quam is occultam esse vult, ut ad culpam pertingat lethalem. Quando verò ex aperture, aut ex lectione literarum alienarum, nihil tale timeretur, tunc solum esset culpa venialis eas aperire aut legere.

Atque quando ex iniusta aperture aut lectione literarum alienarum damnum aliquod sequeretur, vel famæ, vel aliud quodcunque, tunc is qui ita illius esset causa, restituere illud teneretur, ut est notissimum. Si tamen aperiendo aut legendo eas literas iniuste solum venialiter, præter spem sequeretur damnum aliquod, quod cuius prudens minime speraret, minime ve timeret, tunc non confurgeret obligatio illud restituendi, excusante ignorantia inuincibili seu probabili, quemadmodum ad culpam, sic etiam ab onere restituendi id damnum. Idem arbitror esse dicendum, quando ex aperture aut lectione literarum iniusta lethaliter sequeretur damnum aliquod, quod nullus prudens sequendū timeret. Tunc enim si nullum damnum timeri poterat, grauiusque in eo interueniebat iniuria, nulla est obligatio restituendi id damnum. Si verò damnum timeri poterat, sed non tantum, solum erit obligatio restituendi maximum damnum, quod timeri poterat, non vero incrementum ultra illud, quod nullus prudens timere poterat, excusante ut ad culpam eius incrementi, ignorantia inuincibilis, sic etiam ab onere illud restituendi. In fortamaten exteriori, quia id damnum sequutum esset dante illo operam rei illicitæ, certe in pœnam eius antecedentis culpæ, unde præter spem eam culpam committentis est sequutum, cogetur illud rescarcire: ætelatam autem sententiā rescarcire illud in foro conscientie non tenetur.

Dixi suprà, semper esse peccatum literas alienas aperire, nisi de confesio saltem rationabiliter præsumptio, eius qui illas mittit, vel ad quem mittuntur, vel nisi addit rationabilis causa cur sine eorum consensu aperiantur. Quoniam ex rationabili causa aperiri absque illorum consensu poterunt sine villo peccato. In primis enim prelatus religionis aut religiosarum, vbicunque id ita est statutum, aut quâdo id iudicialiter expedire, aperire potest literas, quæ ad suos subditos mittuntur, imo et quas subditi ad alios mittunt. Immo verò ubi est statutum sub culpa, aut sub censura, ne literæ mittantur, aut recipiantur, nisi aspiciente eas prius superiore, tunc qui illas accipit, aut mittit, contra formam eius statuti, in culpam incidit, aut simul etiam in censuram. Vbi vero statutum ad nullam culpam obligaret, (ut in nostra societate non obligat) non erit id peccatum lethale, nisi acceptio aut missio earum literarum lethalis culpa alioquin in se sit, vel propter scandalum, vel quod aliquod ma-

li lethalis contineant, vel quod ad finem lethalem ordinentur.

Deinde tempore belli in locis finitimis hostium licite aperiuntur literæ a ministris ad id deputatis. Et licite similiter aperiuntur, quotiescunque ex aliqua graui causa ita reipublicæ expedire iudicatur, bono communi. Secreta tamen alia quæ in eis literis reperiuntur, tenentur celare eiusmodi ministri. Atque quando certo scirent in aliquibus literis nihil contineri, quod præiudicium afferre posset reipublicæ, cernebant periclitare alicuius famam si vltorius in eis legeretur, tenerentur desistere ab ea lectione; transireque ad aliud: quoniam legere eas literas solum est licitum, quantum sit satis, ut bono communi prospiciatur.

Prius tamen licite aperire ac legere potest eas literas alienas, quibus iniuste timeret sibi damnum aliquod iniuste parari, aut malum posse inde sibi evenire, ut illud fugiat ac impediatur, tantum posset ex eis legendo, quantum ad id sit satis. Immo idem efficere posset, quando iuste timeret, parari proximo eis literis dānum iniustum, aut ex illis posse ei iniuste sequi, ut illud ei ex caritate impediret. In his consentiunt Nauar. in *Manu. c. 18. n. 53.* & D. Ant. 2. part. tit. 1. c. 22. §. 5.

SUMMARY.

1. Secundum aliquos se ipsum infamans peccat lethaliter licet id faciat ut mortem effugiat, & peccat contra iustitiam comparatione communitatis cuius est pars, eaque de causa tenetur illi communitati famam restituere iniuste sibi ablatam.
2. Nemo se ipsum sine rationabili causa potest infamare absque peccato: quia ut prodigalitas bonorum vitium est, ita & famæ.
3. Infamare se ipsum si precise spectetur quoad solam infamiam, quam ipse inde contrahit, etiam si rationabiliter id fiat, non est ex suo genere culpa lethalis, sed venialis: quia homo dominus est sui honoris.
4. Si, dum quis seipsum infamat, interueniat periculum quia ureturando erat astrictus dicere verum, sibi que impositum crimen aliquod, interuenit tum culpa lethalis periculi.
5. Si ex infamia alicuius sequeretur tale aliorum scandalum, quod est sub culpa lethali vitare teneretur, tunc culpa esset lethalis eum se ipsum ita infamare.
6. Prelatus, qui suam famam regendis suis subditis obstrictam habet, contra iustitiam peccat se ipsum infamando: ut etiam contra iustitiam peccat, qui alienam habens familiam, aut videns pauperes grauiter indigere, bonam suam projicit in flumen.
7. Fieri potest, ut aliquis licite seipsum infamet, esto videat inde euenturum, vitam ab eo esse eripiendam, modo tamen non se infamet, crimen sibi iniuste imponendo, sed detegendo crimen quod verè commisit, quodque detegere non tenebatur, & modo ad id rationabilis causa existat.
8. Quando aliquis sine damni periculo detegeret crimen suum verum, de quo non iuridice interrogaretur, scilicet ad euitanda notabilia tormenta: quia rationabiliter timeret, nisi id crimen ita detegeret, aliquid ei eorum esse euenturum, tunc meritis posset illud absque peccato eo modo detegere, nihil impediens infamia, quam inde contraheret.
9. Non licet ad euadenda tormenta aut ad mortem euitandam detegere secreta reip. quæ in notabile illius damnum vergant.
10. Cum aliquis casu absque sua culpa nouit crimen alicuius secretum, vel ipsi commissum fuit aliquod secretum, non tenetur illud seruare cum periculo vite, sed potest illud

illud detegere ad euadenda tormenta, etiam si ex detectione alterius vita periclitaretur.

11. Si ex reuelatione secreti commissi, aut quod quis casu nouit, periclitaretur vita alicuius: ex eo verò quod claretur, solum honos periclitaretur vel bona externa eius, qui illud nouit, tunc est prudens arbitrio iudicandum, quidnam sequi oporteat.
12. Si ex reuelatione secreti solum sequeretur damnum honoris aut bonorum alicuius, tunc non solum fides esset scienti tale secretum, illud reuelare ad euadendum suam vel aliorum mortem, sed etiam ad euadendum quodcumque notabile damnum honoris aut diuitiarum.
13. Qui per iniuriam nouit secretum alicuius, tenetur cum equali aut cum paulo suo maiori detrimento id seruare.
14. Illicitum est quempiam seipsum infamare, crimen aliquod sibi imponendo, etiam si id fiat ad euadenda grauissima tormenta aut ad mortem euadendam.
15. Cum quis morte est plectendus, nisi sibi crimen aliquod grauissimum imponeret, solum peccat venialiter, illud sibi imponendo, quando ex ea criminis impositione non sequitur notabile scandalum, aut notabilis iactura fame aut bonorum.
16. Quando aliquis imponendo ita sibi tale crimen euaderet quidem graua tormenta, ceterum condemnatus esset de heresi, apostasia à fide: si verò non confiteretur id crimen illud sibi imponendo, sed tormentum sustineret, nihil horum ei esset euenturum, sed solum esset condemnandus de se, si peccato in fide, tunc lethaliter peccaret crimen id sibi imponendo, vt graua fugeret tormenta.
17. Quando is, cui crimen heresis, aut aliquid simile sufficienter est probatum, vt brachio seculari comburendus tradatur, eius esset conditio, de quo aliqui praeiungunt non esset commissum id crimen, timendum est eum incurere culpam lethalem, tale crimen sibi imponendo, vt mortem euaderet.
18. Quando aliquis, ad euadenda quacunque tormenta criminis sibi imponit, ob quod est morte plectendus, lethaliter peccat.
19. Lethaliter peccaret filius, imponens sibi crimen patris, ob quod pater erat mortis plectendus, vt vitam patris conseruaret, & in se transferret mortem, quam pater erat subiturus.
20. Peccant etiam lethaliter & ad restitutionem damni tenentur, non solum qui falso crimen notabile alicui imponunt, sed etiam qui ad mortem euadendam, qua iniuste eis infligeretur, alios falso in aequale aut in fere aequale discrimen adducunt.
21. Qui alicui imposuisset crimen, ob quod periclitaretur vita, vel ob quod sequeretur illi ac suis talis iactura fame, vt mortis similis aut fere similis esset, sanè sibi tenetur illud retractare cum periculo tormentorum ac vite, quando esset spes ea retractione impedienda aut reparanda esse damna: quod si non esset spes talis, tunc non teneretur se retractare, sed teneretur restituere damna ita iniuste data.
22. Si crimen alicui impostum tale non est, vt ex illo ei mors vel aliud damnum in corpore aut fama vel diuitis immineret, tunc imponens tenetur se retractare, si ea retractione posset ea damna impedire vel rescire.
23. Confessio criminis tormentis extorta non infamat conscientem: non intelligendo de confessione iuridice extorta.
24. Dissoluantur argumenta pro opinione contraria.

li restituendi onere, ad tormenta & alia detrimenta vitanda, alij crimen impetere.

DISPUT. 37.



Iximus haecenus de iustitia contra famam alterius. Nunc verò est examinandum, vtrum qui seipsum infamat, iniustitiam committat, ad restitutionemque teneatur, & quo visque peccet, aut non peccet seipsum infamando. Simul verò occasione eorum, quae circa haec dicenda sunt, maxime quoniam aliquis se ipsum infamat, vt tormenta, mortem, vel alia mala fugiat, miscebitur sermonem, quo visque toleranda sunt tormenta aut mors, ne secreta aliena reuelentur, & quanta culpa sit, & cum quali restituendi onere, ad tormenta & alia detrimenta vitanda, alius crimen imponere. Haec nunc duo posteriora seruanda in hunc locum fuerunt, vt extra suum proprium locum commodius examinarentur hoc loco occasione eius, quod priori loco est propositum.

Quod ergo ad primum eorum, quae proposita sunt, atinet, quodque proprium est huius loci, Caiet. 2. 2. q. 73. art. 2. & in summa verb. detractio, & verb. rest. c. ult. casu. 2. in ea est sententia, vt affirmet, aliquem se ipsum infamare, etiam si id efficiat, vt tormenta aut mortem euitet, esse ex suo genere culpam lethalem contra iustitiam comparatione communitatis reipublicae, aut ecclesiae, cuius esse pars: eaque de causa restituere reipublicae teneri famam ita sibi iniuste ablatam. Sui verò comparatione ait, quauis contra iustitiam non peccet, eo quod iustitia sit ad alterum, nullusque sibi ipsi efficere iniustitiam possit, esse tamen plus quam iniustum: quoniam se ipsum infamare est contra caritatem propriam, qua quis non minus se ipsum, quam suum proximum, diligere tenetur: qua de causa, inquit, grauius peccat se ipsum infamando, quam si suum proximum finit infamia afficeret. Ad hanc sententiam accedere ex parte videtur Maior in 4. dist. 15. q. 16. Pan. quoque c. ex parte 2. de sepult. n. 2. ait, lethale peccatum esse aliquem seipsum infamare, eaque de causa peccare eos lethaliter, qui in tormentis ea delicta sibi imponunt, quae non commiserunt, esseque illos in statu damnationis, si ante mortem eam confessionem non reuocent. Eandem sententiam innuunt Diuus Anton. part. 2. tit. 2. c. 2. §. 3. Felin. c. 1. de testum. cogn. & quidam alij. Pro eadem sententia, quod scilicet is, qui se ipsum infamat, lethaliter peccat, citatur glossa c. 1. verb. erroris 15. q. 6. Et tamè glossa solum loquitur, quando aliquis metu tormentorum cōtinetur errorem in fide illum approbando: in quo euentu nullus est, qui dubitet, eum peccare lethaliter.

Angelus verb. detractio §. ultimo ait, eum, qui sine metu tormentorum seipsum infamat, lethaliter peccare. Eum verò, qui metu tormentorum se ipsum infamat, non peccare lethaliter: quia id mendacium est officiosum: neque postea tenetur retractare ea delicta, quae sibi imposuit, si timeat ea de causa esse iterum torquendum, sed praeligere eum posse mortem, vt tormenta euitet. Si autem non timeat ea de causa esse iterum torquendum, ait teneri retractare delicta sibi imposita. Syluest. ver. detractio n. 4. videtur Angelum sequi, addēs, eum, qui ne iterum tormentis subiiciatur, non teneri antequam sententia feratur retractare delicta, quae sibi imposuit, teneri tamen illa publicè retractare ante mortem post latam sententiam.

Caietani & aliorum opinio suaderi potest. Primò, Ecclesiast. 41. praecipitur, curam habere de bono nomine, hoc est, de bona fama. Curam, inquit ibi scriptura, habere de bono nomine: hoc enim magis permanebit tibi, quam

UTRUM HOMO CONTRA IUSTITIAM GRAVIUSQUE LETHALITER PECCET SEIPSUM ILLICITE INFAMANDO, QUAM SI PROXIMUM INFAMARET, AD RESTITUTIONEMQUE SUE FAME TENATUR. Et simul quo usque in tormentis obligatio sit seruare secreta aliorum, quantaque culpa sit, & cum qua-

mille thesauri pretiosi & magni. Et proverb. 22. Melius est nomen bonum, quam diuitia multa: ergo vnusquisque tenetur conservare suam famam, atque adeo lethaliter peccat seipsum infamando.

Secundo, Aug. 1. de Ciuit. Dei c. 20. & refertur c. si non licet 23. q. 3. sic ait: Falsi testimonij non minus reus est, qui de se ipso falsum fatetur, quam si aduersus proximum hoc faceret. Aperteq; ibi docet Augustinus, quamuis octauum decalogi præceptum sub hac forma tradatur, Non dices falsum testimonium aduersus proximum, nihilominus illo eodẽ præcepto censi prohibuit falsum testimonium aduersus uosmetipsos cum regula diligendi proximum sit dilectio, quia nos ipsos diligimus, dicente scriptura, diliges proximum tuum sicut te ipsum: cum ergo culpa lethalis sit infamare proximum, consequens sanè est, vt culpa quoque lethalis sit, aliquem seipsum infamare.

Tertio, idem Aug. de bono viduitatis c. 22. & refertur. non sunt audiendi 11. q. 3. reprehendit eos, qui contenti testimonio propriæ conscientie coram Deo, negligebant propriam famam circa quedam vitia, quorum indicia & suspicionem præbebant, additque Aug. Nobis necessaria est vita nostra, alius fama nostra. ergo lethaliter peccat, qui seipsum notabiliter infamat.

Quarto, argumentatur Caiet. vnusquisque præcepto caritatis tenetur plus se ipsum diligere, quàm alium, sequè ipsum infamando committit iniustitiam contra communitatem, cuius est pars: ergo se ipsum infamando, nõ minus peccat lethaliter, quàm peccat infamando alium, peccatq; contra iustitiã, teneturque restituere communitati damnum famæ ita datum.

Quinto, idem Caiet. argumentatur, infamare se ipsum ex suo genere est culpa lethalis, vt est ostensum: ergo esto quis id efficiat ad euitanda tormenta, erit culpa lethalis. Consequentia ex eo patet, quoniam metus mortis ac tormentorum non excusat id à culpa lethali, quod ex suo genere est tale: alioquin licitum esset fornicari ad inortem euadendam.

Sequentibus conclusionibus aperiam, quid circa ea omnia, quæ in titulo huius disputationis sunt proposita sentiam. Prima est. Infamare aliquem seipsum sine rationabili causa, peccatum est. In hac conclusione omnes consentiunt. Esset enim id prodigalitas famæ, quæ non minus est peccatum, quàm peccatum sit prodigalitas bonorum externorum diuitiarum: imò verò est maius peccatum, quo famæ bonum diuitiarum bonum excedit. Dixi, sine rationabili causa: quoniam si ex rationabili causa quis se ipsum infamat, vt humilitatis gratia, vel ad fugiendum damnum aliquod spirituale, vel ex alia simili, & neque interueniat mandacium neq; scandalum, fiatque moderate iuxta rectam rationem, attentis circumstantiis omnibus concurrentibus, nullaque alia circumstantia interueniat, quæ eum actum inficiat, id sane nullum erit peccatum, quin potius erit egregia virtus. Sic Augustinus, & alij Sancti, sua aliqua crimina detexerunt. Et Matthæus Apostolus, se fuisse publicanum, indeque à Christo fuisse vocatum scripsit, quod in futurum, quo ad id, siam famam maculare poterat: vt verò exaltaret Christi in ipsum misericordiam ac beneficium, illudque prædicaret, atque ad suam humilitatem, id non solum ei licuit, sed fuit etiam opus non exigua virtutis. Ferre verò patienter infamiam ab aliis iniuste illatam, non se defendendo ex rationabili causa, multo magis esse potest licitum & frequenter Christi exemplo sit cum ingenti merito ac virtute, quando recta ratio contrarium ex aliquibus circumstantiis non postulat. Lege quæ Diss. 2. & 20. dicta sunt.

Secunda conclusio: Infamare aliquem seipsum, si præcise spectetur quoad solam infamiam, quam ipse inde contrahit etiam si irrationabiliter atque illicite id fiat, non est ex suo genere culpa lethalis, sed venialis, neq; est peccatum contra iustitiam, eaque de causa ex illo non confurgit restituendi obligatio. Conclusio hæc est contra Caietanũ, & suo etiam modo contra alios doctores supra citatos. Eam verò affirmant Sotus de legendo secreto memb. 1. q. 3. lib. 4. de iust. q. 2. art. 3. & q. 6. art. 3. ad 4. & lib. 5. q. 10. art. 2. Ledesmi 2. 4. q. 18. art. 2. Nau. in Manu. c. 18. n. 27. & c. inter verb. (semper loquor de Commentario Hispano) à n. 563 Couar. 1. var. ref. c. 2. n. 5. Eandẽ sententiam tribuere possumus Adrian. quodl. 11. lit. n. & q. vlt. de rest. famæ. & Diuo Thomæ locis Diss. 2. citatis.

Probari autem potest, quoniã homo dominius est sui honoris & famæ, vt quatenus ab ipso pendet, non secus de eis disponere possit quam de bonis suis externis diuitiarum, vt Diss. 2. copiose comprobauimus: ergo aliquem irrationabiliter ac illicite se ipsum infamare ex ea parte, qua famæ sue iacturam facit, infamiamq; incurrit, nõ est aliud quàm prodigalitas, quæ non est peccatum contra iustitiam eaque de causa neque restituendi obligationem inducit: neq; item est peccatum ex suo genere lethale, sed veniale: sicut prodigalitas bonorum externorum peccatum non est ex suo genere lethale, sed veniale: aduersatur enim solum caritati, qua vnusquisq; se ac sua debet diligere: dilectio autẽ sui comparatione bonorum, quorum est dominus, & quæ neque ad salutem spirituales, neque corporis necessaria sunt, non obligat ex suo genere sub culpa lethali, sed solum sub veniali. Atq; quamuis fama nostra sepe reipublicæ nostrisq; proximis sit necessaria, sicut & bona nostra externa diuitiarum sepe etiam eisdem necessaria sunt, quia tamen fama nostra nõ est bonum proprium reipublicæ, neque nostrorum proximorum, sed nostrum: sicut neq; bona nostra externa diuitiarum, quando illis necessaria sunt, bonum proprium sunt eorum, sed nostrum, cõsequens profecto est, vt sicut prodigalitas bonorum nostrorum diuitiarum externarũ non est peccatum contra iustitiam, etiam quando proximis ac reipublicæ necessaria sunt, eaque de causa id peccatum obligationem restituendi non inducit: ita etiam neq; prodigalitas famæ nostræ, etiam quando reipublicæ ac proximis nostris est necessaria, peccatum sit contra iustitiam, neq; vllā restituendi obligationem inducat, quod Caiet. nõ attendit. Confirmatur, quoniam qui famam alterius iniuste lædit, neque reipublicæ neq; aliis proximis tenetur ad vllam restitutionem, sed solum læso: atque si læsus illi parcat, eamque obligationem illi condonet, liber omnino ille manet à restituendi onere: ergo neq; qui suam propriam famam irrationabiliter atque illicite lædit, ad vllam restitutionem reipublicæ ac aliis proximis tenetur: si bi autem de iustitia non tenetur, eo quod iustitia non sit eiusdem ad se ipsum: quo fit, vt nullo modo de iustitia restituere teneatur. Verum autem prodigalitas propriæ famæ ex eo, quod interdum in detrimentum cedat reipublicæ ac proximorum, ad culpam aliquando pertingat lethalem, ex sequentibus conclusionibus liquet.

Tertia conclusio. Si dum quis seipsum infamat, interueniat periurium, quia iururatio erat strictus dicere verum, sibiq; imposuit crimen aliquod, tunc factis perspicuum est, interuenire culpam lethalem periurij. Si item quis se infamat iactando se de aliqua culpa lethali, in eaq; complacendo, factis etiam constat in eo interuenire culpam lethalem: quippe cùm complacentia in culpa lethali peccatum eiusdem speciei sit cum eo, in quo quis complacet

placet. Atq; de eiusmodi peccatore Psal. 51. dicitur *Quid gloriaris in malitia, qui potens in iniquitate?* si etiam alicui necessaria esset sua fama ad se continentium ad culpam lethali, tunc lethalis esset culpa illam prodigere. Raro tamen in prodigalitate famæ ex hoc capite interuenit culpa lethalis. Similiter si quis se ipsum infamando se exponeret periculo vitæ, aut amissioni membri, neq; interueniret iusta causa, quæ eum ad culpam lethalem excusaret, tali periculo se exponendo, tunc utique lethaliter peccaret se ipsum infamando, eo quod unusquisq; sub culpa lethali conservare teneatur suam propriam vitam ac membra.

Quarta conclusio. Si ex infamia alicuius sequeretur tale aliorum scandalum, quod is sub culpa lethali vitare teneretur, tunc culpa esset lethalis, eum seipsum ita infamare, aut nō protegere aut defendere suam famam ac innocentiam, si commodè posset. Exempla sunt. Vt si ex peccato lethali alicuius creditur sequeretur imitatio aliorum. Vel si ex peccato alicuius notabiliter contemneretur, in quo ille erat religiosus, virtutis minus reputaretur in aliis probis, signioresque notabiliter inde alii redderetur ad virtutem. Atque ob hoc exemplum Aug. de bono viduitatis c. ult. & refertur c. non sunt audiendis citato, reprehendit quosdam homines ac mulieres, qui probi ac sancti reputabantur, contemnebantq; suam famam aliquibus in rebus, quæ speciem habebant mali, contenti testimonio suæ conscientiæ, atque ibi Augustinus, *nobis necessaria est vita nostra*, (loquiturque non de corporali vita, vt alicui male arbitrantur, sed de recta vita quoad mores, vt ibi perspicue pater) *aliu vero fama nostra*. Exemplum est deinde in homine, cuius fama multum reipublicæ interest, saluticque aliorum spirituali, vel quia suam famam quasi obligatam aliis habet ratione muneris ac officij, ad quod bona fama est necessaria, vt euenit in prælato, vel quia licet obligatam suam famam aliis non habeat, ex eo tamen multum iuuantur proximi, famaque amissa, periret impedireturq; magnus spiritualis fructus: vt si is esset insignis concionator, aut alius ex cuius admonitionibus & exemplo alij multum iuuarentur, atque ex cuius infamia periret ac impediretur is fructus, sanè hilethaliter peccarent se ipsum infamando, quin & non defendendo suam famam, si commodè posset sperarentque se illam conservaturos, & alioquin perituras cum aliorum spirituali detrimento.

Sorus 5. de iust. q. 10. art. 2. ait, prælatum, qui suam famam regendis suis subditis obstrictam habet, contra iustitiam peccare se ipsum infamando; quæ admodum inquit, contra iustitiam peccat, quia alienam habens familiam, aut videns pauperes grauiter indigere, bona sua proiiceret in flumen. Quamuis autem primum e. exemplum sit accommodatum: eo quod paterfamilias de iustitia teneatur filios & vxorem alere, ac proinde proijcere eum bona sua ita in flumen, in iniuriam filiorum & vxoris cederet, sicut in iniuriam subditorum cederet prælati se ipsum infamare cum eorundem subditorum detrimento quo ad id, quo ad quod illis ex officio tenetur: secundum tamen exemplum sanè non est ad rem. Quoniam pauperibus non debetur subuentio ex iustitia, sed solum ex caritate: quare quatenus eo modo impediretur pauperum subuentio, non esset id peccatum contra iustitiam, sed solum contra caritatem.

Item quamuis fatear, eam iacturam famæ prælati cedere suo modo in iniuriam suorum subditorum, non tamen dicere confurgere inde obligationem ex iustitia restituendi illis eam famam: quoniam fama illa non est subditorum, sed prælati. Vnde si tertius aliquis famam eiusdem prælati iniuste læderet, sanè non teneretur ex iustitia restituere illam

subditis, sed prælato. Si autem prælatus eam obligationem restituendi illi remitteret, certe quamuis malè faceret, si suam famam recuperare posset cum commodo suorum subditorum, quorum adhuc esset prælatus, iniuriarumq; in eo illis faceret, ille tamē aliis deobligatus omnino maneret ab onere illam ex iustitia restituendi. Quod si prælatus, vel à se vel ab alio ita infamatus, idoneus non maneret ad deinceps eos subditos regendos, teneretur munus relinquere, aliq; prælati ipsi superiores, aut congregatio ipsa, si supremam in ea parte haberet quo ad id iurisdictionem, teneretur illū deponere. Si verò idoneus adhuc maneret, esset minus, quam antea erat, non teneretur relinquere munus, neq; de iustitia teneretur restituere subditis emolumentum, quod ex maiori illa sua idoneitate essent percepturi: maxime quia prælatus non tenetur de iustitia ad optimum regimen, & ad maiorem vtilitatem & profectum suorum subditorum, quasi si in aliquo ab optimo regimine maioriq; commoditate & vtilitate illorum, deficiat, contra iustitiam peccet, teneaturq; illis ad restitutionem. Pater etiam familias licet iniuriam faceret filiis, proiciendo bona sua in flumen, aut aliter illa destruendo, vel prodigendo, non tamen teneretur ea illis restituere: quoniam solus pater & non filij dominus illorum est, neq; ad filios pertinent ea bona nisi post mortem patris, si tunc remaneant, perseverando illius vsq; ad eius mortem, atque tunc pertinent ad illos iuxta præscriptū legum, & prout pater voluerit eis eam partem relinquere, de qua tempore mortis liberè potest disponere. Quando infamia alicuius, siue esset prælatus, siue aliquis alius, in illos redundaret, est distinguendum: Quoniam vel ille imponendo sibi id crimen, vel illud committendo acquiescendo, solum esse occasio infamæ aliorum, quia inde alij occasionem sumunt reputandi alios malos, aut ad abiectum de illis sentiendum, & tunc ad nullam tenetur illis restitutionem eius infamæ, quæ in illos redundauit: quoniam non fuit illius causa sed occasio solū. Vel fuit illius causa, saltē quia iuris dispositionis infamia ex eo crimine in penam illius redundat in alios ipsi coniunctos, vt in crimine hæreseos & læsæ maiestatis humanæ, aliqui ex descendentibus ex condemnato de eo crimine infames sinantur & tunc tenetur illis restituere id famæ damnum, tanquam causa iniuncta illius.

Quinta conclusio. Fieri potest, vt aliquis licet se ipsum infamet, eisdē videat inde euenitum vitam ab eo esse eripiendam: modo tamen non se infamet, crimen, quod non commisit, sibi imponendo, sed detegendo crimen quod verè commisit, quodq; detegere nō tenebatur, & modò ad id rationalis causa existat. Exempla rem hanc dilucidam reddent. Est aliquis, qui crimen committit, propter quod dignus est morte, ignoratur tamen eum id crimen commisisse. Sanè ille videat innocentem ob id crimen periclitari, aut duci ad patibulum, poterit licet inaffertare illum esse innocentem, sequere id crimen commisisse, quando non potest alia via eripere illū à morte. Probat, quoniam id solū est cedere iuri suo, quod habet, vt tunc non se prodatur, sed potius innocentem mori permittat: neq; est id se ipsum interficere, sed est reuelare iustam causam, ob quam à publica potestate iuste interficiatur: atque est ex rationali causa postponere famam propriam famæ innocentis, vitamque propriam vitæ innocentis, quod licitum est, maximeque meritorium, vt ex his liquet, quæ supra in hac 2.2. in materia de caritate q. 26. art. 5. & tractatu precedente Disp. 14. conclusio 3. diximus: ergo licitum in eo euenit est, se ipsum cum periculo vitæ infamare detegendo crimen, quod verè commisit. Imò verò conclusio citata ostendim⁹, fas esse rationabili ex causa postponere vitam nostrā vitæ innocentis, vt permittere

nos ab iniusto aggressore interfici, ne ipsum interficiamus. Et Sotus de ratione tegendi *loco citato conclus. 5.* rectè ait, non solum aliquem licitè posse famam suam postponere famæ proximi, detegendo crimen suum quando innocens de illo infamatur, in quo consensit etiam Ledefinius. 2. 4. q. 18. art. 2. sed etiam famæ nocentis, sustinendo patienter crimē, quod ipsi imponitur, ne alium detegat, qui illud committit, vt ita iactura suæ famæ famæ proximi illius perferretur: sicut, ait, poni potest vita propria vitæ proximi. Obserua tamen, si fama innocentis logè plus necessaria reipublicæ esset, quàm fama nocentis, tunc contra caritatem reipublicæ ac Dei esset, permittere conseruationem propriæ famæ, vt fama illius alterius conseruaretur, vt *Disp. 14. citata* quoad vitæ conseruationem dictum ostensumque est.

Aliud exemplum conclusionis propositæ est. Si aliquis, qui verè crimē aliquod commisit, pro quo est dignus morte, subiiciatur torturæ, cruciatibusque, vt veritatem coniteatur: ceterum ei torturæ subiiciatur non seruato ordine iuris; eo quod non sit semiplena probatio, vt veritatem coniteri teneatur, neq; sint sufficiens indicia, vt torturæ subiiciatur. Sanè is licite se ipsum infamat, detegendo crimen, quod coniteri non tenebatur, nihil impediēte quod propter illud sit morte plectendus. Ratio autem est, quoniam non mentitur detegendo ita crimen suum, rationabiliq; ex causa cedit iuri, quod habebat ad illud celandum; neque sibi infert in eo mortem, sed solum rationabili ex causa, ne sc. tormenta sustineat, detegit delictum, ob quod verè est dignus morte, permittitque eripi sibi vitam, quam non tenetur conseruare cum tãto suo labore ac molestia. Ita Sotus *conclus. 5. citata & memb. 3. q. 4. concl. 10. & 5. de iust. q. 10. art. 2.*

Contrarium verò huius secundi exempli affirmat Nauar. *in Manu. c. 18. n. 29. & c. inter verba. n. 557. & 568.* ductus, quod qui in eo euentu detegit suum crimen verum, causa est suæ propriæ mortis. Hoc tamen apertè est falsum, vt proximè deduximus ac ostendimus, & constat, ex primo exemplo circa hanc quintam conclusionem proposito, in quo Nauarrus non negabit, licere detegere crimen proprium pro tuenda illo modo vita innocentis: quod tamē esset illicitum, si detegere suum verum crimen in eo euentu, in quo illud detegere non tenebatur, esset sibi ipsi esse causam mortis.

Quando autem aliquis sine mortis, aut amissionis membri periculo detegeret crimen suum verū, de quo non iuridicè interrogatur, quia scit, quamuis illud detegat ac coniteatur, non tamen ea de causa esse interficiendus, nec mutilandus, attamen illud ita detegeret ad euadenda notabilia tormenta, mutilationē, aut mortē, quia rationabiliter timeret, nisi id crimen ita detegeret aliquid eorum esse ei euenturū, tunc longe maiori cum ratione posset illud absq; peccato eo modo detegere, nihil impediēte infamia, quàm inde contraheret. Quoniam quemadmodum pecunia licitè posset tunc redimere ea tormenta, aut periculū mutilationis vel mortis: sic etiam potest licite illa redimere amissionem propriæ famæ: idq; non solum quoniam licet fama ex suo genere prastantior sit pecunia, ingens tamē copia pecuniæ superare potest in æstimatione famam aliquam; sed etiam quoniam vita integralisque illius excellentioris ordinis sunt, quàm fama.

Vt verò hoc loco, antequam ulterius progrediamur aliquid obiter de ijs inferamus, qui tormētis aut mortis metu iniuste coguntur detegere crimina vera, aut alia secreta aliorū, quousq; eis liceat, aut non liceat, illa detegere ad tormenta vel mortē euadendum, sequentes subiiciamus conclusiones.

Sexta ergo conclusio in ordine est: Neq; ad euadenda quæcunq; tormenta, neq; ad mortem ipsam

euadendā, fas est detegere secreta reipublicæ, quæ in notabile illius perniciē vergāt. Vt sunt ea secreta exercitū, ex quorum detectione notabile periculū exercitui aut reipublicæ immineret. Conclusio nē hanc affirmant Sotus *de tegend. secret. memb. 3. q. 4. concl. 6.* & Nau. *c. inter verba. n. 561.* Probari autem potest, quoniam pro salute reipublicæ quiuis cuius teneatur exponere propriā vitam, ad idq; a republica potest sub lethali culpa obligari, præsumendumq; est in euentu huius conclusionis velle eo modo obligare ad ea secreta non detegenda: ergo nefas est ad tormenta aut mortem euadenda detegere eiusmodi reipublicæ secreta. Alia autem secreta, ex quibus leue detrimentum posset reipublicæ euenire, detegere quis posset absq; culpa, ad mortē aut ad grauia tormenta euadenda. Quoniam non est præsumendum rempublicam velle, vt cum tanto ea scientis detrimentum non detegantur: neq; reipublica rationabiliter id velle posset.

Sotus *loco cit.* velle Nauarrus etiam sequitur, ait, Magistratus, iudices, scribas, & alios ministros publicos, quibus secreta publica & causæ particularium ex officio committuntur, quique ob suum ministerium stipendia accipiunt, teneri etiam in causis particularium, tormenta, & mortem potius tolerare, quam ea secreta illorum detegant, ex quorū manifestatione vel mors alicuius eorū sequeretur, vel ingens aliquod damnum, vt amissionis comitatus, marchionatus, ducatus, vel alterius maioratus, vel quippam aliud notabile. Placet autē nobis hæc opinio: quoniam ita postulat recta ratio; posuntq; ea officia cum eo onere concedi; præsumendumq; est, rempublicam velle, vt ad id in eis euentibus teneantur. Quando autē in causis tanti momēti probabile esset, ex ea manifestatione secretorum sequendum non esse tantum damnum, itemque qñ secreta essent rerum & causarum minoris momēti detegi sine peccato ab eis ministris publicis posset, vt mortem, mutilationem, aut non leuia tormenta euaderent. Quoniam ratio non postulat, vt cum tanto onere teneatur similia secreta seruare, neque est credendum rempublicam ad id intendisse eos obligare: neque si intendisset, esset id rationabile & æquum.

Septima cōclusio. Quando aliquis casu absq; sua culpa nouit crimen secretum alicuius, aut aliud eiusdē secretū, vel ipsi commissum fuit aliquid cretū, non tenetur illud seruare cum periculo propriæ vitæ, membri aut grauium tormentorū; sed licite potest illud detegere ad mortem aut grauia euadendum tormenta, etiam si ex detectione periclitetur vita alicuius. Excipio, nisi ea lege acceptasset id secretum sibi commissum, vt etiam ad mortem euadendam non posset illud detegere.

Priorem huius conclusionis partem affirmat Sotus *vbi supra conclus. 8. & 9.* Nō tñ nitor fundamento, cui ille innititur. Aitenim obligationem seruandī eiusmodi secreta non esse ex iustitia, sed ex caritate, eaque de causa nos non teneri illa seruare cum tã graui nostro detrimento. Nos vero *Disp. 3. & trib. seqq.* satis perspicuè ostendimus obligationē ea seruandī esse de iustitia, eaq; de causa eum, qui illa qñ tenetur, nō seruatur, teneri ad restitutionem dāno: ū inde subsequitorū: quod Sotus negare non potest. Neq; est verum, quod subiungit. Eodem videlicet modo nos ex caritate teneri seruare secretum quod casu nouimus, quod ex sola caritate tenemur seruare res proximorum nostrorum, quas casu inuenimus. Non, inquam, hoc est verum. Quoniam non seruando res proximorum nostrorum, habemus nos negatiuē, eaq; de causa, quando ex officio non tenemur illas seruare, nō censetur causā detringenti atq; amissionis earū, quoniam nō influimur in illarum destructionem & amissionem: At verò

verò non seruare secretum, non est habere nos negariue circa infamiam, aut circa alia dāna, quæ proximo ex illius reuelatione sequitur, sed est influere in ea damna positiuè detectione eius secreti. Fūdamentum verò, cui nos nitimur, est. Quoniam, qui secretum accipit cum pacto vt illud non reuelaret, non censetur se obligare cum tanto onere, vt etiam si necessarium sit illud reuelare ad euandā propriam mortem filij aut vxoris, vel ad euadenda grauiā tormēta aut mutilationem cuiusquam eorum non possit illud reuelare: maximè cum secretum committi soleat in nullum eius emolumentum, cui sub pacto illud seruandi detegitur, sed vel seculatè illud detegens, vel in ipso commodum aut alicuius terrij nulliusque prudens in eo euentu acceptasset id secretum cum tāto suo onere: cum ergo ordine caritatis nullus teneatur posthabere suam propriam vitam aut suorum, vel grauem sui aut suorum corporis læsionem, vitæ alterius: consequens profectò est, vt in eo euentu neque ex iustitia neque ex caritate teneatur seruare id secretum, sed possit licitè illud detegere, nihil impediēte quòd inde vita alterius periclitetur. Atque cum, quando aliquis casu absque sua culpa nouit secretum alicuius, ex natura rei non confurgat maior obligatio illud seruandi, quā si ea lege ei reuelaretur, vt nō possit illud detegere: cōsequens sanè est, vt in eo euentu longè maiori cum ratione non teneatur illud seruare cum tanto suo onere.

Addidi posteriorem conclusionis partem, quoniam si is, cui secretum reuelatur, ea lege illud acceptaret, vt neque ad mortem euadendam detegere illud posset, sanè licitum esset tale pactum, meritoq; reuelans velle posset, non aliter reuelare illi id suum secretum, quod tanti sua referat seruari, nisi cum eo onere: quare tunc, qui ita illud acceptasset, de iustitia teneatur illud seruare, etiam si, vt illud seruaret, propriam amitteret, vitam, peccaretque lechalter, teneaturque ad restitutionem omnium damnorum ex reuelatione illius, vt ea ratione mortem euaderet, subsequutorum, si illud reuelaret.

Octaua conclusio. Si ex reuelatione secreti commissi, aut quod quis casu nouit, periclitaretur vita alicuius, ex eo verò quòd celaretur, solum periclitarentur honor, aut fama, vel bona externa diuitiarum, eius, qui illud nouit: arbitror prudentis arbitrio esse iudicandum, attenta quantitate detrimenti honoris, aut famæ, vel diuitiarum, eius, qui illud nouit, & spe, quæ est vt illi id detrimentū resarciatur postea, & num iniuste vita sit illi alteri auferenda, an iuste: itemq; num secretum sit reuelatum in commodum ei⁹, qui illud secretò accepit, vel alterius, & ex reliquis circumstantiis concurrentibus est iudicandum, num cū tanto suo detrimento teneatur illud seruare, an non: qm̄, etiam si per secretum commissum illud accepisset, non censeretur cum tanto suo detrimento intendisse se obligare ad illud seruandum, si detrimentum esset magnum, & sine spe, quòd foret reparandum, nisi expresse fuisset deductum pactum, vt etiam cū tāto suo detrimento teneatur illud seruare: tunc enim validum esset id pactum, illiq; esset stādum, vt in posteriori parte huius conclusionis præcedentis dictum est. Minor verò esset obligatio ad id secretum seruandum, si casu absque sua culpa illud sciuiſſet, vt est satis perspicuum, dictumque ad finem prioris partis præcedentis conclusionis.

Illud tamen obserua, quando aliquis detrimentum pateretur in aliquibus suis bonis celando secretum alteri⁹, quòd casu nouit, aut quod sibi fuit commissum, idque ne ex reuelatione illius alius pateretur grauius damnum, tunc, si id secretum reuelatum ei non fuit in suum commodum, sanè illud,

in cuius commodum id secretum fuit seruatum vt vitaretur ei maius damnum teneri in conscientia foro compensare illi id damnum: imò in exteriori foro conceditur actio negotiorum gestorum ei, qui in gratiam alterius illud est perpeſſus aduersus eum, in cuius gratiam illud est passus, si realis non sit, vt iusta aliqua de causa in exteriori foro nō debeat concedi talis actio, vt si interuenit aliqua culpa in eo secreto non reuelando, aut aliud simile.

Nona conclusio. Quando ex reuelatione secreti, de quo duabus præcedentibus conclusionibus habitus est sermo, solum sequeretur damnum honoris aut famæ, vel bonorum externorum diuitiarū alicuius, tunc non solum fas esset scienti tale secretum, illud reuelare ad euadendam propriam, vel suorum, aut etiā cuiusvis alterius innocētis, mortem, mutilationē, aut grauiā tormenta, sed etiam ad euadendum quodcūq; notabile damnum proprium honoris, famæ, aut bonorum externorum, diuitiarum. Quantum autem damnum sustinere in eo euentu quis debeat, ne alienum reuelet secretum prudentis arbitrio est id iudicandum, attēto damno, quod proximo ex reuelatione talis secreti imminet, & attentis cæteris circumstantiis omnibus concurrentibus. Illud addo, plus damni teneri sustinere illū, qui cum pacto, vt seruaret secretū illud accepit, quā illum, qui casu id secretum nouit. Imò vero horum vtrumq; petere posse satisfaciōnē damni, quòd sustinuerit, vt seruaret secretum ab eo in cuius vtilitate id secretū seruauit, idq; damnum sustinuit iuxta ea, quæ præcedente cōclusionē dicta sunt. Atq; quando aliquis formaliter aut virtute se astrinxit seruare secretum sibi commissum, num petere possit compensationē dānorum, quæ, vt illud seruaret, sustinuit, & quousq; quāq; nū fuit expressum, in se suscipere totum onus & damnum illud seruandi, si quod inde eueniret, iudicandum est id ex circumstantiis concurrentibus, ex quibus prudentis arbitrio est expendendum, an cōsēdus sit velle in se suscipere id detrimentum, si eueniret, aut parē, attēto quòd in ipsius commodum omnino aut ex parte fuerit id secretum illi reuelatum, aut quod ipse sollicitauerit, vt sibi reuelaretur, in se suscipiendo onus illud non reuelandi, attentisque aliis circumstantiis concurrentibus.

Primā huius conclusionis partem, quod se in eo euentu fas sit reuelare id secretum ad euadēda dāna ibi commemorata, affirmat Sotus de *regend. ser. loco cit. & 5. de iust. q. 10. art. 2.* Probari autem potest, qm̄ lege caritatis nullus tenetur vitare damna honoris, famæ, aut bonorum externorum diuitiarū proximi cum tanto suo detrimento, vt in materia de elemosyna & aliis sæpe dictum est. Nullus itē, cui committitur tale secretum, intendit se obligare illud seruare cum tanto suo damno, nisi ad illud cum tanto suo damno seruandū expresse se astringat: atque, qm̄ casu secretū id nouit, non maior obligatio illud seruandi confurgit ex natura rei, neq; cum maiori suo detrimento, quā si illud per secretum commissum agnouisset, imò minor tunc confurgit obligatio, vt duabus præcedentibus cōclusionibus dictum est: ergo prima pars eius conclusionis vera est. Reliquæ verò partes non alia indigent probatione, quā explanatione, quæ in eis fuit adhibita.

Decima conclusio: Qui per iniuriā nouit secretū alicuius, teneatur cum æquali aut cum paulo suo maiori detrimento id secretum seruare. Vnde si ex illius reuelatione mors alteri immineret, teneatur potius tormenta ac mortem perpeti, quā illud reuelare. Si verò ex reuelatione talis secreti solum immineret alteri damnum in honore, aut fama, vel in bonis externis diuitiarū, ipsi verò, nisi illud

reuelaret, immineret mors, membri amissio, vel imminerent grauius tormenta ac cruciatus, licet quidam posset illud reuelare; attamen restituere ei proximo teneretur damna omnia ex ea reuelatione illi sequuta.

In priori huius conclusionis parte consentire videntur Sotus *ubi supra* conclus. 7. & Nauar. *c. inter verba* n. 561. Probatur autem potest, quoniam cum is per iniuriam atque iniustitiam sciuerit, id secretum ut verbi gratia, aperiendo illicitè alienas literas, aut via alia illicitè inquirendo crimen secretum alicui⁹, vel aliqua alia simili ratione, sanè tenetur seruare illum indemne antequam damna inde illi eueniant, etiam cum alicui maiori suo damno, què admodum posteadem damna iniuste illi sequuta tenetur ea illi restituere cum equali aut etiam cum paulò maiori suo damno, vt *tract. 2. Disp. 75. 4. & tractatu præcedente* Disp. 102. est dictum: ergo quando imminet mors proximo ex reuelatione talis secreti, tenetur illud seruare cum detrimento suæ propriæ vitæ; quando imminet illi aliud damnum tenetur illum seruare indemnem cum æquali aut paulò maiori suo damno.

Posteriori verò partem eiusdem conclusionis affirmat Nauar. *ubi supra* n. 562. Potest autem probari, quoniam quia ratione null⁹ regulariter tenetur restituere bona famæ aut externa, cum detrimento propriæ vitæ, aut cum longe maiori suo damno, quàm sit illud, quod restituere tenetur, estò per iniuriā illud dederit, maximè quā spes est quòd id proximo sine tanto suo damno restituat, vt disputationibus citatis est dictum: ita in re propòsitā, estò quis per iniustitiam veniret in notitiam secreti alicuius, ex cuius detectione nulli immineret vitæ periculum, sanè non tamen tenetur illud seruare cum periculo propriæ vitæ, aut cum longe maiori suo detrimento, quàm sit detrimentum, quod ex illius detectione proximo suo imminet, quando pact⁹ est illud restituere, maximè si spes sit illud restituaturum. Ratio tamen ac iustitia tunc postulant, vt proximo suo ea omnia dāna restituant, quæ sua culpa ita illi sunt sequuta.

His ita obiter insertis, regrediamur ad infamiā, qua quis seipsum infamat, vnde digressi sum⁹, circa quā vnde cōclūsa conclusio est: Illicitum est quæpiam seipsum infamare, crimē aliquod sibi imponendo, etiam si id fiat ad euadenda grauius tormenta, aut ad mortem euadendam. Conclusio hæc facilis est, atq; communis omnium. Cum enim in eo, quòd crimen sibi aliquis imponat, interueniat mendacium, quod intrinsecè malum est, nulla sanè ratione fieri potest, vt aliqua de causa id liceat quare potius homo tenetur perpeti quæcunq; grauius tormenta, mortemq; ingenti cum merito gloriæq; corona perpeti, quā Deū offendat mendacium proferendo etiam si eo non simul seipsum infamaret. Vnde ij vinētī, qui ob crimen falsum, quod negant, tormentis subiiciuntur, aut ad patibulum ducuntur morte plectendi, animandī acriter sunt, ea omnia constanter perferre, crimenque sibi nō imponere ob ingens meritum, aut cumulatissimum præmiū iplis paratum: est enim velut genus quoddam martyrij illa perpeti, ne Deum vel venialiter offendant.

Potissima verò difficultas grauiusq; controversa circa hanc materiam est, num qui, ad euadenda grauius tormenta, delictum aliquod sibi imponit, ob quod sit morte plectendus, lethaliter peccet, an non. Sotus *de tegem. secr. memb. 1. q. 3. conclus. 6.* licet nō omnino firmus, affirmat tamen non esse peccatum lethale, solum crimen aliquod sibi imponere, ob quod morte sit puniendus, vt ea ratione seruet vitam patris, mortemq; quam illi erat subiturus, in se transferat. Quoniam, inquit, id mendacium nō est perniciosum, sed officiosum. Et *memb. 3. q. 4. adji-*

*nem conclus. vlt. ait, estò quis, vt fugeret tormenta, falsum crimen sibi imponeret, non peccare lethaliter: quoniam id mendacium solum esset officiosum. Ibi tñ nō explicat, vtrum idem sit, quando ob crimen, quod ita confitetur, morte esset plectendus. Tandem 5. de iust. q. 10. ad finem art. 2. affirmat, non esse culpam lethalem, ad euadenda grauius tormenta confiteri crimen falsum, ob quod, qui illud confitetur, sit morte puniendus: Quoniam, inquit, nō tenetur homo cum tanto cruciatu conservare vitam propriā: eaq; de causa permittere potest mortem breuiorem. Quare censet, id mendacium non esse perniciosum, sed officiosum. Eandem sententiam affirmat Ledesma *2. 4. q. 18. art. 2.* quando tormenta sunt grauius. Quando verò tormenta leuia sunt, omnes confitentur culpam esse lethalem, cum confiteri crimen, quod non commisit, & propter quod esset morte plectendus: quoniam cum tā paruo damno vnusquisque tenetur sub reatu lethalis culpæ conservare propriam vitam.*

Contrariā verò sententiam affirmat Nauar. *in Manu. c. 18. n. 29. & c. inter verba* n. 556. & 558. ductus ex eo, quòd detegere ita crimen falsum, ob quod sit mors plectendus, est causam esse sue mortis, quòd est culpa lethalis, neq; excusatur ex eo, quòd id fiat ad grauius tormenta euadenda. Eandem sententiam videtur amplecti Couar. *1. var. res. 2. in calce* n. 8. & iuxta eam intelligit Panor. & alios, atq; addit, neque Sotum illam negare. Quod tñ non video cur scripserit. Licet enim Sotus nec neget, nec negare possit, si quis eo modo verè esset causa suæ mortis, peccare in eo lethaliter: videtur tamē Sotus aperte sensisse, in eo illum non esse causam suæ mortis, & ob id perspicue asserit, illū non peccare lethaliter.

In hæc re graui circa euentus aliquos, qui facile possunt euenire, sequentes subiungam conclusiones. Duodecima in ordine est. Quando quis morte est plectendus, nisi sibi crimen aliquod grauiusimū imponat, solum peccat venialiter illud sibi imponendo, quādo ex ea criminis illius impositione nō sequitur notabile scandalum, neque iactura notabilis famæ ac bonorum aliorū. Exemplum est accommodatum in iis, qui propter crimen hæreseos aut apostasiæ à fide, tradendi sunt brachio seculari vt comburantur, eo quòd id crimen sit aduersus illos in tribunali sanctæ inquisitionis probatum sufficienter. Si enim aliquando forte cōtingat aliquē illorum innocētē esse, & iam res ad eas angustias deueniat, vt nisi sibi id crimen imponat, & de eo iā confessus misericordiam petat, tradendus sit brachio seculari, tunc non peccat lethaliter sibi illud imponendo, vt mortē euadat, sed solū peccat venialiter. Ratio autem est quoniam id crimen sibi tunc imponendo, non est sibi causa mortis, sed potius id efficiendo se ipsum eripit à corporis morte. Item quoniam in eo euentu regulariter ex eo, quod confiteatur id crimen, quod verè non commisit, & ad reconciliationem ecclesiæ tanquam de eo confessus admittatur, non generatur maius scandalum, quam generaretur ex eo, quòd publicè condemnaretur tanquam fict⁹ & impenitens de crimine hæreseos, aut apostasiæ à fide, & combureretur. Itemque quoniam ex eo, quòd sibi id crimen tunc imponat, non sequitur maior iactura honoris & famæ, bonorūque exteriorum, diuitiarum, sibi & suis, quā si illud sibi imponeret: cum similiter essent ei cōfiscanda omnia bona, si illud sibi non imponeret; & maior infamia esset suis obuentura ex eo, quod condemnatus de eo crimine tanquam fictus & impenitens combureretur, quā ex eo, quod imponendo sibi id crimen, illudq; confitendo, reconcileretur ecclesiæ: ergo mendacium illud nec sibi nec aliis est perniciosum: ac proinde neque est culpa lethalis, sed solum venialis. Arbitrorque Nauarrum in hoc euentu non fuisse dicturum contrarium.

Decima-tertia conclusio. Quando aliquis imponendo ita libale crimen, euaderet quidem grauius tormenta, ceterum condemnandus esset de hæresi, aut apostasia à fide, confiscandaq; ei essent bona: si vero non confiteretur id crimen, illud sibi imponendo, sed tormenta sustineret, nihil horum ei esset euenturum, sed solum esset cōdemnandus de suspecto in fide, tunc lethaliter peccaret id crimen sibi imponendo, vt grauius fugeret tormenta, idq; præsertim si filios aut nepotes haberet. Conclusio nem hanc mihi omnino persuadeo, quoniam mendacium illud esset proximis perniciosum, dum cū scandalo multitudinis condemnandus esset de hæresi aut apostasia à fide. Esset item iniuriosum fidei ac religioni Christianæ, dū non vereretur imponere sibi notā defectionis à fide à religionēve Christiana, tanquam qui aliquando crediderit falsam esse fidem, veramve nō esse Christianā religionē. Esset quoq; id mendacium perniciosum valde personis omnibus sibi consanguinitate aut affinitate coniunctis, dum infamix notam grauissimam omnes illi inde cōtraherent, eo magis, quo illi plus essent coniuncti, præsertimq; esset perniciosissimum descendentibus, aut etiam ascendentibus illius, qui non solum grauiorē infamiam notam cōtraherēt, sed etiam quos eo suo mendacio legitimis priuaret portionibus in bonis ipsius debitis, atq; etiā alteri coniungi, si coniugatus esset: inde enim & notam grauem infamix cōtraheret, & pateretur detrimentum maximum in prole, & in bonis, tam suis, quā filiorum, sibi cum illo communibus. Cū autem hi omnes cedere in eo euentu nō teneantur iuri suo, neid detrimentum ille, imponendo sibi ipsi ea de causa tam sedum ac nocium crimen, ipsis inferat; consequens profectō est, vt neq; metu grauissimorum tormentorum possit illi absq; lethali culpa imponere sibi id crimen in præiudiciū tantum fidei ac religionis Christianæ, cum tanto scandalo suorum proximorum, & cum iniuria tanta ac detrimento personarum sibi consanguinitate aut affinitate coniunctarum. Confirmatur eadem conclusio, quoniam si isidem, vt euaderet similia tormenta imponeret alicui alteri crimen aliquod, ex eo æquale aut minus detrimentum sequeretur illi, quā sit illud, quod nullus teneatur pati id detrimentum, vt alius via illicita mortem aut tormenta euaderet: ergo in re proposita is etiā, de quo agimus, lethaliter peccat.

Petes. Vtrum in euentu huius conclusionis, qui ita cum tanto aliorum detrimento sibi crimen imposuit, teneatur illud retractare. Respondeo, Si retractando ita suum crimen, impedire potest scandalum & damna commemorata, & cum ea resarcire, teneatur utiq; id efficere sub reatu culpæ lethalis etiam si iterum subiiciendus esset tormentis: idque sanè locum habere potest, nō ex intervallo, saltem antelata sententia. Ceterum si id nihil iam inferuiat ad impedienda neque ad resarcienda damna commemorata, sed potius inferuiat vt ab eo auferatur vita, & crescat magis, quā minuat, damna commemorata, vt regulariter eueniet ex intervallo ac post latam sententiam, tunc non teneatur cum tanto suo maiori detrimento, & nullo, aut ferè nullo, emolumento alio id crimen, quod sibi inique imposuit, retractare.

Decima-quarta conclusio. Quando is, cui crimē hæresis, aut apostasia à fide, suscipiēter esset probatum, vt brachio seculari comburēdus tradatur, eius esset conditio, de quo alioquin præsumptio non esset commississe id crimen; eo quod non sit de eorum progenie, de quibus est ea suspicio; præsertim si vr esset autoritatis, sanè multum timerem, cum incurrere culpam lethalem, tale crimen sibi imponendo vt mortem euaderet, nihil impediēte quod de eodem crimine esset publicè condem-

nandus morte: ob illud esset plectendus. Derogaret n. autoritati fidei catholice ac religioni Christianæ consentiendo in eam notam, quod à fide defecerit debereque potius fortiter mori summo cū merito, quā eo modo fidei ac religionis Christianæ autoritati derogare: semperq; de eiusmodi hominibus, qui id crimen negando fortiter moriuntur pietatis ac Christianæ religionis signa ostendēdo, quæ vt verè catholici solent ostendere opinio apud homines manet, fortè innocenter fuisse passos eam mortem, neq; tantum scādalum ex ea morte generatur, quantum generaretur si consentirent in notam, quæ eis imponitur, eam cōfitemdo. Post confessionem autem de eo crimine ad mortem euadendam effectum, sequutamq; cōdemnatoriam sententiam, qua de eo crimine essent damnati ac reconciliati ecclesiæ, non teneantur retractare eā confessionem. Quoniam id parum iam relinqueret scandalum datum, notamq; quam fidei religioniq; Christianæ ex sua parte immisissent, essetq; ex leui causa præbere occasionem vt interficerentur, sine suo & suorum emolumento. Conclusio hæc non alia probatione indiget.

Decimaquinta conclusio. Quando aliquis, ad euadenda quæcunque tormenta, crimen sibi imponit, ob quod est morte plectendus, lethaliter peccat. Conclusio nem hanc cum Nauarro, & vt videtur, cum Coar. *in calen. s. citati*, & alijs, quos citat, mihi persuadeo aduersus Sotum & Ledesmiū. Quoniam quamuis homo non teneatur cum tanto cruciatu, quantus est, quod tormentis inferatur, conseruare propriam vitam, adhibendo remedia, quæ tantos cruciatu asserant & efficiant, quantos tormenta efficiunt, possitque homo licitè mortem potius permittere, quā talia adhibere remedia, nihilominus aliud est, nō conseruare vitam eis remedijs, illaq; non adhibere quibus conseruetur, & aliud lōdè diuersum est, præbere causam obiectiuam ac meritoriam mortis, illam cōfingendo, cū non sit, vnde potestas publica iustè (iuxta eam confessionem falsò sibi exhibitam) moueatur ad condignam mortis pœnam imponendam, executionique mandandam, quod non est conseruare præcisè vitam, sed est causam destructionis illius verè apponere. Hoc autem neque ad fugienda tormenta esse potest licitum: neque ex tormentorum fuga cohonestatur, non solum quatenus mendacium est, quod est intrinsecè malum, nullique ex causa potest cohonestari, sed etiam quatenus est appositio causæ obiectiue meritoria mortis, cooperatioque ad propriam mortem: Sicut enim nulla alia cooperatio ad propriam mortem iniustam in se (qualis est, de qua tunc loquimur) cohonestari ex fuga tormentorum potest, ita neque hæc, quæ verè est cooperatio ad eam mortem in se iniustam.

Neque aduersus hanc nostram sententiam mihi obiciat. Pari ratione peccare eum lethaliter, qui metu grauium tormentorum dedit crimen suū verū, de quo non iuridice interrogatur, & ob quod est morte puniendus: cuius tamen contrarium cōclusionē quintanos asseruimus. Non, inquam, id mihi obiciat. Quoniam dispar admodum est vtrobiq; ratio, quod Nauarrus non attendit. Qui enim in hoc euentu, qui nobis obicitur, dedit crimen suum verum, quod deregere nō tenebatur, non dat causam obiectiuam & meritoriam suæ mortis, sed dedit, quam iam dederat, & quam contractā iam habebat, cedendo iuri suo, quod habebat ad illam non manifestandam ac occultandam, solumque apponit conditionem sine qua ob illam non erat à iudice interficiendus: quod ex rationabili causa est licitum, non solum in illo exemplo, sed etiam in illo alio in eadem conclusione adhibito, de eo, qui dedit crimen suum, ne innocens propter

illud interficiatur, & in quocunque alio simili. At verò in re propofita fingitur, fingendoque obijciatur caufa meritoria mortis, qua iufte formaliter (fed non materialiter, eo quòd ea caufa non fit, fed conficta fuerit à reo) poteftas publica mouetur ad mortem infligendam: quare ea impofitio fibi eius criminis cooperatio eft ad eam mortem, veraque eft caufa illius iniufta, non fecus atque qui crimen falfo alicui imponunt, propter quod iudex morte illum iufte formaliter punit, verè dicuntur ac funt caufa iniufta eius mortis.

Petes, utrum ineuentu conclufionis propofitæ, poffit quam aliquis metu tormentorum fibi crimen impofuit, ob quod eft interficiendus, teneatur fub culpa noui peccati lethalis aut cõtinuationis præcedentis illud retractare. Ad hoc refpondeo: Si adhuc reficitur ftatu, in quo retractatio proderit ad mortem euadendam, & ad vitanda alia damna, teneri eum fub culpa lethali illud retractare, eſt iterum fubijciendus fit eiſdem aut grauioribus tormentis. Quoniam teneatur auferre cauſam iniuftam mortis, quam dedit, & quam dare cenſetur continuando, cum poſſit illam auferre retractando crimen, quod ſibi impoſuit, neque id efficiat. Si verò res iam fit in ftatu, in quo retractatio non proſit ad mortem euadendam, vt quia lata eft iam ſententia, tunc non teneatur fub reatu culpæ lethalis illud retractare. Quoniam iam tunc ea retractatio nihil proderit ad vitam coſeruandam, & parum aut nihil proderit ad ſuam & ſuorum famam reſarciendam & regulariter neque ita ad ſcandalum tollendum, vt fub reatu culpæ lethalis ad eam retractationem publicam faciendam teneatur. Semper tamen conſulerem, vt quando ille ad patibulum duceretur, aſſereret coram omnibus, etiam cum iurare iurando, teſtando locum, & tempus, in quo eſt, rationemque, quam proximè Deo eſt redditurus, ſe nunquam id crimen commiſiſſe, ſed metu aut vi tormentorum illud fuiſſe falſum, ſibi que impoſuiſſe. Atque ita in ſimilibus euentibus, monitu conſellariorum aut eorum, qui illos comitantur, adiuantque ad chriſtianè & ſanctè moriendum, conſueuerunt facere, qui interficiuntur ob crimen quod non commiſerunt.

19

Decima ſexta conclufio: Lethaliter peccaret filius, qui ſibi imponeret crimen patris ob quod pater erat morte plectendus, vt vitam patris coſeruaret, & in ſe transferret mortem, quam pater erat ſubiturus. Conclufio hæc eſt aduerſum Sotum, qui, vt ſuprà relatum eſt contrarium aſſerit. Probari autem poteſt. Primò, quoniam ſi pater dignus ob id crimen eſt morte, vt Sotus ſupponit, noſtraq; conclufio etiam ſupponit, ſanè ea fraude ac mendacio in iudicio impedire executionem iuſtitia in eum, deludereq; eo modo publicas poteſtates, ſubijciendo illis innocentem loco nocentis, qui dignus eſt ea morte, non videtur carere culpa lethali, vt ſatis ex ſe eſt perſpicuum. Secundò, quoniam cooperari eo modo ad ſuam propriam mortem fingendo in iudicio cauſam iuſtam obiectum illius, qui verè non eſt, peccatum vtique eſt lethale, vt circa præcedentem conclufionem eſt oſtenſum: quoniam non eſt ſolum permittere propriam mortem, & vitam exponere pro patre, ſed eſt cooperari iniuſte ad propriam mortem, vt pater à iuſta & commerita morte fraudulenter liberetur, quod nulla ratione poteſt eſſe licitum, ſed in re ex vtraq; parte ad eò graui eſt perſpicue culpa lethalis. Adde, ſi idliceret ad eripiendum patrem à morte iuſta & ab eo committenda, idemliceret ad eripiendum amicum, & quicumque alium proximum; cū pro proximo liceat rationabili ex cauſa exponere propriam vitam: id verò Sotus non concedit.

20

Vt verò aliquid etiam hoc loco de eis inferamus, qui mortis metu, aut tormentorum, aliis cr

men imponunt, atq; de ijs, qui odio vel alia de cauſa idem efficiunt, decima ſeptima conclufio eſt: Lethaliter peccant, atq; ad reſtitutionem omnium danorum inde ſequutorum tenentur, non ſolum qui odio vel pecunia corrupti, aut alia ſimili de cauſa crimen notabile alicui imponunt, itemque illi, qui ad mortem aut tormenta euadenda, quæ iuſte eis tam formaliter quam materialiter infliguntur, ſed etiam illi, qui ad mortem aut grauiſſima tormenta euadenda, quæ iniuſte materialiter aut formaliter inferuntur, alios falſo in æquale aut in fere æquale diſcrimè adducunt. De hac cõclufione, nullus eſt, qui iure poſſit dubitare. Quoniam perſpicuum eſt, culpam eſſe lethalem cum reſtituendi onere, odio, aut alia ſimili de cauſa, iniuſte alicui imponere crimen in quo imponendo tanta cernatur iniuria, quæ ad culpam ſufficiat lethalem. Perſpicuum etiam eſt, eum, cui iuſte formaliter aut materialiter infliguntur tormenta, vt fateatur verum, de quo iuridicè interrogatur, lethaliter peccare, imponendo innocenti quodcumque notabile crimen, vt ipſe ea via mortem effugiat, aut vt liberetur à tormentis id reticendo, quod conſiteri tenetur. Id quod, dum reus de complicitibus interrogatur, facile poteſt euenire detegendo aliquos innocentes, ſeu potius crimen illis imponendo, vt nocentes reticeat. Euenire etiam idem poteſt, dum reus interrogatur de ſuo proprio crimine, inſamando alios de eodem crimine, aut de alijs criminibus, ſperando ſe ita à morte aut à tormentis euaturum. Perſpicuum item eſt, eum cui mors aut grauiſſima tormenta iniuſte materialiter parantur, quia verè eſt innocens; itemque eum, cui ſolum formaliter iniuſte parantur, quia cum verè ſit in culpa, de qua agitur, non tamen interrogatur iuridicè lethaliter peccare alios in ſimile, æquale, aut fere æquale diſcrimen falſo adducendo vt ipſe ea mala euadat. Cum enim nullus alius iuſtitia: aut caritatis lege teneatur eiſmodi, vt à morte iniuſta, aut à tormentis iniuſtis, illos liberet: conſequens proſectò eſt, ipſos lethaliter contra iuſtitiam peccare, alios in ſimile, æquale, aut fere æquale diſcrimen adducendo, vt ipſi eiſmodi iniuſta diſcrimina euadant.

Quod autem hoc loco poſſet in dubium vocari, eſt: Num quando alicui mors aut grauiora tormenta iniuſta materialiter aut formaliter, imminet, lethaliter ſi peccet, crimen aliquod alicui imponendo, ex quo non ſequitur illi iactura vitæ, aut membri, aliud ve corporis damnum, ſed ſolum iactura honoris, famæ, aut bonorum externorum diuitiarum, idque vt ipſe grauiora illa alia mala euauit, quæ ipſi iniuſte imminet. Ratio verò dubitandi eſt, quoniam cum vnusquisque lege caritatis teneatur exponere honorem & famam ac bona externa diuitiarum pro vita corporali alterius, quādo ille alius nō poteſt aliter euadere mortem, mutilationem, aut grauem corporis leſionem, quæ iniuſte ei imminet; conſequens eſſe videtur, vt qui ad ſimilia damna vitanda, crimen id alteri imponit, ex quo ſolum periclitantur fama & bona externa diuitiarum illius, nullam illi iniuriam efficiat, ac proinde non peccet lethaliter id mendacium aſſerendo, id ve crimen illi imponendo, ſed ſolum venialiter. Dicendum tamen eſt, id eſſe ſolum lethalem iniuſtitia. Primò quoniam honorè & famam nullus videtur teneri exponere pro vita corporali alterius: quoniam non eſt mendacium ad id à Deo ordinatū & collatū hominibus, vt bona externa diuitiarū ad cõſeruationem vitæ à Deo ordinata ſunt, ad idque creata & collata ab eo ſunt hominibus in genere: quando daremus, obligationem eſſe exponere honorem & famam pro vita corporali proximi id ſolum eſſet lege caritatis, non verò lege iuſtitia: peccatum verò lethale iniuſtitia.

stitia est, contra voluntatem alicuius, saltem præsumptam, accipere aliquid notabile ab eo autoritate priuata, quod ille solum tenetur dare ex caritate: pauperes enim contra præsumptam voluntatem aliorum accipere non possunt autoritate propria, quod illi sola caritatis lege tenentur inter alios distribuire, atque si illud accipiant, contra iustitiam peccant ac furtum committunt: quare cum impositione criminis falsi alicui proximo semper inferatur præiudicium famæ illius, cōsequens est, vt si notabile præiudicium famæ eo inferatur, culpa interueniat lethalis iniustitiæ illud illi contra voluntatem illius præsumptam imponendo, etiā si id fiat ad euadendam propriam mortem. Neque mihi obijcias, ad euadendam mortem corporis, licite accipi bona externa diuitiarum alicui, eo inuito: cum tamen ipse solum ex caritate teneatur ea tunc dare. Non, inquam, id mihi obijcias, quoniā in materia de eleemosyna offendimus, accipientem habere tunc ius iustitiæ ad illa accipiendum ac proinde illorum dominum peccare cōtra iustitiam, tēnerique ad restitutionem damnorum subsequitorum, si resistat volenti illa accipere ad euadendam extremam vitæ necessitatem: lōgē autem aliter res se habet in alijs bonis, quæ non sunt externa diuitiarum, vt ibidem dictum est: quoniam hæc alia bona non sunt cōdita à Deo omnib⁹ quoad dominium communia, vt condita fuerint bona externa diuitiarum prima sui constitutione. Secundò, idem probatur, quoniam nullus in eo euentu tenetur subuenire extremē indigenti ea via, nempe mentiendo, falsumque crimen sibi imponendo, & multo minus ipse, qui extremē indiget, ius habet sumenda sua autoritate tale subueniendi sibi genus, mentiendo, falsumque crimen suo proximo imponendo: ergo quicquid damni ita dat, vt suæ vitæ suęque corporis incolumitati consulat, est absque vllō iure, ac proinde contra iustitiam, eaque de causā lethaliter contra iustitiam in eo peccat, si id damnum tantum sit, vt ad culpam sufficiat lethalem, tēnerique illud restituere. Illud admonuerim, quamuis malē admitteretur, illum absque culpa lethali possē id efficere cum solo veniali peccato ob mendacium, nihilominus tēneri restituere damnum, quod eo modo dederit. Quoniam, qui iuste damnum dat, vt suæ extremæ necessitati consulat, tenetur illud restituere, nisi intelligat eum, qui illud patitur, contentum fore, vt illud non restituat: neque enim hic alius tenebatur de iustitia subuenire illi gratis, neque etiam de caritate, si is, qui id damnum dat, potens sit illud restituere, vt in materia de eleemosyna comprobatum fuit.

21 Decima octaua conclusio: Qui alicui imposuisset crimen, ob quod periclitaretur vitæ, membrum aut læsio notabilis corporis illius, vel ob quod sequeretur illi ac suis talis ac tanta iactura famæ & bonorum externorum diuitiarum, vt æquipararetur, aut ferē æquipararetur morti, sanē is tēneretur illud retractare cum periculo tormentorum ac propriæ vitæ, quando esset spes ea retractatione impedienda aut reparanda esse ea damna. Quod si non esset talis spes, tunc non tēneretur se retractare sed tēneretur pro viribus restituere ea omnia damna ita iniuste data.

Prior pars huius conclusionis probatur, quoniam vnu quisque tenetur restituere damna à se iniuste data, cum æquali sua iactura, atq; etiam cum paulò maiori, vt *concl. 10. extractu 2. disp. 745. & extractu 3. Disp. 102.* dictum est: quare si is, qui crimen imposuisset, ob quod ea damna imminerent aut data essent, sua retractatione posset illa impedire aut rescire, tēneretur id efficere, nihil impediēte, quod inde sequeretur mors ac infamia ipsius.

Tom. 5.

Hinc colligitur, si alicui crimen hæreses alicui imposuisset, tēneri eum se ipsum retractare cū periculo propriæ vitæ, honoris, ac famæ, etiam si ille alius mortis timore aut vi tormentorum falsus fuisset id crimen, illud sibi imponendo, neque iam vitæ illius periclitaretur. Ratio autē est, quoniam, vt *tractatu precedente versus finem Disp. 102.* respondendo ad 3. argumentum pro opinione Adriani §. *illud circa argumentum, &c.* dicebamus infamia, quam ille sibi & suis contrahit, aut contraxit, cum iactura bonorum omnium externorum, vel æquantur morti, aut illam superant, cum satius illi esset non viuere quàm viuere cum tanta miseria, vel certē parum mors tantam miseriam superat: quare, quando spes esset, ea retractatione illa omnia mala, vel omnino, vel magna ex parte, impedienda aut rescirciēda, sanē ille tēneretur se ipsum retractare.

Posterior verò pars conclusionis ex eo probatur quoniam si retractatio profutura iam non est, vt prædicta damna impediuntur aut rescirciuntur, sed potius ex illa sit sequendum, vt qui se retractat, si ne vllō aut cum exiguo emolumento aliorum puniatur vitæ ac famæ amissione, satis perspicuum est, non tēneri se retractare, sed solum tēneri restituere pro viribus omnia damna ex ea falsi criminis impositione à se data, alijsque sequuta.

Atq; hoc maxime est attendendum pro his, qui in tribunali sanctæ inquisitionis reconciliantur, posteaque confessarijs dicunt, se mortis metu aut tormentorum imposuisse aliquibus crimina in eo sancto tribunali ob quod cōdenati ac puniti sunt. Cū enim hi, si sint eiusdem nationis suspecti cum alijs condemnatis, quibus dicunt crimen imposuisse, suspecti in ea retractatione habeantur, sanē propter eorum retractationem nihil de sententia iam lata mutabitur, maxime cum nō vnus solum testimonio lata fuerit, cautique esse soleant inquisitores hæreticæ prauitatis in attendendis circumstantijs omnibus concurrentibus, & in exactissimē examinanda veritate antequam ad condemnationem procedant: quare talis retractatio solum inferuiat vt ipsi, qui illam efficerent, iterum comprehenderentur ac traderentur puniendi brachiō seculari. Ex qualitate itaque eius, qui se retractaturus est, & ex alijs circumstantijs concurrentibus, iudicandū est, num retractatio proderit, vt delegat veritas. Et quidem quando esset spes probabilis veritatem ea retractatione comperiendam, mortemque aut infamiam alicui imponendam, vel restituendum alicui esse in suum honorem ac famam, & in possessionem suorum bonorum externorum, saltem quo ad suos successores, si ille iuxta defunctus, tēneretur is se retractare, propter honorem & famam defuncti, suorumque consanguineorum, & vt damnatorum bona suis saltem successoribus restituantur. Atque quamuis confessarij in eo tribunali fidē adhibere debeant quibuscunque poenitentibus pro se & contra se, vt illis cautē ac sufficienter examinatis, onerataque conscientia eorum, quando id viderint expedire vt attendant, an res ita se habeat, eis præcipiant ac iniungant, quæ iuxta ea quæ fuerint confessi, facere tēnerentur, aut expedire illis iniungere, non tamen esse debent nimium creduli, sed potius cauti, ne forte, decipiantur ab ijs, qui nationis sunt suspectæ, & quos ipsi non constat ex animo conuersos esse ad hanc: neque item esse debent plus iusto increduli, maxime quo ad ea, quæ ad id tribunal internum spectant.

Decima nona conclusio. Quando crimen alicui positum tale non esset, vt ex illo ei immineret mors vel amissio membri, aut grauis corporis læsio, vel talis iactura famæ ac bonorum externorum, quæ morti ferē æquaretur, tunc qui illud imposuisset,

H

posuisset,

posuisset, teneretur se retractare, si ea retractatione impedire aut refarcire posset ea damna: modò tamen is, cui crimen est impositum, contentus non esset alia satisfactione: & modò ea retractatio non cederet in longè maius damnum eius, qui crimen imposuit, quàm sit damnum, quod criminis impositione dedit. Vnde cum periculo propriæ vitæ, aut membri, vel graui læsionis corporis, vel cū quouis alio longè maiori damno suo proprio, quàm sit damnum quod dedit, non teneretur se retractare. Tenetur tamen alia via restituere pro viribus totum damnum à se iniuste datum. Conclusio hæc perspicua est ex dictis tract. 2. Diss. 754. & tract. 3. Diss. 102. citatis. Quivis enim restituere quidem teneretur damnum à se iniuste datum, cum æquali aut cum paulò maiori suo damno ac detrimento: cum longe tamen maiori non teneretur, maxime quando alia via fieri potest compensatio: nunquamque cum periculo vitæ aut membri teneretur restituere damna, quæ longè sunt inferiora.

23 Illud hoc loco obiter circa hætenus dicta admonuerim, Doctores multos ductos c. 1. 15. q. 6. a. ferere, confessionem criminis tormentis extortam non infamare confitentem. Hoc verò bene & malè potest intelligi. Si enim intelligatur de confessione iuridicè extorta, & propter quam reus licitè condemnatur, falsum profectò est. Quoniam ita condemnatus infamis est infamia iuris & facti, in euentibus Diss. 7. 8. & 9. explicatis. Neq; asseritur contrariū in eo capite, in quo solum est sermo de ijs, quæ metu iniusto tormentisque iniustus extorquentur, ob quæ merito voluit ille summus Pontifex nullū esse infamem, vt similes coactiones cessarent, quæ ministris ecclesiæ fiebant, vt patet id caput intuenti. Atq; sermo ibi est de infamia iuris, vt Caiet. 2. 2. q. 73. art. 2. rectè affirmat. Infamiam quippe, quæ ex natura rei ex tali confessione oritur, opinionemque, quam de eo modo confitente ac imponente sibi crimen homines concipiunt, nec tollere possunt, nec intendunt iura.

24 Superest respondeamus ad argumenta pro opinionione Caiet. & aliorum proposita. Ad primum itaque dicendum est, in eo loco Ecclesiastici 41. non tam tradi præceptum, quàm admonitionem ac saluberrimum consilium. Neque eam admonitionem ac consilium esse, vt aliter bonum nomen quæramus, quàm quærendo ac sectando virtutem, operaque illius exercendo, quam bonū nomen in hoc sæculo & in futuro consequitur tanquam effectus, parque præmij illius. Cum enim præmijisset ibi scriptura: *Vt vobis viri impij, qui dereliquistis legem Domini altissimi. Et si nati fueritis, in maledictionem nascimini* id est, ita vestro arbitrio derelinquendo ac transgrediendo legem Altissimi, vitamque in peccatis peragendo, efficietis vt in maledictione, qua à Deo ea de causa estis maledicti, sitis nati, viuatisve: & si mortui fueritis, ita in peccatis vitam finiendū in maledictione (æterna scilicet) eritis paræ vestra. Omnia, quæ de terra sunt, in terram reuertuntur: sic impij à maledictio in perditionem, id est, sicut quæ de terra orta sunt, in terram per mortem reuertuntur: sic impij à maledictio, quo dum viuunt maledicti ob sua crimina à Deo & ab hominibus sunt, per mortem transeunt in æternam perditionem, seu damnationem. *Luctus hominum in corpore ipsorum*, id est, tempore mortis, dum corpus deponunt, ludentur homines, tuncque in eo luctu (vt eo tempore fiebat) prædicantur gesta ac virtutes eorum: *nomen autem impiorum deletur*, ac peribit, eruntque in perpetuam ignominiam & opprobrium coram Deo. Hæc, inquam, cum ibi præmijisset scriptura, continuò subiunxit. *Curam habe de bono nomine* (quale sc. est illud, quod de virtute ac sancta vita in hoc sæculo & in futuro coram Deo comparatur) *Hoc enim magis permanebit tibi,*

quàm mille thesauri pretiosi & magni. Quod autè quærendum sit virtuti ac sanctæ vitæ insistenti, tanquam effectus ac pars præmij illius in hoc sæculo & in futuro, continuò subiungit scriptura, dicens: *Bona vita* (qua scilicet id bonum nomen comparatur) *numerus dierum*, (qui finiuntur breui, & cum eis labor & cura in virtute exercenda, operandoque meritorie) *bonum autem nomen permanebit in æternum.* Eo itaque in loco admonet sapiens, non quidem quærere bonum nomen, quod cum hoc sæculo peribit, quale est, quod mundi gloriæ; inanis cupidique querunt: sed curare nos admonet bonū nomē, quod in æternum manebit. Neque illud curare admonet, id infestando, perinde si quis inaniter suā quæreret ymbra infestando illam, sic enim infestantem fugeret, vt vsu euenire ijs quotidie solet, qui opera virtutum ob gloriam inanem exercent: sed curam illius habere nos admonet quærendo ac sectando virtutem vnde oritur bonum id nomen, & quam id bonum nomen consequitur.

Ex eo ergo Sacræ Scripturæ testimonio non sequitur, peccatum lethale aut veniale esse, aliquid esse suæ famæ prodigium: sed ex natura ipsa rei, attentis circumstantijs omnibus concurrentibus, est expendendum, quando prodigere famam, infamiāve sponte ac libere subire, culpa fit lethalis, quando solum fit venialis, & quando nulla fit culpa, sed potius meritum. Illud quoque Proverbior. 22. *Melius est nomen bonum, quàm diuitia multe*, de eodē nomine bono intelligitur, quod virtutem sanctamque vitam consequitur. Additurque ibidem, *Super argentum & aurum gratia bona*, hoc est, gratum esse coram Deo & hominibus ob eandem virtutem, vitæque sanctitatem.

Ad secundum dicendum est, Augustinum eo in loco solum velle virtutem esse peccatum, & virtutemque suo modo prohibitum esse octauo decalogi præcepto: quod nos confitemur. Vnde illud verbum, non minus, non significat ibidem, quod non lenius, sed idē, quod sicut, seu quod perinde, quasi comparatio in eo sit, quod vtrumq; sit peccatum, non verò in quantitate & grauitate peccati: quare inde non habetur, aliquid se ipsum infamare falsum testimonium aduersus seipsum dicendo, ex suo genere esse peccatum lethale, sicut ex suo genere peccatum est falsum testimonium dicere aduersus alterum.

Ad tertium dicendum est, eo in loco esse sermonem de contemnentiibus suam famam præbendo alijs occasionem suspitionis peccati lethalis cum illorum scandalo, quod supra est dictum esse culpam lethalem: cōtemnere vero propriam famam quando nos non præbemus occasionē, & quando necessariū est illam curare ad tollendum aliorum scandalum, & vt non impediatur notabilis proximorum profectus, Sanctis esse consuetum. Paul. enim 1. ad Cor. 4. ait. *Mihi autem pro minimo est, vt à vobis inducer, aut ab humano die. Pro minimo, dixit, & non pro nullo*: quoniam bona fama apud homines in hoc sæculo bonum aliquid est.

Ad quartum negandum est vnumquemque præcepto caritatis teneri plus se ipsum diligere, quàm alium, maxime in ijs, quæ ad vitam æternam consequendam necessaria non sunt. Aliud quippe est, posse ordine caritatis præponere dilectionem sui dilectioni proximi; aliud verò longe diuersum est, ad id teneri præcepto caritatis: atque quamuis primum sit verum, secundum tñ est falsum. Etenim meritorie potest quis præponere vitam proximi suæ vitæ propriæ, vt dictū est. Præterea in re, de qua disputamus, obligatio non infamandi proximum non solum est ex caritate, sed et ex iustitia: obligatio verò non infamandi se ipsum est solum ex caritate: cū verò non possit quis cedere iuri alterius, sicut

sicut cedere potest suo proprio iuri, grauius sanè multo, cæteris paribus, peccat infamando proximum, quàm infamando se ipsum. Illud verò, quod Caiet. addit, aliquem scilicet seipsum infamando, iniustitiam committere contra communitatem, cuius est pars, ostensum est falsum omnino esse.

Ad quintum negandum est, aliquem seipsum infamare esse ex suo genere culpam lethalem: contrarium quippe est à nobis ostensum. Est autem id ex suo genere esset culpa lethalis, sicut abscindere sibi membrum ex suo genere est culpa lethalis; cum tamen intrinsecè non sit malum, liceret sanè ex rationabili causa, quæ cohonestaretur, illud efficere, qualis interdum esset fuga inhumanum tormentorum, aut liberare innocentem, qui ob nostrum delictum, quod ignoraretur à nobis esse patratum diceretur ad patibulum, vt ostensum supra fuit: sicut etiam ad vitam conseruandam licitum est abscindere membrum, vt tractatu precedente fuit comprobatum.

SVMMARIVM.

1. Repetuntur nonnulla ex antè dictis de iniuria, contumelia.
2. Qui alicui conuertiatur, aut aliquid dicit quod fama illius præiudicet, ex eo quod addat aut præmittat [suo] honore qui ei debetur, non ideo impeditur aduersus eum actio iniuriarum neque excusatur à pœna.
3. An si aliquis verbum contumeliosum alicui in sua præsencia vel absentia dixerit, aut detractum famæ: isque cui hoc dictum sit, actionem iniuriarum ei intenteat, ea iniuriarum actio cesset ex exceptione quod verum dixerit, paratque sit probare, adeo vt si id probet, alio contentente falsum esse, euadat omnino pœnam, & ita iniuriarum actio cesset.
4. Si quis verba ex se contumeliosa in aliquem etiam iratus proferret, censeretur irrogasse contumeliam, ac proinde agi contra eum possit de iniuriis, nisi sufficienter probaret, se illa eo animo non dixisse.
5. Cum duo se mutuo contumelia affecerunt, vtrique competit aduersus alterum actio iniuriarum.
6. Si quis in Hispania verè adulteram vocaret adulteram, aut viro eius adulterium vxoris impropere, tenetur actione iniuriarum, licet verum sit, & punitur pro quantitate iniuriæ spectatis circumstantiis.
7. Quia liberi parentes, nec liberi patronos, nec descendentes ascendentes in causa criminali, aut qua notam illis irroget, accusare possunt: inde fit, vt neque, ad euadendam pœnam iniuriæ contra illos illatam, admittantur ad probandum verum esse quod in præiudicium honoris illorum dixerunt.
8. Iniuria irrogatur, si gestibus aut quibuscunque motibus corporis, aut veste ad id induta, vel quauis alia ratione, aliquis aliquem imitetur, aliquid fædum in illo denotando, vel ridiculum, quo honor eius quodammodo ledatur, & potest aduersus eiusmodi intentari actio iniuriarum.
9. Fœmina sit iniuria, si illa honestè viuat, atque aliquid fiat quo pudicitia illius attentetur, verbo, scripto, nuntio, ita vt id honori eius derogat, competitque pro ea actio iniuriarum patri, sponso, aut marito, pro conditione status.
10. Iniuriam infert, iniuriarumque actio aduersus eum competit, qui alium insequitur, vt ei noceat, aut qui illum includit in loco aliquo, aut aliquid huiusmodi facit.
11. Impubes non potest accusari iniuriarum, qui scilicet decimum cum dimidio annum non excesserit: at bene extra eam ætatem.
12. Actio iniuriarum competit etiam aduersus causas iniuriarum, vt consules, mandantes.

Tom. 5.

13. Qui sine principis autoritate vel iudicis domum moribundi ingrediatur, & ibi, intuitu quod infirmus ei aliquid debeat, bona aliqua occupat vel obsignat, amittit eo ipso debitum, & insuper, siue debitor moribundus esset siue non, soluit tantumdem, ac sibi deberi dicebat heredibus eius defuncti, & insuper tertia parte bonorum suorum à Rege confiscatur, & redditur infamis.
14. Qui sepulchrum defuncti violat vel rumpit, lapides inde auferendo, punitur pœna X. librarum auri fisco Regis.
15. Qui surantur vestes, cum quibus defuncti humati sunt, si armati id faciunt, morte plectuntur: sin minus, vsque ad pœnam metalli damnantur.
16. Qui corpora aut ossa defunctorum violant, si humiliores sint, morte plectuntur: si honestiores, perpetuum vel deportantur, vel in metalla damnantur.
17. Gentilium verò & paganorum sepulchra violantur impune.
18. Si quæ alia iniuria fiat defuncto, ita vt ad infamiam illius pertineat, ad illius heredes spectat nomine proprio intentare iniuriarum actionem.
19. Si corpus defuncti ratione debiti à creditore speltri impediatur, is creditor puniebatur pœna L. librarum auri, aut si soluendo non esset, in corpore pœna arbitraria iudicis.
20. Quando mancipium iniuriam intulit, rationeque eius iniuriæ, quæ absque culpa domini illata fuit, iniuriarum actio competit: tunc si iniuria sufficienter compenseatur pœnitione corporali mancipij, quæ nec mortem ei inferat neque illum in aliquo membro mutilet, teneatur tunc dominus tradere id mancipium, vt iudicis arbitrio puniatur.

DE POENA PRO INIURIA CONTRA
honorem ac famam illata.

DISPVT. 38.



Racatu precedente à Disp. 40. occasione iniuriæ huic quarto tractatui propriæ, quando est coniuncta cum læsione, damno ve corpori illato, (quod proprium erat eius loci) diximus copiose omnia ferè, quæ hoc loco dici poterant, quæque magis propria erant huius loci. Vnde illa hoc loco imago nos onere leuabunt, reuiderique poterunt, quo ad ea, quæ propria sunt huius loci.

Disp. 40. citata duplicem iniuriam cum Vlpiano distinguimus. Vnam latissime sumptâ, prout quicquid non iure fit, cum iure ve alterius pugnat, iniuria dicitur, quasi non iure seu contra ius alterius factum. Alteram verò prescè sumptam, prout est idem, quod contumelia, ita scilicet, vt quicquid in alterius contemptum fit, seu cedit, iniusteque est factum iniuria prescè dicatur, siue ea iniuria ac contemptus coniuncta sit cum læsione ac damno corporis, vel bonorum externorum diuitiarum, siue non. Atque hæc est, quæ præcise sumpta à quocunque alio damno, eòve modo præcise spectata, ad hunc quartum de iniustitia tractatum pertinet, illiusque est propria, siue illata sit verbis, aut quocunque alio signo, siue factio aliquo.

Illud tamen est addendum, contumeliam pro ea iniuria prescè sumptâ, huicque tractatui quarto propriâ, latius patere, quàm pateat contumelia prout præcise est contra bonum honoris, vt de contumelia hætenus in hoc tractatu loquuti sumus. Quicquid enim contra famam iniuste fit, sanè in contemptum & abiectionem eius, cuius est ea fama, in existimatione hominum cedit, ad iniuriamque pertinet huic tractatui propriam, de
H. 2 cuius

cuius pœna actioneque iniuriarum propter illam hoc loco disputamus. Hoc duntaxat observato, quòd dum ea iniuria latet eum, qui illam est passus, eosque ad quos iniuriā illius prosequi iuris dispositione spectat, etiam ex officio, iuxta ea quæ tractatu præcedente disp. 42. dicta sunt, vt latere solet dū detractione est illata, quæ à tergo ei⁹ fit, de cui⁹ fama detrahitur, necdumque honorem contingit, vt ex parte sueque modo contingere videtur, eo ipso, quòd ea detractione ad notitiam illius pervenit, sanè quemadmodum in illo interim dum ad notitiam illius, aut illorum, ad quos prosequi iniuriam illius spectat, non devenit, locum non habet intentari actionem pro ea iniuriā illata, ita neq^{ue} locum habet infligendi pœnam pro ea iniuria. Itaque nobis hoc loco sermo est de pœna pro iniuriā prescè sumpta, siue illata illa fit contra honorem, siue cōtra famam, & de actione iniuriarum, quæ pro iniuriā, vt vtramque comprehendit, competit. Tamen locum non habet intentari actionem iniuriarum, & per consequens neque pœna infligi, pro iniuriā contra famam illata, interim dum ea latet illum, qui eam est passus, illoque ad quos iuris dispositione pertinet iniuriam illius prosequi. Quòd verò iniuriarum actio competat, etiam quando iniuriā est detractione contra solam famam, devenitque ad notitiam diffamati habetur apertè l. i. tit.

8. part. 7. illis verbis: *La otra manera es, quando dixesfe mal delante muchos por palabras razonandolo mal, o m-
fandole de algun yerro, o denysandolo. Esso mesmo de-
zimos que seria, que dixessi mal del à su señor con intencion
de le fazer tuerto o deshonor, o por le fazer perder su merced.
I de tal deshonor como esta puede demandar enmienda a-
quel, à quien la fiziere, tambien si no estuviessse de lante,
quando le fizieron la deshonor, como si estuviessse presente. I-
dem habetur l. 4. eod. tit. qui exprimit etiam si id
fiat gestibus & motibus corporis in absentia. Con-
sentit l. 8. tit. 6. eadem part. 7. Consentit præterea lex
item apud Labeonem §. constitutum ff. de iniuriis illis ver-
bis: Constitutum non tantum presenti, verum absenti fieri
posse Labeo scribit.*

Eodem 40. disputatione iniuriam hoc modo sumptam distinximus in atrocem seu grauem, & in nō atrocem seu leuem, & quid vtraque sit explanauimus.

Diximus etiam, pro iniuriā eodem modo sumpta actionem iniuriarum nuncupatā concedi, seu competere. Atque ei, cui conceditur, esse integrum eligere, vel agere ciuilitèr ad pœnam pecuniariam iplimet parti læsa applicandam, vel criminaliter ad pœnam corporalem: interdumque intentata ea criminali actione iudicem imponere reo pœnam pecuniariam, vel solam, vel vnā cum corporali, prout delicta, circumstantiam personæ, & alias concurrentes, viderit postulare: tuncque eam pecuniariam pœnam habere rationem pœnæ criminalis, neque ad partem iniuriæ affectam eam attinere, sed pertinere ad riscum.

Diximus præterea, pœnam, quæ iniuriarum actione imponitur, esse arbitriariam, & qualiter taxanda sit, quando agitur ciuilitèr ad pœnam pecuniariam parti explicandā. In aliquibus verò paucis criminibus diximus, pœnam esse ordinariam à lege statutam, quorum aliqua ibi commemorauimus, & reliqua hoc loco explicanda relinquimus. Illud vero addo, quando pœna pro aliqua iniuriā est ordinaria à lege taxata, tunc solum posse agi ad eam pœnam, neque esse integrum iniuriam passo, eive qui illius iniuriam prosequitur, agere indifferenter pro ea iniuriā, ciuilitèr aut criminaliter, vt maluerit.

Item ibidem diximus, quando iniuriarum actio intentari possit per procuratorem, & quando per procuratorem possit ad eam responderi; quando non item.

Ibidem quoq^{ue} diximus, quando iniuriā est cōiuncta cum damno corporis, tunc id damnum cū iniuriā computari, facereq^{ue} accrescere iniuriæ quantitatem, neq^{ue} pro eo damno competere distinctam actionem, sed simul cum iniuriā actionē iniuriarū puniri, grauiori pœna imposita, quàm si ad solam iniuriam, sumptam præcisè ab ea læsione ac damno, attenderetur. Quando verò iniuriā est coniuncta cum damno in bonis externis diuitiarum, etiā cum eo quod lege Aquila refarcitur, competere distinctas actiones, siue simul siue seorsim intentetur vna post aliam, vnā quidem ad iniuriam vindicandam, alteram verò ad damnum refarciendum, quin & vt pœnalege Aquila pro eo delicto statuta solatur.

Eodem tract. præced. Disp. 42. diximus, quot modis actio iniuriarum cesset ac tollatur omnino quoad iniuriam, de qua nobis hoc loco est sermo, sumptā præcisè à damno simul dato in bonis externis, ita vt intentari aut prosequi deinceps nō possit actio pro ea iniuriā ad pœnam, neque ad ciuilem neque criminalem. Dictum etiam est, quando, si remissa sit iniuriā à parte offensa, procedere non possit iudex in hoc regno ex officio ad illam puniendam, siue actio antea fuerit intentata, siue non, & quando ac quousq^{ue} procedere nihilominus possit. Et quādo pars offensa censetur tacitè remississe iniuriam, vt deinceps propter illam intentare non possit iniuriarum actionem. Item actionem iniuriarum non intentatam intra annum præscribi vt intentari deinceps non possit. Et quando annus ille esse debeat utilis, & quando sit satis eum esse continuum, & num ignorati iniuriam, currere incipiat.

Eodem tract. præced. Disput. 43. explanatum etiam fuit, quando & quousq^{ue} morte iniuriā affecti, aut eius, qui iniuriā affecti, actio iniuriarum expiraret, aut non expiraret.

In eodem tract. disp. 44. diximus, iniuriam, de qua hoc loco est sermo, esse crimen priuatū, & quando priuilegium, maximè de iure Lusitano, habeat, vt quiuis de populo accusare de illa possit, & quando iudex de iure eiusdem regni possit, aut non possit, ex officio procedere ad illam puniendam. Et quibus accusare competit prosequendo suorum iniuriam. Et disp. 45. dictum est, qui ex eis quib⁹ præferantur, & quorū remissio sufficiat, aut necessaria sit. Quæ sanè plus locū habent quo ad homicidium quàm quo ad alias iniurias, circa quas, si defunctus litem fuerat contestatus, ad hæredes illius, qua tales sunt, transit ea actio, & non ad alios. Si verò iniuriā facta sit defuncto post eius mortem, actio competit hæredibus & consanguineis, sed hæredes consanguineis preferuntur. De qua etiam re quædam dixeramus eodem tractatu 3. Disp. 2.

In eodem tract. Disp. 46. conclus. 3. circa partem primam dictum est, circa iniuriam, de qua est hoc loco sermo, validam esse gratuitam remissionē, ac transactionem, quatenus circa illam agi potest ciuilitèr, non verò ad impediendum progressum iudicis ad illam puniendam, quantum est legibus ei permissum ac ordinatum vt procedat, neque item si captem sit agi criminaliter. Eadem verò disputatione & 47. sequenti dictum est, de consuetudine locum hodie in omnibus criminibus habere in hoc regnō & in Lusitania transactionem tamen non publicā coram tabellione ac iudice, eamque non impedire iudices procedere ex officio ad eandem, delicta in bonum commune reipublice puniendi, quatenus iuribus eis est permissum ac dispositum vt procedant.

Sunt verò hoc loco nonnulla addenda, quæ in ea disputatione 40. citata referuauimus. Atque in primis admonet Couar. i. var. ref. c. 11. n. 1. cum communis doctorum sententia, quam refert, qui conuictū in ali-

in aliquem conijcit, aut aliud dicit, quod famæ illius præiudicet, ex eo quòd addat, aut præmittat, saluo honore, qui ei debetur, non propterea impediri aduersus eum actionem iniuriarum neque excusari à parte pœnæ. Cum enim contrarium conuincio aut infamazione illa efficiat, ei⁹, quod id verbum appositum significat, nihil appositio eius verbi excusat ab iniuria aliis verbis re ipsa illata.

3 Deinde verò est dubium, vtrum si aliquis verbū contumeliosum alicui in sua præsentia dixerit, aut detractiuum famæ illius in præsentia, vel in absentia; sique, cuius honori aut famæ ita præiudicatum est, actionem iniuriarum aduersus eam intetret, ea iniuriarum actio tollatur ac cesset ea exceptione, quod verum dixerit paratusque sit probare ita rem habere, ad eò vt si probet, alio contentente falsum esse, euadat omnino pœnam, cessetq; ea iniuriarum actio, nec locū omnino habeat. Pars quæ affirmat, videtur haberi expresse l. cum qui nocentem ff. de iniuriis, cuius verba sunt: Eum qui nocentem infamauit, non esse bonum a quom ob eam rem condemnari. Peccata enim nocentium nota esse oportere & expetere. & l. 8. tit. 6. part. 7. quæ sic habet: Pero si aquel, que ouiesse infamado à otro, quisiesse prouar que era verdad, lo que autia dicho, prouandolo assi, non aut a pena, & l. 1. tit. 9. eadem part. 7. quæ ita habet: Pero si aquel, que deshonrase à otro por tales palabras, o por otras semejantes dellas, las otorgasse, es quisiesse mostrar que es verdad a quel mal que dixo del, no cae en pena ninguna si lo prouasse. Esto es por dos razones: La primera es, porque dixo verdad, La segunda es, porque los fazedores del mal se recelen de lo fazer, por el asfrenta, è por el escarmiento, que recibirian del.

De hac re variè loquuntur doctores Panor. cum de sent. & re iud. n. 26. & cum Ioanne And. lex de hac re sententias refert. Arbitrari verò in hūc modum esse distinguendum. Quoniam vel infamatur quis in iudicio ritè illum accusando, intendendòve aliquid probare, quod ad rem pertinet, aut etiam ritè se defendendo, aut excipiendo. Et tunc aduersus eum, qui ita infamauit, non competit iniuriarum actio: quoniam vsus iure suo, ac proinde iniuriā in eo casu non intulit: modò id, quod obiecit, aut detexit, probet ita habere: aut certè intelligatur, eum iusto errore ductum, id obiecis: nā tunc non abfuerit animus conuinciendi ac infamandi, certè formaliter iniuriam non intulit, & per consequens aduersus eum non competit iniuriarum actio ea de causa. Atque in primo euentu locum habent l. cum qui, & lex 8. & l. 1. citata, totumque hoc est ex se satis perspicuum, illudque simul probat. l. si quidem vers. nam si perseueret, iuncta l. si non conuicti C. de iniuriarum. l. 5. si qui iure, & l. quod reipublica ff. de iniur. Multò autè magis primū habet locum, si à potestate publica id fiat, vt constat leg. iniur. & aliu iuribus, quæ glossæ vtrobique citant, adde l. 15. & 16. tit. 9. part. 7. Atque vt obiter hoc loco, quod sequitur, inferam. Quando aliquis extra iudicium impediret aliquem abfque mendaciis, fraude ac dolo, ab aliqua re obtinenda, dicens aliquem alium esse idoneorem, aut se esse idoneorem, estd; iusto errore ductus, falleretur, tunc aduersus eum non competeret actio iniuriarum: quoniam nullam in eo iniuriam ei efficeret, quem ita impediret. l. iniuriarum. l. 5. si quis de honoribus ff. de iniur. & l. 19. tit. 9. part. 7. Vel in iudicio aliquid obiicitur, quod verè læsiuū est honoris aut famæ, neque ad rem pertinet, aut constat, quamuis ad rem pertineret, esse falsum, quia nec probatur, nec probari potest, neque eum, qui illud obiecit, iusto errore ductum, illud obiecis: & tunc competit aduersus ita infamantem, infamarève intendentem, iniuriarum actio. Atque hoc est quod probant l. si quidem, iuncta l. si non es. C. de iniur. & consueti. l. quisquis C. de postu-

Tom. 5.

lan. resque etiam ex se est satis rationi consentanea: neque enim occasione iudicii fas est sine iusta causa cuiusquam honorem ac famam lædere. Multò autem magis si iudex in iudicio manifestam iniuriam alicui inferret, vel verbo, vel opere, vt eum iniuste manifeste torquendo, vel alia ratione competeret aduersus eum iniuriarum actio, dignusq; esset maiori pœna, quam si extra iudicium & non vt potestas publica eandem iniuriam efficeret: quoniam maior culpa est, inde iniustitiam procedere, vnde iustitia procedere deberet, quàm si eadem iniuria ab eo procederet, qui non tenebatur ministrare aliis iustitiam. Ita habetur l. nec magistratib. ff. de iniur. l. lex Iulia 1. & 2. ad leg. Iul. de vi publ. & l. 16. tit. 9. part. 7. Vel quis extra iudicium infamatur, aut honor illius læditur, aliquid fædum ei conuiciando. Et tunc vel id fit libello famoso, (sub illo intelligit quoduis alius signum, quod eodem modo læderet honorem ac famam, vt si cornua appenderentur alicui in signum, quòd alius adulteratus esset cum ipsius vxore, non se manifestante eo, qui ideo signum apposuit) in quo euentu, qui ita famam aut honorem lædit, non se prodit, vt cogi possit id probare, & vt in probatione deficiat, puniatur: atque tunc, estd; quod detegit, aut conuiciat, verum fit expeditaque reipublicæ sciri, vt puniatur, aut vt debita cautela adhibeatur, ne id aliis noceat, sane ita per libellum famosum infamans, aut honorem lædens, punitur pœna libellum famosum conficientis, estd; postquam fuerit deprehensus, probare velit, quod is libellus continebat, verum esse. Ita habetur l. vnica C. de famos. libell. & l. 3. titul. 6. part. 7. De iure tamen canonico, si probauerit, quod libellus continebat, (intelligit quando expediebat id sciri) non punitur pœna flagellorum, quæ pro eo crimine de iure canonico est statuta, vt habetur c. 1. 5. q. 1. & affirmant Panorm. vbi supra num. 28. & doctores communiter. Vel id extra iudicium non fit libello famoso, sed verbis, ita vt constet, quis illa dicat: atque tunc, si quod dicitur, & in quo aliquis infamatur, aut quod illi conuiciatur, sit verum, & tale probetur, si alius ea de causa actionem iniuriarum velit intentare, expeditaque reipublicæ id scire, vt puniatur, quia nondum erat detectum vel puniunt, aut vt remedium adhibeatur, ne alios inficiat, vt si dicatur illum esse leprosum, aut alio morbo affectum qui inficere alios possit, remediumque, ne alios inficiat, adhiberi oporteat: & tunc nō competit aduersus illū iniuriarum actio, si autè ea de causa intetata erat, absoluitur, qui id dixit, neq; in ea progredi aduersus illum permittitur, estd; nō recto animo fuerit id dictum ac detectū: propter emolumentum enim, quod inde reipublicæ euenit, & quia ille vere id comisit, aut id habet, quod illi est dictum, noluit ius eum qui id dixit, ea de causa puniri: peccabit tamen coram Deo, si id peruerso animo efficiat. Atque hoc est quod habetur l. cum qui ff. de iniur. l. 8. & l. 1. citatis, & concinit l. iustissimos C. de offic. pref. prouin. quæ de iudicibus, quādo aliquid inique gesserunt, cōcedit id dici, ac obloqui, cum ab officio cessauerint, vt ad principis noticiam id deueniat ac puniantur. Quando item aliquid correctionis aut obiurgationis iuste causa ab aliquo diceretur rationabiliter alicui, qui ea obiurgatione esset dignus, equumque esset vt is id illi spectatis circumstantiis concurrentibus, diceret, tunc estd; illius conuicio se esse affectum quereret, intenteretq; ea de causa iniuriarum actionem, locum illa non haberet: quia ritè id esset factum. Quando item aliquis intentaret obtinere aliquid, ad quod non esset idoneus, quia illegitimus, aut quia notam generis haberet, idque obijceretur, aut detegeretur, quantum satis esset ad il-

H 3

lum

lum impediendum, tunc intentare non permitte-
retur ea de causa iniuriarum actionem. Verumque
cum alijs affirmat Panor. *vbi supra numer. 29.* & con-
sentiunt alij. Quando verò extra iudicium aliquid
detergeretur aut conuiciaretur alicui, quod nō ex-
pediret rem publicam scire, vt id puniret, aut vt re-
medium adhiberet, vel quia, si erat crinensiam ab
ea erat punitum, vel quia non erat puniendum, vel
quia non ita res habebat, tunc locum habet iniu-
riarum actio. Excipe nisi verum esset ac publicum
& nō obijceretur in facie, ita vt contumeliæ ratio-
nem haberet, sed detergeretur alicui, qui id nō scie-
bat, vel ea de re aliquis loqueretur coram alijs, qui
id sciebant, aut non sciebant: tunc enim, cum ille
esset ea de re infamatus, non censeretur in eoladi
famam illius, & per consequens non concederetur
ei iniuriarum actio ea de causa. Si tamen illi con-
uiciaretur in facie illud ei obijciendo, estd verum
esset, & is propter illud esset punitus, rationem san-
tē haberet tunc contumeliæ, competereque iniu-
riarū actio, vt rectē cum alijs affirmat Greg. Lop.
l. i. citata glossa vltim. Tamen si quando is ea de causa
fuisset publicē damnatus, non censeretur id mag-
na iniuria, nec proinde multum pœnæ ea de cau-
sa imponeretur, quando ita conuiciatis iniuria-
rum actionem intentare auderet. Iuxta hæc omnia
admetiendi sunt quæ Couar. l. var. ref. a calce n. 4.
his de rebus tradit, in quibus non omnino cum
hac nostra doctrina consentit.

4 Si quis verba ex se contumeliosa in aliquem, e-
tiam calorē iracundiæ, profert censeretur contu-
meliā ei irrogasse, ac proinde iniuriarum actio
aduersus eum competeret, nisi ipse sufficere pro-
bare, se non animo contumeliā iniuriāque
inferendi illa dixisse. Vtrumque habetur l. si non cō-
uicijs, C. de iniur. Ex quo iure constat, quotiescun-
que est sufficiens notum non animo contumelia
afficiendi esse dictum, locum non habere iniuria-
rum actionem, estd id vere in se sit contumelia.
Neque enim iniuria formaliter effici potest, sine
animo illam inferendi, ac proinde estd interueniat
iniuria materialiter non competit iniuriarum ac-
tio, quando constat animum iniuriā inferendi
non interuenisse. Vnde l. illud s. i. ff. de iniur. sic ha-
betur: *Sanē sunt quidam, qui facere non possunt, (iniuri-
am facili) vt puta furiosus & impubes: qui doli capax non
est. Cum enim iniuria ex affectu facientis consistat, consi-
quens erit dicere, hos siue possent, siue conuiciū dicant, in-
iuriā fecisse non videri. Itaque pati quis iniuriā, etiam si
non sentiat, potest, facere nemo, nisi qui se in iniuriā fa-
cere, etiam si nesciat cui faciat. Quare si quis per iocum per-
cutiat, aut dum certat, iniuriarum non tenetur. Si quis ho-
minem liberum ceciderit, dum putat seruum, in ea causa est,
ne iniuriarum tenetur. Hæc ibi. Et lex, cum seruo, sta-
tim loquens, sic habet: Si cum seruo meo pugnum duce-
re vellem, in proximo te stantem inuitus percussissem, iniu-
riarum non tenor. Quæ omnia perspicue docent, si-
ne animo iniuriā inferendi, vt locum non habet
iniuria formaliter, ita neque tunc competere iniu-
riarum actionem. Contrā verò, si animus sit in-
iuria afficiendi, locus sanē est iniuriarum actioni
ob rem, obquam, secluso animo, locum ea actio
non haberet. Lex enim penult. ff. de iniur. sic habet: Si
inferiorum dominus adium superioris vicini fumigandi
causa fumum faceret, aut superior vicinus in inferiores ades,
qui id aut proiecerit, aut infuderit, negat Labeo iniuriarum
agiposse. Quod falsum puto, si tamen iniuria faciendā causa
immutatur. Hæc ibi.*

5 Quando duo aliqui se mutuo contumelia affe-
cerunt, vtrique competit aduersus alterum iniu-
riarum actio. Credo tamen, maximē si ciuilerit v-
traque actio intenteur, locum esse compensationi-
ni, vt solum quoad excessum iniuriæ vnus supra
aliam locum habeat pœna. Panormitan. vbi supra

numero vigesimo quinto, ait, si secunda iniuria dicta sit
in defensionem primæ obiectæ, locum pro secun-
da non esse iniuriarum actioni: quoniam licet
quis se defendit. Exemplum adhibet, vt si aliquid
falsum in contumeliā sit dictum, & contumelia
affectus, in continenti in sui defensionem dicat,
mentiris. Fortasse in Italia non adeo contumelio-
sum dicere mentiris, vt est in Hispania. Sanē si con-
tumelia affectus in Hispanijs, aut vbi libet, respon-
deret, non est ita: quamuis & hoc verbum extra
eum euentum sit contumeliosum, in eo tamen e-
uentu ad iustam defensionem contumeliosum il-
lum non arbitraret, adhucq; ei, qui illud diceret,
competeret iniuriarum actio pro contumelia an-
tea accepta ad integram pœnam, qua is, qui illam
intulit, pro ea est dignus. Si tamen responderet,
mentiris, tanta sanē est in Hispanijs eius verbi con-
tumelia, vt frequenter non solum æquet, sed & su-
peret contumeliā prius acceptam, ac proinde locus
erit compensationi. Atq; quamuis hæc secun-
da contumelia interdum superet prius acceptam,
adeo tamen modicus poterit esse excessus, vt pro-
pter illud puniri non debeat, qui dixit, mentiris.
Quoniam vt benē vbi supra ait Panorm. aliquem
lacsitum priori contumelia, prorupisse in secun-
dam, sanē vt extenuat culpam secundæ, ita exte-
nuare debet pœnam, qua pro illa esset alioquin di-
gnus. Quando autem esset multus excessus secun-
dæ contumeliæ supra primam, aliqua pœna mo-
derata esset afficiendus, qui secundam contume-
liā protulit, non tamen tanta, quanta illi fuisset
imponenda, si non lacsitus, tantum excessisset.

Gregor. Lopez. leg. i. citata glossa vltim. rectē ait, in
hoc regno (idem in Lusitania intellige) si quis eam,
quæ verē fuit adultera, adulteram appellet, aut viro
illius impropere adulterum cum ipsius vxore
esse commissum, quod in Hispanijs fit vocando illū
cornudo, teneri actione iniuriarū, estd probare ve-
lit, rem ita habere, neque ad eam probationem esse
admittendum, sed puniendum esse pro quantita-
te iniuriæ spectatis circumstantijs omnibus con-
currentibus. Idem dic, si aliquam de adultera, aut
aliquem de cornudo, à tergo infamet. Ratio autem
est, quoniam crimen adulterij non punitur in his
regnis, nisi ad solam accusationem mariti, & non
ad accusationem cuiusvis alterius, vt tractatu pre-
cedente ostensum fuit, neque aliud in his regnis
res publica iudicet sibi expedire. Addit verò opti-
me Greg. Lopez, (tamen non adeo firmus, ac par
esset) quamuis si id conuiciū sit falsum, nec possit
illud probare, puniendus sit vt palinodiam canter,
hoc est, se dedicat, quod nostri *desdezir* se appellant
si ita iniuria affectus velit, vt in pœnā apponitur:
l. 2. titul. 9. libr. 8. ord. quæ est l. 2. titul. 10. lib. 8. noua col-
lect. relataque fuit tractatu precedente Disputat. 40.
quando tamen probare vellet conuiciū esse verum,
nec permitteretur id probare, precipiendus
non esset se dedicare: quoniam iniquum esset præ-
ceptum, quo alicui mentiri præci peretur, sed tunc
aliter esset puniendus, & cogendus honorem ac
famam compensare. Idem intellige in alijs euenti-
bus, in quibus eadem lex præcipit conuiciantem,
seu diffamantem, se dedicare. Vt si coniugata, quæ
ante coniugium fuerat publica meretrix, quis id,
postquam est coniugata, obijciat: tenetur enim illi
iniuriarum propter id conuiciū pœna arbitra-
ria, vt rectē Gregor. Lopez glossa citata ait: non ta-
men tenetur neq; licitè potest se dedicare: eo quod
mentiretur, cum cōuiciū illud verum continue-
rit. In his etiam consentit Couarr. vbi supra. Lege
etiam apud eundem *ibidem à num. 2.* autorum lon-
gam disputationem circa pœnam pecuniariam
ae lege simul statutam, quoad valorem eius mone-
re.

Sequen-

Sequentes, qui connumerantur *leg. 2. tit. 9. part. 7.* non admittuntur ad probandum verum esse, quod dixerunt in præiudicium honoris & famæ, vt euadant pœnam actione iniuriarum ipsis imponendam propter eam iniuriam ab ipsis illatam.

7. *Esto seria* (ait ea lex) *como si el hijo o el mero o el bisnieto* dixisse *mal a su auuelo*, o a su bisauuelo, lo el *asfornado a a* *quel que lo asforno*, o el *criado a aquel que lo cria*, o a *a* *quel con quien viuio*, o el *seruo a su señor*, o el *que viuio por seruiente familiar de alguno a soldada*, a *aquel con quien viuia*. Nominē autem de su auuelo, o bisauuelo, vtriusque textus intelliguntur, neque id solum habet locum in illis descendentibus comparatione illorum ascendentium, sed vniuersum in descendentibus comparatione quorumcunque eorum ascendentium: nomineque patrum, patrona etiam intelligitur. Vtrumque constat ex l. *quique a §. prator ait*, iunctis legibus sequentibus ff. de in ius vocando, vbi habetur, nefas esse descendente vocare in iudicio ascendente quemcunque, & libertum vocare patronum aut patronum, nisi facultate ad id prius petita ab obtenta a iudice, cui prius significari debet, qua de causa vocari in iudicio debeant, & videre, num expediat facultatem ad id concedi, Et l. *sed & si §. prator ait eod. tit.* sic habetur:

7. *Prator ait in ius sine permissu meo ne quis vocetur* (ex prædictis scilicet) *Permissurus enim est, si famosa actio non sit, vel si pudorem non sugillet, qua patronus conuenitur, vel parentes, vel totum hoc facere debet causa cognita.* Consentit lex 2. iuncta lege 1. & l. *liberto ac aliis eius tituli ff. de obsequiis a liberis*, & idem habetur l. 3. tit. 2. part. 3. Et quamuis si libertus grauem seu enormem iniuriam acceperit a patrono, aut filius iam emancipatus, patriamve egressus potestate, ad parente, agere potest aduersus illum petita prius & obtenta a iudice ad id facultate, secus autem si iniuria esset leuis, aut, esto iniuria esset grauis, si filius sub eius parentis esset potestate, vt post verba proximè relata subiungitur *§. prator ait citat.* & habetur copiosius l. *prator dixit*, §. *praterea, iuncta l. non solum*, §. *quoniam ff. de iniuriis*, ac l. 3. tit. 2. part. 3. nihilominus neque tunc libertus, aut filius emancipatus, agere potest ad pœnam corporalem patroni aut parentis, neque ad illius notam & infamiam, sed ad nudam compensationem iniuriæ actione ciuili, seu ad pœnam pecuniariam, & vt desistat a simili iniuria inferenda. Ita glossa 1. & 2. l. *hi tamen iuxta textum ibi a §. liberi ff. de accus.* & iuxta l. *vlrim. C. de accus.* & l. *qui accusare s. vltim. ff. eod. tit.* & habetur leg. 3. tit. 2. part. 3. Vnde quia nec descendentes accusare possunt ascendentes, nec liberti patronos in causa criminali, aut quæ notam illis irroget, iuxta iura citata, quin neque testes esse possunt aduersus illos in eiusmodi causis, vt habetur l. *libertorum C. de testibus*, inde efficitur, vt neque ad pœnam iniuriæ contra illos illatam, admittantur ad probandum, verum esse, quod in præiudicium honoris aut famæ illorum dixerunt, vt habetur leg. 2. tit. 9. part. 7. Excipitur, nisi eos diffamasset de crimine læsæ maiestatis: nam tunc probare se verum dixisse admittentur: quoniam de eo crimine accusare permittuntur etiam serui, famuli, liberi, & patroni, vt habetur l. *famosi ff. ad leg. lul. in iust.* & l. *penultim. C. de accus.* Idem dicendum est, si quis aliquem de crimine hæreseos diffamasset: admitteretur enim ad id probandum: quia omnes accusare ac testificari possunt de eo crimine. Si item libertus diffamasset patronum suum de adulterio cū propria vxore talis liberti, admitteretur ad probandum id adulterium, vt habetur l. *si adulterium §. liberto ff. ad leg. lul. de adult.* Sicut autem serui & famuli, etiam si mercede sint conducti, repelluntur ab accusatione criminali suorum dominorum, quin & puniuntur, si id facere intentent, excepto crimine læsæ maiestatis (idem intellige de crimine hære-

seos, quin & de adulterio cum vxore famuli, qui non est Mancipium, si maritus accuset: quoniam longe maiori cum ratione, quam libertus, id efficere potest) vt habetur l. *penult. C. de accusationibus l. vlt. C. de delatoribus lib. 10. & l. 6. tit. 2. part. 3.* ita si diffamarit dominos suos quo ad alia, & cum eis actione iniuriarum ea de causa agatur, non admittuntur ad probandum verum esse, quod de illis dixerunt, vt pœnam euadant, vt habetur l. 2. tit. 9. part. 7. relatumq; est. Quæ autem pœna in hoc regno statuta sit famulis quibuscunque, qui iniuriam dominis, quibus seruiunt, inferunt, & filijs, qui iniuria parentem afficiunt, tractat *præced. Disp. 40.* relatu fuit.

Iniuria irrogatur, ita vt aduersus illam inferentem competat iniuriarum actio, eaq; de causa puniri debeat pœna arbitraria, siue ciuilitate, siue criminaliter aduersus eum agatur, si gestib; aut quibuscunq; motibus corporis, aut veste aliqua ad id induta, vel quauis alia simili ratione, in præsentia vel in absentia alicuius, aliquis eum imitetur, aliquid factum in illo denotando, vel ridiculum, quo honor vel fama illius quouis modo lædatur, ruboreve illum id possit afficere, aut ad indignationem eum prouocare, si ad notitiam illius deueniat. Ita habetur litem apud Labeonem §. *generaliter ff. de iniur.* & l. 4. tit. 9. part. 7.

Item iniuria alicui fœminæ fit, competitque ea de causa iniuriarum actio, tam ei, quam patri, aut alteri in cuius potestate sit cuiusvis custodia sit, sponso aut marito, si sponsa aut coniugata sit, si illa honeste viuat, atque aliquid fiat, quo pudicitia illius attēteretur, verbo, scripto, nutu, aut per internum, vel conando blanditijs, precibus, aut alia ratione comitem illius ab illa abducere, vel illam sectando, ita vt id honori aut famæ illius deroget, vel quoduis aliud eo fine afficiendo. Ita habetur l. apud Labeonem §. *si quis virginem & §. tenetur. iuncta l. 1. §. omnem vers. ad dignitatem l. attentari. ff. de iniur.* & l. 5. tit. 9. part. 7. Quando autem fœmina consentiret in tali attentatione pudicitia illius, ei quidem iniuria non fieret, cum volenti & cōsentienti nulla fiat iniuria ac proinde illi non competeret iniuriarum actio: Tunc tamen cōpetere posset ea actio illi, sub cuius potestate aut custodia illa esset, vel sponso aut marito, qui eo ipso conferentur ea attentatio ne iniuria affecti, vt hæc omnia sunt notissima. Qui pudicitiam eius attentaret, quæ meretricio habitu incederet, aut eam quæ existeret in loco in quo meretrices habitant, non teneretur iniuriarū actione, est id illa vere meretrix non esset: quoniam meretrici iniuria non fit attentando eius pudicitiam, hicq; iusto errore ductus, quod illa esset meretrix, censetur id fecisse libiq; illa id impuret, quæ eo habitu incedit. Qui itē virginis ingenuæ pudicitiam attentaret, incedente illa habitu ancillari, non teneretur pœna attentantis pudicitiam ingenuæ, sed ancillæ duntaxat propter eandem rationem. Vtrumq; habetur litem apud Labeonem §. *si quis virginem cit.* & l. 18. tit. 9. part. 7. Item iudex si timor probabilis sit attentantem pudicitia mulieris honeste, in ea attentatione perseveraturum, inhibere id ei debet sub aliqua pœna, idq; vt impediatur eam iniuriam, quæ pender ac imminet in futurum. Ita habetur l. 5. citata, iuxta varia iura, quæ Greg. Lop. ibi glossa vltima citat.

Item iniuriam infert, iniuriarumque actio aduersus eum competit, qui alterum insequitur, vt ei noceat, aut vt illum comprehendat, aut qui illum includit in loco aliquo, aut horum aliquid facere aggreditur, aut qui domum alicuius vi late sumpta, iuxta ea quæ tractatu 2. disp. 682. explanata sunt, ingreditur, aut aliquid illius vi eadē vsurpat, aut in despectum illius aliquid illius in terram proijcit, & similibus alijs rebus. Ita habetur l. 6. & 7. tit. 9. part. 7. l. item apud Labeonem §. 1. & §. si quis bona l.

si iniuria, & l. penul. ff. de iniur. & aliis iuribus. Hæc verò quasi in exempla sunt eò ducta, vt ex illis meis quibus coniciat, in quibus euentibus iniuria interueniat, actioq; iniuriarum ratione illius competat.

- 11 Iniuriarum actio non competit aduersus impuberem, qui decimum ætatis annum cum dimidio non exceſſerit: quia non cenſetur ad id doli capax, (in fœmina autem, ſi nō exceſſerit nonum annum cum dimidio, iuxta ea quæ tractatu 2. Diſp. 224. §. vt ad minorem, dicta ſunt) extra illam verò ætatem cōpetere poteſt aduerſus eum iniuriarū actio, quia cenſetur doli capax. Ita colligitur ex l. illud ff. de iniuriis. & habetur l. 8. titul. 9. part. 7. Multum tamen à pœnæ & à ratione iniuriæ excuſabit adeo tēra ætas, adeoque exiguum adhuc iudicii rationis. Quin & minor ætas, etiam ſi ſit extra pubertatis annum, à parte pœnæ excuſabit, iuxta ea quæ tractatu precedente Diſp. 36. dicta ſunt. Furioſus verò, & vniuerſim qui iudicio rationis carent, vt culpæ ſunt expertes, ita & pœnæ, ac proinde actiōe iniuriarum non tenentur, vt ex ſe eſt notiffimum, & habetur l. illud & l. 8. citatis. Illi tamē, ſub quorum cura ſunt, teneri poterunt ad damna, quæ dederint, niſi competentem adhibuerint cautelam, ne ea dent, ipſorumq; culpa illa dederint. Ita habetur l. 8. citata. Impubes tamen quicunque, & vniuerſim qui iudicio rationis carent, capaces ſunt iniuriæ. Ita habetur l. illud citata, & l. 9. titul. 9. part. 7. agereque poſſunt actiōe iniuriarum illi ſub quorum cura aut tutela ſunt, vt ea iniuria puniatur. Ita habetur l. 9. citata, dictumque eſt tractatu precedente Diſp. 2. Quo in loco copioſe explicauimus, quibus competat actio iniuriarum ratione iniuriæ alteri factæ, vel quod in ipſos iniuria redundet, vel quod iniuria affectui ipſis ſubſtaceant, ſeu eorumque cura ſint: itemque ad quos tunc earum iniuriarum remiſſio pertineat: quæ ſanè hoc loco non paruo onere noſleant.

- 12 Iniuriarum actio competit etiam aduerſus concuſſorem iniuriæ, vt aduerſus conſulentein, mādantem, &c. Ita habetur l. 10. tit. 7. part. 7. reſque ex ſe eſt notiffima. Et intentari iniuriarum actio poteſt, vel coram iudice loci, in quo iniuria fuit facta, vel coram iudice eius, qui illam intulit. Ita habetur l. 9. titul. citato, & conſtabit ex dicendis tractatu ſequenti.

- 13 Qui ſine principis aut iudicis autoritate domum moribundus ingreditur, & ibi, intuitu quod infirmus aliquid ei debeat, bona aliqua occupat, aut ea obſignat, vel moleſtiam inferit ibi exiſtenti-bus quoad hæc, amittit eo ipſo debitum, ſi quid ei moribundus debeat, & inſuper ſiue debitor ille eſſet, ſiue nō, ſoluit tantundem ac erat illud, quod ſibi deberi dicebat, hæredibus eius defuncti, & inſuper amittit tertiam partem ſuorum omnium bonorum ſiſco regis, & efficitur infamis. Ita habetur in authentico vt defuncti §. 1. & in authentica item qui domum C. de ſepulchr. viol. & l. 11. titul. 9. part. 7. Ea tamen lex aliquantulum variat à duobus iuri-bus citatis, quando moribundus nihil reddere debebat ei, qui tale crimen commiſit: ſic enim quoad hunc habet: *Eſi por ventura el que eſto fiziere, non ouieſſe deudo ninguno contra aquel doliente que aſſi agrauiaſe, deue perder por ende la tercera parte de lo que ouiere, e a uerlo la camara del Rey, e de mas deſto deue de fazer emien-da à los parientes del nuerto de la deſhonra que fizio à el e à ellos a bien viſta del iudgador del lugar.* Fortaſſe puniendū tunc erit accommodatè ad diſpoſitionem illam authenticorum, pœnaque præter conſignationem tertie partis bonorum, applicanda erit hæredibus ex teſtamento, aut ab inteſtato talis defuncti.

- 14 Pro iniuria, quæ ſit defunctis, & cedit in viuos,

ad quos defuncti illi pertinent, & ad quos ſepulchra eorum reſarcire ſpectat, ſequenti ſunt iure ſtatuta. Qui de ſepulchro alieno lapides, lateres, columnas, aut quamcunq; aliam materiā extrahit, ſiue illam vendat, aut aliter alienet, ſiue inde aliquid ædificet, puniuntur pœna decem librarum auri ſiſco Regis l. qui ſepulchra C. de ſepulchr. viol. & l. 12. tit. 9. part. 2. Quæ lex additi, ſi ſoluoſendo non ſit, relegari ob id delictum. Quod ſi iudex, ſciens delictum fuiſſe commiſſum, illum non punierit, puniuntur ipſe pœna viginti librarum auri eidem ſiſco Regis, vt habetur l. ſi quis C. eod. tit. Inſuper, ſi qui eam materiam extrahit ac accipit, aliquid inde ædificet, amittit, quod ita ædificauerit: & locum, in quod ædificauerit, ſiue ſit dom⁹, ſiue villa, aut aliud prædium, ſiſco Regis. Ita habetur l. 2. §. vlt. C. eod. tit. & l. 12. citata. Inſuper (quamuis iura citata id non dicant) tenetur reſtituere damnum integrum in eo ſepulchro, vnde illa extraxit, datum, idque non ſolum in exteriori actiōe in factum, iuxta l. prator ait in princip. ff. de ſepulchr. viol. actiōne uero ad intereſſe, quod includit, vnà cum lucro ceſſante, & æſtimatione iniuriæ, vt in eadem l. §. qui de ſepulchro violato, ſub-iungitur, & conſentit. l. vnica C. de ſententiis quæ pro eo quod intereſt proſeruntur, ſed etiam in conſcientiæ foro, eſt d prædictis pœnis fuerit punitus. Quod ſi mancipium fuerit deprehenſum demolire aut demoluiſſe ſepulchra, ſiquidem domino illius id ignorante, relegatur id mancipium: ſin verò domino ſciente, in metalla damnatur, vt habetur eadem l. 2. citata.

Qui furantur veſtes aut alia, cum quibus defuncti humati ſunt, in cum armis graſſatorum more id efficiant, morte plectuntur: ſi verò ſine armis, vſque ad pœnam metalli damnantur. Ita habetur l. prator ait §. aduerſus ff. de ſepulchr. viol. & l. 12. citata. Reſtituere etiam in foro conſcientiæ tenentur, atque ad id in exteriori foro cogi debent, ſi habeant vnde ſoluant, tum res ita furto ablatas, tum etiam ſi quod aliud damnum, vt eas furarentur, dederunt, iuxta ea quæ paulò antea dicta ſunt.

Qui corpora defunctorum, aut illorum oſſa, extrahunt de ſepulchro, in contemptum, aut proiciunt, aut aliter inhonorant (ſemper enim dolus interuenire debet, vt pœna pro delicto ſepulchri violati locum habeat, vt habetur l. prator ait ff. de ſepulchr. violat.) Si humiliores ſint, morte plectuntur: honeſtiores verò in perpetuum vel deportantur, vel in metalla damnantur, vel relegantur. Ita habetur l. vlt. ff. de ſepulchr. viol. & leg. 12. citata, quæ de honeſtioribus ſic habet: *Mas ſi los que eſto fizieren fueren ſijos dalgo, deuen ſer deſterrados para ſiepre.* Intellige iuxta l. vlt. citatam, etiam eos deportando, aut in metalla damnando, pro maiori vel minori grauitate delicti, iniuriæque illatæ.

Quod ſi illi, ad quos præcipuè ſpectat accuſare de furto rerum, cum quibus defuncti humati ſunt de extractione aut inhonoratione corporum vel oſſium eorundem defunctorum, quales ſunt ipſorum hæredes, atque etiam conſanguinei, intentare non velint accuſationem criminalem ad pœnas corporales explicatas, ſed ciuilem ad pœnam pecuniariam, tunc id efficere poterunt actiōe in factum ad intereſſe, quantum æſtimabitur intereſſe totum in illo computando, quod dignum eſt ſolui pro iniuria ſumpta præciſè à quocunque alio intereſſe: atque facta æſtimatione per intentantem actiōnem, ſequutaque moderatione & arbitrio iudicis, vt minimum delinquens condemnari debet centum aureis, ita vt excedi poſſit ea ſumma, ſi ita res poſtulauerit, non verò minui. Quod ſi ad plures ea iniuria attineat, qui omnes velint accuſare, iudex idoneorem, & qui plus iuris habet, eligit vt ſol⁹ accuſet: intereſſe

tamen

ramen illud inter omnes illos diuiditur, quos ea iniuria contingit, pro rata damni ac iniurię cuiusque eorum. Quod si nullus eorum accusare velit, tunc quisvis de populo ad accusandum admittitur eo quod id crimen inter publica ad hunc effectum computetur. Ita habetur l. *prator ait in princ. & §. qui de sepulchris ff. de sepulchris viol. l. 14. tit. 13. part. 1. & l. 12. tit. 9. part. 7.* Atque quod ita adiudicatur hæredibus aut consanguineis defuncti ita ad eos pertinet pro ea iniuria & interesse, ut est de defunctis creditores reliquerit, nec reliquerit bona sufficientia ad illis solvendum, nihil ex ea pœna & interesse solui eis creditoribus debeat. Ita habetur l. *quis situm est ff. de sepulchris viol. & l. 14. tit. 13. part. 1.* Porro cum actio illa in factum ad interesse pœnæ pecuniariam pro iniuria illata, præcisè sumpta à quocunque alio damno ac interesse, includat, sanè ea ex parte actio illa in factum criminalis est, sumpta àctione criminali latè, ac proinde ea intentata, locum non habet intentatæ actionem criminalem pro eodem delicto ad pœnas corporales suprâ explicatas, iuxta ea que tractatu præced. Disp. 40. & tractatu 2. Disp. 595. consentiunt Greg. Lopez. l. 12. citata, verb. *cien maraueño de oro*, & alij quos citat.

Quæ dicta sunt de pœnis pro sepulchro modis omnibus explicatis violato, intelliguntur de sepulchris Christianorum: secus autem de sepulchris hostium fidei in illis quippe ea locum non habent, ut habetur l. *sepulchra hostium ff. de sepulchris viol. & leg. 12. citata.* Vbi Greg. Lopez verb. *enemigos de la fe*, quærit, num liceat iudicis autoritate quærere aurum & lapides pretiosos in sepulchris antiquis Indorū occidentaliū. Atque ipse annuit. Distinguerem, Quoniam si ea sepulchra adeo antiqua sint, ut ad nullos posteros eorum, qui in illis cum eo auro aut lapidibus pretiosis humati sunt, iā ob antiquitatē pertineant, atque tunc rationem illa habent rerum domino vacantium, fiuntque proinde gentium, iure primo occupantis, etiam si quondam cum illis humati fuissent Christiani, quorum corpora iā nunc non inueniantur eis pretiosis rebus ornata: neque ad ea occupanda, & efficienda propria primo occupantis, necessaria est iudicis autoritas, iuxta ea quæ tractatu 2. disputatione 53. & 55. dicta sunt. Neque illa habere videntur rationem thesaurorum. Si autem thesaurori rationem haberent, tunc quoad illa standum esset dictis tractatu 2. Disputatione 53. 55. & 56. Si autem ea sepulchra non adeo antiqua sint, sed in eis à non multo tempore humati sint aliqui cū eis rebus pretiosis, vel ea sepulchra ad posteros eorum pertinent, qui cum eis rebus ibi humati sunt, credo furtum esse ea bona occupare, eisque spoliare cadauera adhuc illis ornata, cum onere illa restituendi. Quoniam autem infideles aliqui in rebus publicis Christianis habitare permitterentur, ibique in sua secta viuere, & habere sua sepulchra; sanè quamuis illa religiosa res ipsa non sint, iniuria tamen est infidelibus fit, illa quouis ex modis explicatis violando, competitque hæredibus & consanguineis eorum, qui ibi sepulti sunt, & quorum sunt ea sepulchra, actio iniuriarū aduersus eos violatores, ut pœna arbitraria puniantur pro qualitate eius iniuriæ. Ita habetur l. 12. citata satis consentaneè ad rectam rationem, naturamque ipsam rei: quoniā perinde de tali iniuria est censendum, atque de quacunque alia eis infidelibus, dum viuunt, Christianis effecta. Arbitror quoque, si Christiani spolient cadauera illa rebus, quibus cum humati sunt, teneri in confiscatione fori illa eis restituere, ad idque in exteriori foro esse cogendos, non secus ac si expoliarent similibus rebus cadauera Christianorum eisdem rebus humata atque ornata.

Si quæ alia iniuria fiat defuncto, vel quo ad ca-

dauer illius, vel quouis alio modo, ita ut ad contemptum aut infamiam illius id pertineat, ad hæredes illius, qui vnum cum illo, in cuius bonis succedunt, reputantur, pertinet nomine proprio intentare iniuriarum actionem, vel criminalem vel ciuilem, ut maluerint, ut is delinquens pœna iudicis arbitraria puniatur, modo tractatu præcedente disput. 40. explicato. Ita habetur l. 1. §. & si forte ff. de iniur. & l. 13. tit. 9. part. 7. Quod & in cæteris iniurijs ad defunctum actinentibus, hætenusque commemoratis, similiter locum habet, ut scilicet hæredes nomine proprio agere possent iniuriarum, ut ex §. citato habetur, & consentit l. 13. citata, tractatuque præcedente explanatum fuit. Si autem ante aditam hereditatem post defuncti mortem ea iniuria defuncto fiat, actio competit hereditati iacenti, quæ defunctum tunc representat, & per hereditatem transire postea in heredem, aut in hæredes, eo ipso quod hereditatem adeunt, ut habetur l. 1. citata, §. quotiens, & Disputat. 2. citata dictum etiam est.

Si corpus defuncti à creditore ratione debiti sequehri impediatur, exequiæ fieri, lege vltim. C. de sepulchris viol. is creditor puniebatur pœna quinquaginta librarum auri, atque si non esset solvendo, puniebatur in corpore pœna iudicis arbitraria: quod additio in margine ad glossam vltimam ibi rectè ait, locum similiter habere quo ad alias pœnas pecuniarias pro alius criminib⁹ statutas, iuxta varia iura quæ citat. Insuper, si quid solutum esset ab hæredib⁹, aut ab alijs, tali creditori, ut sepulchram aut exequias nō impediret, aut pignora in securitatem debiti essent ei data tenebatur ea reddere: & si quæ confessiones debiti, aut obligationes, quod ei solueretur, aut fidei iussores dati, ut sepulchram & exequias non impediret, totum erat irritum & inane, resque tota redibat in statum, in quo antea erat. Postea verò in authentica *in qui domum*, post eam legem subiecta, & apertius in authentico *ut defuncti seu frater* §. si verò, iuncto §. *sanctum igitur*, antecedente, vnde authentica illa sumpta fuit, sanctum fuit, ut is creditor amitteret debitum atque siue defunctus id illi verò deberet, siue non, reddat tantundem hæredibus de suis bonis, ac erat id debitum, & amittat tertiam partem suorum bonorum fisco, incurratque infamiam. Et quamuis quidam, quos Gregor. Lop. leg. 13. tit. 9. part. 7. glossa 1. refert, dixerint eas pœnas loci nō habere, nisi creditor sepulchrum & exequias impediatur iudicis autoritate: veritas tamen est, iudicem eam facultatem concedere non posse, & omnino ac simpliciter incurri eas pœnas. Lex 15. tit. 13. part. 1. & l. 13. tit. 9. part. 7. quæ de hac re loquuntur, non has omnes pœnas commemorant, ut ex parte notat Greg. Lop. l. 13. citata verb. *risa del Iudgador*.

In authentica sed neque C. de sepulchris viol. & in authentico ut cum de appellat. cog. §. hac autem ver. *sanctum*, & l. 15. tit. 13. part. 1. ac l. 13. tit. 9. part. 7. habentur ea quæ tractatu 2. in initio disputationis 26. diximus, quæ non huius, sed illius loci sunt germana, ne scilicet esse intra nouem dies à morte defuncti inquietare hæredes, consanguineos, affines, aut fidei iussores defuncti eoque in iudicium vocare, ob debitum defuncti, sub pœnis ibi commemoratis. Et quæ ibi subieciimus, quando est periculum, quod defuncti bona dispareant, habetur l. 15. citata, consentaneè ad varia iura, quæ ibi Greg. Lopez citat, atque ad rectam rationem, quæ interpres est legum.

Quando mancipiū iniuriam intulit, ratione eius iniuriæ, quæ absque culpa domini illata fuit, iniuriarum actio competit, tunc si iniuria sufficienter compensetur punitione corporali mancipij, quæ nec mortem illi inferat, neque inutile mem-

19

20

brorum aliquid illius reddat, tenetur domin⁹ tradere id mancipium, vt ita iudicis arbitrio puniatur: quoniam cum mancipium aliter soluendo nō sit, locum non habet aduersus illum pœna ciuili, nisi dominus eligat illam potius soluere, aut noxæ dare mancipium pro pœna pecuniaria, qua, agendo ciuiler, dampnandū foret. Itaq; semper, quando dominus non tradiderit mancipium puniendū corporaliter pro iniuria illata, tenetur vel pœnam ciuilem ac pecuniariam soluere, vel loco illius dare noxæ id mancipium. Semper enim iura permittunt domino mancipij, loco damni, ac pecuniariæ pœnæ; quam soluere ratione mancipij damnetur, eligere potius dare noxæ id mancipium, vt habetur *l. miles §. 1. ff. de re iud. & alius iuribus*. Illa verò alia, quæ dicta sunt, atque ad hunc locum spectant, habentur *l. sed etsi vnus §. cum seruus ff. de inur. & l. 14. tit. 9. part. 7.* eoque modo duo illa iura sunt intelligenda.

SYMMARIVM.

1. Qui famosum libellum composuit aut edidit, itemque qui illum reperit, nec lacerauit, sed illum manifestauit, pœna capitis plectitur: præsertim quando libellus aliquid continet, quod si probaretur commississe eum, quem is libellus de ea re infamat, puniretur pœna capitis.
2. Vtrum is qui libellum reperit, nec lacerauit, sed illum manifestauit, tunc solum puniendus sit pœna, qua punitur author talis libelli, quando de alio autore non constat: quando verò constat de alio autore, puniendus solum erit pœna mitiori arbitraria.
3. Qui damnatus est, siue criminali actione siue ciuili iniuriarum, quod libellum famosum fecerit, scripserit, ediderit, aut fieri fecerit, facere non potest testamentum, & si testamentum faciat, est ipso iure nullum.
4. Pœna, vt sit intestabilis, si condemnetur actione ciuili aut criminali, statuitur etiam ei, qui carmen famosum composuerit aut ediderit.
5. In Lusitania eadem pœna punitur, qui libellum famosum repertum manifestauerit, eade de re fuerit locutus, qua precipitur puniri compositor vel editor.

DE POENA OB FAMOSVM libellum.

DISPVTV. 39.



Vid sit libellus famosus, & multa alia, quæ hoc loco dici poterant, *Dispv. 35.* sunt dicta. Qui libellū famosum composuit, scripsit, edidit, aut dolo malo fecit, vt aliquid horum fieret, itemq; qui illum reperit, nec lacerauit, exussit aut aliter cōsumpsit, sed illum manifestauit, pœna capitis plectitur. Ita habetur *l. vnica C. de fam. lib. iuncta l. lex Cornelia §. si quis librum ff. de inur. l. ex quo illa vnica habetur etiam i. q. 5. §. ult.* Intelligendum tamen est, id quando libellus cōtinet aliquid, quod si probaretur commississe eum, quem is libellus de ea re infamat, puniretur pœna capitis. Alioquin solum puniretur ea pœna, qua ob eam rem puniendus is esset, quem de ea re in libello infamat. Ita *glossa 1. l. vnica citata*, hocque totum est hodie sancitum in hoc regno *l. 3. tit. 9. part. 7.* Quod si, qui eo libello infamatur, vel solum esset puniendus ob rem, de qua in eo libello infamatur, pœna arbitraria, vel nulla pœna arbitraria, vel minori pro iniuriæ quantitate, eaque vel corporali, vel pecuniaria prout aduersus eum ciuiler aut criminaliter fuerit actū, vt de cæteris iniurijs *disputatione præcedente & tractatu præcedente Dispv. 40.* dictum est. Et quia vt plurimum infamati libellis famosis, ob rem de qua in

eis infamantur, non essent plectendi capitis pœna, sed vel nulla, vel arbitraria, inde prouenit, quod vt plurimum ob famosos libellos prædictis non imponatur pœna capitis, sed arbitraria, vt Iulius Clarus *5. lib. sent. q. 68. n. 25.* testatur fieri esse consuetum. Prædicti autem omnia locum etiam habent, quando ex libello resultat alicui infamia, estō ille non nominetur, vt habetur *l. lex Cornelia §. si quis librum citato*.

Vtrum autem is, qui libellum reperit, nec destruxit, sed manifestauit alijs, tunc solum puniendus sit pœna, qua punitur auctor talis libelli, quando de alio autore non constat, quia in eo euentu ipse præsumitur autor illius, & vt talis punitur: quando verò constat de alio autore, puniendus solum erit pœna mitiori arbitraria. Multi affirmant responderent, sitque fauent verba illa legis vnica citatæ; Si verò non statim easdem cartulas vel corripuerit, vel igne consumpsit, sed vim earum manifestauerit, sit, sicut quasi autorem eiusmodi delicti capitali sententia subiungendum. Itemque verba illa capituli *1. §. q. 1.* Et qui eas prius inueniret, rumpat, si non vult auctoris facti causam incurere. Alij verò volunt, estō constat de autore, puniendum esse pœna eiusdem auctoris, idque vtraque verba intendere, satisque aperte significare: rationemque esse, quoniam non minus est causa infamiae, quam fit autor, eum libellum, dum res adhuc erat occulta, manifestando: de horum numero est Salicet. Greg. Lopez *l. 3. citata* relatione, verb. *com quel que lo ha*, cui Greg. Lopez non repugnat.

Estō, quod libellus famosus continet, reipublicæ expedit sciri, & qui libellum composuit, scripsit, edidit, aut vt fieret dolo malo fecit, vel illum primò repertum non destruxerit, sed manifestauit probare velint, id ita habere, nō audiuntur, vt pœnam euadant, vt disputatione præcedente dictum est, iuxta legem vnica *C. de fam. libell. & l. 3. tit. 9. part. 7.* Quæ lex 3. aliam etiam rationem reddit, præter eam, quam nos disputatione præcedente reddidimus: quia scilicet infamia scripto expansa longius multo durat, quam quæ voce est solum prolata. Credo tamen nostram rationem, quia scilicet, qui libello infamat, occultus est, esse potissimā rationem, quam lex vnica citata innuit, dum criminis detectionem non vult admittere, nisi manifestante se accusatore. De iure tamen canonico, quando quod libellus cōtinet, reipublicæ sciri oportet, admittitur, qui illum composuit, aut repertum manifestauit, ad probandum ita habere, quod illq; continetur, vt pœnam euadat: id quod disputatione præcedente dictum est.

Qui damnatus est siue criminali actione, siue ciuili iniuriarum, quod libellum famosum fecerit, scripserit, ediderit, aut fieri fecerit, intestabilis est, hoc est, facere non potest testamentum, & si illud conficiat, est ipso iure nullum, neque ipse testis esse potest in testamento alterius. Ita habetur *l. lex Cornelia §. si quis librum, ff. de inur. l. ob carmen in prin. ff. de testibus l. i. cui §. ult. & l. cum lege ff. de testament. & c. si testis §. ob carmen 4. q. 3.*

Pœna, vt sit intestabilis, si condemnetur actione ciuili aut criminali, statuitur etiam ei, qui carmen famosum composuerit aut ediderit, estō illud in scriptum non redegerit, & vt puniatur pœna arbitraria criminali aut ciuili, prout aduersus eū fuerit factum, itemq; ei, qui libellum famosum vendendum aut emendum curauerit, dum scilicet in scriptum fuerit redactum, *l. lex Cornelia §. eadem pœna ff. de iniurijs & leg. 3. tit. 9. part. 7.* Tamen lex tertia citata pœnam infamiae expresserit, nihilque dixerit de pœna, vt in hoc, & in prædictis alijs euentibus, qui ea crimina commiserit, sit intestabilis.

Iure Lusitano *lib. 5. ord. tit. 79.* eadem pœna puni-

ri præ-

ri præcipitur, qui libellum famosum repertum manifestauerit, eade de re fuerit loquutus, qua præcipitur puniri, qui libellum famosum composuit aut edidit. Hunc verò ibi solum præcipitur puniri poena arbitraria pro quantitate iniuriæ, spectatis circumstantiis omnibus cõcurrentibus: præcipitur tamen, vt ea imponatur longè grauior, quàm si eadem infamia eidem palàm diceretur in facie.

Idem subiungitur, vt qui alteri retulerit, ab alio esse dictum malum aliquod de eo, (quòd Lusitanè dicunt *ir com megricos*, & Castellani *congismes*) eadem poena puniatur, qua puniretur, si is ipse idem malum de illo eodem dixisset.

Iure verò canonico, qui libellum famosum cõficiunt, aut edunt, vel repertum manifestant, nisi probare velint, quæ in eo continentur, ita re habere, idque re ipsa probent, puniuntur poena flagellorum. Intellige, quando quod in eo libello continetur, fuerit graue. Quando enim esset leue, poena arbitraria puniretur pro quantitate delicti & iniuriæ. Illud primum habetur c. i. q. 1.

SVMMARIVM.

1. Vt quis famam alienam restituere teneatur, primò requiritur, vt alienam famam verè abstulerit.
2. Deinde requiritur, vt qui famam alienam verè læsit, contra iustitiam peccauerit eam ladendo, non solum materialiter, sed etiam formaliter iustitiam transgrediendo.
3. Si quis famam proximi iniuste materialiter læsit, postea læsam, posset rescire illam sine suo detrimento, sanè teneretur id præstare, non solum ex caritate, sed etiam ex iustitia.
4. Si is, qui famam alterius ex ignorantia vel negligentia ad eò notabile damnum: multo, vt si ignorantia a parte culpa non excusaret, sufficeret ad culpam lethalem; restituere damnum illud integre posset sine graui suo detrimento, vt quia crimen falsum de aliquo dixit, atque se retractando, siue graui damno sua propria fama, potest rescire totam famam quam abstulit, tenetur procul dubio id efficere sub culpa lethali, non solum ex caritate, sed etiam ex iustitia.
5. Tertio requiritur, vt infamatus alia via famam amissam non recuperauerit.

*QVAE NECESSARIA SINT, VT
quis alienam famam restituere te-
neatur.*

DISPVT. 40.

Item scendum superest de restitutione honoris & famæ. Et quamuis à restitutione honoris inchoandum fuisset quia tamen in restitutione famæ, plus negotij est, ab illa erit incipiendum: permixtumque erit dicendum de restitutione honoris, quando sermo fuerit de restitutione famæ læsæ aliquo facto, quo honor simul lædi consuevit.

Quod verò ad id, quod propositum est, attinet, nonnulla necessaria sunt, vt quis famam alienam restituere teneatur. Primum est, vt alienam famam verè abstulerit. Est id enim quis infamare alium intendit, si tamen infamia inde non sit sequuta, quia fides ei nõ fuit adhibita, vel aliqua alia ratione, sanè obligatio restituendi famam non confurgit, est id lethaliter contra iustitiam si peccauerit. Si item fama ablata non fuit, quia vitium, quod de aliquo detectum est, aut quod illi fuit impositum, in illo non est infamia, aut nõ auge infamiam quam antea habebat contractam, nulla profectò in

hoc confurgit obligatio restituendi famam. Vt si (iuxta ea quæ *Disp. 26. & aliis* dicta sunt) de viro inhonestis amoribus dedito dicas, res cum quadam muliere habuisse, eam mulierem non detegendo, sanè siue verum siue falsum dixeris, ad nullam restitutionem ei teneris: quia nullam ab eo famam abstulisti. Idem est, si de eo, qui gaudebitalem de ipso haberi æstimationem, dicas, siue verè siue falsò, vindictam de aliquo sumpsisse, in qua interueniret culpa lethalis, aut simile aliud viri magnanimi fecisse, quod culpa esset lethalis. Vel de publica meretrice dicas, cubuisse cum aliquo, vel de publico vsurario, dedisse alicui in singulari sub vsurario, & ita de alijs similibus, quibus infamia apud audientes non accrescit ex eo, quod sinistrum aliquid de eis narres.

Secundum est, vt qui famam alienam verè læsit, contra iustitiam peccauerit eam ladendo, non solum materialiter sed etiam formaliter iustitiam transgrediendo. Hinc in primis, qui famam proximitate, iuxta ea quæ *Disp. 24. & alibi* dicta sunt, ledit, ad nullam restitutionem tenetur. Deinde verò, qui illicitè quidem famam alterius lædit, ceterum non contra iustitiam, sed contra solam caritatem, vt odio & animo nocendi, vel alia ratione contra solam caritatem, vt tenet tamen iure suo, iuxta ea quæ *Disp. 14. citata & alibi* explanata sunt, ad nullam restitutionem tenetur. Longe verò maiori cum ratione ad restitutionem non tenetur, qui solà lege caritatis tenetur defendere famam proximi, se detractoribus opponendo, iuxta ea quæ *Disp. 34.* dicta sunt, vel aliqua alia ratione, nec id efficit cum culpa sua lethali contra solam caritatem.

Item qui iniuicibiliter seu probabiliter ignorans se nocere famæ proximi, aut se iniuste illi nocere, ad nullam restitutionem famæ, quam ita re ipsa læserit, tenetur. Quoniam in materia læsionis famæ, de qua agimus, non tenetur ratione rei acceptæ, quippe cum ea res, quo ad id, quod de ea læsum est, non maneat: neque in euentu, de quo loquimur, tenetur ratione iniustæ acceptionis iniustæve læsionis, excusante eum ignorantia inuincibili seu probabilis.

Obserua tamen, si post læsam ita iniuste materialiter famam proximi posset, qui eam modò læsit, rescire illam sine suo detrimento, sanè teneretur id præstare, non solum ex caritate, sed etiam ex iustitia. Ratio autem est, quoniam quasi ex officio ei tunc incumbit eam rescire: eo quod causa fuerit eius damni eo modo dati, in potestateque ipsius sit eam causam auferre, aut impedire, ne vltius id damnum der seu continet. Verbi gratia, iudex iuxta allegata ac probata sententiam tulit, qua aliquam absque culpa sua iniuste materialiter infamauit, quia vere ille innocentem erat, sane si postea ita constet illum fuisse innocentem, vt sententia sit retractanda, publiceque sit ei fama restituenda tenetur iudex, nõ solum ex caritate, sed etiam ex iustitia, retractare sententiam, famamque illi restituere: idque non solum, quia iudex est, ex suoque officio ei incumbit eam iustitiam tunc administrare, vt innocentem sibi subditum, iniuste oppressum reuelat; sed etiam quia ipse fuit, qui eam sententiam materialiter iniustam tulit, quæ in causa est, vt perseuerent infamia & alia damna illi data, ipseque potest eam causam eorum damnorum auferre, ac impedire ne vltius cadat ac cõtinuet, ac proinde veluti ex suo officio, quia ipse est, à quo emanauit, atque adeo ex iustitia, tenetur illam auferre. Si tñ sumptus aliqui ad id essent faciendi, neque esset aliquis delinquens, qui tanquam causa illorù iniusta teneretur eos solvere, is profectò, cui ea via fama restituere, teneretur eos solvere: quoniam ipse negotium in eo ageretur, & non iudicis, qui cum non fuerit causa eorum iniusta, ad nullam

tene-

teneretur restitutionem. Simili modo, si priuatus aliquis dixit aut fecit aliquid, quo absque peccato suo famam alicui⁹ iniuste materialiter læsit excusante eum inuincibili ignorantia à culpa, sanè si illi constet, fuisse falsum quod bona fide dixit, seque ipsum retractando rescire possit famam proximi teneretur de iustitia id præstare, impediendo, ne ea infamia causa, quam bona fide dedit, ulterius noceat ac perferet, modò id absq; notabili suo detrimento possit efficere. Si tamen sumptus aliqui ad id essent necessarij, vel accedendo ea de causa ad aliquem locum, vel aliquos ad id conuocando, is profectò teneretur illos tunc solui, cuius negotiū commodumve ea in re agitur. Eodem modo, si quis licite aliquid de vno diceret, & id, absque ipsius culpa, intelligeretur de alio aut de alia, quæ infamata iniuste materialiter inde maneret, quis dubitat cum teneri de iustitia admonere eos, qui id ita malè cum detrimento famæ alterius intelligerent, non de illo id esse dictum, sed de alio aut de alia. Quando autem in hoc & in præcedente euentu damnum eo modo bona fide absque peccato datum non possit impediri auferendo eam existimationem de mentibus hominum via aliqua licita, ac proinde absque mendacio tunc ad nihil aliud si teneretur, qui absque peccato suo causa aut occasio fuit eius damni. Quoniam non teneretur ad restitutionem illius, sed solum ad id damnum impediendum aut auferendum, si commode possit.

Verùm autem, qui ignorantia, infirmitas, vel inaduertentia sua culpabili quidem, ceterum non ita ut perueniat ad culpam lethalem, sed maneat intra limites venialis, damnum adeò notabile famæ alterius dedit, vt si ignorantia seu inaduertentia à parte culpæ non excusaret, sufficeret ad culpam lethalem, teneretur ad restitutionem totius eius damni sub culpa lethali, an verò solum ad restitutionem partis illius. Respondendum est: Si restituere integre illud possit sine graui suo detrimento, vt quia crimen falsum de aliquo dixit, atque se retractando, sine graui damno suæ propriæ famæ aliarumque suarum rerum, potest rescire totam famam quam abstulit, iuxta ea, quæ sequenti Disputatione dicenda sunt, aut estò verum dixerit, potest similiter sine graui suo damno, vtendo aliqua amphibologia, eam totam famam, quam abstulit, rescire, iuxta ea quæ infra suo loco dicenda etiam sunt, teneretur procul dubio id efficere sub culpa lethali, nò solum ex caritate, sed etiam ex iustitia, vt de eo proxime est dictum, qui ex ignorantia prorsus inuincibili idem damnum dedisset: lōge autem maiori cum ratione ad idem teneretur, qui ex aliqua sua culpa illud idem damnum dedisset. Si verò non sine graui suo damno posset illud integre restituere, tunc non teneretur ad integram eius damni restitutionem sed solum ad restitutionem partis illius, pro quantitate culpæ ac damni, nempe vel excusando illum, vel illum laudando quo ad alia, vel aliquo alio modo partem eius damni rescariendo. Ratio autem est, quoniam quando aliquis teneretur ad restitutionem solum ex parte culpæ, vt in re propoita, sanè ex natura rei solum teneretur ad partem damni, pro quantitate culpæ, quando culpa est leuis, quæ ad lethalem non pertingit: neque ratio efflagitat, vt quando damnum est magnum, datumque est solum culpa veniali, nec rescari potest sine graui proprio damno ac iactura seu molestia, is teneretur ad integram restitutionem damni, quod ita dedit. Neque in re propoita locum habet dispositio legis Aquilæ, de qua tractatum 2. Diss. 697. dictum est. Quoniam ea odiosa iuris humani dispositio supra id, quod natura rei habet, extendenda non est ultra damna, de quibus eadem

dispositio loquitur: loquitur verò de solis damnis in rebus externis diuitiarum, aut etiam corporis, vt patet eam totam dispositionem intuenti. Quare neque ea, quæ ibi Diss. 698. neque quæ in eodem tractatu in calce Diss. 295. dicta sunt, cum hac nostra tractata hoc loco doctrina pugnant. Quando verò culpa damni dati circa famam ex eo solum esset venialis, quod obiectum & quantitas damni solum esset venialis, tunc obligatio esset restituendi eam totam latitudinem damni, tamen si solum sub culpa veniali. Cessaret verò ea obligatio, quando rationabiliter præsumeretur eum, cui id damnum adeo paruum illatum esset, pro nihilo ducturum fieri eam restitutionem, ac promde contentum fore, vt non fieret.

Tertium necessarium, vt quis alienam famam restituere teneretur, est, vt infamatus alia via famam amissam non recuperauerit. Si enim alia via integram eam recuperauerit, ad nullam restitutionem is ei tenetur, qui iniuste illam læsit. Verbi gratia, infamasti aliquem de crimine aliquo, aut de aliqua nota, coram alijs: ille verò legitime se purgauit de eo crimine aut nota, ita vt delata omnino sit infamia illa; vel alius superuenit, qui contrarium affirmauit, omninoque persuasit, ita vt apud nullum maneat iam infamia de ea re: sane nò teneris ad restitutionem, estò iniuste id feceris. Idem est, si quacunq; alia ratione abolita omnino iam sit ea infamia. Neque contrarium docuit Adrian. in 4. in q. de rest. famam in respons. ad 2. & 3. argumentum exijs, quæ vltimo loco in ea q. proponit, vt illi tribuit Nauar. in Manu. c. 18. n. 43. patetque Adrianum legenti. Et quamuis Nauarrus quondam consenserit cum Adriano in eo, quod eo loco illi tribuit, iam verò hodie nobiscum consentit, vt ibidem affirmat; atque tam ipse quam alij doctores nobiscum consentiunt in hoc tertio requisito. Si tamen propter eam famæ læsionem medio illo tempore, quo recuperata non fuit, damnum aliquod aliud ea de causa est passus, vt quia ea de causa expulsum fuit ab aliquo munere, aut munus aliquod non est adeptus, quod alioquin adeptus fuisset, vel damnum aliud ob eandem famæ amissionem illi obuenerit, tunc id totum, etiam si fama sit integre reparata, est illi restituendum, vt ex se est satis perspicuum, & patebit ex initio Disputationis sequentis.

Item quando aliquis remissionem restitutionis famæ, quam iniuste læsit, ab eo obtinuerit, cuius erat ea fama, vel absq; dubio crederet, illum contentum fore, vt ipse eam non restitueret, quod tamen rarò euenit, tunc obligatio non erit, de iustitia saltem, illam restituendi, & regulariter neque de caritate, iuxta ea quæ inferius dicenda sunt.

Vt ergo aliquis ad famæ restitutionem teneretur necesse est concurrant simul quatuor omnia, quæ explanata sunt, alioqui verò eorum deficiente, obligatio non est famam alienam restituendi.

SVMMARIVM.

1. Qui damnum famæ alterius iniuste inculcit, simul restituere tenetur omnia alia damna inde secuta, tanquam eorum causa etiam iniusta.
2. Cum fama alicui iniuste sit laesa ob falsum aliquod illi impositum, communis opinio est sufficenter ei restitui famam, si qui id falsum imposuit, coram illis apud quos ita est infamatus dicat se falsum ea in re dixisse, ita vt opinionem malam de proximo suo prorsus à mentibus illorum eximat.
3. Reselluntur obiectiones duæ in contrarium.
4. Quando aliquis falsum cum proximo iniuste imposuit, tenetur se retractare, quando aliter famam ei restituere non

non potest, neque ipse maiorem infamiam inde contrahit, teneatur iuramento confirmare, id non ita se habuisse vt dixerat, si aliter ei fides non haberetur.

5. Cum crimen falsum fuit alicui impositum, sufficienter fit ei restitutio fame iniusta ab eo ablata, dicendo se fuisse mentitum, si inde alij deponant existimationem, quam de illo conceperunt.

*QVAE RESTITUTIO TENEATUR, QVI
famam iniuste laesit. Et quo pacto famae restituatur
ob falsum crimen aut ob falsam notam
alteri imposita.*

DISPUT. 41.



Vm, qui famam iniuste laesit, quamdiu id damnum manet, teneri illud restituere, notius est, quam vt probatione indigeat. Cum enim damnum maius ex suo genere sit, quam damnum in rebus externis diuitiarum: atq; hoc sub reatu interitus aeterni fit restituendum, quando iniuste est datum ac permanet, vt tractatu 2. Disp. 716. ostensum fuit: consequens profectus est, vt & famae damnum, quando fuit iniuste datum, estq; notabile ac permanet, sub reatu interitus aeterni fit similiter restituendum.

Porrò, qui illud iniuste dedit, simul restituere tenetur omnia alia damna, si quae inde secuta sint, tanquam causa illorum etiam iniusta. Vt si infamatus priuatus ea de causa fuit officio, beneficio, aut emolumento aliquo, vel id obtinere fuit impeditus, aliquamve aliam iacturam passus est, ea omnia integrè sunt ei restituenda, quantum prudentis arbitrio aestimabuntur. De qua re sermo Disp. 45. redibit. Quare si is, qui famam suam iniuste laesam recuperauit, damnum aliud inde passus est antequam eam recuperaret, aut in illa recuperanda ac se purgando sumptus aliquos fecit, sanè is, qui iniuste eum infamauit, ea omnia damna tenetur ei restituere, estò post recuperatam integrè suam famam ad nullam restitutionem propter illam antea iniuste laesam non teneatur. Hæc de primo eorum, quæ proposita sunt.

Quod verò ad secundum attinet, cum duobus modis fama signo aliquo, vt voce aut scripto, alterius iniuste laedatur; vno, falsum aliquod illi imponendo: altero verò, verum aliquod de illo iniuste detegendo: hæc Disp. 43. est dicendum de restitutione famæ, quando falsum aliquod directè aut indirectè alteri imponitur, & Disp. 44. de restitutione famæ ob aliquid verum iniuste detectum. Disp. verò 42. sequenti examinabimus, verum propter infamiam, in qua is fuit à puncto, in quo iniuste fuit infamatus, vsque ad punctum, in quo fama fuit ei integrè restituta, aut in quo ipse integrè illam recuperauit, debeatur ei aliqua restitutio, an non.

Quando autem fama alicui iniuste est laesa ob falsum aliquod illi impositum, tunc doctores communiter affirmant, sufficienter ei restitui famam, si qui id falsum imposuit, coram illis, apud quos ita est infamatus, se falsum ea in re dixisse, ita vt opinionem illam malam de proximo suo, cuius ipse fuerat causa, prorsus à mentibus eorum depellat. Quod si sufficienter illam depelleret, non dicendo se fuisse mentitum, sed dicendo, se postea deprehendisse, quod affirmauit, non ita habuisse, (in quo sanè non falsum diceret) vel simili aliqua alia loquutione, confirmandoq; iureiurando, si ita opus esset, quod de illo dixerat, non ita habuisse, tunc id sufficeret. Quoniam tamen tenetur restituere integrè famam, quam laesit, efficiendo vt illi omnino eam falsam existimationem de illo depellat: si autè id consequi potest sine iactura suæ propriæ famæ, aut

Tom. 5.

sine iactura tanta suæ famæ, quantum incurreret, dicendo se fuisse mentitum, non teneretur nec deberet affirmare se fuisse mentitum. Quando autem id aliter consequi non posset quam afirmando se fuisse mentitum, tunc afirmare teneretur, se fuisse mentitum, idq; confirmare iureiurando, si ita necessarium esset, vt illi deponerent falsam existimationem, quam ob, suum perniciosum mendacium de proximo suo conceperunt: modò tamen ipse, afirmando se fuisse mentitum, attenta qualitate personæ, vt si ipse esset prælatus, aut nobilis, vel aliqua alia de causa magnæ existimationis, & is, de quo id falsum dixisset, infime esset notæ & attentis cæteris circumstantiis concurrentibus, longè maiorem infamiam non incurreret, quam esset infamia, quam illi alteri restituere teneretur: cum tanta enim maiori sua iactura non teneretur eo modo restituere minorem læsionem famæ alterius, vt ex dictis tractatu 2. Disp. 754. & tractatu præcedente Disp. 102. patet, sed satis esset, si eam infamia aliter meliori modo, quo posset, restituere, iuxta ea quæ Disp. 44. dicenda sunt. Cum æquali verò sua infamia, aut cū paulo maiori: q̄ esset ea, q̄ restituere teneretur, sanè dicere teneretur se fuisse mentitum, atque si ita opus esset vt crederetur, teneretur id confirmare iuramento, quando aliter restituere non posset famam alterius. Quoniam quando quis damnum iniuste alii dedit, tenetur id illi restituere cum suo æquali aut etiam cum aliquantulo maiori suo damno, vt in Disputationibus citatis, & alias sæpe est dictum: sibi q; imputet, quòd in eas angustias se ipsum redeget, iniustitiam aduersus proximum suum committendo: neq; vlla ratio aut æquitas patitur, vt innocens maneat in damno æquali, aut paulo maiori, ne ipse, qui nocens fuit, iniuste illud dedit, tantundem aut aliquantulū maius subeat, in illo resarciendo ac restituendo.

Neque aduersus hoc obiciat, ordine caritatis bonum proprium eiusdem ordinis præferendum esse æquali aut minori bono alterius. Quoniam intelligendum est, id caritatis ordine licere, quando contrarium non est debitum, vt in re proposita ob iniustitiam in proximum commissam bonum famæ illius lædendo, debitum est illud ei resarcire, estò ad id sit necesse facere iacturæ æqualis aut paulo maioris boni famæ nostræ: alioquin neq; in bonis externis teneremur restituere damnum bonis proximis iniuste illatum, vt domum illius aut segetes illius iniuste exurendo: quoniam ad id necesse esset, nos æqualem aut paulo maiorem iacturam in bonis nostris externis pati: quod tamen constat esse falsum.

Neque rursus obiciat, restitutionem ad id ordinari, vt constitutur æqualitas: at verò restituendo famam proximo, contendo me fuisse mentitum in eo, quod falsò de illo dixi, ille manet cum sua integra fama, & ego maneo cum detrimento meæ famæ, quod est in æqualitas: ergo in eo euentu non teneor famam illi restituere, confitendo me fuisse mentitum. Non, inquam, hoc rursus obiciat, quoniam restitutio per se ad id ordinatur, vt ad æqualitatem satisfiat damnum ac iniustitia aduersus proximum commissa, siue ad id necessarium sit, eum, qui id damnum iniuste dedit, manere in damno æquali, vel paulo maiori, vt in exemplo eius, qui domum aut segetes alterius iniuste exussit, constat: per accidens autem est, quòd quando, qui alienum iniuste retinet, illud idem restituit, aut tantundem, in quo inde fit factus locupletior, ipse ita restituendo, in nullo maneat damno.

Quòd quando aliquis falsum aliquod proximo suo iniuste imposuit, famamque illius laesit, teneatur se retractare, quando aliter famam ei restituere non potest, neq; ipse longè maiorem infamiam

I

inde

inde contrahit, teneaturque iuramento confirmare, id non ita habuisse, vt ipse dixerat, quando aliter fides ei omnino non adhibebitur, neque omnino depellitur opinio falsa, quam de eo proximo alij conceperant, fatentur doctores communiter: idque iuramentum verum atque vtile tunc & necessarium actus erit religionis ac meritorius, si qui illud adhibet, constitutus sit in gratia. Dubitant verò doctores, num quando is neque illi credetur, nisi testes adhibeat, teneatur eos adhibere, si possit, est id facturus sit ad id sumptus aliquos, modò hi sumptus non sint multum excessui comparatione æstimationis famæ restituendæ. Nauarro in *Manu. ca. 18. numer. 45.* durum videtur ad id alstringere illum in eo euentu: quoniam confitendo se fuisse mentitum, idque confirmando iuramento, sufficientem causam adhibet, vt illa falsa existimatio de mentibus aliorum deponatur: imò adhibet ex sua parte maiorem causam vt depellatur, quam fuerit illa, quam à principio dedit, vt ea falsa existimatio in mentibus eorum gigneretur: illi quoque proinde iam tunc in culpa sunt eam non depellendo, causamque iniusta sunt eius existimationis de primo suo, & non ille alius, qui à principio pernicioso ac iniusto suo mendacio causa fuit vt existimatio illa conciperetur. Neque deest, cui hæc Nauarri opinio placeat. Sotus verò loco mox citando & alij meritò asserunt, ad id illum etiam teneri. Quoniam cum fuerit à principio causa iniusta eius existimationis in damnum proximi sui, omnia efficere tenetur, quæ non cum longè maiori suo detrimento, quam sit damnum, quod ipse iniuste proximo dedit, facere poterit, vt ab eo damno ille eruatur, etiam si ad id necesse sit facere sumptus aliquos, cum detrimento aliquo suorum bonorum externorum, quæ sunt inferioris ordinis, quam fama. In eo tamen video multos doctores conuenire, si ille qui confessus fuit falsum id esse, quod de proximo suo iniuste dixit, idque iuramento confirmauit, siue testes simul adhibuerit, siue non, quia nullos habet testes quos adhibere possit, non credatur, perseueretque infamia proximi illius, cuius à principio ipse fuit causa iniusta, ad nullam aliam teneri illi restitutionem: quoniam eius tunc infamiae iam ipse non est causa, sed causa sunt, qui eam existimationem retinent: cum temerarij iam in eo iniusti sint, teneanturque eam à se repellere. Certè propende in contrariam Adriani opinionem in *4. q. de rest. famæ in prin.* eum scilicet tunc teneri alia via restituere id infamiae, quod remanet. Etenim, qui id damnū à principio iniuste dedit, nondum illud rescituit quamuis causam adhibuerit, vnde resciretur, nisi per iniquitatem aliorum sciret: nullus autem deobligatur ab onere restituendi damnum, quod iniuste dedit, quousque illud re ipsa & cum effectu rescit, est id causam adhibuerit, vnde resciretur, nisi per alterius iniquitatem sciret, qui illud continuat, causamque iniusta illius est. Si enim damnum dedi in bonis externis, & æstimationem eius damni mitto per meum famulum aut amicum ad eum, qui illud est passus, isque famulus aut amicus eam æstimationem sua culpa non restituit, sed retinet, sanè licet is famulus aut amicus causa sit iam iniusta, quòd id damnum non tollatur, restituereque teneatur tum id damnum, tum etiam alia, si quæ inde vlterius sint secuta, ego tamen ea de causa non deobligor à restitutione eius damni, nondum reparati, cuius à principio fui causa iniusta. Dixi, me propendere in Adriani opinionem; quoniam video non nihil esse discriminis, eo quod in re, de qua disputamus, non permanet aliud damnum, quam quod ex eo sequitur, quòd isti iniquè non depellant eam existimationem, vt iam tenerent: cæterum cum ego causam illius à principio dederim, effectus sanè est partialiter à meo pernicioso men-

dacio adhuc emanans, quamuis sine mea noua causa, culpaque solam eorum, qui id adhuc existimant, atque adeò illi præcipuè tenentur iam ad id damnum, & ego in illorum defectum. Quòd si vera esset quoad hoc opinio contraria opinioni Adriani, sanè ego opinionem illam Nauarri amplecterer, eum scilicet, qui sufficientem causam adhibuit, vt depelleretur illa sinistra existimatio, dicendo se esse mentitum, idque iuramento confirmando, non teneri insuper adhibere testes, & multo minus sumptus ad illos adhibendos, est id qui illam sinistram existimationem conceperunt, deposituri illam non sint, nisi testes adhibeantur.

Quòd quando crimen falsum fuit alicui impositum, aut nota falsa, sufficienter fiat ei restitutio famæ iniuste ab eo ablata, dicendo se fuisse mentitum, si inde alij deponant falsam existimationem, quam de illo conceperunt, affirmat Diuus Thomas. *2. 2. q. 62. art. 2. Scotus in 4. dist. 15. q. 4. Caiet. in summa verb. restitutio c. de modo restituendi Adri. vbi supra, Nauar. in Manu. ca. 18. n. 45. Sotus 4. de iust. q. C. art. 3. ad 4. Gab. & Maior in 4. dist. 15. verq. q. 17. & doctores communiter. Neque dubito id semper habuisse praxim ecclesiæ, vt scilicet, quod attinet ad talem iniustam famæ lætionem, nihil aliud in restitutionem iniungeretur. Quæ eadem ratione communiter affirmant doctores, quando certò constaret, eos, coram quibus aliquis iniuste fuit infamatus de crimine aliquo, siue vero siue falso, omnino eius rei oblitos esse, ad nullam teneri eum restitutionem, qui iniuste illum infamauit, eo, quòd id damnum famæ iniuste datum iam non maneat. Idem propter eandem rationem sunt dicturi, quando omnes, coram quibus aliquis fuit iniuste infamatus, iam à vita discesserunt: quippe cum iam omnino esse desit præterita omnis infamia ea de re.*

Caiet. *2. 2. q. 62. art. 2. ad 2.* & quidam alij, hæc non negando, nihilominus affirmant, quando crimen, de quo aliquis iniuste fuit infamatus, erat falsum, est id verisimile fuit eos, qui longo tempore antea illud audierunt, oblitos iam esse; quia tamen id certum non est, esseque potest vt recorderentur, & vt eo plus firmetur in existimatione illud verum fuisse, quo vident eum, qui illam infamiam sparsit, tanto tempore de suis peccatis sacramentaliter confessum non fuisse, nunquamque ipsum retractando ea de re, famam restituisse, teneri adhuc se retractare coram illis. Quævis autem id tutum sit, ac regulariter amplectendum propter id periculum: quoniam tamen esset perexigua probabilitas eos adhuc recordari, atque retractatione sequeretur notabilis infamia ei, qui se retractare deberet, arbitror eum non teneri tunc se retractare, sed satisfacere laudando illum, quem infamauit, vel aliqua alia ratione ei compensando id infamiae, quod certum non sit eam remanere, qua de causa eo minor compensatio illi debetur, quo minus est certum, eam remanere. Atque eadem ratione, minor etiam restitutio debetur, quando crimen, de quo dubitatur, an adhuc maneat infamia, verum fuit, quod proinde necesse est retractare, quam deberetur, si certum esset infamiam de illo adhuc remanere.

SUMMARY.

1. Nihil restitutionis debetur, nec iniungi debet pro iniuria, quam iniuste infamatus passus est tempore toto quo infamiam sustinuit, interim dum fama illi non fuit restituta, aut interim dum infamia illa alia ratione non fuit abolita.
2. Refutantur duæ obiectiones in contrarium.

*UTRUM PRO INFAMIA, QUAM
passus est is, cui fama restituitur retractatione crimi-
nis falsi, aut nota illi imposita, à purgato quo ita fuit
infamatus, usque ad eam restitutionem, sumpta ea
infamia præcisè à quocumq. alio damno ex illa
sequuto, restituito aliqua illi
debeatur.*

DISPUT. 42.



Ntequam vterius progrediamur, quod propositum est, erit examinandum. Eademq. est difficultas de quacumq. alia infamia, quam passus sit aliquis vsq. ad punctum, quo omnino fuit abolita morte, aut obliuione illorum omnium, qui notitiam de eare habuerunt, & de quacumq. alia infamia, quam quis sit passus vsque ad instans, quo plenè ei restituitur, num scilicet restitutio solum debeatur pro infamia, quæ adhuc pendet in futurum, & quatenus in futurum pendet, quasi quo ad id solum rationem habeat damni permanentis: non verò debeatur restitutio pro infamia præterita, præcisè sumpta à quocumque alio damno ex illa sequuto, quasi illa, ita præcisè sumpta, rationem non habeat damni permanentis, sed retineat solum rationem iniuriæ pœna dignæ.

Ex dictis præcedente Disp. satis constat consensum omnino esse communi doctorum sententiæ, praxiq. ecclesiæ in confessionibus semper seruata, nihil restitutionis deberi, nec proinde esse iniungendum, pro iniuria: quam iniuste infamatus passus est tempore toto, quo infamiam sustinuit, interim dum fama illi non fuit restituta, aut interim dum infamia illa alia ratione non fuit abolita. Tametsi doctores omnes confiteantur, si ex ea infamia toto illo tempore sequutum ei fuit aliquod damnum, vt quia ea de causa priuatus fuit officio, beneficio, aut emolumento alio, vel sumptus aliquos fecit, vt se purgaret, aliquodve aliud damnum, etiam lucri ea de causa cessantis, est passus, id totum esse illi restituendum. Nullus verò doctorum inter damna restituenda computat, subiacti esse iniuste infamatum toto eo tempore infamiam illi, malamque de illo toto eo tempore habitam fuisse existimationem. Ratio autem huius praxis communisq. doctrinæ (licet nullus, quod legerim, eam reddat, neque examinet hanc difficultatem) hæc est: Quoniam illa alia verè habent rationem damni permanentis: subiacti verò iniuste toto illo tempore illi infamiam ac existimationi, quæ de illo fuit habitata, solum iam nunc habet rationem iniuriæ perpessæ, quæ transiit nullo iam nunc relicto damno: vt verò tractatu 2. Disp. 715. pro solo damno remanente debetur restitutio, nõ verò pro iniuria sumpta præcisè à damno dato, sed illi respondet condigna pœna, quæ non debetur antelatum sententiam. Cum hac verò doctrina consentiunt, quæ tractatu præcedente Disp. 100. & alias sæpe dicta sunt.

Necq. Adrian. in 4. q. derest. fama ad 2. & 3. corum, quæ vltimo eo in loco proponit, aliud docet. Ibi enim, concedens eum, qui diffamauit, non teneri ad famam restitutionem, quando, qui malam de ita diffamato conceperant opinionem, ab ea mala opinione resiliunt, quòd videant, eum, qui diffamauit, in multis aliis compertum fuisse dixisse falsum hæc verba subiungit: *Manet nihilominus, qui diffamauit, obligatus ad reparationem pro interesse medij temporis, quo diffamatus erat, siue fuerit interesse damni emergentis, siue lucri cessantis ex ea diffamatione: vt in re furto ablata, quæ post restituitur.* Hæc ille. Quo in loco perspicuè liquet, non loqui de reparatione infamiam, quam eo tempore sustinuit. Illa quippe infamia

Tom. 5.

miæ per recuperationem famæ abolita ac resarcita fuit: non secus atq. damnum rei furto ablata per restitutionem eiusdem aut alterius similis rei aboletur ac resarcitur: necq. pro iniuria, quòd caruerit sua famato eo tempore, debetur ei restitutio, sed iniuriæ illi pœna respondet, sicut neque pro iniuria, quòd caruerit re sua externa, quæ furto ab eo fuit ablata, toto eotempore, quo restituta ei nõ fuit, debetur ei restitutio aliqua. Loquitur ergo Adr. eo in loco de sola reparatione dñi emergentis, aut lucri cessantis ex infamia toto eo tempore perpessæ, si q. fortè ex ea infamia illi emerit, aut cessauit in aliquo aliis suis bonis, vt perspicuè verba illius innuunt, & exemplū, q. de re furto ablata adhibet: quare cū communi aliorum doctorum sententia consentit.

Idem voluit Nauar. in Manu. c. 18. n. 43. & 47. vers. ex eisdem causis, &c. Vt patet expendenti verba illius. Loquitur enim de sola reparatione damni, additque: *si quod à tempore illata infamia vsque ad eiusdem abolitionem fuit passus.* Satis autem perspicuum est, si illud subiacti esse toto illo tempore infamiam Nauar. arbitrareretur esse damnum permanentis, esseque obligationem illud restituendi, loquuturum eum non fuisse conditionaliter, dicendo, *si quod à tempore illata infamia vsque ad eiusdem abolitionem fuit passus:* quoniam constaret, semper eum id damnum fuisse passum.

Arbitror autem recedendum nulla ratione esse à communi hac de re doctorum sententia hæctenus à nobis explicata, communiqu. ecclesiæ vsu confirmata, nouum onus introducendo restituendi aliquid iniuste infamato pro tempore, quo infamiam subiacti, eamq. sustinuit. Maximè quoniam id esset graue iugum ceruicibus pœnitentium iniungere, à quo non faciliè eos exonerarent. Atque vt hæc communis doctorum sententia, praxi ecclesiæ confirmata, corroborat, quæ dicta à nobis sunt tractatu 2. Disp. 75. & tractatu 3. Disp. 100. ita vicissim ex illa ipsa corroboratur.

Obicit nihilominus aliquis aduersus hanc communem doctorum sententiam, aliquem subiacti esse infamiam iniuste tempore aliquo, quousq. fama retractatione restitueretur, aut alia ratione infamia aboleretur, non esse nudam iniuriam, sed esse verum damnum, ac proinde restitutione esse necessariò in conscientie foro compensandum. Id verò probat. Primò, quoniam nõ sicut res habet in re furto ablata, esse scilicet iniuriam, & non damnum, caruisse illa tempore toto quousq. fuit restituta: ita res habet in fama iniuste ablata. Fama enim est existimatio, quæ de aliquo habetur: & quemadmodum bonum hoc coalescit ac integratur ex existimatione diuersorum, cum quibus viuimus, quive nos agnoscunt, notitiæmve de nobis habent, ita coalescit ac integratur existimatio, quam de nobis habent toto tempore, quo viuimus, atq. etiam post mortem nostram: si ergo, qui nos iniuste infamat apud aliquem, aut apud aliquos, iniuste efficit nos carere parte integrante nostræ famæ, damni que proinde illius nostri est causa, teneturq. idcirco illud nobis restituere: ita qui iniuste nos carere efficit fama nostra certo aliquo tempore, iniuste efficit nos carere parte integrante nostræ famæ, estq. proinde causa illius nostri dñi, quod restituere nobis similiter tenetur: neque illud nobis ex eo resarciretur, quòd infamia aboletur, continuari que fama nostra incipiat, qualis erat antequam id damnum nobis iniuste inferretur, aut ex eo, quòd retractatione fama nostra redeat ad statum in quo erat antequam iniuste læderetur: quippe cum non redeat maior, quàm ante læsionem erat, vt suo augmento pars illa quoad durationem, quæ iniuste ablata ac impedita fuit, resarcitur, neque quoad durationem ad eum redeat statum, in quo erat antequam à nobis

I 2

iniuste

iniuste auferretur : non ergo sicut res haberi re externa furto ablata , aut iniuste damno affecta ac destructa , quando restituitur , & compensatur re alia eiusdem bonitatis ac valoris , ita res haberi in fama , quando infamiae abolitione refarcitur , aut retractatione instauratur . Quando enim res externa furto ablata , iniuste damno affecta ac destructa , alia æquiualeanti restituitur , totum , quod iniuste fuerat ablatum aut destructum , quo ad omnes suas partes restituitur ac compensatur : at verò quando infamia morte aut obliuione totum , apud quos quis fuerat : iniuste infamatus , aboletur , aut retractatione fama læsa instauratur , non reddit fama integra quo ad omnes suas partes , sed perinde res habet , ac si res externa restitueretur destructa in aliqua sua parte : quod constat non sufficere ad integram ac plenam restitutionem .

Secundò , interim dum perseuerat infamia , cui⁹ aliquis iniusta fuit causa , tenetur is , qui illius fuit causa iniusta , restituere id damnum iniuste datum vt omnes concedunt : quòd si restituere illud non possit bono eiusdem generis , tenetur restituere id pecunia , aut aliqua alia ratione , vt in sequentibus dicemus : ergo dato transactòq; iam toto damno iniusto , quod infamatus sustinuit , non minùs , qui illud iniuste dedit , tenetur id totum quo ad durationem restituere , quàm teneretur restituere partem illius , si quæ adhuc in futurum pendèret ; eaque de causa , quando abolita fuit infamia morte , verbi gratia , corù , apud quos iniuste infamaui , transactòq; fuit tota infamia quoad durationem , quam iniuste infamatus toto tempore , quo illi vixerunt , sustinuit , non minùs est illi restituendum damni totum infamiae transactum ac perpeßum , quàm esset illi eidem restituenda pars quo ad durationem eiusdem damni , quæ adhuc in futurum pendèret , restaretq; adhuc perferenda .

Fateor hæc argumenta faciliè permouere quemuis doctum virum possent , vt assereret , abolita iam infamia , aut fama ià instaurata retractatione criminis falsi aut notæ impositæ , adhuc eum , qui iniuste infamaui , restituere teneri id infamiam , quod infamatus interim sustinuit dum infamia abolita non fuit : vt & mæstatim ac de hac cogitanti occurrerunt) ancipitem reddiderunt , num hac in re discedendum mihi esset à communi doctorum sententia . Re tamen attentè maturèq; considerata , inclino recedendum ab ea non esse . Non solùm quòd non faciliè transgredi debeamus limites , quos patres nostri maturo iudicio constituerunt : neq; sit recedendum ab vsu ecclesiæ à temporibus antiquis recepto : neq; poenitentes sint grauandis tanto tam molesto difficultiq; onere dum cum probabilitate ab eo possunt excusari : sed etiam quoniam in vnaquaq; re , attenda ac expensa illius natura , est arbitrandum ac iudicandum , num maneat vel non maneat damnum , sed potius in nudam transferat iniuriam , ac proinde num iniungenda sit aut non sit restitutio pro illo . Res etenim externæ ad ipsam vsum ordinantur , ac proinde interim dum non restituntur , vel eadem numero , quæ iniuste ablata aut destructæ sunt , vel alia illis æquiualentis , vt earum similis aut æquiualens esse possit vsus , dicitur is , qui id iniustum detrimentum accepit , manere in damno à principio ei iniuste dato . Cæterum fama in virtutis testimonium ordinatur aut alterius excellentiæ , de qua est ea fama , & in eumolumenta , quæ inde sunt nata oriri , attenda estimatione hominum vsutq; & institutione reipublicæ , cuius sumus partes . Neq; famæ assistentia virtuti , aut alteri excellentiæ veræ aut existimatæ , in vno tempore inseruit in aliud tempus , quin potius diuisa quo ad durationem atq; assistentia virtuti , aut alteri excellentiæ , ad diuisionem tempo-

ris , in quo durat , transit cum ipso tempore , neq; inferuire est apta quo ad suum vsum in aliud tempus . Quo sit , vt fama eo modo spectata : perinde se habeat , atq; se habet sanitas corporis diuisa ad diuisionem temporis , in quo vita durat : eaque de causa , si cut , qui iniuste lædit sanitatem corporis , tenetur quidem interim dum id damnum ac læsio perseuerat ac pendet in futurum , restituere id damnum , adhibendo quæ necessaria sunt , vt corpus ad suam naturalem dispositionem reducat , & insuper restituere tenetur , si quæ alia damna lucris cessantis , aut damni emergentis ex ealæione iniusta ac defectu sanitatis vltèrius sunt secuta , vt si ob eum sanitatis defectum eo modo iniuste læsus non locauit operas suas , aut ab alio lucro est impeditus , vel damnum aliud ei emerfit ac sustinuit : redintegrata verò sanitate , vel natura sola curante , vel simul arte adiuuante , ac nullam restitutionem læsionis ac damni corporis præteriti tenetur , vt cum Adriano & Richardo , nemine , quod sciam , refragante , tractatu præcedente . *Disp. 88.* dictum est : ita qui famam iniuste lædit , tenetur quidem interim dum id damnum durat , infamiamque in futurum pendet , restituere id damnum , adhibendo quæ necessaria sunt , vt infamia cesset , & vt existimatio de illo ad pristinum redeat statum , & insuper restituere tenetur , si quæ alia damna lucris cessantis , aut damni emergentis , ex ea infamia secuta fuerunt : at verò , redintegrata ac instaurata ià fama , vel retractatione criminis falsi , aut notæ impositæ , vel quòd alia via abolita iam sit infamia , cui causa iniusta fuerat data , sanè nulla obligatio restituendi manet id damnum famæ præteritum . Ratio autem veròbiq; est eadem , quoniam scilicet quemadmodum in læsione corporis , redintegrata iam sanitate , nullum manet damnum , subiactuisseque antea damno corporis ad tempus , non retinet eam rationem damni permanentis , sed transit in rationem nudæ iniuriæ acceptæ , pro qua non restitutio , sed sola pœna debetur : ita in læsione famæ , instaurata iam fama , contrariæ infamiae abolitione , nullum famæ damnum remanet subiactuisseq; infamiae aliquando non retinet iam rationem damni permanentis , pro quo sola restitutio debetur sed transit in rationem nudam iniuriæ acceptæ , cui non restitutio , sed pœna respondet . Ac sanè est credendum , si Petrus aut Paulus , vel alius Apostolorum confessionem alicuius audisset qui confiteretur , se ante quindecim dies imposuisse alicui crimen aliquod , nihil aliud tali poenitenti in satisfactiōem præcepisset , quàm vt se ipsum coram illis retractaret , quibus id dixit , nullam aliam illi iniungendo restitutionem pro infamia , cui ille alia eo modo iniuste infamatus integris illis quindecim diebus subiacuit , quando inde nullum aliud damnum fuit ei subsequutū : id quod perpetuò proxim ecclesiæ seruasse non dubio .

Ad obiectionem ergo in contrarium negandū est , subiactuisse aliquem infamiae tempore præterito , nō esse nudam iniuriā , absq; vlla ratione damni in eo permanentis , postquam iam instaurata est fama contrariæ infamiae integra abolitione . Ad primam verò probationem in contrarium dicendum est , quamuis non eodem omnino modo res se habeat in re furto ablata & in fama iniuste ablata , vt benè argumētum probat : nihilominus infamiam solū subire rationem damni quamdiu in futurum pendet , non verò habere rationem damni quo ad partes , quæ , diuisa ad diuisionem temporis , in quo toto perseuerat , iam transierunt , esseque deserunt : eo etenim ipso quod transeunt , habere desinunt rationem damni permanentis , foriunturque rationem nudæ iniuriæ acceptæ , vt de partibus sanitatis corporis , diuisæ ad diuisionem temporis , in quo toto vita durat , dictum est : ea-

est: atq; de causa, abolita iam infamia, fama que reducta ad statum, in quo erat ante infamiam, non remanet obligatio compensandi restitutione infamiam, quæ fuit vsque ad integram famæ instaurationem: quoniam ea infamia eo ipso, quod fluxit, rationem habere definit damni permanentis. Quamuis ergo fama non redeat quoad eas suas partes, quæ iniuste fuerunt impeditæ, esseq; debuerunt in tempore præterito; redit tamen quo ad omnes partes, quas, quando redit, erat habitura: eaque de causa in nullo redit damno affecta, quemadmodum damno affecta rediret res externa, quæ restituere non integra quo ad omnes suas partes. Quo fit, ut non eadem sit ratio, quod ad restituendi obligationem attinet, de partibus famæ iniuste ablatæ, quæ, si extitissent, impeditæq; iniuste non fuissent contraria infamia, fluxissent cum tempore, & de partibus rei externæ, quæ iniuste ablata aut destructa sit.

Ad secundam, concessio antecedente, neganda est consequentia, quando dato transactioque toto damno, is, qui illud iniuste est passus, non remanet in damno, ut in re proposita euenit. Quando verò pars talis damni est transacta, & pars alia pender in futurum, ea sola quæ in futurum pender, est restituenda, quoniam ea sola habet iam rationem damni: non verò est restituenda pars transacta: quoniam hæc ipso, quod transacta est, non retinet rationem damni, sed solum habet rationem iniuriæ acceptæ, ut dictum explanatumque est.

Dices: Ex his sequitur, aliquem reportare commodum ex eo, quod non restituit tempore, quo tenetur. Etenim si expectet, ut infamia aboleatur obliuione aut morte eorum, qui illum norunt, liberabitur ab onere restituendi, cui ante eam infamiam abolitionem subiacebat. Respondeo, nullum esse absurdum, si per accidens id inde sequatur. Si cuter iam ex eo, quod is, qui vulnus iniuste inflixit, expectet ut vulneratus per naturam perfectè sanetur, deobligatur ab onere restituendi illi damnum sanitatis amissæ, quod tamen ante sanitatem acquisitam restituere tenebatur, expensas competentes efficiendo ad perfectam curationem. Hæc tamen comoda temporalia, per accidens ita ex culpa retardandi restitutionem sequuta, coniuncta sunt cum longè maiori damno proprio spirituali. Exemplum quoq; adhiberi posset in eo, qui retardando restitutionem rerum externarum, cum iniuria, sed sine alio damno eius, cui restitutio fieri deberet, rebus, quas ita restituere tenebatur, lucraretur negotiando: id quippe lucrum ad ipsum spectaret, idq; temporale commodum ex sua iniqua retardatione restitutionis reportaret, coniunctum cum longè maiori suo damno spirituali.

Quamuis autem hæc omnia ita se habeant, tutum tamen atq; equum arbitror suadere penitentibus, maximè quando infamia sola obliuione aut morte eorum, qui notitiam de illa habebant, esse desinit, ut laudibus infamati, quo ad alia illius laude digna, compensare conarentur infamiam, quam ille cum iniuria fuit passus, aut aliquibus beneficiis ea de causa illi impensis, vel saltem Deo offerendo, ut si illi in aliquo tenetur, id diuina ipsi Maiestas compenset, applicando illi de ipsius operibus satisfactorijs quantum videret ad id esse satis. Non tamen affirmare auderem, poenitentes ad hæc teneri.

SVMMARIVM.

1. Si accusatus negando crimen suum damnum inferat famæ legitimè eum accusantis, tenetur illi restituere id damnum, vel se retrahendo si adhuc perseueret iudicium, aut esse iudicium sit iam absolutum: modò id possit efficere sine longè maiori suo incommodo.

Tom. 5.

2. Siue in iudicio siue extra iudicium crimen alicuius iniuste detegatur, atque is qui illud commisit, ut se defendat, affirmet, vel detectorem non dicere verum, vel se tale aliquid non fecisse, unde indirectè affirmet illum non dicere verum, tenetur illi ad restitutionem famæ, si eam forte in aliquo tunc laesi.
3. Qui indirectè famam accusatoris laesi, quamuis non teneatur eam illi restituere, suum retrahendo dictum, sequi ipsum infamando, tenetur tamen illi restituere famam per verba quadam sobria.
4. Qui in iudicio non seruato ordine iuris accusatur & interrogatur de aliquo crimine, quod verè commisit, potest absque mendacio affirmare, se id non commisisse, licetque id iureiurando confirmare, posito, ut illud confiteri teneatur.

UTRVM INDIRECTE FALSVM CRIMEN in iudicio alicui imponentis se ipsum in eo iudicio defendendo, teneatur ille ad famæ restitutionem.

DISPV. 43.



Exemplum est, quando aliquis, qui verè crimen aliquod commisit, de eo accusatur, atque, ut se defendat, negat se id crimen commisisse: eo enim ipso virtute ac indirectè affirmat accusatorem mentiri, calumniatoremque esse. Simili modo si aduersus denunciantem aut testificantem de eo crimine illud neget, virtute ac indirectè affirmat illud ea in re fuisse mentitum. Querunt ergo doctores, num qui ita se defendendo famam alterius lædit, restituere id damnum illi teneatur.

Est verò in hunc modum distinguendum: Quoniam vel quieo modo accusatur, seruato ordine iuris, interrogatur, ita ut quia iuridicè interrogatur, tenetur crimen suum confiteri: vel nondum interrogatur seruato ordine iuris, ita ut crimè suum teneatur confiteri, iuxta ea quæ tractatu sequenti explicanda sunt. Atque in primo euentu conueniunt Dd. si accusatus, negando crimen suum, damnum inferat famæ legitimè eum accusantis, tenebitur illi restituere id damnum, vel se retrahendo, si adhuc perseueret iudicium, aut est iudicium sit iam absolutum: modò tamen tutò id possit efficere sine longè maiori suo incommodo, ut poenæ alicuius grauis: vel quando aliter non possit, compensando id damnum aliquibus aliis bonis. Ratio autem est, quoniam cum iniuste id damni dederit, eo quod iuridicè accusaretur ac interrogaretur, restituere tenetur id damnum iniuste datum. Meritò autem dictum est, si negando crimen suum, damnum inferat famæ legitimè eum accusantis: quoniam si re ipsa damnum illi non inferat, ut ut plurimum nullum inferet, quoniam non propterea accusans, aut aduersus eum testificans, habebitur mendax aut calumniator, sed omnes intelliget, vel accusatum omni modo, quo potest, siue verè siue falsò, per fasve aut per nefas se defendere, suscipioq; erit accusatum mentiri: vel tales erant tunc circumstantiæ, ex quibus credatur, accusantem bona fide & absque ulla leuitate processisse ad accusandum, facileq; potuisse decipi, in quibus euentibus, ut accusans nullum famæ suæ detrimentum incurret, ita neque accusatus ad nullam restitutionem ea de causa illi tenebitur. Ita Caiet. 2. 2. q. 62. art. 2. & in summa verb. restitutio c. vlt. casu. 1.

In secundo verò euentu Caiet. locis citatis ait, siue in iudicio, siue extra iudicium, crimen alicuius iniuste detegatur, atque is, qui illud commisit ut se defendat, affirmet, vel detectorem non dicere verum, vel se tale quid non fecisse, unde indirectè af-

I 3

firmet

firmet illum non dicere verum, teneri illi ad restitutionem famæ ita læsæ, si eam forte in aliquo tunc læsit. Si enim eam tunc non læsit, quia is, qui crimen detexit, non reputatur ab id audientibus mētibus, iuxta ea quæ in præcedenti eueni dicta sunt, non tenetur illi ad vllam restitutionem, vt est perspicuum. Solum verò admittit Caietanus, accusatum de crimine aliquo vero, non seruato ordine iuris, posse respondere: Nego proposita. Probenatur. Non asserendo falsa ea esse, aut se ea non commisisse. Addit etiam Caietanus, quamuis iniuste eo modo accusans, aut crimen alienum detegens, contra iustitiam peccet, teneaturq; restituere accusato famam, quam ea ratione læsit: & vicissim peccet contra iustitiam accusatus eo modo, qui directe, aut indirecte dicit, accusantem non verum dixisse, teneaturq; ei ad restitutionem famæ, quam ita læsit, locum tamen non esse compensationis, sed sibi mutuo eos teneri restituere famam læsam: censet enim in restitutione famæ locum non esse compensationis: quod tamen in frā suo loco improbitur.

Scotus verò in 4. dist. 15. q. 4. Richardus. *ibidem* art. 5. q. 3. Adria. q. de rest. fame in pr. & in responsione ad 4. principale. Syluest. verb. rest. 3. §. 3. Sotus 4. de iust. q. 6. art. 3. ad 4. Nauar. in Ma. c. 18 n. 48. Maior & Gabr. vterq; in 4. dist. 15. q. 16. affirmant eum, qui in eo secundo euentu negat, se tale crimen commississe, aut qui falsum id esse asserit, quod ipsi tribuitur (non teneri restituere famam detectori eius criminis. Ducuntur. Quoniam licet sit mentitus, atq; si iuramento id confirmauit, peccauerit lethaliter, peccatum tamen illud non est contra iustitiam: quippe cum is iure suo fit vltus suamq; famam defenderit, quam alius iniuste lacerare est aggressus: quare sicut, qui cum inoderamine inculpatæ tutelæ, quia scilicet ita erat necessarium ad suam defensionem, suum occidit inuaforem, licet odio id efficiat, lethaliterque contra caritatem peccet, ad nullam tamen restitutionem tenetur, eo quod iustitiam non violauerit: ita res habet in proposito.

Scotus addit, nihilominus qui ita indirecte famam accusatoris læsit, quamuis non teneatur eam illi restituere suum retractando dictum, scq; ipsum infamando, teneri tamen restituere illi famam per verba quædam sobria, vt dicendo, non existimetis illum calumniatorem: credo enim eum bonam habuisse intentionem, arbitraturq; fuisse se probare posse suum intentum. Sotus verò, Maior, & Syluester locis citatis merito aiunt: Si Sotus intelligat, illum ad id teneri de iustitia, falsum id esse. Quoniam accusatus non peccauit contra iustitiam se ita defendendo: eaq; de causa non tenetur de iustitia ad vllam restitutionem. Si autem intelligat ex caritate, verum esse id, quando spes esset, ea via instaurandam esse famam illius. Sotus tribuit Scoti affirmasse, eum, qui suum crimen negauit, de quo accusatur aut interrogatur, consuato iuris ordine, peccasse contra rem publicam. Contrarium tamen aperte ibi Scotus affirmat.

Quamuis opinio Scoti, & aliorum hætenus explicata ac limitata, nobis probetur, arbitror tamē cum Ledesino 2. 4. q. 18. art. 2. limitandam adhuc eam esse, vt intelligatur esse veram, quando is, cuius crimen iniuste fuit detectum, non aliter sufficienter ac tutò credit se consilere suæ propriæ famæ, quam negando, se id crimen commississe, aut asserendo, falsum esse quod de ipso dicitur. Si enim credit, se aliter sufficienter consilere suæ famæ, vt dicendo probet, que opicit, aut negando quæ obiciuntur, simulq; obicientem excusando, nō quidem de falsitate eorum, quæ dicuntur, sed de mendacio & calumnia ex parte illius, sanè contra iustitiam peccaret, restituereq; teneretur eam famæ partem, quam eo modo excedendo in sui defensione læderet. Ratio autem est, quoniam iustitia solū

facere in defensionem propriam permittit, quantum est satis, vt tutò quis se defendat: excessus verò est iniustus. Si tamen non occurrit hæc præmeditari actaxare, excessus non est talis ac tantus, quem quibus facile, si in animaduertere vellet, intelligeret necessarium ad tutam defensionem non esse, sanè non auderem iniungere ita excedenti restituendi onus: quoniam redactò culpa alterius ad eas angustias defendendi, tunc subitò suam famam, non facile hæc occurrunt, vt ad illa attendat, eaq; expendat, aut excessum euitet: Adde si se ita defendendo cum eo excessu, non integrè suam famam, cōpurgauit sed suspicio aliqua apud audientes manet, ne fortè id crimen commiserit tunc compensare posse damnum, quod, se defendendo cum excessu vltra limites sibi concessos, illi alteri intulit cum damno sibi ab altero iniuste illato.

Illud in hac materia propter Sotum & alios admonuerim: Eum, qui in iudicio non seruato ordine iuris accusatur ac interrogatur de aliquo crimine, quod verè commisit, posse absque mendacio affirmare, se id non commississe, licetq; iureiurando id confirmare, intelligendo, vt illud confiteri teneatur. Ratio autem est, quoniam iustus iudex in eo solo euentu, in eoq; solo sensu, interrogaret: quare responsio illa verum continet in sensu, in quo iustus iudex interrogat, interrogare vè intenderet. Ei verò iudici, qui non legitimè interrogaret, non teneretur respondere ad peruersā mentē ita interrogantis, sed satis esset si responderet in sensu aliquo vero, quem ea verba haberent, respondendo ad mentem legitimè interrogantis. Hætenus de restitutione famæ, quando læditur, falsum crimen siue directe siue indirecte, alicui imponendo.

SVMMARIVM.

1. Cum fama iniuste lāditur detegendo crimen alicuius verū, aut notū alicuius, verū, tunc fama restituenda non est retrāctādo, quod verū fuit dictū. Sed si amphibologia aliqua ea existimatio à detegente id crimen, iniuste mētibus audientium effecta, euelli à mentibus illorum possit, ea est vtendum: euulsaq; omnino ea existimatio à mentibus illorum, sufficienter est facta restitutio illi, cuius fama iniuste fuerat læsa.
2. Vary modi amphibologiarum.
3. Amphibologia, statim atq; agnoscitur eis esse vsum ad restituendam famam, quando crimen verum fuit iniuste detectum, inutiles ad id omnino reddunt, vel simpliciter vel apud eos, qui id norunt, atq; agnoscere possunt.

DE RESTITVTIONE FAMAE LÆSÆ iniuste detectione criminis veri, notæ vere alicuius.

DISPUT. 44.



Quando fama iniuste lāditur detegendo crimen alicuius verum, aut notam alicuius veram, conueniunt doctores, tunc famam restituendam non esse retractādo, quod verū fuit dictū: quoniam id esset mendacium, quod pro nulla re mundi est proferēdum: eo quod sit intrinsecè malum. Conueniunt item, si amphibologia aliqua ea existimatio à detegente id crimen aut notam, iniuste mētibus audientium effecta, euelli à mentibus illorū possit, ea esse vtendum: euulsaq; omnino ea existimatio à mentibus illorū, sufficienter esse factam restitutionem illi, cuius fama iniuste fuerat læsa. Nisi forte ante eā famæ restaurationē ex præterita infamia subleuata fuisset dāna aliqua lucrī cessantis aut iacturæ alicuius: tunc enim hæc et essent

essent illi restituenda. Quod si infamia permanens est, nec eo modo euelli posset, ait *Dionysius Thom.* 2. 2. q. 6. 2. ad. 2. & cum eo *Adrian.* quodl. 11. q. 1. lit. S. & doctores communiter, non solum in hoc euentu, sed etiam in quocunque alio, in quo sit obligatio restituendi famam, neque fama laesa posset aliter reparari, compensationem eius iniuste lationis faciendam esse aliquibus aliis bonis prudentis arbitrio.

D. Thomas & Scotus locis citatis, ac quidam alij, sequentes suadent amphibologias ad famam restituendam, quando crimen verum (idem intellige de nota vera) fuit iniuste detectum, & permanet infamia. Ut detegens illis, quibus illud detexit, dicat: Male dixi, tale vel tale detali dicendo, iniusteque illum infamaui. Nequaquam id credatis. In his enim verbis nullum interuenit mendacium. Cum enim peccauerit id dicendo, vtique male id dixit. Verè item iniuste illum infamauit id de illo dicendo. In eo item, q. suadeat, vt id non credant neque mendacium interuenit, neque mali aliquid continetur.

Recentiores tamen theologi merito obseruant, quomodo si restituendi modus sufficiens fortè esset apud aliquos rudes, quando verisimiliter crederetur, ea via depellendam omnino à mentibus eorum esse malam illam existimationem, quam de eo proximo conceperant: insufficientem tamen esse apud eos, qui iudicio pollerent: hi enim cū attenderent, famam ita restituentem non aptè assertere se falsum dixisse potius ea via confirmarentur verum id fuisse quod audierunt, quam ab eorum mentibus mala existimatio, quam conceperant, euelleretur. Præsertim si de hoc modo famam restituendi, quando verum crimine fuit detectum, notitiam aliquam habebant.

Maiores in. 4. dist. 17. q. 16. hunc modum restituendi famam in hoc euentu suadet, vt qui iniuste crimini verè detecto infamaui, dicat: Quando tale quid detali dixi, existimabam verum esse adhibita tibi poitea diligentia, inueni, me male id affirmasse.

Ego hunc etiam modum aliquando suasi, vt dicat: Quod detali dixi, ex mea sanè malitia id dixi, atque, si opus fuerit, iuramento confirmabo, ex mea malitia me id dixisse: unde id omnino non creditis, talemque existimationem de mentibus vestris deponite. In quo sanè modo restituendi famam nihil mendacij continetur: quippe cum ex nequitia propria id proferentis emanauit detectio illa iniusta criminis alieni.

Alij recentiores hanc aliam amphibologiam excogitauerunt, vt cum duplex sit veritas, sermonis, scilicet vitæ, quæ in eo est polita, vt quod operamur, cum lege Dei consentiat: & per consequens duplex etiam sit falsum, seu èt mendacium, vnum, quod contrarium est veritati sermonis, & alterum, quod contrarium est veritati vitæ, & in eo est positum, quod cum lege Dei, non consentiat, sed ab ea discrepet, de quo non semel mentio fit in scripturis sacris: cum, inquam, hæc ita sint qui crimem verum de aliquo iniuste detexit, dicat, quod detali dixi, falsum esse comperi, aut comperi esse mendacium, vel falsum aut mendacium tunc affirmavi, intelligendo de falso aut mendacio, contrario veritati vitæ, ita vt sit sensus, id dicendo, transgressus sum legem Dei, seu peccauit: quod est verissimum. Neq. hæc amphibologia caret maxima probabilitate. Quando tamen ex ea, aut ex aliqua alia, longè maior infamia sequeretur ei, qui eo modo restituere aggrediretur famam, quàm esset infamia restituenda, obligatio non esset eo modo restituere famam, vt ex dictis disput. precedentibus satis constat.

Illud circa hos omnes modos est obseruandum, statim atque agnoscat, eis esse vsum ad restituendam famam, quando crimine verum fuit iniuste de-

tectum, inutiles ad id omnino reddi, vel simpliciter, vel apud eos, qui id norunt aut agnoscere possunt. Atque vltimum, si introducatur, aut sciatur, præiudicium asserre ei modo restituendi famam, quando crimen fuit alicui impositum, de quo *Disp.* 41. est dictum. Quando enim quis, etiam sub iureiurando, affirmauit, se falsum aut mendacium dixisse, suspiciabuntur id audientes, eum intelligere de falso aut mendacio, contrario veritati vitæ, & non veritati sermonis, nisi aliquid addatur, quo omnino constat non de veritate vitæ, sed de veritate sermonis id intelligere ac proferre.

Hac itaque de re non alia regula aptior potest tradi, quam si attempta qualitate eorum, qui criminis veri, detectionem audierunt, attentissime cæteris circumstantiis concurrentibus aliqua amphibologia ex his, vel alia, quam poenitens aut confessarius adinuenerit, credatur euulsura sufficienter existimationem illam, cuius poenitens iniusta fuit causa, tunc ea via poenitens famam restituat. Si item spes sit, ea amphibologia minuendam esse infamiam, idem quoq. remedium præstetur. Reliquum verò infamiam quod remanserit, laudibus saltem eiusdem de aliis illius bonis ea dexteritate compensetur, vt tantum famæ illi ea via accrescat, vel apud eosdem, vel apud alios, quantum quo ad illud aliud remaneret illi de infamia. Atque eodem modo compensanda est fama, quotiescunque fama iniuste ablata resarciri non potest. Ita tradunt Caiet. 2. q. 62. art. 2. ad. 2. Sotus in resp. ad. 4. citata. Nauar. in Manu. c. 18. n. 45. & alij. Est autem hic modus compensandi famam, quando resarciri non potest melior cæteris: eo quod ad æqualitatem bono eiusdem generis compensetur. Quando autem neutro prædictorum modorum restitui posset, compensanda est honore, reuerentiam illi exhibendo, aut alios honoris actus erga illum exercendo, vltra eos, quos alioquin illi exhibuisset, qui proportionem quadam eam famam compensent, consonatque D. Thom. 4. 2. citato in responsione ad 1. Cum enim honoris bonum, affine maxime sit bono famæ, quando fama bono eiusdem generis non potest omnino compensari, rectius accomodatiusque ad ipsam rei naturam compensabitur honore, quam aliquo alio bono. Beneficiis etiam ac pecunia compensari poterit, quando alia non occurrerit via. Satisfactio autem bonis spiritualibus, vt Deo offerendo de propriis satisfactionibus pro illo, quantum sua diuina maiestas iudicauerit ad id esse latis, vel sacrificia & orationes pro illo offerendo, si ille adhuc viueret, nec contentus esset eo satisfactionis modo, non sufficeret: quoniam velut pro nihilo id duceret, vt trad. precedente Disputatione octuagesimæ quartæ, de satisfactione in bonis spiritualibus pro damno corporis, honoris, aut famæ que viuo fieret, dictum est. Si autem iam esset defunctus, neque constaret eum esse in inferno, sufficeret sanè ea satisfactio ac restitutio. Quoniam restitutio pro eis bonis ipsi defuncto, & non hæredibus illius, est facienda: eo quod bonum famæ & honoris transferibile non sit ad hæredes, neque hæreditario iure ad ea bona habet ius: defuncto verò in eo statu magis grata erit satisfactio in bonis spiritualibus, quam in quibusvis aliis bonis, vt *Dis. cit.* dictum est. Si autem constaret illum esse in inferno, nulla pro illius restitutio deberetur, tam illi: quoniam iam non esset proximus, neq. in eo vllam ei efficere in iuriâ, quàm hæredibus illius: quoniam illius non habent ad eam restitutionem, vt vtrumque *Disp. citata* est dictum.

S Y M M A R I V M.

1. Restitutio famæ non transit ad heredes illius, cuius iniuste fuit laesa, quasi illis debeatur, sed fieri debet de functo: nisi constet eum esse in inferno. Intellige quoad famam defuncti laesam pacis sumptam.

2. Damna lucri cessantis aut iactura in bonis externis, si quæ sequuta fuerunt ex infamia iniuste defuncto dum viveret illata, debentur hæredibus defuncti.
3. Quando aliquis qui dum vixit infamavit iniuste aliquem, eam infamiam illi non restituit, obligatio eam restituendi transit ad hæreses ipsius.
4. Quid si ex læsione iniusta fama, damna alia in bonis externis lucri cessantis aut iactura alicuius iniuste infamato sunt secuta: tunc, si is qui damnum fama iniuste dedit, ea alia damna dum viveret non restituit, tenentur hæreses illius illa ei restituere, aut etiam hæredibus illius, si ille iam defunctus sit.

VTRUM FAMÆ RESTITUTIO FIERI debeat hæredibus eius à quo iniuste ablata est, & transeat obligatio eam efficiendi ad hæreses eius, qui iniuste eam abstulit. Et quid, quoad utrumque de damnis, quæ ex ea fama obligatione sequuta sunt. Et quousque hæc sint restituenda.

DISPUT. 45.

EX dictis in calce Disputationis præcedentis liquet, restitutionem famæ non transire ad hæreses illius, cui iniuste fuit læsa, quasi illis debeatur: sed fieri debere defuncto, nisi constet eum esse in inferno, proximumque proinde iam non esse: nam tunc nulli debetur ea restitutio, vt in calce disputationis præcedentis est dictum. Intelligendum tamen est id, quo ad famam defuncti læsam præcisè sumptam. Quando enim cum defuncti fama læsa etiam esset fama filiorum eius, aut aliorum illi coniunctorum, tunc quatenus simul iniuste esset læsa fama horum, utique ipsi restitutio deberetur, non quidem famæ defuncti, sed famæ ipsorum vnà cum defuncti fama iniuste læsæ. Item quando defunctus actionem iniuriarum intentauerat pro fama sibi læsa, liteque contestata ex hac vita discessit, tunc prosequi eam actionem ad hæreses ipsius attinet: atque, si ciuilis actio fuerat intentata, pœna pecuniaria, aut transactioem circa illam facere, ad hæreses attinet, iuxta ea quæ tractatu præced. Disp. 43. & alibi dicta sunt. Præterea quando iniuria quoad honorem & famam fuit facta defuncto post illius mortem, ad hæreses & cōsanguineos illius attinet intentare pro ea iniuria actionē, eamque prosequi, vt Disp. 38. dictum est. Illis tñ, meo iudicio, nulla restitutio pro ea infamia, quatenus defuncto est iniuste illata, debetur in foro consciētiæ, sed defuncto debetur restitutio famæ illius quamdiu infamia perseuerat. Quod autem iniuriarum actio in foro exteriori hæredibus ac cōsanguineis defuncti concedatur ac competat pro ea infamia, ipsique adiudicanda sit pœna, si ciuilis actio intentetur, idcirco ciuili iure est merito sancitum, vt ea iniuria atque infamia defuncto impunita non maneat, essetque qui in hac vita partes defuncti ea in re ageret: nulli verò melius ad id cōstitui potuerunt, quam hæreses & cōsanguineis defuncti.

Quod verò attinet ad damna lucri cessantis, aut iacturæ in bonis externis, si quæ secuta fuerunt ex infamia iniuste defuncto dum viveret illata, illa sanè debentur hæredibus defuncti. Quoniā quemadmodum succedunt in bonis omnibus externis defuncti, ita ius ad eos transit ad bona omnia externa, quæ defuncto debebantur. Imò verò, vt ex dictis tractatu præcedente Disputatione 43. liquet, actio eis concedi in foro exteriori debet, vt si probet eam iacturam fuisse passum defunctum in bonis suis externis ex detrimento in fama illius iniuste illato,

ipsis tanquam successoribus in bonis omnibus externis defuncti soluatur, est defunctus nullam ea de re intentasset actionem, modò tamen ea damna dum viveret non remisisset.

Vtrum autem si aliquis, qui dum vixit aliquem iniuste infamavit, illam infamiam illi nō restituit, obligatio eam restituendi transeat ad hæreses ipsius: Adrian. quodl. 11. q. 1. lit. S. citata, & cum illo Nauar. in Manu. c. 18. n. 46. respondent affirmanter, aiuntque id habere locum etiam in exteriori foro. Ea verò sententia nobis probatur, iuxta ea quæ de damno corporis vitæ ac membrorum tract. præced. Disp. 45. dicta sunt. Cùm enim fama iniuste ablata pecunia saltem restituenda sit, quando aliter non restituitur: debitumque pecuniarium ad hæreses transeat debitoris, vt scilicet illud defuncti loco iuxta vires hereditatis restituere teneantur: cōsequens profectò est, vt hæreses eius, qui iniuste infamavit, restituere teneatur damnum famæ quod defunctus iniuste intulit, nec restituit. Cùm verò, vt ibidem dictum est, hec maior nec alia obligatio transeat ad hæreses, quàm sit illa, quam defunctus habebat, sanè sicut defunctus restituere poterat famam iniuste à se læsam, compensando eam laudibus infamati, aut honore illi exhibito, vel orationibus & propriis satisfaciōibus applicatis pro infamato iam defuncto, vt disp. præced. & tractatu præcedente Disp. 84. dictum est, ita hæreses eius, qui iniuste infamauit, simili quoque modo satisfacere possint.

Quod si ex læsione iniusta famæ damna alia in bonis externis lucri cessantis aut iactura alicuius iniuste infamato sunt sequuta, tunc constat si is, qui damnum famæ iniuste dedit, ea alia damna dum viveret non restituit, teneri hæreses ipsius illa ei restituere, aut etiam hæredibus illius, si ille iam defunctus sit. Quoniam id pecuniarium debitum in hæreses eius, qui illud dedit, transit, vt iuxta vires hereditatis illud soluant ei, qui illud passus est, hæredibusque illius, si ille iam defunctus sit, vt cōstat ex dictis tractatu præcedente Disp. 43. & aliàs sæpe, neminiue ea de re potest esse dubium.

Sotus 4. de iust. q. 6. art. 3. ad 4. ait, eum, qui verum crimen detegendo causam fuit iniusta, vt infamatus, vnà cum fama, detrimentum in bonis externis diuitiarum pateretur, teneri quidem ad restitutionem illius, sed non integrè: vt integrè teneretur, si mentiendo infamasset, atque ita infamando vltèrius causa esset eiusdem detrimenti. Merito à Nauarro reprehenditur in Manu. c. 18. n. 45. Quoniam cùm verum dicendo iniuste illum infamauerit, atque ita iniuste illū infamando, verè vltèrius fuit causa iniusta totius illius alterius damni inde subsecuti, non secus atque si mentiendo infamiam illudque aliud damnum vltèrius iniuste dedisset, sanè ad integram restitutionem illius alterius damni iniuste vltèrius dati teneretur, nihil impediens, quodd, cæteris paribus, grauius peccasset, crimen illi imponendo, quàm verum illius crimen iniuste detegendo: satis quippe est, iniuste dedisse totum id damnum, præsertim interueniente lethali culpa, vt ad integram illius restitutionem teneatur.

Ibidem Sotus addit, in restitutionibus faciendis detrimenti in rebus externis ex iniusta famæ læsione subsecuti, pensandā esse possibilitatem eius, qui restituere teneretur. Addit. Quis quæso restituere valeat, si impeditur ei, quem diffamauit, fuit, ne Episcopatum aut egregiam cathedram amplissimamve dignitatem obtineret. Debet ergo (inquit) in hisce euentibus consilium teneri sapientium. Quodd si iis verbis Sot. intendat, nō esse obligationē restituendi tantum, quantum similia damna prudentis arbitrio æstimabuntur, vt ita erant in spe, eumque, qui id damnum dedit, aliter impossibilitate deobligari ab restituenda parte damni illius, quàm si tantundem furatus esset, falsa profectò est ipsius

ipius sententia, nobiscumque consentit Nauarrus loco citato ad finem, n. 43. Nisi enim remissio per eum fiat, qui id damnum est passus, sanè restituere tenebitur id damnum integrum atque, si propter impossibilitatem partem aliquam non restituit, obligatio illi remanet paulatim eam restituendi postea, quando poterit, ac si poterit.

SVM MARIVM.

1. Repetitis nonnullis de honore laeso dicto vel facto transitio fit ad Disputationem presentem.
2. Quando iniuste factio aliquo aut dicto contumelioso honor laeditur, seu potius existimatio alicuius, tenetur is, qui ita existimationem iniuste laesit, restituere illi quantum id damnum permanens prudentis arbitrio estimabitur, attendita qualitate personæ, & aliis circumstantiis. Insuper restituere illi tenetur, si inde aliud damnum lucri cessantis aut iacturæ alicuius in bonis externis diuitiarum fuit illi sequutum.
3. Modus in restitutione fame iniuste laesæ itenebitur, exhibendo infamato honorem & reuerentiam se illi subiiciendo, veniam ab eo petendo, tantum laudis ei accumulando, vt ad æqualitatem illi honor compensetur, qui iniuste laesus est.
4. Si is qui contumeliam intulit, aliter non possit ad æqualitatem satisfacere in bonis honoris & fame, quam petendo, veniam, neg. offensus contentus esse vellet satisfactione in bonis externis, sed exigeret vt, qui iniuriam intulit, veniam ab ipso peteret, tenetur tunc is id prestare offenso, neg. satis est, si satisfacere velit in bonis externis.
5. Præter restitutionem ob lesionem in existimatione explicatam, non debetur alia restitutio ob id præcisè, quod contumeliosus actus fuerit contra honorem ei debitum, cui ea contumelia illata fuit.
6. Quando adulterium latet, ita vt soli adulteri illud scient, nulla debetur restitutio: nisi ex eo adulterio succitata sit proles, vel id adulterium damnum aliud aduersum habeat.
7. Quando contumeliosus actus est talis, vt nullum damnum corporis aut bonorum tunc eorum relinquat, tunc estio eiusmodi actus ante faciem eius fiat, qui contumelia infertur, siue factum esse sciat, si tamen alteri factum esse ignoret, aut is ipse solus, qui eam contumeliam est passus, in causa fuerit, vt ad notitiam aliorum deueniret, nihil ei debetur restitutio.
8. Quando contumelia vni facta quasi redundet in personas illi coniunctas ob amicitiam, consanguinitatem, aut aliam similem rationem, nulla consergit obligatio quidquam restituendi personis coniunctis pro infamia.

DE RESTITVTIONE FAMAE INIV-
STE FACTO ALIQUO LAESÆ. Et vniuersim de restitu-
tione honoris iniuste laesi.

DISPVTV. 46.



Disputatio 23. ostendimus, famam non solum ligno aliquo iniuste lædi, sed etiam facto, confurgereque obligationem eam restituendi. Diximus item in contumeliis, quando notitia quod illatae sint, ad alios pervenit, plus iniuria affectum æstimare iacturam famæ, quam ex eo patitur, quod ad alios notitia deueniret ipsi illatas esse, quam æstimet iacturam honoris, quam est passus, dum illatae ipsi sunt. In existimatione enim eorum, ad quorum notitiam id deueniret, prauipendetur is, qui alapa aut fuste sit percussus, aut cum cuius vxore adulterium sit commissum, vel qui a-

liam similem iniuriam sit passus, quousque iuxta leges huius sæculi debitam vindictam sumat, neq. coram illis apparere audebit. Hac de causa ibidem dicebamus, quando scientibus aliis facto aliquo aut dicto ignominioso honor alicuius laeditur, cōsurgeret longè maiorem obligationem restituendi famam illius, quæ simul cum honore fuit læsa, quam honorem eodem facto aut dicto ignominioso læsum. Manet quippe, qui eam contumeliam est passus, obnoxius despectui atque sine honore in eorum existimatione, qui id norunt: quod sanè ad famam seu existimationem de illo spectat: hocque potissimum cupit rescari. Imò verò hoc videtur esse, quod doctores restituendum esse docent, quando affirmant restituendum esse honorem iniuste læsum, seu iniuste ablatum: hoc quippe habet rationem damni permanentis in futurum ob abiectionem ac vilioris existimationem, quæ de illo in his manet, qui id norunt, satique consentaneè ad hoc loquitur Dignus Thomas 2.2. q. 62. artic. 2. ad 3. dum sic ait. *Ad tertium dicendum, quod actio contumeliam inferentis non potest fieri vt non fuerit. Potest tamen fieri vt eius effectus, scilicet diminutio dignitatis personæ in opinione hominum, reparetur per exhibitionem reuerentiae.* Non verò doctores intelligere videntur, restituendum esse honorem quo ad hoc præcisè, quod factum aliquid fit contra honorem ac reuerentiam, quæ alicui debebatur. Id enim transiit, neque damnum in persona, quæ eo actu inhonorata fuit, reliquit, eoque ipso, quod transiit, subire cœpitationem solius iniuriæ sumptæ præcisè ad damno dato, cui certa poena respondet, non verò respondet vlla restituendi obligatio, vt sæpe in præcedentibus est dictum atque offensum. Iuxta hanc ergo doctrinam dicenda sunt ea, quæ tractatu præcedente Disp. 88. 100. & aliis, in hunc locum referuauimus.

Prima conclusio est. Quando iniuste facto aliquo aut dicto contumelioso in hoc sensu honor laeditur, seu potius existimatio alicuius, quod deinceps apud alios, qui id norunt, abiectione ac vilior existimatio de illo habebitur, tenetur, qui ita honorem seu potius existimationem ac famam iniuste laesit, restituere seu compensare illi, quantum id damnum prudentis arbitrio æstimabitur, attendita qualitate personæ, & attentis cæteris omnibus circumstantiis concurrentibus. Insuper restituere illi tenetur, si inde aliud damnum lucri cessantis aut iacturæ alicuius in bonis externis diuitiarum fuit illi sequutum.

In priori parte huius conclusionis idcirco apposita fuit pars illa, quod damnum permanens: quoniam si damnum iam esset abolitum, vel morte eorum omnium, qui factam fuisse eam contumeliam noverunt, vel obliuione, obligatio non est restituendi id damnum, quod iam non existeret, vt ex dictis præcedentibus disputationibus constat. Eadem ratione, si is, qui id fuit passus, competentem, iuxta sæculi huius leges, de illo vindictam sumpsisset, nõ censeretur manere, eaque de causa obligatio non esset illud restituendi. Adde, in eo euentu locū esse compensationis vnius damni cū alio, iuxta ea quæ disput. sequenti dicenda sunt. Quod si compensatio l. propria vindicta sumpta, non æquaret damnum ante iniuste datum, tunc solum incrementum esset restituendum. Præterea, si contumelia prius illata competentem poena fuisset in exteriori foro punita, vel criminali vel ciuili, tunc damnum ea illatum non censeretur manere compensandum restitutione aut satisfactio: quoniam iam ea via effectus sufficeret punitum ac compensatum. Si autem poena manifestè non æquaret damnum datum neque ea esset contentus, qui illud accepit, tunc in conscientia foro solum esset compensandum excessus damni, vt est notissimum. Illud est et obseruandum,

dum, homines regulariter pro eiusmodi dāno: ex contumelia illato, non solere aliam restitutionem accompensationem velle, quā eam, quam ipsi sumpsērunt vindicando iniuriam illatam: atque estō non audeant aut Deitimore non velint sumere vindictā, solere dedignari aliam cōpensationem ipsis fieri, maluntq; suum potius damnum ac miseriam sustinere, quā restitutionem ob id damnum accipere, quā ipsis apud alios noua esset ignominia. Imō sunt multi, qui neque veniam ab ipsis peti volunt, neque pererum, qui iniuriā illos affecit, neque per tertiam personam: quoniam āgre admodum ferrent, mentionem de contumelia ipsis illata eis fieri, eoq; ipso de nouo irritarētur ad vindictā, per se ipsos sumendam, aut certē optarēt potius talē veniam ab eis non peti: in quo euentu cōstat, eis, qui contumelia affecit, nihil impediēte damno manente in contumelia affecti fama, ex ea que contumelia sequito, neque ad satisfactionem veniā petitione esse cogendum, neque ad id teneri. Quōd si eiusmodi damnum in existimatione illius ex adulterio cum vxore illius fuit sequutum, iura impediunt transactionem circa eam iniuriam ac damnum fieri, vetantque intentari ciuilem actionem ob eam iniuriam ac damnum, solumque concedunt intentare actionem criminalem, vt ex dictis tractatu precedente a Diss. 46. & rursus a Diss. 89. liquet. Tamen si ibidem sit additum, permissam iam hodie ex tacito consensu ac dissimulatione principum, publicarūve potestatum transactionem priuatam esse, hoc est, transactionem, non instrumentum publico, neque coram ministris publicis, publicāve autoritate, factā, sed inter priuatos ipsos. Tamen si rarissimi sint, qui circa adulterium illam efficiant. In euentibus itaq; omnibus explicatis, qui multi nec infrequentes sunt, atque etiam qñ id damnum passus restitutionem remitteret, constat, vel omnino non esse obligationem restituendi damnum in existimatione ac fama proximi iniuste contumelia datum, vel maxima ex parte cessare eam obligationē: ita vt, qui id damnum iniuste dedit, non teneatur id totum restituere, sed solam partem, vt in nonnullis ex his euentibus dictum est. Illud tamen admonuerim, quando qui eam contumeliam idq; damnum iniustum est passus ac sustinet, non admitteret aliam satisfactionem, credendum esse, gratum illi futurum, vt honor & reuerentia maior solita illi exhibeatur, & augeatur aliis viis fama, bonaque existimatio de illo, obsequiaq; illi praestentur, dummodo ea dexteritate hac omnia fiant, vt non sentiantur ac intelligantur fieri in recompensationem ignominiae praeieteritae, ita vt illa praeteritam ignominia in hominum memoriam reuocent. Atque ea via curare is debet, qui damnum famae contumelia intulit, illud refarcire, si non integrē, certē ex parte, idque praecipui illi a confessariis deberet. Quatenus itaque locus & obligatio erit fieri restitutionem pro damno honoris & famae contumelia iniuste dato, intelligenda est prior nostrae conclusionis pars: non vero quando praedictis aut aliis similibus modis cessat ea obligatio, vel omnino vel magna ex parte.

Ea itaque prior pars ita intellecta ac explanata facile patet. Quoniam tunc fama iniuste laesa manet contumelia antecedente: eaque laesio damnum est permanens, pēdēse in futurum: ergo obligatio erit illud restituendi, quantum arbitrio prudētis aestimabitur, attentis circumstantiis omnibus concurrentibus: nisi, qui ad id alioquin ex natura ipsa rei tenetur, ex aliquo ex capitibus explicatis, vel ex alio simili, omnino aut ex parte, ab eo restituendi onere liberetur.

Ex ea priori conclusionis parte ita comprobata, explicata, ac intellecta, sequitur primō. Eum, qui alapa aut fuste alium ignominiosē percussit, aut

pedibus illum conculcauit, vel barbam illius ignominiosē apprehendit, aut praescidit, vel euulsi, vel aliquo alio ignominioso facto, scientibus id aliis, contumelia illum affecit, ex natura rei, nisi ex aliquo ex capitibus explicatis, aut ex alio simili, omnino aut ex parte accusetur, teneri illi restituere, quantum aestimabitur infamia, quā inde illi restitatur: quā sanē eo maior erit, plusq; aestimabitur, quo plures eam sciunt, & quo factum fuerit ignominiosius, atq; pro persona, cui ea contumelia illata, dignior ac praestantior fuerit: ex his enim, & ex ceteris omnibus circumstantiis concurrentibus, pensanda est quantitas illius, damnumque ex illa resultans, vt ad aequalitatem compensetur.

Ex eadem parte secundō sequitur, si aliquis, id aliis scientibus, adulterio aliena abutatur vxore, vel aliquo alio actu, qui cedat in mariti infamiam ac vilipendium, vel illam infestando, sinistram suspicionem generet, quā in infamiam mariti cedat, teneri eum similiter ex natura rei marito illi restituere, quantum ea infamia aestimabitur, nisi similiter ex capitibus explicatis, aut ex alio simili, ab ea obligatione vel omnino vel ex parte excusetur. Ea autē infamia eo maior similiter aestimabitur, quo plures culpa eius, qui id crimen patratu est, & nouerint, & quo maritus dignior fuerit, & quo plures aliae circumstantiae illam aggrauantes interuenierint. Imō verō si eam mulierem inuitam infestetur, aut quamuis aliam, eaque de causa mulieri isti infamia sequatur, estō cum illa nihil inhonestum habeat, teneri similiter ei restituere, quantum ea infamia ei aestimabitur, quin & omnia alia damna inde ulterius sequuta, vt tractatu precedente Diss. vlt. conclus. 10. dictum est.

Ex eadem parte tertio sequitur, si quis vi mulierem aliquam opprimat, aut aliquid aliud ei mulieri ignominiosum cum ea, ipsa inuita aut inuoluntariē mixtē consentiente, habeat, ita vt culpa eius, qui eam iniuriam illi infert, notitia eius rei ad aliquem alium aut ad alios deueniat, teneri eum illi restituere, quantum aestimabitur infamia inde illi subsequuta, attentis circumstantiis omnibus concurrentibus.

Idem intelligendum est, quando ex quocunque alio facto aut dicto contumelioso, vt dicendo alicui, mentiris, aut aliud simile contumeliosum, infamia ac vilipendium in existimatione eorum, qui nouerunt eam contumeliam illi esse factam, ei sequitur.

Modus verō restituendi existimationem ac famam in euentibus explicatis, quatenus, iuxta ea quae dicta sunt, ad id est tenebitur, qui iniuste honor ac fama praediuidit. Honorem ac reuerentiam infamato exhibēdo, se illi subiciendo, ac veniam ab illo petēdo, laudibus illius, & aliis similibus rationibus, quatenus illi grata & vtilia hęc omnia, iuxta haec dicta, erant, & non quando exacerbare magis possunt, nec prodesse, tantum honoris & famae illi accumulare atque augere, vt ad aequalitatem illi compenset honorem seu existimationem ac famam, quam iniuste laesit. Talis enim satisfaciendi modus, si ad aequalitatem id fieri possit, est optimus: eo quod ad aequalitatem bonis eiusdē generis compenset damnum iniuste illatum. Quōd si is, qui honor ac fama alterius iniuste praediuidit, non eo modo ad aequalitatem potuerit compensare damnum quod dedit, & quod teneri restituere, ob maximam laesionem in existimatione ac fama, cui fuit causa, vt si alapa vel fuste publice nobilem percussit, vel si cum vxore illius est adulteratus, vt publicum id sit factum, tunc teneri aliis bonis compensare, quod ea alia via ad aequalitatem compensare non potuerit. Et quidem si infamatus adhuc viuat, nec contentus sit compensatione in bonis spiritualibus, vt regulariter conten-

tus non erit, tenetur id compensare pecunia aut aliis externis bonis, si infamatus id ita velit. Plerique enim designabantur talem satisfactionem accipere, aut eis offerri, ut supra dictum est. In dubio tamen eis infamatus tunc satisfactionem in eis bonis vellet, tentandū erit, an eam velit, ut illi significādo, talis vult tibi satisfacere, vide quam ab eo satisfactionem velis. Atque quā comperitur velle eam in bonis externis, melius multo transactione cum illo heret, petendo ab eo ut aliquid remitteret, & ut contentus esset tanta vel tanta satisfactione, quā arbitrando usque ad ultimum indituitibile, quantum illi ad æqualitatem debeatur, ut tractatu præcedente in similibus euentibus est dictum.

Ledesmius 2.4. q. 18. art. 2. ait. Si is, qui contumeliam intulit, aliter non possit ad æqualitatem satisfacere in bonis honoris & famæ quam petendo veniam, neque offensus contentus esse vellet satisfactione in bonis externis, sed exigeret, ut qui iniuriam intulit, veniam ab ipso peteret, teneri eum id præstare offenso, neque sufficere, si satisfacere vellet in bonis externis. Ratio autem est, quoniam satisfactio fieri debet in eodem genere bonorum, si id sit possibile, & is, cui fieri debet, contentus non sit alio genere satisfactionis, ut poterit rationabiliter nolle esse contentus. Idem innuit etiam Caiet. *dub. 5. cit.* Quare, inquit Ledesmius, absolvens non erit penitens, qui noluerit veniam petere pro contumelia illata, quando offensus contentus non est alia satisfactione, neque qui offendit, aliter ad æqualitatem potest satisfacere in bonis honoris & famæ. Quia verò priuati religiosi bona externa non habent, quibus contumeliis à se illatas compensent, neque regulariter aliis bonis honoris & famæ possunt eas ad æqualitatem compensare, statuit Augustinus in Regula, eos petitione veniæ teneri illas compensare: maxime quia expedit religiosos signa humilitatis exhibere, quibus damnum, quod per superbiam intulerunt, compensent. Prælati præterea ea de causa competentes alias penas eis imponere ob eas culpas, atque in satisfactionem offensi, debent. Quando verò iniuste infamatus defunctus iam esset, cum ipsius bonum honoris ac famæ ad hæredes suos non transiret, sanè defuncto ipsi, & non hæredibus illius, est facienda restitutio eius læsionis. Quare cum in eo statu plus ille gaudeat bonis spiritualibus, quā aliis bonis, utique in spiritualibus bonis esset ei restitutio facienda, offendo de propriis satisfactionibus pro illo, quantum Deus iudicauerit ad id esse satis, aut offendo pro illo orationes & sacrificia modo in præcedentibus sæpe explicato. Quod si constaret, eum esse in inferno, tunc ut non esset iam proximus noster, ita neque vlla satisfactio ei deberetur, ut etiam in superioribus sæpe est dictum.

Posterior verò conclusionis pars, nempe si ita infamato damnum aliud in bonis externis diuitiarum lucri cessantis, aut iacturæ alius cuius, ex ea infamia sit etiam sequutum, id quoque restituendum illi esse, ut si is, qui alapa aut fuste fuit percussus, ea de causa non inueniat mulierem, cum qua æque bene matrimonium contrahat, atque inueniret, si eam infamia non esset passus: aut si mulier, quæ iacturam iniuriam in honore & fama est passa, non inueniat virum, cum quo æque bene nubar, ac si passa non esset eam infamiam: restituendam eis est esse eam iacturam in bonis externis: ea, inquam, posterior conclusionis pars ab omnibus conceditur, facileque probatur. Quoniam id damnum iniuste fuit ei datum, vna cum damno in honore & fama: ergo est illi ad æqualitatem restituendum. Quin & in exteriori foro, vna cum reliqua iniuria iubebitur id illi compensare.

Secunda conclusio. Præter restitutionem ob læsionem in exultimatione ac fama explicatam, non

debetur alia restitutio ob id præcisè, quod contumeliosus actus, ex quo ea læsio sequuta fuit, fuerit contra honorem ac reuerentiam ei debitam, cui ea contumelia allata fuit. Item si ex actu illo contumelioso nulla læsio relicta fuit in corpore eius, qui ea contumelia fuit affectus, quia vel non lesit, vel si lesit, instaurata iam ea læsio fuit per naturam, aut faciliè per naturam, sine sumptibus instaurabitur, nulla restitutio ex eo capite debetur affecto ea contumelia, est doloem eo contumelioso actu passus sit, & est doloem in corpore, eo modo iam instauratam, aut quæ faciliè & sine sumptibus instaurabitur, effecerit. Quo fit, ut pro adulterio cum vxore alterius, præter restitutionem læsæ exultationis ac famæ mariti, quæ præcedente disputatione explicata est, non debetur ei restitutio alia ex eo, quod hæc facta sunt contra honorem & reuerentiam illi debitam, aut eo, quod ea percussio doloem, aut læsionem intulerit, quæ sine sumptibus instaurata est. Idem intellige de similibus aliis contumeliosis acignominiosis actibus. Prior conclusionis pars ex eo probatur, quod in eo præcisè, quod contumeliosus actus fuerit contra honorem ac reuerentiam, quæ ea contumelia affecto debebatur, nullum cernitur permanens damnum, sed transiit in nudam iniuriam, sine vilo relicto damno: pro iniuria verò sumpta præcisè à damno non debetur restitutio, sed solum puniri potest ac debet condigna poena, quæ ante latam sententiam non debetur, ut sæpe dictum comprobatumque est. Posterior verò pars similiter probatur, quoniam quando læsio corporis non relinquit damnum permanentis, nulla debetur restitutio, ut cum Adrian. & Richardo, nemine reclamante, tract. præcedente Disp. 88. & alias sæpe dictum est.

Tertia conclusio. Quando adulterii latet, ita ut soli adulteri illud sciant, nulla debetur restitutio: nisi ex eo adulterio suscepta sit proles: vel id adulterium damnum aliud adiunctum habeat, ut si adultera dono misit de bonis mariti, aut aliud simile damnum habeat adiunctum. Damna enim omnia cum illo coniuncta, aut ex illo sequuta, satis perspicuum est restituenda esse. Præcipuum verò, quod hac conclusione aliterimus, probatur. Quoniam pro adulterio quatenus præcisè est contra honorem ac reuerentiam mariti, nulla debetur restitutio, ut conclusionis præcedente dictum. Item nullus vnquam dixit, pro irreuerentia, quæ eum, cui fit, latet, & quæ alios etiam latet, solique cognita esse eam facienti, deberi restitutionem: tale autem quod a hoc est adulterium, quod solis adulteris est notum. Vnde pro adulterio cognitio à solis adulteris, præcisèque sumpto ab aliis omnibus damnis, nulla restitutio debetur. Et quoniam, quæ de hac re hoc loco addi poterant, copiosè dicta sunt tract. præcedente Disp. 100. non plura circa hanc conclusionem obiciamus.

Quarta conclusio. Quando contumeliosus actus est talis, ut nullum damnum corporis aut bonorum externorum diuitiarum relinquit, ut de alapa, de leui percussione ignominiosa fustis aut calcis, & de adulterio ac aliis similibus est dictum, tunc est eiusmodi contumeliosus actus ante faciem ei fiat, cui ea contumelia inferitur, siue factum esse sciat, si tamē ceteri factum esse ignorent, aut si ipse solus, qui eam contumeliā est passus, in causa fuerit ut ad noticiam aliorum deueniret, credo nihil ei vi atque in ratione restitutionis deberi. Teneretur tamen,

men, qui eam contumeliam intulit, curare reconciliationem cum fratre suo, veniam ab illo petendo, ac se illi humiliando, quatenus alterum non irritandum nouerit, signatq; pœnitentiã, quòd id fecerit, ostendendo: atq; ea omnia præcipere ei debet confessorij. Item si in exteriori foro ob eam contumeliam ac iniuriam condemnatur pœna aequali pecuniaria, aut exilij, tenetur illam implere: si verò condemnatur pœna flagellorum, aut alia graui corporis, quamuis non teneatur eam ipse executioni mandare, possitq; illicitè eam euadere, si sine violentia alicui ministro publico illata possit illam effugere: eam tamen sibi illatam patienter sustinere debet.

Primum, quod hac conclusione asserimus, ex eo probatur, quoniam restituitur, vt sæpe est dictum, solum respondet damno, in illiusq; solius cõpensationem debetur: in euentu autem nostræ conclusionis contumelia illa iniuste illata nullum damnum relinquit: quoniam non corporis, aut bonorum exteriorum, vt in eadem cõclusionem supponimus, neque famæ: quippe cum contumelia illa illata ab aliis omnibus ignoretur, vt etiam habet eadem conclusio, vel si ea contumelia ab aliis sciatur, vt non sit culpa eius, qui illam intulit: quòd autem illam sciatur, qui eam iniuste intulit, non inducit obligationem restituendi, vt *conclusionem præcedente & fusius tractatu præcedente Disp. 100.* dictum est: neque item, quòd is illam sciatur, qui illam est passus, obligationem restituendi inducit: tum quia ea noticia non pertinet ad infamiam propriam ipsius: tum etiam quoniam facili attendere potest eam contumeliam non sua culpa sibi obuennisse, sed alterius, eaque de causa non est cur ea de causa viliorum de se ipso existimationem habeat: denique neq; actus ille contumeliosus relinquit damnum honoris: quoniam in eo præcisè, quòd sit aliquid factum contra honorem & reuerentiam, quod alicui debebatur, nullum damnum, quod permaneat, relinquitur: sed id ita esse iniuste factum, transit in nudam iniuriam, vt *conclusionem 2.* dictum est: consequens ergo est, vt in euentu conclusionis propositæ nihil vi atque in ratione restitutionis debeatur.

Secundum verò, quod eadem conclusione asserimus, de curanda scilicet reconciliatione illo modo fratris ea contumelia affecti, ex eo facili patet, quòd lumen ipsum naturæ doceat, eum, qui causam offensiois proximo dedit, teneri pro viribus & posse illum sedare, eique reconciliari, satisfaciendo illi si quid ea de causa vi restitutionis debet, vt si offensio fuit publica & ignominiosa, quæ dānum in fama illi reliquerit: si verò solum illi aliquid debet in pœnam pro iniuria sine damno illata, transigendo cum illo circa eam iniuriam ac pœnam, vel iudicis sententiam expectando, vt pœnā iuste iniunctā soluat: modò illa non sit grauis corporis, quam licitè possit fugere, iuxta id, quod in vltima parte eiusdem conclusionis subiungitur, & tractatu 5. sequenti magis explanabitur: & simul attendita qualitate offensæ, & attentis circumstantiis concurrentibus, se illi humiliando, & ab eo veniam petendo. Atq; hoc est, quod Christus docuit ac præcepit *Matth. 5.* consentaneè ad id, quod natura ipsa rei caritatisque postulabat, dum de contumeliis illatis agens, dixit: *Si ergo offers munus tuum ad altare, & ibi recordatus fueris, quia frater tuus habet aliquid aduersum te, relinque ibi munus tuum ante altare, & vade prius reconciliari fratri tuo, & tunc veniens offers munus tuum.*

Quando superior est, qui contumeliam absque damno verbo, aut factò, iniuste subdito intulit, tunc necesse non esset petere ab eo veniam. Ne, vt Augustinus in regula ait, *dum nimis seruatur humilitas, reuoluentis frangatur auctoritas.* Sed satis erit ostensione maioris beneuolentiæ, quam esset solita illi ostendi,

& fauore aliquo illi compensare iniuriam illatam, eumque reconciliare. Quod idem dicendum est de nobili comparatione abiecti, quem cõtumelia iniuste affectisset, & de præceptore comparatione discipuli: neque enim simpliciter tenentur veniam petere ab ipsis, quibus contumeliam intulerunt: sed satis erit aliter fauore & honore illis satisfacere, eosque sibi reconciliare. Atque hoc est, quod vult Caiet. 2. 2. q. 72. art. 3. & in opusculo 17. *responsionum 13. resp. dubio 5.* Quamuis est priuatum, non fecerant illis genuscētendū ac se humiliando, illis dicerent, parce, quod ad apud te excessi: ego enim video me excessisse, neque me id debuisse facere: nō video quid auctoritatis amitterent, imò potiùs existimo optimum de se ea in parte exemplum darent, subditilitatem damnorum illorum satisfacere, vel in honore & laudibus illius vel in aliqua alia re.

Quinta conclusio. Quando contumelia vni facta quasi redundat in personas illi coniunctas ob solam consanguinitatis, aut amicitia; vel aliam similem coniunctionem: vt contumelia facta filio aut filia redundat in parentes ac fratres, arbitror nullam consergere obligationem quicquam restituendi personis ita coniunctis pro infamia ac vilipendio, q; in ipsos per accidens redundat, iuxta ea quæ *tract. præcedente Disp. vlt.* quoad restitutionem propter stuprum dicta sunt. Neque enim damna, quæ per accidens eo modo resultant in personas coniunctas obnoxia sunt restitutioni, vt ita per accidens in personas coniunctas resultant. Lege quæ ibi dicta sunt.

S V M M A R I V M.

1. Nullus cum periculo propriæ vitæ tenetur restituere damna honoris ac famæ, quæ prudentis arbitrio longè inferiora sunt vitæ eius, qui eam restitutionem deberet efficere.
2. Sed quando cum fama proximi, eiusdem vitæ periclitatur, vel detrimentum honoris, arbitrio prudentis equiparatur vitæ eius quæ ea damna dedit, aut serè illi equiparatur, tenetur tunc qui iniuste eam infamiam intulit cum periculo propriæ vitæ eam famam restituere.

CVM QUANTO PERICULO AC DETRIMENTO TENEAUR FAMAM RESTITUERE, QUI ILLAM INIUSTE LESIT.

D I S P U T. 47.

Disp. 40. iunctis iis quæ *Disp. 41.* addita sunt, dictum est, quando obligatio non sit restituendi famam, quæ vel non fuit læsa, vel non fuit iniuste læsa, vel recuperata iam est, saltè obligatione præteritæ infamiae iniuste illatæ, morte vel obliuione suorum, apud quos erate a infamia. Nunc verò hac & duabus disputationibus sequentibus est examinandum, permanente ac perseverante damno famæ iniuste illato, existenteque ex natura rei obligatione illud restituendi, ex quibus causis cesset omnino aut ex parte ea obligatio, vel differri possit: restitutio, aut restitui possit in aliquo alio bono, etiam non consentiente eo, cui talis restitutio fieri debet. Tamen tunc alios à *Disp. 41.* explicauimus, in quibus, quia restitutio fieri non potest bono eiusdem generis, aut non sine longè maiori iactura eius, qui illam facere debet, quam sit fama restituenda, fieri possit ac debeat bono alterius rationis.

Quod ad id verò attinet, quod in titulo huius disp. est propositum, quæ hoc loco dicenda erant, copiosè sunt dicta ex examinata *tract. præced. Disp. 102. iuncta Disp. 754. tractatus 2. & iunctis aliquibus ex vltimis conclusionibus disp. 37. huius 4. tractatus.* Ea verò de causa

de causa breuiter duas regulas statuā *loc. cit.* præsertim *Disp. 102. cit.* fusius explicatas. Prima est. Nullus cū periculo proprię vitę tenetur restituere damna honoris ac famę, quę prudentis arbitrio longē inferiora æstimabūtur vitę eius, qui eam restitutioneina deberet effecere. Neque item restituere tenetur famam alienam cum periculo suę proprię famę longē maioris ac pretiosioris, quā sit fama restituenda. Tenetur tamen in utrōq; euentu pro virib⁹, & posse vel bonis eiusdem generis vel alterius generis compensare damnum totum, quod iniuste dedit, quantum illud hac alia via compensare poterit. Secunda regula est. Quādo cū fama proximi vitę eiusdē proximi periclitatur, vel detrimentum famę & honoris illius, aut simul aliorum bonorum eiusdem, quōd illi iniuste illatum est, & simul fortasse per resolutāriam suis quoq; arbitrio prudentis æquiparatur vitę eius, qui ea damna dedit, aut ferē illi æquiparatur vitę ei⁹, qui iniuste eam infamiam intulit, cum periculo proprię vitę eam famā restituere. Similiter, quando præiudiciū famę iniuste illatum superat, æquatur, aut ferē æquatur iacturę famę, quā is, qui illud intulit, patietur, si illud restituat, sanē restituere illud tenetur cū ea iactura suę famę proprię. Exempla *loci citatis* proposita sunt. Vtrāq; autem regula ex eo probatur, quoniam vnusquisq; restituere tenetur damnum a se iniuste datum, cum æquali aut cum paulo maiori suo detrimento: non verō cum detrimento suo longē maiori: tamen tū, quando longē maius detrimentum ipsi ex restitutione sequeretur, teneatur alius viis, quantum poterit, idem integrum damnum restituere, vt disputationibus citatis hæc omnia explanata comprobataq; sunt.

S V M M A R I V M

1. Quando infamia non redundat in tertiam personam aut in communitatem, quā simul infamata maneat de eodem, aut in alios, qui iuris dispositione ex delicto a leuius infames maneat, tunc remittente iniuste infamato obligationem restituendi, deobligatus manet in infamias ab obligatione, qua de iustitia tenebatur restituere famam, nihil impediēte quod ea infamia redundet in detrimentum aliorum aut reipub.
2. Quando restitutio honoris & famę fieri deberet in eo ipso bono in quo quis damnum accepit, ita quōd quasi redintegranda esset fama laesa, eaq; fama necessaria esset vel ad tollendum scandalum, vel in notabile subditorum aut reip. bonum, tunc lethaliter peccaret, qui remitteret restitutionem talis famę: nisi ex restitutione similia damna sequerentur ex parte eius, qui restituere deberet.
3. Quando fama eo modo non est necessaria, tunc remittere illius restitutionem nullum regulariter est peccatum, sed meritum.
4. Is, cui remittitur obligatio restituendi famam, non peccat, si post eam remissionem illam non restituat, nisi quādo posset sine suo notabili damno illam restituere.

VTRV MREMISSIO EIVS, CVI DAMNUM fama iniuste est illatum, liberet ab onere illud restituendi.

DISPV. 28.



Vo in controuerſiam circa disputationem propositam vocari possunt. Vnum est, vtrū is, cui damnum fame iniuste est illatum, licet remittere restitutionem illius possit. Alterū vero Tom. 5.

rō, vtrum ea remissio sit valida, ita vt, qui id damnum iniuste intulit, liber ab eo restituendo maneat, facta illi ea remissione.

Caiet. *loci initio Disp. 37. citatis*, quemadmodum affirmat, neminem licet facere posse detrimentū suę proprię famę, quin pot⁹ id ex suo genere culpam esse lethalem, cum onere reipublicę restituēdi id famę damnum: sic quoq; dicere debet, neminē licet remittere posse restitutionē suę proprię famę: atq; si eam remittat, eā remissionem nō deobligare eum, cui facta sit, ab onere eam famam restituendi. Ex eodem quoq; fundamento 2.2. q. 62. art. 2. ad. 2. affirmat, quod ad famam locum non esse compensationis: sed si duo se iniucem infamant, mutuō teneri sibi iniucem restituere totā famam, quam iniuste abstulerunt. Idem ex eodem fundamento affirmat Maior *initio eiusdem Disp. 37. relatus*.

Prima nostra conclusio est: Quando infamia nō redundat in tertiam personam, aut in communitatem, quę simul infamata maneat de eodem aut de alio crimine, aut in alios, qui iuris dispositione ex delicto alterius infames maneat, iuxta ea quę *Disputatione 37. conclusio 4. iunctis ijs, quę in calce Disp. 27. dicta sunt*, tunc remittere iniuste infamato obligationem restituēdi, deobligatus manet is, qui iniuste infamauit, ab obligatione qua de iustitia tenebatur restituere famam, nihil impediēte, quōd ea infamia redundet in iniuriam ac detrimentum aliorum, aut reipublicę, vti iniuste infamatus erat prælatus, vel personā publica, cuius fama subditis aut reipublicę intererat, iuxta ea quę *Disp. 37. conclus. 4. citata, & Disp. 46. conclus. 5. comprobata sunt*. Quando autem infamia in tertiam personam aut in communitatem aliam redundaret, quę simul infamata de eodem aut de alio crimine maneret, vel etiam in aliquos, qui iuris dispositione manerent infames ex delicto principaliter infamati, tunc remittente eo, qui principaliter iniuste fuit infamatus, obligationem restituendi famam, licet qui iniuste infamauit, liber maneat ab obligatione, qua de iustitia tenebatur famam illi restituere, non tamen manet liber ab obligatione, qua de iustitia item tenebatur restituere illis aliis famam, quā simul ab eis iniuste abstulit, nisi & hi quoque simul hanc etiam aliam restituēdi obligationem remittant.

Priorem huius conclusionis partem affirmant omnes, quos *Disp. 37. conclus. 2. citauimus* pro opinione contraria Caietani opinioni, manifesteq; deducitur ex fundamento contrario illi, cui Caietanus nititur, quod eo in loco coprobauimus stabilituimus. Cum enim homo dominus sit honoris sui ac famę, nec min⁹, quā bonorum externorum diuitiarum, liberam vtriusq; habeat dispositionem: consequens profect⁹ est, vt sicut, remittēte illo restitutionem bonorum externorum diuitiarum, liberis manet, qui ea restituere tenebatur, ab obligatione, qua de iustitia ea restituere erat strictus, ea quę *tractatu 2. Disp. 757. dicta sunt*, ita remittente eodem suę famę restitutionem, liber similiter is maneat, qui eam restituere tenebatur, à vinculo, quo de iustitia eam illi restituere erat strictus, nihil impediēte, quōd qui eam remissionem facit, malē aliquando faciat, eam remissionem efficiendo, & quod id aliquando cedat in aliqualem iniuriam ac detrimentum aliorum, quando infamia sua est propria eam remissionem concedentis, iuxta ea quę *Disputatione 37. conclusio 4. & Disputat. 46. conclus. 5. explanata sunt*. Vt tamen ea remissio obligationis restituendi famam, eum, cui fit, deobliget à vinculo, quo de iustitia eam restituere erat strictus, esse debet libera omnino, modo *tractatu 2. Disputatione 757. citata* copiosē explicato.

Posterior verō conclusionis pars ex eo constat, quōd

quod quando aliquis multis damnum iniuste intulit, omnibusq; de iustitia restituere tenetur, vnicuiq; id damni, quod inde accepit, non satis est, vnum illorum remittere damnum iniuste datum etiam si sit praeceptus, qui damnum accepit, vt qui damnum eis multis iniuste dedit, liber maneat à viuculo, quo aliis damnum ab eis acceptum restituere tenebatur.

Secunda conclusio. Quando restitutio honoris & famæ fieri deberet in eo ipso bono, in quo quis damnum accepit, ita quod quasi redintegranda esset fama læsa, eaq; fama necessaria esset, vel ad tollendum scandalum, vel in notabile subditorum aut reipublicæ bonū, vel deniq; ad eorum aliquid ex iis, quæ *Disp. 37 conclus. 3. & 4.* explicata sunt, et sic lethaliter peccaret, qui remitteret restitutionem talis famæ: nisi ex restitutione similia damna sequerentur ex parte eius, qui ea restituere deberet. Dixi, quando restitutio fieri deberet in eo ipso bono, in quo quis damnum accepit, ita quod quasi redintegranda esset fama læsa: quoniam si fieri restitutio deberet in aliquibus aliis bonis, eo quod fama in se ipsa restitui non posset, vt quia, crimen, quod iniuste fuit detectum, erat verum, neq; potuit deinceps palliari, tunc, qui ita in fama iniuste fuit læsus, remittere posset eius famæ restitutionem absq; peccato, nihil impediēte, quod ex infamia sequutum esset ac perseueraret scandalum, vel damnum ac malum aliud, quod eo restituendi modo non tolleretur. Addidi, nisi ex restitutione similia damna sequerentur ex parte eius, qui restituere deberet: quoniam quando æquale scandalum sequeretur ex eo, quod is, qui infamauit, detegeret se iniuste infamasse, aut æquale aliorū aut reipublicæ damnum, eo quod ille etiam esset prælatus, valdeq; reipublicæ utilis, posset iniuste infamatus, ex caritate eligere pati potius iacturam proprii honoris ac famæ, permittereq; ea damna, quæ inde malitia alterius sequuta sunt, quam vt alius similem proprii honoris ac famæ iacturam pateretur, & quā vt de nouo similia alia damna ac scandala orirentur, essetq; id profecto magni meriti coram Deo. Intelligendum tamen est hoc, nisi persona, quæ talem restituendi obligationem remitteret, aliquibus ex officio esset preposita, in quorum preiudicium eius infamia cederet, nec munus id relinqueret: tunc enim quamuis cedere posset iuri suo, non tamen cedere posset iuri sibi subditorum, eaq; de causa quando subditi ipsi, aut illi superior prælatus, cui ea in re teneretur obedire, iniutescent, remittere sanè non posset eam suæ famæ restitutionem, et sic subditis alterius, qui eam efficere teneretur, simile detrimentum ex ea restitutione per accidens proveniret. Conclusio ita explanata probatur, quoniam cum ea restitutio necessaria sit ad tollenda mala, quæ sub reatu culpæ lethalis tenentur, si impedire, cui ea restitutio esset facienda, sanè remissio eius restitutionis culpa esset lethalis, vel contra solam caritatem, vel etiam contra iustitiam, si in aliorum preiudicium fieret, in quorū iniuriā id cederet, & quibus ipse ex suo officio teneretur.

Tertia conclusio. Quando fama eo modo non est necessaria, tunc remittere illius restitutionem nullum regulariter est peccatū, sed caritas ac meritum. Probatur, quoniam in eo non cernitur prodigalitas, sicut cernitur in laceratione propriæ famæ, antequam amittatur: sed regulariter adest rationabilis causa, cur ea remissio restitutionis concedatur, nempe vt pudori ac difficultati proximi in ea efficiēda ac iacturæ famæ illius consulatur, & vt simul exerceatur patientia eius, qui eam infamiā sustinet, remissionemq; illam restituendi efficit.

Quarta conclusio. Is, cui in euentu prioris partis primæ conclusionis remittitur obligatio restituendi famā, non peccat, si post eā remissionē illā non re-

stituatur, nisi, qñ sine notabili sua molestia ac damno posset illā restituere, intellēsq; notabiliter ei, cui esset faciēda, illā restitui, vel necessariū id esset ad tollendū scādalū, aut ad impediendū notabile dānū proximi alicuius. Deniq; nō teneretur eam restituere, nisi qñ si ipse esset alius tertius, qui famam illam non læsisset, ex caritate teneretur eo modo subuenire ei famæ. Neq; omittēdo tunc restitutionem ei⁹ famæ, quam iniuste læserat, peccaret contra iustitiam, sed solum contra caritatē. Probatur hæc cōclusio, quoniam facta ei illa remissione obligationis restituēdi, nulla in eo manet obligatio restituēdi de iustitia, vt cōclus. prima ostensū est: sed perinde tenetur solum ex caritate, atq; ceteri proximi ex caritate tenentur impedire damna suorū proximorū, si cōmodē possint: quo fit, vt cū obligatio ex caritate solum lit, qñ sine notabili proprio detrimento, sine notabiliq; ppria molestia p quātitate damni, q proximo imminet, possit illud impedire aut refarcire, verum nostra conclusio habet.

SYMMARIUM

Illicitum est in recompensationem infamiae, quam alius nobis iniuste intulit, illum infamare, est ille iniuste restituere nobis non velit famam, quam nobis iniuste abstulit.

2. *post illatam verumq; iniuste infamiam, locum habet compensatio damni cum damno, vt nullus eorum de iustitia teneatur restituere alteri, nisi solum excessum damni, si forte plus infamauit, quam ab altero sit infamatus.*

3. *Qui sibi mutuo damna fama intulerunt, tenetur sibi iniuste famam restituere non curando compensationē: idque de caritate, non de iustitia.*

4. *In euentibus, in quibus, cum fama vnus damno iniuste dato simul illatum est fama quorundam aliorum, quod de iustitia illis restitui debeat, est compensatio fieri posset obligationis, qua illi praeceptu restituenda erat sua fama, cum obligatione, qua is idem æquale damnum fama teneretur illi, qui ipsi restituere tenebatur, non tamen propterea cessaret obligatio.*

5. *Quando vnus alterum iniuste infamasset, neq; vt tenebatur, vellet eam famam illi restituere, tunc iniuste infamatus, qui damnum infama alteri non dedisset, posset in pecunia compensare damnum fama, in quo est.*

UTRUM IN FAMA LOCVM HABeat compensatio, ita vt deobligetur quis ad onere restituendi famam, quam iniuste lesit, quia is alius æquale fama damnum huic iniuste intulit.

DISPUT. 46.

CAietanus & Major, vt in principio disputationis præcedentis reulimus ex illo suo fundamento, quod homo non sit dominus sui honoris ac fame asseruerant, locum non esse cōpensationi quoad famam iniuste læsam, sed vtrumq; eorum, qui se iniuste iniuste infamarūt, teneri sibi mutuo famam restituere. In contraria vero sententia sunt doctores communiter, qui asseruerant hominem dominum esse sui proprii honoris ac fame.

Nostra verò prima conclusio est: Illicitum est in recompensationem infamiæ quam alius nobis iniuste intulit, illum infamare, est ille iniuste restituere nobis non velit famam, quam à nobis iniuste abstulit. Tamen licitū nobis sit, in nostram iustam defensionem, quantum sit satis ad protegendam ac defendēdam quā ad recuperandam nostram famam, illum in ius infamare, quæ via sit ad nostram famam ab iniuria vindicandam. Hæc posterior conclusionis pars *Disp. 24* & alibi ostensa fuit. Prior verò ex eo est manifesta, quoniam cum infamia alterius non sit bonum illius, quod in recompensationem

compensationem boni ex nobis iniuste ablati nobis sumamus, sed sit solum lætio boni alterius, sanè in eo nihil aliud cernitur, quam vindicta, quæ est omnino illicita propria autoritate.

2 Secunda conclusio: Post illatam vtrunque iniustitiam infamiam locum habet cõpensatio damni cum damno, vt nullus eorum de iniustitia teneatur restituere alteri nisi solum excessum damni, si fortè plus infamiam quam ab altero sit infamatus. Quòd si ex mutuo consensu fiat, ea damnorum compensatio, tunc est id vnus eorum alteri restituit infamiam, quam illi intulit, hic alter non tenetur restituere infamiam, quam antea restituenti intulerat: quippe cum iam illi non debebat, restituitque ipsa facta sit beneficium in se collatum, quod de iustitia compensare non tenetur. Excipe, nisi iterum facta inter eos fuisset conuentio, quòd ea lege vnus restitueret, vt alter restituere vicissim teneretur. Quando verò non interuenit mutui tacitus vel expressus consensus in ea recompensatione, tunc vnus eorum restituente alteri famam, quam ab eo iniuste abstulerat, alter tenetur illi restituere famam, quam ab eo iniuste etiam abstulerat, nihil impediens, quòd ex sua parte compensationem intendisset ac voluisset. Ratio autem est, quoniam ea restituitur, non interueniente ad illam consensu alterius, intelligebatur sub tacita conditione, nisi alter restituere: poteratque alter bona fide restituere, nihil sciens de compensatione, quam alius intenderat: in quo euentu æquitas ac ratio non patitur, vt qui restituit, in iactura maneat famæ, quam alter ab eo iniuste abstulerat. Prima huius conclusionis pars ex eo liquet, quoniam fama in hominum potestate ac dispositione non secus est posita, quam in hominum potestate ac dispositione sit posita bona externa diuitiarum, maximerum, quarum dominum ad eos spectat, quibus ea damna iniuste sunt illata, quam in damnis famæ. Reliquæ verò eiusdem conclusionis partes probatione alia non indigent.

3 Tertia conclusio. In euentibus, in quibus præcedente disputatione est dictum, nihil impediens remissionem obligationis restituendi famam, teneri eum, qui eam remissionem obtinuit, famam illam ex caritate restituere, ad scandalum aut alia mala vitanda, dicendum quoque est eos, qui sibi mutuo damna famæ intulerunt, teneri sibi inuicem famam restituere, non curando compensationem. Tunc verò tenentur ad id de caritate, non verò de iustitia. Hac conclusio satis est perspicua, quoniam vnusquisque, nihil impediens compensationem, quam alioquin efficere poterat, ex caritate tenetur vitare scandala, & impedire damna proximorum, si commode ea impedire possit.

4 Quarta conclusio. In euentibus, in quibus cum famæ vnus damno, iniuste datum, simul illatum est famæ quorundam aliorum, quod de iniustitia illis restitui debeat, iuxta dicta in posteriori parte conclusionis primæ disputationis præcedentis, est id compensatio fieri posset obligationis, qua illi præcipuo restituenda erat sua fama, cum obligatione, qua is idem æquale damnum famæ teneretur similiter restituere illi, qui ipsi restituere tenebatur: non tamen propterea cessaret obligatio, neque compensata censeretur, qua illis alius restituere tenebatur damnum famæ ipsis vnà cum illo præcipuo illatum. Conclusio hæc notissima ex se est, neque probatione indiget.

5 Quinta conclusio. Quando vnus alterum iniuste infamasset, neque vt tenebatur, velle eam famam illi restituere, tunc iniuste infamatus, qui damnum in fama alteri non dedit, posset in pecunia compensare damnum famæ, in quo est, idque non solum non soluendo debitum antiquum occultum, quantum ad æqualitatem sufficere iudicaretur ad

competentem compensationem damni famæ, in quo est, sed etiam occulte accipiendo de nouo quantum latius esset ad eandem compensationem: dummodo non interueniret scandalum, & aliter commodè obtinere non possit restitutionem suæ famæ, & denique dummodo interuenirent conditiones omnes requiritæ, vt licite in conscientia foro fiat occulta compensatio debiti, quas tractatu 2. Disputatione 691. explicauimus. Conclusionem hanc affirmant Ledesmius 2. 4. quest. 18. artic. 2. Pobari autem potest, quoniam quando aliter fieri non potest restitutio famæ, fieri debet in bonis externis, vt præcedentibus disputationibus dictum est: ergo quando is qui famam restituere tenetur, sua nequitia in aliis bonis illam non restituit, aut restituere eam in aliis bonis non potest, tenetur in bonis externis diuitiarum illam restituere: quare, si id non præstet, sitque iniustus detentor eius, quod restituere tenetur, licitum erit facere in bonis externis illius competentem compensationem, etiam occulte occupando de nouo bona externa illius, modò concurrant conditiones omnes requiritæ ad licite autoritate propria occultam compensationem efficiendam. Illud vero admonuerim, cum is, qui damnum famæ iniuste intulit, non teneatur restituere in bonis externis diuitiarum, sed sufficienter restituat in bonis honoris & famæ, vt præcedentibus disputationibus dictum est, consequens est, vt si, post compensationem in bonis illius externis diuitiarum effectam, ille in bonis honoris & famæ restituit, reddenda illi esse externa bona, in quibus compensatio fuerat effecta: id quod Ledesmius vbi supra bene obseruat.

SVM MARI VM.

1. Inter bona spiritualia quadam sunt naturalia, quæ immediate non ordinantur ad felicitatem moralem sempiternamque beatitudinem consequendam: quedam verò sunt, quæ ad felicitatem moralem immediatè ordinantur, ad consequendamque felicitatem æternam, & de nouimento, quod prioris generis bonis inferitur, idem est dicendum, quod de nouimento dato in bonis corporis.
2. Qui causa est iniusta damni in aliquo scientiarum aut artium, restituere ei tenetur, quantum prudentis arbitrio æstimabitur id damnum.
3. Qui alteri causa est peccati, tenetur ad restitutionem damni ei in spiritualibus ita datis, illum suasionibus ad penitentiam adducendo, vt respiciat, atque si ille non sufficiat, orando pro illo, & conando vt alij, qui ad id efficaciores sint, idem illi persuadeant, modo sine fructu eum non infamet apud illos.
4. Qui in causa fuit vt alius per ignorantiam peccaret, aut vt vel metu causa fuit peccati alicuius, tenetur de iniustitia causam peccati auferre, ignorantiam ab illo depellendo: aut si vi vel metu illum in peccato detinet, liberum illum relinquendo, vt absque vi & metu a peccato desisteret possit.
5. Qui culpa alterius ita per ignorantiam decepti, damnum in spiritualibus pateretur, certè cum iniuria ob inuoluntarium mixtum ratione ignorantia illud pateretur, ac proinde de iustitia teneretur ille auferre ab eis eam deceptionis causam, & illis & aliis restituere damna omnia, siue spiritualia, siue aliorum bonorum, ex ea iniusta causa ita subsequenta.
6. Qui alteri causa est peccati absque ignorantia, ita vt is qui peccat, prudens, & sciens peccet, ad nullam restitutionem tenetur, siue spiritualium damnorum, siue quorumcumque aliorum: quæ ei ex tali peccato sequantur, licet exhortatione aut consilio peccati autor fuerit.
7. Dissoluantur quinque argumenta contraria.

DE IUSTITIA COMMUTATIVA

circa bona spiritualia. Et num, qui damni in bonis spiritualibus alteri est causa, ad restitutionem teneatur.

DISPUT. 50.



Eximus hic vsque in hoc quarto tractatu de iustitia commutativa circa bona honoris & famæ. Superest pauca de iustitia commutativa circa bona spiritualia addam⁹. Cur autem hanc vltimam partem huius quarto tractatui de iustitia addendam annectendamque censuerimus, in principio huius quarti tractatus est dictum.

Inter bona spiritualia quædam sunt naturalia, quæ immediate non ordinantur ad felicitatem moralem, sempiternamque beatitudinem consequendam, vt sunt potentia, scientia, & artes: quædam verò sunt, quæ ad felicitatem moralem immediate ordinantur, ad consequendamque sempiternam felicitatem, vt virtutes, gratia, meritum, & opera. Quod autem ad bona prioris generis attinet, idem de nocumento in illis dato est dicendum, quod de nocumento dato in bonis corporis tractatu precedente dictum est. Qui enim potionibus, præliis, dæmonumque adiutorio, aut alia ratione, iniuste aliquem vsu rationis priuat, vel nocumentum aliud illi infert quoad vsum potentiarum animæ, ad restitutionem æstimationis illius tenetur, quantum prudentis arbitrio, attentis circumstantiis omnibus concurrentibus, id damnum, si permaneat, iudicabitur. Tenetur item ad restitutionem omnium aliorum damnorum, si quæ inde vltius sunt sequuta, non secus, quàm si abscederet manum, aut aliud damnum corporis inferret. Imò verò læsio potentiarum organicarum, impeditioque iniusta vsus illarum, damnum est corporis, impeditio verò vsus potentiarum non organicarum, quantumvis damnum spirituale sit, ex læsione tamen organorum potentiarum organicarum provenit ac pendet, quatenus dū rationalis anima corpori est immerfa, intellectu ac voluntate operatur dependenter à potentiis organicis, quarum læsio in potentias, quibus subministrant, redundat. Eodem verò modo puniendum est delictum, quo cuiusmodi damnum inferitur, inferri videntur, quod tractatu precedente explanatum est, puniendum esse delicta & iniurias contra bonum corporis, quæ mortem corporis non inferunt.

Item qui causa est iniusta damni in aliquo scientiarum aut artium, vel quia vi, aut fraude, alia ratione iniuste aliquem prohibuit ab vsu aut ab acquisitione alicuius earum, vel quia sua culpa falsa pro veris docuit, vel quia, cum ex officio ac de iustitia alios docere ac instruere teneretur, negligens notabiliter in docendo ac instruendo, vt tenebatur, fuit, aut ad id erat ineptus, idq; in causa fuit, vt ij, quos de iustitia docere tenebatur, damnum patenterent in eius scientia aut artis acquisitione restituere eis tenetur, quantum prudentis arbitrio æstimabitur id damnum, & quantum æstimabuntur alia damna, si quæ inde sunt vltius sequuta. Quare non est cur hoc loco hac de re aliud dicamus, quàm quæ tractatu præcedente circa damna & iniurias corporis, & circa restitutionem damnorum corporis, & eorum, quæ vltius inde sunt sequuta, dicta sunt.

Quod verò ad bona posterioris generis attinet, Scotus 4. distinctione 15. questione 3. Richardus ibidem articulo quinto, questione secunda, Adrianus de restitutione bonorum animæ, Palud. in 4. distinct. 15. q. 2. art. 2. Gab. eadem distinctione questione 17. & Dñus An-

part. 2. cap. 2. §. 1. affirmant, eum, qui alteri causa est peccati, illum ad id inducendo, vel quacunque alia ratione, teneri ad restitutionem damni ei in spiritualibus ita datis, illum suasionibus ad penitentiam adducendo, & vt resipiscat, atque si illæ ad id non sufficiant, orando pro illo, & conando vt alij qui ad id efficaciores sint, idem illi suadeant: modò tamen sine fructu cum non infamet apud illos.

Probant verò id. Primò, quoniam grauius peccat, qui damnum spirituale alicui infert, quàm qui illi damnum infert in rebus externis, vnde Anterior Papa c. ex merito, & Anacletus c. deteriores 6. q. 1. Deteriores, inquit, sunt, qui vitam moresque bonorum corrumpunt, his, qui substantias aliorum prædique diripiunt. Habetque id verum, ait Adrian. etiam si solo malo exemplo proximos scandalizando, illos ad peccatum inducat: ait enim Nicolaus Papa. 11. q. 3. precipui. Scire etiam prelati debent quia si peruersa vquam perpetrant, tot mortibus digni sunt, quot ad subditos suos perditionis exempla transmittunt: sed qui damnum rebus externis aliorum inferunt, tenentur illud eis restituere: ergo etiam illi, qui damnum rebus spiritualibus inferunt, etiam si solo exemplo illud eis inferant, tenentur illud eis restituere.

Secundò, qui alteri venenū propinat, quo salus eius corporis læditur, tenetur de iustitia curare quantum potuerit, vt ab eo periculo eruat, refarcireq; ei damnum ea via illi illatum: ergo qui alterum ad peccatum inducit ac pertrahit, tenetur etiam de iustitia curare, quantum potuerit, vt ab eo luge maiori damno eruat, illudq; ei refarcire.

Tertiò, qui seruum corrumpit alienum, in causaque est vt ille fugiat, de iustitia tenetur domino illius de eo damno ei dato: ergo qui consilio vel malo exemplo Dei seruum corrumpit, illumq; per culpam lethalem efficit ab eo recedere, gratiamque illius amittere, simili modo tenebitur de damno spirituali ita illato. Neque refert, ait Adrianus, si peccator restitutionem damni illius remittat: quoniam Deus, qui superior est, illud non remittit: neque valet remissio inferioris contra superioris, cuius ille est, voluntatem, in cuius iniuriam id damnum redundat.

Quartò, qui ex officio atque ex iustitia curare tenetur bonum spirituale suorum subditorum: ergo hi saltem, si subditos suos ad peccandum inducant, imò si negligentes sint in curando, ne ipsorum subditi culpam lethalem incurrant, peccant contra iustitiam, tenebunturque non solum ex caritate, sed etiam ex iustitia, id illorum spirituale damnum refarcire, curando pro viribus & posse illorum conuersionem ac emendam.

Quintò, qui heresim aliquam persuasit, aut aliū perniciosum errorem, omnium consensu, tenetur eos omnes, quos ita persuasit, diffuadere omni via ac ratione, qua id melius consequi possit: ergo simili modo, qui alium ad peccandum induxit, tenetur ad eam satisfactionem, vt omni via, qua id consequi possit, curet pro viribus illius conuersionem ac emendam.

Prima nostra conclusio est: Qui in causa fuit, vt alius per ignorantiam peccaret, vt vi vel metu causa fuit peccati alicuius, & maxime si per vim, aut metum, illum adhuc in peccato detinet, tenetur de iustitia causam peccati auferre, ignorantiam & errorem quantum satis sit, ex sua parte ab illo depellendo, aut si vi vel metu illum in peccato detinet, liberum illum relinquendo, vt absque vi ac metu à peccato desistere possit. Quin & damna inde illis aut aliis secuta tenetur restituere, nisi forte aliqui ipse ignorantia inuincibili excusetur à culpa eam causam peccati adhibendo, & per consequens ab obligatione restituendi damna inde sequuta.

Exemplum primum, quod ad ignorantiam attinet,

tinet, est: Vt aliquis errores in fide aut in moribus docuit, & alij, putantes errores non esse, illos sequuti sunt, freti illius autoritate aut rationibus seu inductiis, quibus illos persuasit, sanè de iustitia teneatur contrarium illos eodè docere, quod in se fuit, & quantum sufficiens iudicabitur, efficiendo vt, si per illos non steterit, errore repellant. Atque restituere illis aut aliis teneatur, si quæ damna inde sint secuta, interim dum errorem nō depulit, saltem sufficientia adhibendo media, vt, si per illos non staret, depelleretur ac cessaret, eorū ignorantia. Eo enim ipso, quòd efficeret, culpa tota imputaretur ipsis, qui in eodè perseuerarent errore, & non ei, qui illos antea docuit, ac proinde ipsi soli sibi ipsis imputare debent damna, quæ inde ipsis deinceps prouenirent, ipseque soli essent causa damnorum, quæ inde aliis deinceps euenirent, vt, verbigratia, ex contractu iniusto, ac proinde ipsi soli tenerentur ea restituere. Si autem, qui eos docuit, ignorantia inuincibili excusaretur, à culpa illos ita docendo, satis perspicuum est, excusari quoque ab onere restituendi damna inde eis aut aliis sequuta: eo quòd non teneatur ex parte rei acceptæ, sed, si teneri deberet, illud esset ex parte iniustæ acceptionis culpæ uel fugæ, quia id damnum dedisset: quam supponimus nullam.

5 Conclusio quoad ignorantiam, & quo ad exemplum propositum, probatur. Quoniam qui culpa alterius ita per ignorantiam decepti damnum in spiritualibus, aut inde etiam, vltèrius in aliis suis bonis paterentur, certè cum iniuria ob inuoluntarium mixtum, ratione ignorantie, atque adeò per iniustitiam ipsis ab eo, qui ita illos decepit, illatā, illud paterentur, ac proinde de iustitia teneatur ille auferre ab eis eam deceptionis atq; erroris causam illis datam, teneaturq; de iustitia illis & aliis restituere damna omnia, siue spiritualia, siue aliorum bonorū, ex ea iniusta causa ita subsecuta. Quare de rigore iustitiæ fortassè tunc tenebitur, aliquid etiam de satisfactionibus suis propriis offerre Deo pro parte satisfactionum culpæ illorum in amplectendis illis erroribus, quando, qui illos amplexati sunt, non fuerunt omnino ob ignorantiam excusati à culpa, quia ipsorum ignorantia non fuit inuincibilis, & quando veniam quo ad id ab illis non obtinisset. Licet enim ipsi etiam in culpa fuerint eos sequendo errores, imò propter solam suam propriam culpam id damnum obueniret, teneanturque ad eam satisfactionem ratione suæ propriæ culpæ, incidisse tamen in illam deceptos iniuste ab alio, interuenienteque inuoluntario mixtè ob eam ignorantiam ac acceptionem, aliquid fortassè operari debet, vt qui ita decepit, ad partem eius damni teneatur. Damnum verò amissionis gratiæ, reparari totum per pœnitentiam peccati, quo fuit amissa, potest ab eo ipso, qui id damnum sua culpa incurrit, per ipsumque stabit præsertim eo ipso, quòd qui eum decepit, causam deceptionis ex sua parte depellat.

Illud est obseruandum, estq; qui absque sua culpa, excusante omnino ab ea ignorantia inuincibili, damni fuisset causa, docendo, verbigratia, cōtractum esse licitum, quem postea cōperit iniustum, proximoque iniuriosum esse, non teneatur ad restitutionem damnorum inde subsequutorum: teneri tamen quasi ex officio atque de iustitia auferre eam causam iniustitiæ à se datam, si commodè possit, quod si nō auferat, tunc deinceps restituere tenebitur damna, quæ ex ea causa sequuntur: quoniam licet à principio non fuerit iniuste data formaliter, sed solum materialiter, à puncto tñ, quo non aufertur, & cōmodè potest auferri, incipit esse causa formaliter iniusta cōparatione ei⁹, qui illum dedit, neq; eam aufert, cum commodè possit atque ad id teneatur, iuxta ea quæ Disp. 40. dicta sunt.

Tom. 5.

Secundum exemplum eiusdem conclusionis quo ad vim ac metum est. Si quis famulum, puellam, aut quemuis alium, per vim aut metum aliquid iniquum facere efficiat, teneatur de iustitia auferre vim aut metū, illos in sua integra libertate relinquendo, damnumque ipsis aut aliis, ex vi, aut metuita illato, sequuta, rescire. Si quod autē damnum illi vltèrius dēt, postq; repositi sunt in sua integrali libertate, vi omni ac metu prorsus sublati, tunc ipsis solis id damnum imputabitur, & non ei, qui à principio vim aut metum intulit, ac proinde ipsi soli tenebuntur illud restituere. Quod is, qui à principio vim aut metum intulit, excusatus fuit à culpa, qui inuincibili ignorantia credidit id sibi efficere licere, tunc ipse ad restitutionem damni non tenebitur. Quia autem metu ductus illud culpabiliter dederit, quia voluntariè mixtè illud dedit, nihil interueniente, quod eum excusaret à culpa lethali in eo dando, tunc ipse tenebitur illud restituere. Conclusio quo ad vim & metum, quo ad hocque secundum exemplum, quando culpa interuenit ex parte vim aut metum ad rem inquam in se intētis, eodem modo probatur, quo probata quoad primum exemplū fuit. Videlicet quoniam is per iniuriam causa est iniusta omnium eorum damnorum, ac proinde causam illorum teneatur auferre, si adhuc ea causa perseuerat, teneaturq; ea omnia damna ex ea causa sequuta restituere, estq; aliqua eorum prouenirent culpa eius, cui ad id metus incussus est: quoniam inuoluntariè mixtè, per iniuriam metus sibi illatam, illorum fuit causa: vnde qui metum iniuste intulit, teneatur primo loco tanquam præcipua causa ad totum damnum: hic verò alius solum ad illud teneatur in defectum causæ principalis, nisi metus fuerit valde leuis. Tunc. n. meo iudicio vtique ad illud contri- buere debet, prout plūs aut min⁹ illius fuerit causa.

6 Secunda conclusio. Qui alteri causa est peccati absque ignorantia, fraude, ac metu, ita quòd is, qui peccat, sciens & prudens atque absque metu ei incussio peccat, ac nullam reititutionem ei teneatur siue spiritualium damnorum, siue quorumcumq; aliorum, quæ ei ex tali peccato sequantur, estq; consilio atque hortatione causa eius peccati fuerit. Lege tamen caritatis, arctius aliquantulum teneatur eum corrigere ac conari eruere à peccato in euetū, in quo quis alius, qui eiusdem peccati esset conscius, teneatur eum corrigere ac conari eruere ab eo peccato. Probatur hæc cōclusio quoad priorem partem. Primò, quoniam volenti & consentienti non fit iniuria, ac proinde nullus contra iustitiam peccat, suadendo illi damna, quæ ipse sciens ac prudens vult, & quorum periculo ipse per suum liberum consensum se exponit. Quo sit, vt quem admodum nullus Doctorum affirmat, eum, qui consilium aliquod peccatum, ex quo tertio alicui sequitur damnum aliquod iniustum, teneri ei, qui id consilium accipit, restituere damna, quæ ex eo cōsilio ei proueniunt sed solum teneri restituere damna illi tertio, cui ex eodem consilio damna iniusta proueniunt, idque solum in defectum eius, qui eo consilio permotus, ea damna iniuste intulit, ita quòd si is, qui se eo consilio permotus ea damna intulit, illa restituat, ipse ad nihil vtique eorum teneatur: si verò ea non restituat, teneatur quidem ipse ea tertio illi restituere, quod loco ei⁹ restituere, vt tract. 2. Disp. 737. ac alibi dictum est. ratioque horum omnium est, quoniam qui consilium dedit non peccauit contra iustitiam cōparatione eius: qui sciens ac prudens id consilium accepit ac executioni mandauit, sed solum cōparatione eius, cui damna ex eo consilio illata sunt: ita in re proposita dicendum sit, eum, qui suo consilio alicui id scienti ac volenti causa fuit peccati, non teneri re-

K 3 Stitueret

stituire illi damna, tam spiritualia, quàm quaecunque alia, quæ ex eo peccato ei obueniunt: eo quòd id illi suadendo, non peccauerit aduersus eum contra iustitiam, sed solùm contra caritatem. Secundo, quoniam nullus ex consilio, quod alteri dat, teneatur ei ad damna, quæ ex eo consilio ei proueniunt, nisi interuenierit fraus, vt constat l. 2. §. ult. ff. mandati, cuius verba sunt: *Nemo ex consilio obligatur, etiam si non expediat ei, cui dabitur: quia liberum est cuique apud se explorare, an expediat sibi consilium.* Et regulà consilij, ff. de regul. iur. Sic habet: *Consilij non fraudulentum, nulla obligatio est. Caterum si dolus & calliditas intercesserit, de dolo actio competit.* Et regulà nullus de reg. iur. lib. 6. habet: *Nullus ex consilio, dummodo fraudulentum non fuerit, obligatur.* Quo in loco glossa in delictis id totum affirmat, quod à nobis ratione præcedente est dictum: ergo qui consilio alteri scienti ac cõsentienti causa est peccati, ad nullam restitutionem ei teneatur damnorum, quæ ex eo peccato illi obueniunt. Posterior verò pars conclusionis propositæ ad eò est perspicua, vt probatione non indigeat. Quando autem & quo ordine seruato, teneatur quis ad correctionem fraternam, suo in loco in hac 2. 2. explicatum fuit.

Ad primum verò argumentum in contrarium concessa maiori, si intelligatur de grauiori peccato. (Ex circumstantiis enim potest aliquando id esse minus graue peccatum, vt l. 2. §. 73. artic. 8. conferendo peccatum scandalum cum peccato homicidij examinatum fuit: & idem euinire potest, si confetur cum furto, aut cum alio delicto circa bona externa) concessa ita similiter minori, quando ea dāna, de quibus in ea est sermo, inferuntur existentes inuoluntario ex parte eius: qui illud patitur, vt regulariter euenit, neganda est consequentia: eo quod, qui spiritualia damna patitur, sciens & prudens, liberè consentiendo in peccatum ob quod ei obueniunt, illa incurrat: vnde in eo non fit ei iniustitia, quæ necessaria est, vt quis ad restitutionem ob damna data teneatur: sicut fit iniustitia ei, cui damnum, ipso inuito, sine iusta causa in rebus suis externis inferitur.

Ad secundum, concesso antecedente, quoniam in eo interuenit iniustitia ex parte propinantis venientum, neganda est consequentia: quoniam in eo non interuenit iniustitia: quippe cum ea damna, volendo & consentiendo in peccatum, ad quod quis malo exemplo aut alia ratione inducitur, incurritur.

Ad tertium, concesso antecedente: quoniam id est damnum in bonis externis domini eius mancipij, quod is dominus inuitus patitur: neganda est consequentia, si agatur de restitutione ei facienda, qui id damnum patitur: quoniam sciens ac prudens liberè consentiendo in peccatum, ob quod illa damna incurrit, ea patitur. Si verò de Deo agatur: vt in instantia ab Adriano subiuncta, neganda similiter est consequentia. Quoniam id non est Dei damnum, quod restituendum Deo veniat, sed est offensa ipsius, quæ pœna ab eo est punienda, estque peccatoris damnum.

Ad quartum concesso antecedente, concedenda est quod consequentia, quòd teneatur ex officio, & suo modo ex iustitia, curare conuersionem & emendationem illorum, sed aliter, quàm fuerunt causa peccatorum illorum, quàm quando non fuerunt eorum peccatorum causa: & cum ipsi subditi se possint erueri, Dei adiutorio, ab eis damnis, si velint, quando intelligunt se in eis esse, suaque voluntate scientes ac prudentes in eis iaceant, non tenentur prælati restituere eis ea damna, à quibus ipsi se possunt erueri, sed solum tenentur ex officio, & suo modo ex iustitia illos adiuuare.

Ad quintum dicendum est, in eo euentu quando est ignorantia, etiam culpabilis, ex parte eo-

rum, qui illos sequuntur, teneri illos, qui eos docuerunt, auferre illam, tanquam causam quam adhibuerunt, vt illi alij eos errores amplecterentur ac sequantur: tenerique ad id de iustitia, vt conclusione prima ostensum est. Quando autem illi, qui eos errores sequuntur, non ignorarent errores esse, tunc qui illos docuerunt, non tenerentur ex iustitia, ac ex caritate, arctiori tamen vinculo, quàm si illos non docuissent, eos dissuadere eo spirituali damno, vt conclusione 2. dictum etiam est.

S V M M A R I V M.

1. *Varia doctorum opiniones circa questionem de retrahendo aliquem à religione.*
2. *Qui eum, qui nondum professus est religionem, nec per vota simplicia est ei adstrictus, suasionibus à religione abique vi, metu, fraude, ac deceptionibus retrahit, vel ei, qui nondum religionem erat ingressus, simili modo dissuadet ingressum, ad nullam restitutionem tenetur, nec religioni nec ei, quem à religione retraxit, aut cui ingressum dissuasit, sed grauius peccat, si absque iusta causa id faciat, non tamen peccat, si ex rationali causa id efficiat.*
3. *Si quis absque vi ac fraude à religione eum extrahat, qui per professionem aut per vota simplicia obligatus est iam religioni, tenetur religioni ad restitutionem damni inde secuti, ad restitutionem in re emolumentum, quod ea ratione religio amittit. Ad nullam verò restitutionem tenetur extracto.*
4. *Dissoluitur obiectio in contrariam partem.*
5. *Qui erat in causa, vt aliquis religionem egrediatur, de iustitia rigore tenetur religioni, quantum prudentis arbitrio estimabuntur prædicta omnia damna, vt contraria bona, ad que religio habebat ius, erant tunc in potentia. Si potest, reducat illum iterum ad religionem: sin minus, quarat eius loco alium aequè idoneum: si nec hoc possit, ipse religionem proficiatur.*
6. *Negant nonnulli hunc teneri ingredi religionem: quia consilium ingrediendi religionem proficiatur à propria libertate: deinde nemo inuitus ingrediatur religionem.*
7. *Quando damnum permanens religioni ex ea religio extractioe esset secutum: teneretur qui illum extraxit illud integre resarcire, saltem compensando illud aliis bonis, vel remissionem eius damni ex religione obtinere. Quod si vel remissionem obtineat, vel sufficienter illud resarciat reducendo egressum, aut aliquid insuper compensando, vel inducendo alium aequè vtilem, non tenetur ipse tunc religionem ingredi.*
8. *Quando is, qui prædicto modo fuit causa damni notabilis, in quo religio ob egressum sui religiosi manet, non potest illud alio modo resarcire, quàm suo ingressu, atque ipsius ingressu resarciatur omnino aut magna ex parte, tunc is tenetur eam religionem ingredi, nisi religio illi remittat id damnum ei illatum.*
9. *Dissoluitur tria argumenta in alteram partem.*
10. *Qui absque iusta causa aliquem ab ingressu religionis impedit, aut iam ingressum inde extrahit, tenetur ad restitutionem, tum religioni, quantum estimabuntur emolumenta, qua religio ex ea persona poterat recipere, tum etiam impedito, auferendo ab illo impedimenta, que illi apposuit, liberumque omnino relinquendo, vt religionem ingrediatur, aut vt ad illam regrediatur, & insuper ei resarciendo, si quod aliud damnum sit inde ei subsecutum, quod ille per se ipsum, si velit, non possit resarcire.*
11. *Pœna excommunicationis ipso facto incurrenda statuta est in concilio Tridentino, tam cogentibus non quoscunque, sed mulieres ingredi religionem, quàm impediens illas volentes religionem ingredi, ab ingressu.*

*NVM RETRAHENS ALIQUEM
à religione ad restitutionem tenetur vel ei, quem
retraxit, vel religioni.*

DISPUT. 51.



Cotusin 4. diff. 15. ad 2. Palud. *ibidem* q. 2. art. 2. Maior & Gab. *ibidem* vtrique q. 17. Adrian. q. de restitutione bonorum anime, Dinus Ant. part. 2. titu. 2. c. 2. §. 1. Syluest. verb. *restit.* 3. q. 1. & alij affirmât, non solum eum, qui extraxit professum à religione teneri ad restitutionem, tam religioni, quam ipsi extracto, sed etiam eum, qui extraxit novitium aut impedit ingressum ei, qui animum habebat ingrediendi religionem, teneri ad restitutionem, tam impedito, quam religioni.

Paludanus & alij censent restitutionem religioni esse faciendam, inducendo efficaciter extractum aut impeditum ad religionem ingrediendum, vel, si id assequi non possit, querendo alium æquè idoneum ac vtilem religioni, quem eam ingredi persuadeat, vel, si, id etiam ad effectum perducere non possit, religionem per se ipsum ingrediendum. Quod referunt fecisse Raymundum, Generalem meritissimum Ordinis Divi Dominici, qui propterea quoddam novitium quandam suo consilio ab eodem sanctissimo ordine extraxisset, neque illi persuadere regressum potuisset, ipse eandem ingressus est religionem, fuitq; in ea vir admodum utilis ac insignis.

Maior quamvis in reliquis consentiat, negat tamen retrahentem teneri per se ipsum religionem ingredi: sed ait, satis esse, quâdo nec persuadere potest retracto ut intret, nec inuenit alium æquè idoneum, cui ingressum loco illius persuadeat, si alia via religioni damnum, quod illi intulit, satisfaciatur.

Scotus etiam, & quidam alij, quamvis consentiant, restitutum esse religioni, etiam quâdo novitius consilio aut suasionem extrahitur, atq; etiam quando à proposito ingrediendi religionem est dimouetur, qui solum habebat propositum religionem intrandi: nihilominus dicunt, quia multum interest inter habere eam aliquid, & prope esse ut illud habeatur, non tantam restitutionem deberi, quando novitius extrahitur, aut aliquis dimouetur à proposito ingrediendi religionem, quanta debetur, quando is à religione extrahitur, qui iam erat professus.

Idem Scotus, Gabriel, Maior, & Adrian. addunt, eum, qui novitium extrahit, aut illum, qui propositum ingrediendi religionem habebat, ab eo proposito remouet, tunc solum teneri ad restitutionem religioni, quando odio animo vel nocendi religioni id efficit, vel quando fraude ac dolo idem facit, secus autem quando absque fraude ac dolo & non animo nocendi religioni id facit, argumento eorum quæ disponuntur l. 1. §. *idem animi*. ff. de aqua plu. arcend. quæ tracta. 2. Diff. 709. & 727. relata sunt.

Extracto verò, aut impedito ab ingressu in religionem, affirmant doctores citati eo modo esse restitutionem faciendam, quod disput. præcedente dictum est eos affirmare restitutionem faciendam esse ei, qui in culpam inductus est lethalem, nempe suadendo retracto ingressum religionis, seu regressum ad illam, orationibusq; ad id eum adiuuando, aliosq; querendo, quid efficacies illi persuadeant,

Nostri verò prima conclusio est: Qui eum qui nōdum professus est religionem, nec per vota simplicia est ei attritus ac obligatus, suasionibus atque

aliis ad id inductiis à religione absq; vi, metu, fraude, ac deceptionibus extrahit, vel ei, qui nondum religionem erat ingressus, simili modo diffundet ingressum ac propositum, quod ad ingrediendum habebat, ad nullam restitutionem teneri nec religioni, est odio animoq; ei religioni nocendi id efficiat, nec ei, quem ita ex religione extrahit, aut cui ingressum propositumve ingrediendi diffusit. Quamvis autē grauius peccet, absq; rationabili ac iusta causa dissuadendo illi ingressum, aut suadendo illi egressum: non tamen peccat, si ex rationabili ac iusta causa vtrumvis illorum efficiat. In dubio verò, an causa sit rationabilis ac iusta ad tantum dissuadendum bonum, semper est proponendum in suauorem religionis, securiorisq; ac perfectioris status. In hac conclus. consentiunt Sotus 4. de iust. q. 6. art. 3. ad 1. Ledesmius 2. 4. q. 18. art. 2. & alij.

Prima verò illius pars, quod ad hoc attinet, q; qui eo modo dissuadet ingressum, aut suadet egressum, ad nullam restitutionem teneri religioni, probatur. Quoniam ea suasio non est aliud, quam cooperatio ad id, quod is, cui id ita suadet, potest absq; cuiusquam iniuria efficere: eo quod religio nondum ad contrarium visum comparauerit: cum ergo id fiat absq; vi, metu, fraude, ac deceptione, ob quam cum iniuria professio in religione aut ingressus in illam impediatur, & in eo nō contrahitur iuri, quod ea religio habet, ad illos recipiēdos, qui se illi obligare ac tradere voluerint consequens profectō est, vt quæ ad modum is, qui absq; vi, metu, ac fraude dissuadet donationē aut legatum alicui, ne illud ei efficiat, cui decreuerat illud facere, non peccat contra iustitiam, neque tenetur ad villam restitutionem ei, cui alioquin id erat obuenturum, vt cum Adriano & plerisq; alijs tractatu 2. Diffut. 727. ostendimus: ita in re proposita dicēdum etiam sit: cum sit vtrobiq; eadem profusus ratio.

Quod verò est d. ea suasio fiat odio animoq; nocendi religioni, obligatio non fit quicquam ea de causa restituendi ei religioni, probatur. Quoniam, vt eadem Diffut. 727. citata, cum eodem Adriano & cum plerisq; alijs dictum est, odium nocendique animus non inducit restituendi obligationem, quando ex eadem actione ac res, secluso eo odio, & animo nocendi, ea obligatio non resultaret: quippe cum restituendi obligatio confurgat ex peccato contra iustitiam, non verò ex peccato contra solam caritatem. Eodem etiam in loco respondimus ad legem 1. §. *idem animi*. ff. de aqua plu. arcend. atque cum eodem Adriano, & aliis diximus, dispositionem eius legis solum habere vim post latam sententiam, neq; esse extendendam extra euentus iure quo ad id expressos. Legas quæ ibi dicta sunt.

Eadem pars conclusionis quo ad hoc, quod neque ei debeat restituere, qui eo modo est à religione extractus, aut cui diffusus religionis ingressus fuit, satis constat ex dictis *diff. præced. conclus.* 2. Ex consilio quippe, in quo nec fraus, nec deceptio, nec vis vlla, aut metus interuenit, nulla confurgit obligatio restituendi ei damna, quæ ei sequuta sunt, qui id consilium fuit amplexatus: eo quod volenti & consentienti nulla facta sit iniuria. Confirmatur quoniam maius spirituale damnum inferit is, qui inducit alium ad culpam lethalem, quam inferat is, qui alium inducit ad id, quod solum est contra consilium: cum ergo, qui eo modo inducit ad culpam lethalem, ad nullam restitutionem ducto teneatur, vt in disputatione præcedente comprobatum fuit: consequens profectō est, vt neque qui solum eodem modo inducit ad id, quod est contra consilium, teneatur inducto ad villam restitutionem.

Secunda verò pars, quòd scilicet grauiter peccet qui absq; rationabili ac iusta causa dissuadet alicui religionis ingressum, aut ei suadet egressum, facillè patet. Quoniam retrahere à tanto bono atq; à tam securo ac perfecto statu absq; sufficienti causa, graue sanè peccatum est, tenebiturq; qui ita retraxit, caritatis lege suadere contrarium, si spes itiri refarcitum, quòd ita impediuit, vt conclusione secunda citata de eo dicebamus, qui alium ad peccatum induxit. Vnde grauiter peccant parentes, qui solo carnali affectu permoti absq; rationabili causa nulum non mouent lapidem, vt filios à religione, quã ingressi sunt, extrahant, lachrymis, & aliis viis conando à tam sancto proposito illos auertere. Soleque Deosillos, ac filios ita extractos, grauiter etiã in hoc sæculo punire. Videant etiam senatores regij se grauiter peccare, concedendo mandata, vt absq; rationabili causa, prius sufficienter cognita ac examinata, extrahant & collocentur in domo aliqua, vbi acriter eorum constantia tenetur, occasioq; grauius, quin & causa vehementissima eis detur retrocedendi à tam sancto proposito, vim iniustam religionibus inferendo, vt ad id concedant nouitios receptos.

Tertia verò pars, illum scilicet non peccare, qui ex rationabili ac iusta causa alicui dissuadet ingressum religionis, aut egressum suadet, ex se quòq; est satis perspicua. Si enim ingressus futurus sit nociuus, attèta qualitate eius, qui ingredi vult, & attètis circumstantiis concurrentibus, vel quia in religione, quam ingredi tentat, dissolutè viuatur, & est verisimile, quòd ille plus Deo seruiet extra eam religionem, quàm in illa: vel quia, qui religionem ingredi tentat, leuis est, & difficilis admodum moribus, ita vt timendum sit longè maiora mala & scàdala sequenda esse ex ingressu, & ex retrocessione, quam sit bonum, quod ex ingressu speratur, iustè ac sanè dissuadetur ei ingressus. Memini me legisse apud Augustinum in sermone quodam ad Eremitas, id quod prudèter sanctus ille obseruauit, & sæpe experimur, estq; præ mentis oculis in multis habèdum. Nempe vt est proprium Dei, permittere mala, vt inde maiora alliciat bona: ita esse proprium diaboli, interdum ad bonum incitare, vt inde maiora mala sequantur. Inter iustas etiam causas religionis ingressum dissuadendi computari possunt, si qui ingredi vult, debilis admodum sit, qui continuò morietur, nec valebit sustinere labores eius religionis, quam ingredi vult, si impedimentum ad eam religionem profitendam habeat: si iustè sit timendum, quòd plus nocebit religiosus, quàm in ea religione proficiet: si parentes ipsius ac sorores admodum grauiter eo indigeant: & aliæ similes. Quæ dicta quo ad hanc tertiam partem sunt, confirmat non parum illud Christi Luca 9. Cũ enim quidam se Christo obtulisset ad illum sequẽ-

» dum in statu perfectionis, dicens: *Sequitur te quocum-*
 » *que iueris.* Cernens Christus, illum minùs aptum
 » ad id esse, quæsiturumque commoditates corpo-
 » ris, & plus impediturum suos alios discipulos,
 » quàm illos adiuturum in statu illo perfectionis,
 » illum ab eo proposito diuertit, nec admittere il-
 » lum voluit, dicens illi: *Vulpes foueas habent, & volu-*
 » *cres cali nidos: filius autem hominis non habet, vbi caput*
 » *suum reclinet:* quasi diceret, te autem non video ad
 » tantam renunciationem rerum ad tantamque
 » perfectionem scèdandam aptum ac paratum. Con-
 » tinuò autem alteri, quem ad id aptum vidit, non
 » se offerent, illum ad id inuitando, dixit: *Sequere me:*
 » Et cum ille respondisset: *Domine perimite mihi pri-*
 » *muire, & sepelire patrem meum.* Eam dilationem il-
 » li non admittit, sed ei suauit, vt illa posthabita, con-
 » tinuò ipsum sequeretur, dicens: *Sine vt mortui sepe-*
 » *liant mortuos suos; tu autem vade, & annuncia regnum*
 » *Dei.* Me scilicet, vnà cum cæteris discipulis meis, in

perfectionis statu sequendo, & ad ministerium annu-
 » ciandi regnum Dei animarumq; salutem inten-
 » tandi. Et cum continuò se alius ad id ei obtulisset,
 » dicens: *Sequitur te Domine, addidissetq; quasi ad id fa-*
 » *cultatem petendo: sed perimite mihi primum renuncia-*
 » *re his, qui domisunt.* Significando illi, eum qui eius-
 » modi perfectionis statum amplecti vellet, tanquã
 » ad eum aptus, omnino renunciare cætera omnia
 » debere, nec ad illa respicere, se illis quouis modo
 » implicando, dicens: *Nemo mittens manum suam ad*
 » *aratrum, in statu perfectionis animarum cultui ac*
 » *profectui insistenti, & respiciens retro, ac terrena &*
 » *sæcularia, quæ eum relinquere omnino oportet,*
 » *aptus est regno celorum,* hoc est, ei statui perfectionis
 » annu-
 » ciandi regnum Dei. Quæ omnia ante mentis
 » oculos habere debent, qui ad religionem alios ad-
 » mittunt, & qui perfectionem in religione sequi ag-
 » grediuntur.

Secunda conclusio: Si quis absq; vi ac fraude à re-
 » ligione eum extrahat, qui per professionem aut
 » per vota simplicia more nostræ societatis obliga-
 » tus est iam religioni, tenetur religioni ad restitutionem
 » damni inde ei sequuti, ad restitutionem vè
 » emolumentis, quod ex ratione religio amittit. Ad
 » nullam verò restitutionem tenetur extracto.

Posterior huius conclusionis pars ex eo est man-
 » ifesta, quòd vt conclusione præcedente, & præce-
 » dente disp. conclus. 2. est probatum, ex consilio, in
 » quo nec vis, nec metus, nec fraus, ac deceptio inter-
 » uenit, nulla constringit obligatio restituendi ei, qui
 » id consilium est sequutus. Tenebitur tamen lege
 » caritatis longè arctius, quàm alij, si qui eius damni
 » spiritualis causa eo modo illo fuit, curare, regres-
 » sum illius in religionem, illiusque conuersionem,
 » vt duobus locis citatis de iis, qui eo modo causa
 » sunt damni spiritualis, dictum est.

Priorem verò partem affirmant omnes, quos in
 » principio huius disputationis citauimus. Atq; sub
 » forma, qua est proposta, non negat eam Maior in
 » 4. disp. 15. q. 17. in fine. Neq; credo illam negarent So-
 » tus & Ledesma *vbi supra.* Vterque enim conclusio-
 » ne 7. tametsi sub dubio, consistit, eum, qui à re-
 » ligione professum extrahit, qui frugi erat religio-
 » ni, teneri ad restitutionem religioni damni ea de
 » causa religioni subsequuti: vt si ille cathedram
 » moderabatur, vnde prouentus religioni obuenie-
 » bant, teneri restituere religioni, quantum prudens
 » arbitrio id damnum religioni illatum æstima-
 » bitur. Neque item credo eam negare Nauarrum
 » in *Manu. c. 12. n. 44.* subscribit enim Maiori, qui il-
 » lam constringit. Probari autem potest, quoniam il-
 » le adstrictus erat religioni per vota ad parendum
 » in omnibus iuxta regulas ac institutũ eius religio-
 » nis: ergo religio ius habebat præcipiendi illi om-
 » nia, quæ essent iuxta regulas ac institutum eius re-
 » ligionis, atque percipiendi ex illis commoditates
 » quasunque, quæ inde euenire possent religioni, siue
 » illæ essent bonorum externorum diuitiarum:
 » siue honoris ac famæ religionis, siue profectus spi-
 » ritualis, aut in lteris, eorum qui de eadem sunt re-
 » ligione, & hæc omnia illi erant debita ex virtute
 » religionis ratione votorum, quibus illi est astric-
 » tus, non minus quam alicui ecclesiæ debeantur ea, quæ
 » illi per votũ reale sunt promissa, obligatio ad quæ
 » soluenda transit ad hæreses promittentes, quan-
 » do promittens, dum viueret, ea non soluit, vt tra-
 » ctatu 2. disputat. 62.6. est dictum, & in materia de vo-
 » to dicitur: qua de causa religio ad illa, quæ sibi ex
 » suo profectio provenire poterant, ius quasi ex ius-
 » titia habebat: ergo qui iniquo consilio contraue-
 » nit huic iuri religionis, in causaque est, vt iis priue-
 » tur, ad quæ ita ius habebat, quæque illi præ-
 » dicto modo erant debita, tenetur illi ad eorum
 » restitutionem, non minùs, quàm quicunque alius,
 » qui suo consilio in causa sit, ne aliquis id conse-
 » quatur,

quatur, quod sibi quacunq̃ue alia ratione erat debitum, & ad quod ius habebat iustitiam, teneatur illi ad illius restitutionem, vt tract. 2. Diff. 727. comprobatur est.

4 Video theologos quosdam huius nostræ ætatis ab hac conclusione, tametsi non ita verbosè comprobata, recedere non sine specie aliqua probabilitatis, ductos hac ferè ratione: Religiosus ipse professus, qui per motus eo pessimo consilio se subtrahit à religione, non tenetur restituere religioni dāna, quæ religioni ex eo suo iniquo ac sacrilego egressu sequuntur, quatenus religionem priuat emolumentis, quæ ex ipso erat perceptura, ad quæ religio ratione votorum, quibus professus ille et erat astrictus, habebat ius, erantq̃ modo explicato illi debita: ergo neq̃, qui eo iniquo consilio cōcausa fuit eius sacrilegi egressus, teneatur ad restitutionem religioni illorum eorumdem damnorum. Cōsequentiam, licet illi eam non probent, possumus nos probare. Tum quia religiosus ipse professus est magis præcipua causa religioni eorum damnorum, quam sit is, qui suo consilio fuit concausa eius iniqui egressus, eorumdemq̃ damnorum: vt enim in materia de restitutione copiosè explanatum est, exequutor damni magis præcipua causa est illius, q̃ sit consilens: si ergo religiosus ipse non tenetur ea restituere religioni, multo minus tenebitur ea suo consilio concausa fuit egressus illius, eorumdemq̃ damnorum. Tum etiam, quoniam, vt in eadem materia de restitutione explicatum fuit, consilens, quando non decipit eum, cui id consilium dedit, quo per motus damna aliqua iniuste intulit, non tenetur ad restitutionem eorum damnorum, nisi in defectum exequutoris, qui eorumdem damnorum fuit causa magis præcipua, atq̃ si consilens in defectum exequutoris ea damna restituat, teneatur exequutor ei restituere, quod loco eius restituit: si ergo religiosus ipse non tenetur restituere religioni prædicta damna, multo minus tenebitur ea idem religioni restituere, qui suo prauo consilio concausa religio illi fuit eius egressus. Antecedens verò illius suæ rationis probant auctores eius sententia. Quoniam religiosus ille professus non est per suam professionem religioni deuinctus veluti mancipium comparatione domini, cui de iustitia debentur opera mancipij atq̃ emolumenta, quæ ex eis sunt prouentura, sed religioni est deuinctus vt filius patri: vnde Basilus in regula de prælati-
 >> ait, *Patres se agnoscant, non dominos.* Et Augustinus in
 >> sua regula ait: *Ille autem, qui vobis præst, non se existimet potestate dominare, sed caritate seruente suum.* Et
 >> paulò inferius, *Superiorem tanquam patri obediatur.* Et
 >> Christus Lucæ 22. *Principes gentium dominantur eorum, vos autem non sic.* Quia ergo religiosus professus non vt mancipium est deuinctus religioni, sed vt filius, ea quidem emolumenta, quæ ex industria & operibus religiosi obueniunt ac resultant, eo ipso quod resultant atq̃ obueniunt, debentur religioni ex iustitia, ita quod non religiosus ipse, sed religio ipsa dominium ac ius iustitiæ ad illa acquirit: quia de causa si religiosus illa prælato non offerat, sed ipse vsurpet, furtum committit: vnde Augustinus de eo religioso ait: *Est furti iudicio condemnandus.* Ceterum eadem emolumenta, antequam resultant ac existant, non debentur à religioso ipso religioni, nisi ex obedientia atq̃ ex virtute religionis ratione votorum, quibus religioni est traditus & astrictus; atq̃ adeò debetur religioni ex hypothesi, si resu-
 >> lant atq̃ existant: quia solus religiosus est, qui per se est religionis, tanquam illi iam per vota astrictus & effectus religionis: emolumenta verò ex illo sunt religionis, si existant, solum religio habet ius ad illa, si existant, atq̃ quatenus præcipere, & iniungere obedientia potest religioso, ratione eorumdem votorum, quibus religioni est astrictus, vt ea effici-

at, ex quibus emolumenta illa resultant & obueniant religioni. Et quia emolumenta illa non sunt à religioso debita religioni ex iustitia, neq̃ aliter religio habet ad illa ius iustitiæ, quam si illa existant, ab eoque religioso proueniant & emanent, inde prouenit, quod si religiosus sacrilegè à religione egrediatur, ab eaque apostatet, licet teneatur ad religionem regredi vi suorum votorum, non tamen tenetur restituere religioni emolumenta, quibus medio illo tempore apostasie religionem iniquè priuauit, estò postea habeat vnde illa restituat, vt si à summo Pontifice dispensationem obtineat vt maneat in saculo, & habeat pingue beneficium, vnde emolumenta illa medijs illius temporis possit resarcire: aut si regressus ad religionem, ex dispensatione eiusdem summi Pontificis habeat in religione liberam dispositionem aliquorum bonorum, non tenetur inde ea emolumenta restituere religioni, quibus eam priuauit, neque vnquam aliquis id affirmavit. Quia eadem ratione, si religiosus cathedram moderetur, vnde reditus non modici obueniant monasterio, religiosusque ille sua culpa tempore aliquo non legat, priuaretque monasterium contra prælati voluntatem emolumento eius temporis, non tenetur illud postea restituere monasterio, estò bona sibi concessa habeat, de quibus liberè possit disponere, & vnde emolumenta illa possit restituere, neque vllus vnquam id affirmavit.

Arbitror verò recedendum non esse à conclusione proposita. Licet enim religiosus ipse de iustitia restituere non teneatur ea emolumenta, quibus illa sacrilegè atq̃ inobedienter iniquè priuat, quia non cum tanto onere censetur se religioni in Dei obsequium tradere, neq̃ id habent, neque rationabiliter haberent ac disponenter instituta religionum, per episcopiamque legum, & quarumcunque aliarum dispositionum interpretatum talem, id ita est intelligendum, nihilominus, qui suo iniquo consilio permouet professum, vt religionem egrediatur, & in consequentiam vt suo egressu religionem eis emolumentis sacrilegè atque iniquè priuet, vtique causa est iniusta religioni eorum damnorum, contraueniendo iuri illi, quod religio habet, vt ea emolumenta ex suo religioso recipiat. Sicut enim si eum religiosum decipiendū suo consilio & falsis situationibus illum extraheret à religione, causa est iniusta religioni eorumdem damnorum, tenereturque proinde illa restituere religioni tanquam illorum causa iniusta, nihil impediende quod religiosus ipse ad nullam restitutionem teneretur in illo eodem euentu, estò culpabiliter se decipere sineret, & peccaret ex eo consilio egrediendo, vt iij ipsi, cum quibus disputamus, affirmant, & postea dicitur: idemq̃ esset, si per metum incussum, aut vim aliquam, quæ eum religiosum à culpa lethali eiusdem egressus minime excusaret, eum à religione extraheret, idq̃ propterea quod in utroque euentu, qui id consilium daret, eum vè metum aut vim ad eum egressum inferret, contraueniret iuri, quod religio illa habet, vt ex suo religioso ea emolumenta percipiat, quod ius licet non sit iniustitia comparatione religiosi, est tamen longè maius, quam sit ius, q̃ quis habet, vt ea legata & donationes recipiat, quæ quis sua libera voluntate ex meritaq̃ sua liberalitate voluerit ei efficere: cui iuri si aliquis contraueniat, impediendo ne fiant ea legata aut donationes, decipiendo illa efficere volentem, aut per vim aut metum illum à proposito illa faciendi auertendo, peccat contra iustitiam aduersus eum donatarium ac legatarium, teneturque illi restituere damnum priuationis inde secuta eorum legatorum ac donatorum, estò qui illa facere volebat ea non deberet, ad nullamque reneatur restitutionem, vt tractat. 2. Diff. 727. cum
 commu-

communi doctorum sententia dictum comprobatur; est; ita sanè res habet inpropolito: qui enim iniquè professio religionis egressum persuadet, contrauenit illi iuri, quod verè habet religio recipiendi ea emolumèta ex suo religioso, eaq; contrauentio iuri illi ex parte ita consulenti, iniustitia est comparatione religionis illius, est d ius, cui contrauenitur, non fit iustitiæ comparatione religionis, sed fit ius ortum habens ex virtute religionis & ex obligatione votorum: sicut qui contrauenit iuri legatarij aut donatarij, vt recipiat donationem aut legatū ab eo, qui ea ex liberalitate ei facere voluerit, contra iustitiam peccat, & ad restitutionem tenetur, est d ius illud non fit iustitiæ comparatione eius, qui ex liberalitate legare aut donare vult.

Ad argumentum verò in contrarium, concessio antecedente, neganda est consequentia. Ad primā verò consequentiā probationem dicendum est, quod quamuis religiosus ipse sit magis præcipua causa eorum damnorum, detrimente illius religionis, quam sit is, qui egressum illi consuluit, ac persuasit, nihilominus religiosus non est causa iniusta illorum, sed sacrilega solum: consulens verò eum egressum est causa iniusta eorum damnorum, contraueniendo iniustè iuri illi religionis, est d ius illud non fit iustitiæ comparatione religionis illius, vt dictum est. Vnde concessio antecedente eius primæ probationis neganda est consequentia: quoniam causa magis præcipua eorum damnorum, seu eius detrimenti, non est causa iniusta: qui verò egressum & in consequentiam damna illa consuluit, est causa eorum iniusta; obligatio autem restituendi oritur ex solo peccato cōtra iustitiam, quādo obligatio restituendi non est ex parte rei acceptæ, vt in re præsentī non est. Ad secundam verò probationem dicendum est, ea omnia, quæ in illius antecedente continentur, vera esse, quando vterq; contra iustitiam peccat comparatione damnorum illatorum: non verò quando solus consulens contra iustitiam peccat, vt quādo decipit executorem, ita vt exequutor ab iniustitia excusetur, aut quando quacunq; alia ratione solus consulens & non exequutor contra iustitiam peccauit. Vnde cōcessio antecedente, quando vterque contra iustitiam peccauit, neganda est consequentia: quia in re præsentē solus consulens peccat contra iustitiam.

5 Qui ergo iuxta tenorem prioris partis secundæ conclusionis proposita incausa fuerit, vt aliquis religionem egrediatur, de iustitiæ rigore tenetur religioni, quantum prudentis arbitrio æstimabūtur prædicta omnia damna, vt contraria bona, ad quæ religio habebat ius, erant tunc in potentia. Autores in principio huius disputationis citati, restitutionem esse faciendam reducendo illum iterū ad religionem, vt cessent ea damna. Aut si is, qui illum extraxit, nōn possit id ab eo assequi, inducendo alium æquè idoneum, atque æquè vtilem religioni, qui eandem religionem non fuisset alioquin ingressurus, vt loco illius profiteatur. Quod si neq; hoc efficere possit, restituat, inquit, ingrediendo ac proficundo religionem loco extracti, vt fecit Raymundus.

6 Maior tamen, Nauar. Sotus, & Ledesmius locis citatis, quos sequuntur hodie Theologi aliqui, negant, hunc teneri ingredi religionem. Imò Sotus & Ledesmius, quos prædicti theologi sequuntur, inquit, neq; teneri quærere alium, qui loco egressi religionem ingrediatur. Primò, quoniam consiliū religionem ingrediendi nemo, nisi summa cum libertate, sequi tenetur: est quippe exequutio eius consilij perdifficilis: eo quod, qui religionem proficitur, totam suam libertatem à se in perpetuum abdicet, eaque de causa canonico iure sanctè est institutum, vt professionem antecedit annus probationis, quo ingrediens deliberet, an vires,

ad id sentiat: ergo in nullo euentu tenetur quis religionem inuitus ingredi: neq; vllus casus seu euentus mutare potest illud Christi verbum Math. 19. *Si vis perfectus esse, vade, &c.* Sed semper id liberum est relinquendum voluntarij ingreditus.

Secundò, nemo ad fidem, nisi voluntarius admittitur: ergo multo minus tenetur quis inuitus sequi consiliū ingrediendi religionem.

Tertiò, quoniam obligatio restituendi in foro conscientie nō oritur, nisi quando, si id in foro exteriori constaret, in eodem exteriori foro secundū leges cogere tur is, de quo id constaret, restituere. Summus autem Pontifex in foro exteriori non obligaret, eum, qui alium à religione iniquè extraxisset, religionem loco extracti profiteri.

Quod attinet ad restituendi modum, tertia nostra conclusio in ordine est. qui extrahit aliquem à religione, ex cuius egressu religio nullo manet priuata emolumento, quia tantum cum eo religio infumebat, quantum emolumentum ex illo percipiebat, & quia potius religio illum adiuuabat, quàm ab eo adiuuaretur, ita vt ex illius egressu, omnib; computatis, nullum detrimentum siue damnum religioni proueniat, præsertim cum loco egressi faciliè recipiat æqualem aut idoneiorem, qui non ad eò leuis & inconflans sit in Dei obsequio, vt illud deserat, sed damnum est solum egredientis, tunc is ad nullam restitutionem tenetur religioni, est d extractus idoneus religioni est. Probatur, quoniam inde nullum damnum manet in religione, saltem quod non faciliè refarciat ingressum alterius equè idonei; cum vnumquodq; cōnobium alere nō possit nisi certum numerum.

Quarta conclusio. Quando damnum permanēs religioni ex ea religionis extractione esset sequutum teneretur, qui eū extraxit, illud integrè refarcire, saltem compensando illud alius bonis, vel remissionem eius damni ex religione obtinere. Quod si vel remissionem obtinet, vel sufficienter illud refarciat reducendo egressum aut aliquid insuper compensando, si ita necesse eriam sit pro damno medij temporis, vel inducendo alium æque vtilem ac idoneum, vel alius suis bonis, non tenetur ipse tunc religionem ingredi. Hanc affirmant Maior & Nauar. *ibi supra*, & ex se est, satis perspicua: quoniam sufficienter satisfacit damno illato: neque tenetur restituere suo ingressu, quod aliunde sufficienter restituit.

Duo admonuerim: Vnum est, si loco egressi sufficiat monasterium alium, quia habet certum numerum, quem possit alere, & propterea quod extractus recefferit, alium recipit, tunc iuxta idoneitatem de nouo recepti, compensatum erit aliquid damni antea dati, aut totum id damnum, est d absque sua fione atq; industria eius, qui damnum dedit, sit hic alius receptus: quippe cum receptus non fuisset, nisi loco egressi.

Alterum verò est, quando restitutio fieret regressu eius, qui fuerat extractus, tunc si monasterium in damno aliquo adhuc maneat medij temporis inter exitum & regressum, quod regressu nō refarcia- tur, aut propter egressum damnum aliquid maneat in futurum; quia ille non regredietur adeò vtilis: tunc eam partem damni remanentem teneri eum restituere, qui causa iniusta fuit egressus, vt est notissimum, iuxta opinionem, quam secunda cōclusio sequimur.

Quinta conclusio. Quādo qui prædicto modo fuit causa damni notabilis, in quo religio ob egressum sui religiosi manet, non potest alio modo illud refarcire, quàm suo ingressu, atque ipsius ingressu refarcietur omnino, aut magna ex parte, tunc is tenetur eam religionem ingredi, nisi religio illi remittat id damnum ei illatum. Hæc est doctorum, quos in principio huius disputationis citauimus:

Probari

probari autem potest, quoniam si tenetur restituere id damnum iniuste ab eo datum, vt conclusio-
ne 2. ostensum est: neque potest illud alia via resti-
tuere, vt supponimus, & posthac ergo tenetur hac
via illud restituere: presertim cum argumenta con-
trariæ opinionis non concludant.

Ad primum ergo dicendum est, antecedens esse
verum, quando ille vel sua sponte vel sua culpa nō
induxit supra se obligationem illud exequendi: si
autem eam obligationem super se induxit, iam tūc
non tenetur illud facere vt nudum consilium, sed
vi obligationis ex præcepto vel restituendi, vel im-
pediendi votū, quod super se induxit. Sicut enim si
is vouisset religionis ingressum, nō negabit Sotus,
teneri eum ingredi religionem, nihil impediēte
quod Christus, dum de religionis ingressu intra li-
mites consilij est loquutus, dixit: *Si vis perfectus esse*
uide, &c. nihilque item impediēte quod ecclesia
probationis annum ante professionem statuerit:
ita non est cur neget iurē vt negare possit, quando
sua sponte ac culpa extrahendi alium à religione
super se induxit obligationem restituendi religio-
ni grauius damna ea via iniuste ei data, neque habet
aliam viam, qua eam restituat, nisi ingrediendo
religionem, teneri eum illam ingredi non obsta-
nte, quod Christus vt consilium reliquerit homini-
bus religionem ingredi, & quod ecclesia id de pro-
bationis anno ante professionem statuerit.

Secundum verò argumētum si quid probat, so-
lūm profectō est, neminē extrinsecē coactione esse
cogendum ingredi religionē ob maiora mala, quæ
sequi possent, si eo modo extrinsecē coactus reli-
gionem ingrederetur: quemadmodum ob eādem
rationem, & quia ecclesia vim cogendi in eos non
habet, qui extra ecclesiam sunt, vt hēdem amplectā-
tur, ecclesiamque ingrediantur, eos ad id non cogit.
Non verò id argumentum probat, illū, de
quo loquimur, non teneri ingredi religionem, est
reluctantem ad id sentiat voluntatem, vt ea via id
restituatur, quod tenetur restituere, & quod alia via
restituere non potest. Quin potius argumentum
retorqueri potest ad contrarium probandum. Si-
cut enim quiuis profiteri tenetur catholicam fidē,
nihil impediēte, quod ad id reluctantem habeat
voluntatem, quoniam ad id iure diuino obligatur:
ita quando aliquis sua sponte induxit super se ob-
ligationem ingrediendi religionem, quia induxit
super se obligationem restituendi, quam alia via
implere non potest, & ea via potest, tenetur eam
ingredi, nihil impediēte quod ad id reluctantem
habeat voluntatem.

Ad tertium neganda est maior. Qui enim vendit
vltra iustum pretium rigorosum, tenetur in fo-
ro conscientie restituere: & tamen est id consuetū
ac probetur in exteriori foro, non cogitur in eo re-
stituere, nisi simul probetur excessum fuisse vltra
dimidium iusti pretij: ne enim multiplicentur li-
cet, & sequantur maiora mala, neque ciuile neque
canonicum ius concedere voluerunt actionem in
eo euentu, vt tractatu 2. in materia de emptione &
venditione dictum est. Atque idem esse posset in
re, de qua loquimur, ne si is ingredi religionem in
foro exteriori cogeretur, sequerentur inde maiora
mala.

Sexta conclusio in hac disputatione est: Qui ab-
que rationabili ac iusta causa, vi, metu, aut de-
ceptione, aliquem ab ingressu religionis impedit, aut
iam ingressum inde extrahit, vel ante vel post pro-
fessionem, aut emissā vota, tenetur ad restitutionem

nem, tum religioni, quantum æstimabuntur emo-
lumenta, quæ religio est ea persona poterat perci-
pere, vt ita erant in spe: tum etiā impedito, auferē-
do ab illo impedimenta, quæ ille apposuit, liberū-
que omnino relinquendo, vt religionem ingredia-
tur, aut vt ad illam regrediat, & in super illi re-
sarciendo, si quod aliud damnum sit inde ei subse-
quutum, quod ipse per se ipsum, si velit, non possit
resarcire. Prior pars quod ad eum attinet, qui iam
per professionem aut per simplicia vota religioni
erat astrictus, probata est conclusione 2. multoque
dilucidior est, quando interuenit vis, metu, fraus,
seu deceptio, illamque in hoc euentu asserunt
theologi huius ætatis, qui à secunda conclusione
recedunt, propter ea quæ mox subiugemus. Quod
verò ad eum attinet, qui nondum religioni erat a-
strictus, probatur. Quoniam licet religio nondum
ius ad ea emolumenta haberet, habebat tamen ius
vt illa perciperet, si aliquis sua sponte se vellet ei a-
stringere, religiosusque in ea fieri, cui iure contra-
uenitur iniuste in eo, quod aliquis mendacis, vi,
aut metu absque rationabili causa retrahatur ab
ingressu in ea religione: non secus atque contraue-
nitur iuri, quod vnusquisque habet vt percipiat do-
nationes & legata ab eo, qui ex sua liberalitate vo-
luerit ea illi conferre, si mendacis, vi aut metu ille
retrahatur à collatione earum donationum aut
legatorum ipsi faciēda: quare sicut, qui ita iniuste
impedit collationem donationum aut legatorum,
tenetur ad restitutionem eius damni eo modo im-
pedito sequuti, vt tract. 2. Disp. 727. ostendimus: sic
qui modo explicato iniuste impedit aliquem ab
ingressu religionis tenetur ad restitutionem reli-
gioni emolumentorum, quæ inde esset perceptura.
Posterior verò conclusio pars ex his liquet, quæ
conclusio prima disputationis præcedentis dicta
sunt. Is enim inuoluntariē mixtē impeditur à ma-
gno eo bono spiritali, ac proinde, qui eo modo
iniuste eum impedit, tenetur auferre causam in-
iuste impediētem, vt is id bonum possit conse-
qui, & in super teneatur illud restituere, si quod aliud
damnum inde fuit ei sequutum.

Illud postremū est hoc loco obseruandum, pœ-
nam excommunicationis ipso facto incurrendam
statutam esse in concilio Tridentino sess. 25. c. 18. de
regularibus tam cogentibus, non quocumque sed
mulieres, ingredi religionem, quā impediētib⁹
illas volentes religionem ingredi, ab ingressu, idq^{ue}
his verbis: *Anathemati sancta synodus subicit omnes & c.*
*singulas personas, cuiuscunque qualitatis vel conditionis fue-
rint, tam clericos, quam laicos, seculares vel regulares, atque ec-*
etiam qualibet dignitate fungentes, si quomodo cunque co-
egerint aliquam virginem, vel viduam, aut aliam quam-
cunque mulierem inuitam, præterquam in casibus in iure
expressis, ad ingrediendum monasterium, vel ad suscipien-
dum habitum cuiuscunque religionis, vel ad emittendam
professionem, quique consilium, auxilium, vel fauorem
dederint, quique sciētes eam non sponte ingredi monaste-
rium, aut habitum suscipere, aut professionem emittere,
quoquo modo eidem actui vel presentiam, vel consensum,
vel auctoritatem interpeuerint. Simili quoque anathema-
ti subicit eos, qui sanctam virginum, vel aliarum mulie-
rum voluntatem vel capiendi, vel voti emittendi, quoquo
modo sine iusta causa impediunt. Atque hæc dicta sunt
de quarto hoc de luititia tractatu ad laudem &
gloriam omnipotentis Dei Patris, Filij, & Spi-
ritus sancti, nec non intemeratæ sem-
per virginis Dei genitricis
Mariæ.





by [illegible]

AL 976 1783864 02-27620 v.5



